






U 5. Miscell. 3.




- 1) Harch. De eucharistiae mysterio. Worms.
- 2) Abdia Libertinus. Syntagma uniuersae de sacrosanctae  
coepae sententia
- 3) Apologia brevis Jacobi Grynei 1584.
- 4) Cuculus Calvinisticus 1585. Helder.
- 5) Falco a Marco. Reuulero enissus
- 6) Menius. Oratio de periodicis & mutationibus caussis  
in imperiis 1571.
- 7) Jacobi Grynei Oratio de vita Wridebranni 1585.























DE  
EVCHARISTIAE

MYSTERIO, DIGNI-

U3 TATE, ET VSV:

*Ex vnanimi primitiue Eccle-  
siae consensu,*

Ad omnium eorum, qui CHRISTI nomen  
profitentur, sedandas Controuersias,

LIBRI III.

IODOCO HARCHIO MONTENSE

*Medico auctore.*

DEUTER. 32.

*Interroga patrem tuum, & annuntiabit tibi: seniores  
tuos, & dicent tibi.*



VORMATIAE

APVD DAVIDEM CEPHALAEVM

*No. 52. Ex libris Simonis Loeuiz*



*LIBRORVM III.*

*ARGVMENTVM.*

Primus tractat de dignitate & myſterio ſacroſanctæ Eucharistiæ.

Secundus de debita veneratione Eucharistiæ, & neceſſaria illius ſumptione ſub vtraque ſpecie.


Tertius de vero vſu & intellectu tam viſibilis quàm ſpiritualis ſacrificij, & de illius magno & horrendo hætenus abuſu.



327




Ob. 6. II. 3065





# IODOCVS HARCHIVS MON- TENSIS MEDICVS

OMNIBVS IIS, QVI IESV CHRI-  
sti sacrosanctum nomen profitentur, tam Catholicis  
quàm Euangelicis vulgo dictis, Principibus illu-  
strissimis, Rebuspub. clarissimis, pacem &  
charitatem precatur Christianam.



*T* NEMO est, qui satis admirari queat,  
Principes potentissimi, clarissimi Ciues.  
mutuum illum inter sese Angelorum con-  
sensum, quo throni dominationibus mixti,  
& Archangeli cum Cherubin imparibus  
licet ordinibus consociati, Deo concordi vo-  
luntate famulantur. Ita excedit captum

humane mentis, quomodo in hac visibili rerum facie omnia  
sibi ordine quodam consentiant. Videmus enim inferiora hæc  
rebus generandis necessaria elementa quodammodo à supe-  
riorum cælorum nutu pendere, neque prius suos effectus ede-  
re posse, quàm ista in illorum gremium nescio quid sui beni-  
gnius diffuderint. Alioqui quid sit, vt elementorum inter se  
commixtio nihil perfectum efficiat, nisi cælestium benignitas  
secreto caloris afflatu vitam contribuat? Iam quis in Mi-  
crocosmo non admiretur firmam illam animæ cum corpore  
connexionem per tenuissimos spiritus, pro quorum varietate  
variâ quoque triplicium operationum videas naturam?  
Quòd si Platonice rempublicam intuearis, quam effatu  
etiâ, nedum explicatu erit arduum, quo pacto illa se suis  
pulchrè sustineat viribus, quandiu scilicet & Dei & homi-  
num rectè institutis legibus obediendo, plebi cum magistra-  
tu conuenit. Proinde vt horum ratio est difficilis, ita vi-  
dere est, Deum omnibus rebus ordinem quendam indidisse,  
quo alia alijs aut imperent aut seruiant. Qui quidem or-

In omnibus re-  
bus Deus ordi-  
nem constituit.



Confusus re-  
rum ordo in na-  
tura quid ge-  
neret.

do si confundatur in rerum natura, pro rebus genuinis, mon-  
stra quadam generari solent: si in hominis spiritibus mors i-  
psa subsequitur: si in Angelis, ut semel factum est, per demon-  
nis superbiam destinatur infernus: si in republica, omnium  
& disidiorum & errorum portentum quoddam efformatur.  
Priorum exempla & nunc & olim ex publico naturæ errore  
manifesta sunt. Posterioris vero generis permulta viderunt  
Græci, plurima Romani: at hisce nostris temporibus quacumq;  
exhiberi poterant, viderunt florentissimæ Germanorum, An-  
glorum, Gallorum respub. Quinimò ante aliquot secula uni-  
uersus & Oriens & Occidens. Nam ubi semel placuit nimium  
& Dei & sui oblitis Romanis Pontificibus, qui in humilitatis  
sedem se successisse magnifico interim rerum externarum ap-  
paratu, gloriabantur, Domini nostri Iesu Christi institutis, &  
neglectis & euersis, sua inuentionis præponere culturam, ut-  
pote aut commendabiliorem, aut diuinis rebus maiore orna-  
mento futuram, nihil sic fuit ex Deo, quin ferè in demonis  
formam sit transmutatum, nihil sic veram sanctitatem re-  
doluit, quin in hypocrisis abierit. Deniq; nihil sic fuit à Do-  
mino sancitum ad pietatem & humilitatem, quin mox su-  
perbie & impietatis ascuerit larvam. Vnde factum est, ut  
paulatim subducentibus se colendi & cognoscendi Dei veris  
rationibus, crassa & damnabilis rerum salutiferarum igno-  
rantia, superstitio intoleranda, idololatria quoq; nunquam  
à Christianis expectanda, præcipua fuerint thura & holo-  
causta, quibus nobis placari Deum, & docuerunt cæci Ponti-  
fices, & paribus cum illis implicata erroribus plebs, tum cre-  
didit, tum persuasum habuit. Hinc iure merito iratus Deus,  
horrendis quotidie & inauditis plagis mundum afflixit, ut  
saltem tantarum tribulationum & atrocitate & crebritate  
miserabile genus mortalium admonitum tandem resipisceret,  
& ad unius & solius veri Dei cultum, relictæ idolomania, se-  
se conuerteret. Neque enim quicumque Deum adorant (ait  
Cyrillus libro quarto in Iohannem, capite vigesimo quinto.)

Cur Deus tot  
& tā uarijs ca-  
lamitatib. mun-  
dum affligit.

Deo



## DEDICATORIA

Deo accepti sunt, sed qui recta fide adorant, qui pauci sunt (inquit). Quamobrem singulari Dei beneficio, bonitate, & prouidentia per singulorum temporum curricula, per singulas ferè totius orbis prouincias extiterunt tum pietate diuina tum eruditione excellentissimi homines, qui calamitatũ causas flebili concionandi modo hominibus explicarent, & futuræ damnationis pericula præmonstrarent. Quibus tamen tantum abest ut creditum sit, ut potius illi ipsi ad horrenda fuerint pertracti supplicia, & infamie hæreseosq; perpetue notam incurrerint. Ista non esset mihi difficile ex veterum historiæ aceruo huc allata delineare verbis tum admiranda, tum deploranda, nisi nostra ætas oculis etiam nostris plura quàm uelimus obijceret. Quorum si quis aut uelit, aut possit imagines intueri, adeat Angliam, Scotiam, Galliam, ubi inueniet quod et lachrymis prosequatur ob pietatem si quam habet, & quod orationibus ueluti uindictæ cupiditate persequatur, si quis Dei zelus animum occupet. Quis alioqui citra lachrymarum fontem videre possit infinitos ignes instructos à Christianæ religionis (ut putantur) coryphæis, in quibus & nudi & uini exurantur tũ sanctitate, tum eruditione clarissimi uerbi Dei ministri, infantes pueri & puella, uiri, et nobiles matronæ numero infiniti penè. Sed quamobrem obsecro? Quia nimirũ omnem honorem, omnẽ gloriam soli Deo debitã, Deo quoq; seruata[m] uoluerunt. Quia omne quod è supernis manat ad nos beneficium, soli & uni Deo tum acceptũ ferendum, tum ab eo expectandum postulandumq; per fidei preces quia demig; unicũ Deum & inuocare, & illũ in solo spiritu et ueritate potissimũ adorare constanter docuerunt. Scio quid huc adferre soleant nõnulli, cũ dicunt merito eos talia passos. Primò quia Patrum Apostolorumq; reijciunt traditiones & doctrinam non scriptam. Secundo quod Eucharistiam adorare nolunt, quæ est corpus Christi. Quibus sic est breuibus respondendum. Etenim quòd ad traditiones attinet, certum est, neminem magis eas spernere quàm faciunt Pontificij, non

Nõ omnes qui adorant Deũ accepti sunt Deo, sed qui recta fide id faciunt.

Christo Christiani exusti.



*solum eas quæ Apostolicae sunt, sed inulto magis quæ diuinae. Vnam atque alteram recitabo Apostolicam exempli gratia, quarum & contemptus & neglectus causa fuit eius quam videmus ruina ecclesiastica. Sic igitur scribit Leo primus, Episcopus vere magnus ante mille annos. Alienum est ab ecclesiastica constitutione ut qui in presbyterali honore aut Diaconi gradu fuerint consecrati, ij pro suo aliquo crimine per manus impositionem remedium accipiant poenitendi, quod sine dubio ex Apostolica traditione descendit, secundum quod scriptum est. Sacerdos si peccauerit quis orabit pro eo? Vnde huiusmodi lapsis ad promerendam misericordiam Dei priuata expetenda est secessio, ubi illis satisfactio si fuerit digna, sit etiam & fructuosa. Hæc quidem Apostolica traditio, sed quis Pontificiorum hodie à tot sæculis obseruat? Scribit idem Leo ad Episcopum Narbonensem. Nulla ratio finit (inquit) ut inter Episcopos habeantur qui nec à clero, nec à plebe sunt expetiti. Vnde cum quaestio de male accepto honore nascatur, quis ambigit nequaquam istis esse tribuendum, quod non docetur fuisse collatum. En alteram & diuinam quoque teste Cypriano, teste Origene, teste Clemente, teste omnis vetustatis consuetudine Apostolicam traditionem, ut Episcopus non creetur sine suffragio plebis, at ubi hodie talis? Hæc si considerasset Franciscus Thurianus vir aliqui doctus non ita absurde scripsisset & confusè de Hierarchica ordinatione, in qua illud serio præterit quod ipsius Clemens in Apostol. constituti. in persona Petri dicit li. 7. cap. 2. Episcopum ordinari debere omni ex parte reprehensione carente, et ab omni populo electum, qui, inquit, die Dominica constituatur in medio cleri & populi, & ab alio Episcopo alta voce tunc dicatur. Estne hic (ô Domini) quem petitis in rectorem? censetis eum dignum hac illustri gubernatione? fuitne & adhuc nunc est cultor vere pietatis erga Deum, & iustitie erga homines? Domumne suam recte administravit? Demum ijs annuētibus quod talis sit, per tres vices ordinetur.*

*Alioqui*



## DEDICATORIA

*Alioqui (ut idem Clemens ait lib. 8. cap. 1.) qui sic non ordinatur, sed aut nequitia, aut imperitia, vel in Episcopatu, presbyteratum, aut diaconatu nec iustus, nec ueritatis studiosus, nec ualens predicare uerbum Dei, nec procedens in mandatis Domini, qui talis non est, neque certe Episcopus est (ait) sed falso nomine gaudet, ut qui non à Deo sit constitutus, hac Clemens.*

*Cuperem nunc scire à prædicto Thuriano aut quouis Iesuita quomodo poterunt defendere suos presbyteros, pastores, & monachos, sacerdotes, ne dicā Episcopo falsitatis nomine et pseudo presbyterorū? Scio adducent mihi illud Irenæi dicentis li. 4. c. 44. Oportet ijs qui in ecclesia sunt obaudire presbyteris, qui successionē habent ab Apostolis, qui cū Episcopatus successionē charisma ueritatis certum secundum placitum patris acceperunt. Reliquos uero qui abscedūt à principali successionē et quocūq; loco colliguntur, suspectos habere (nō dicit exurere) vel quasi hæreticos et male sententia, vel scindentes et elatos, et sibi placētes, aut rursus ut Hypocritas quastus spe aut uana gloria hoc operantes. Qui adferentes ignem alienū, id est alienā doctrinā (audiant hæc pastores etiā qui aliquo nomine Euangelij gloriantur et orēt humiliter Deū pro cognoscēda ueritate) à cœlesti igne cōburentur. Hæc Irenæus Apost. penē discipul⁹. Nunc quid si ego D. Thuriano ostendā aut Oecolāpadium, aut Bucerū, aut M. Lutherū qui successionē habet Apostolicā & auctoritatē ad prædicandū per manus impositionē, idēq; à Petri sede (si hoc requirit) demū et ordinate electū à clero et populo Wittēbergensi in pastore iuxta Clem. regulā, quid inquam ille cū suis respōdebunt? Quod si alterū membrum in eo requirunt, nimirū ut Charisma ueritatis habeat. Prodeant, et certent cū Augustana confessionis authorib. Et si iudicē equū requirunt admittent (opinor) utriq; August. clamantē. Non audiamus, hæc dicit Lutherus, hæc dicit Papa, sed hæc dicit Dominus. Audi igitur Thuriane teipso teste clamantē Dominū Deū per vocē Clementis. Episcopus eligatur à toto populo inculpata uita, erudit⁹, sãctus, et qui nouerit annūtiare populo*

Qui sint habē  
di & honoran  
di pro ueris pa  
storibus.

Augustana cō  
fessio catholi  
ca.



verbum veritatis. Hoc esse faciendum affirmat Lutherus &  
 fecit facitq<sup>ue</sup> hodie eius successio per vniuersam Saxoniam,  
 Augusta, Norimbergæ, Argentorati: produc huc tu talem ve-  
 strorum ordinationem. Rursus Dominus precepit: Bibite ex  
 hoc omnes. Lutherus Deo omnipotenti obediendum clamat,  
 vos dicitis, Non est necesse. Dominus dicit: Inuoca me in die  
 tribulationis tue. Hoc faciunt pij Evangelici & in pietate.  
 Vos cogitis vestros etiam & defunctos inuocare homines. Do-  
 minus dicit: Adorabis Dominum Deum tuum, & illi soli ser-  
 uies. Vos prætento igne & gladijs pertrahitis vestros ad ima-  
 ginum ligneorum cultum. Dominus dicit. Qui credit in me  
 transiit de morte ad vitam. Vos dicitis, transibit de morte ad  
 pœnam. Dominus dicit: Cùm ea feceritis quæ præcepta  
 sunt vobis, dicite, serui inutiles sumus. Vos affirmatis quod e-  
 tiam si vix inceperitis quidem facere quod præceptum est, vos  
 habere opera supererogationis. Dominus dicit, Gratis sine o-  
 peribus iustificatur homo, & credit ei Lutherus. Vos dicitis,  
 opera mereri iustificationem. Dominus exigit obedientiam in  
 choatam iuxta sua mandata, & moralis legis obseruantiam  
 pro cuiusque facultate possibilem, damnat autem supinos &  
 contemptores: id quod diligenter annuntiant Evangelici.  
 Vos præteritis Dei mandatis exigitis obedientiam iuxta tra-  
 ditionem humanam, & huic pollicemini ex opere operato & si  
 ne bono motu cordis ex fide vitã aeternam. Sed redeo in viam.  
 Videat nunc æquus lector vtri ecclesiæ adherere aut velit aut  
 debeat, illi ne, quæ ut sequitur, diuinam ordinationem, & etiã  
 libenter sequeretur omnem Apostolicam traditionem si per  
 tempora & charitatem liceret, an illi quæ & illam & hanc  
 contemnit. Sed dicet aliquis forsitan non malo zelo, Papa &  
 Episcopi dispensarunt super constitutionibus Domini: & san-  
 xerunt (verbi gratia) sufficere laicis alteram speciem sacra-  
 menti. At audiat ille idem quid Bernardus confidenter pro-  
 nuntiet libro de Dispensa. & præcep. In diuinas traditiones  
 (inquit) non cadit ab homine dispensatio, bene à Deo ubi &  
 quando

Obediẽtia iu-  
 xta Dei man-  
 data homini  
 possibilis re-  
 quiritur à Deo  
 & mercedẽ ha-  
 bet in futura  
 vita.



## DEDICATORIA

quando ipse vult &c. Si igitur Papa est Deus, dispenset, & tu quisquis es in Pontificatu utere securus dispensationis privilegio. At si non est Deus, cogita quomodo dispones sermones tuos in die iudicii. Caterum quod ad reliquas traditiones hominum attinet (ne impingas etiam Euangelicis quod eas ut pote Apostolicas ferè, non obseruent) audi quomodo concludit Bernardus. Quaecunque ab hominibus instituta sunt propter charitatem, propter charitatem aboleri possunt. Hac est mirabilis & procudubio diuina Bernardi sententia, qua securos reddere hodie potest pusillanimes euangelicos & praesertim pastores, & Episcopos (cuius forsitan virtute fretus nostro tempore reformauit suam Coloniensem ecclesiam optimus ille Archiepiscopus Colonienfis Hermannus Comes à Veda, si optimū pastore ingratisimae oues audire voluisset) quod aut Romanas aut ecclesiasticas traditiones omnes non obseruent. Nam etsi fatendū esset omnes eas quondā institutas pia ut vocant intentione siue ob charitatē, tamen quia credita sunt teste experientia in horrendū venisse abusu, aut pugnare contra charitatē, merito ob charitatē aboleri possunt. Miror proinde cur Germani aliquot Episcopi neq, omnino certè indocti, neq, mali, neq, (quod ad illorū decus non potest non referri) sanguinis innocentū Christianorū cupidi, vereantur instaurare suas ecclesias freti hac Bernardi sent. Quod si obstat doctrina nō scripta de Primatu Pontificis & illius authoritate in omnes alios Episcopos, audiant ex Bernardo ad Eugenium Papā quousq, sese extendat talis eius potestas, siquā illi singularē, illi inquā ordinate ut diximus & electo & confirmato, concedere pra alijs oporteret. Ergo (inquit Bernar.) potestas vestra in sollicitudine est non in dominatione, in criminib. est non in possessionib. Nā propter illa accepistis clauēs regni caelorū, prauaricatores utiq, exclusuri non possessores &c. Audis lector, et quisquis in pontificatu Pastoris & officium & nomen legitimū habes? In tua crimina habet Papa aut Episcopus potestatē, non in tuas possessiones, tui habet sollicitudinem non dominū. Si igitur tu

Solus Deus potest dispensare de suis statutis

Quidquid est ab hominib. institutum propter charitatē, propter charitatē potest omitteri aut aboleri.



# EPISTOLA

tibi nullius criminis conscius es, ob quod merito debeas excommunicari, quid excommunicationis fulmina reformidas? Si probatus es et examinatus, si legitime à populo et clero electus, si à tuo superiore confirmatus, si dictante hoc tibi cōsciētia, zelo pietatis & diuine glorie promouēda studio, episcopatus aut pastoratus culmē appetisti, scias te in solidū tenere tuū Episcopatum. Proinde iam gregem habes tibi à Domino concessum in quē quoq; & solam excommunicandi potestātē habes, cuius tu ipse reddes rationē non Papa pro te. Quare modo eum bene, ordinate, & iuxta Dei voluntatē ex eius verbo elicitā pascas, nihil ad Papam quomodo eum pascas. Conandū tibi est omnibus modis, ut ille in viam salutis & portū ducatur, tua prudentia hoc cōmisit Dominus, an per ambages traditionum melius an citra illas tutius deduxeris. An relaxando ad illius salutē etiam instituta ecclesie & quelibet vota, aut pœnarū publica spectacula an retinendo. Proinde ut imperij tui in plebem & gregem tibi subditum, ut eius docendi & modos noris & limites à Deo, & tota antiquitate præscriptos, en subijcio tibi Chrysostomi & August. duas aureas sententias, quib. veluti gladio ancipiti refecare poteris omnes nodos difficultium questionum, quibus Pontificij hæctenus miseras conscientias detinent vinctas veluti nodo Gordonio. Ait ergo Chrysostomus homel. 12. ad Ephes. Non dominamur fidei vestre charissimæ, neque Domini, aut imperij iure ista precipimus, sermonis nobis doctrina commendata est, nō principatus, nec potestatis nam habet & authoritas. Ordinē tenemus consulentium & adhortantium. gladium, non Qui consulit, sententiā suam dicens auditorē non cogit, sed in domini in sua illius potestate opinionem liberam relinquit, in hoc culpabilis pastor omnis, si non quæ & decent & oportet dixerit. hæc ille: En Episcopū præscindentem sibi omnem potestatem in ordinādis ceremonijs, & charitati locum dantem? Proinde si bona et utilia præcipit, christiani populi erit obedire, non illius ad obedientiam cogere, si quid ordinat ad ecclesie & religionis decorum & concordia charitatisq; vinculum, plebis erit recipere, modo

Due præclare  
sententiæ Chry.  
& August. ad  
soluendas om-  
nes hodiernas  
controuersias  
de autho.

Episcopus uer-  
bi Dei doctri-  
nam habet &  
gladium, non  
domini in sua  
oues.



## DEDICATORIA

modo charitati liceat illa omittere, alioqui charitas illa omnia suffert, omnia sustinet. Iam ad doctrinā veniamus & audiamus Augu. scribentem ad Paulinam epist. 112. Si quid (ait) diuinarum scripturarum, quæ canonice in ecclesia nominantur perspicua firmetur autoritate, sine dubitatione credendum est, alyis vero testibus aut testimonijs quibus credendum suadetur tibi vel credere, vel non credere liceat quantum ea momenti ad faciendā fidē habere, vel nō habere perpenderit. hæc ille, quem imitat Ambrosius in Lucā dicens. Si non vis errare, sequere scripturam. Idem Chrysost. in Matth. Nemini ait credendum (necessario) nisi dicat vel faciat quæ conuenientia sunt scripturis, in quibus (addit Augu.) ecclesiā requiramus, nec audiamus hæc dicis, sed audiam⁹ hæc dicit Dominus. hæc illi. Cæterum quia (ut ait Hieron. in Zacha. c. 1.) in scripturis sanctis sensum ac mentē magis quā verba requirere debes, obserua diligenter lector, ut in interpretandis scripturis, quæ præsertim fidei & salutis negotium tangunt, non nouitatem tui cerebri sequaris, aut solius huius, illiusve doctoris sententiam, sed (ut bene monuit ante mille annos Vincentius Lyriensis) sequere vniuersitatem, antiquitatem & consensum, omnium vel penē omnium Patrum scripturam interpretantium, vel de aliqua re (hoc addam ad ecclesiæ nostræ pacē) nō contra scripturam sentientiū. Alioqui (ut vno exēplo concludā) per Deum te obtestor amice lector, cū D. Basilius magnus alioqui vir dicit in oratione quam de quadraginta Martyribus scripsit. Si quis in aliqua tribulatione fuerit, hos sanctos inuocet, & cū Origenes illo longe antiquior & forsitan doctior dicat cōtra Celsū. Omnes interpellationes, omnia vota, deprecationes & gratiarum actiones destinande sunt ad Deū, Angelos autem inuocare non est rationi consentaneū, et hoc ipsū prohibet ne quis audeat preces offerre, nisi soli Deo, qui vnus omnibus abunde sufficit per seruatorem Dei filiū Iesū Christū, obsecro, inquam, vtrius consiliū potius sequi velles Basilyne an Origenis? præsertim etiā cū et hic habeat

Credendū est quicquid in scriptura cōtinetur interpretatio ab antiquitate & consensu petenda.

Ecclesia in scripturis requirēda.

Antiquitas, vniuersitas, & cōsensus omnium uel penē omnium patrum scripturam interpretantium.



## EPISTOLA

secum verbū Dei et scripturam precipientē (cui & Basilius et August. & quilibet sanctus cedere & debet & oportet, alioqui va illis) & dicentem. Inuoca me in die tribulationis tuae & ego eripiam te et glorificabis me. Restat nunc Eucharistia quā Pontificij adorandam esse dicunt, quia est & vocatur Corpus Christi. Graue argumentum profecto à scriptura deductū, si non esset ambiguum. Sed quid si ego sic quogz à scriptura argumenter. D. Petrus est corpus Christi & os de osibus eius & caro de carne eius, ergo est adorandus, quomodo argumentum soluēt? Eget ergo, ut vides lector interpretatione hac vox corpus Christi. Nam si panis quem dedit Discipulis Dominus & hodie adhuc dat est proprium & naturale corpus Christi, errauit ergo tota antiquitas, tota vniuersitas Patrum, totus illorum de hac re consensus. Si ergo Eucharistia naturale corpus Christi est, & illud ipsissimum quod in cælum post resurrectionem ascendit, errauit Damascenus qui ait lib. de orthodox. fide. Dominus coniungit cum pane & vino suam diuinitatē & panem facit carnem suam. Corpus tamen Christi non descendit de cælo in panem. Errauit quoque & Cyrillus in catechesi sua dicens: Panis non est post consecrationem nudus & simplex panis, sed cum eo diuinitas. Fædè errauit Tertullianus exponendo hoc modo verbum Christi. Hoc est corpus meum, intellige, inquit, est figura corporis mei. Cui fædè consensit Augustinus cum ait. Non veritus est Dominus dicere, hoc est corpus meum, cum daret figuram sui corporis. Mala est definitio Clementis Alexan. dicentis, Eucharistia est temperatura vini & verbi. Male dixit Origenes: Panis Domini in ventrem abit & per ventrem recedit, de quo mali edere possunt, at de verbo quod caro factum est nullus malus edere potest. Errauit Chrysostomus cum ait. In hoc calice neque verum corpus neque verus eius sanguis continetur, sed mysterium illius. Male dixit Rabanus. Quia Christum oportuit ascendere in cælū, quando cōmunicamus eo mentē dirigere debemus. Reliquit. n. nobis in terra sui corporis figuram seu characterē.

Errauit



## DEDICATORIA

*Errauit Epiphanius in An. dicens: Eucharistia habet id quod est secundum imaginem Dei, non tamen ad aequalitatem, sed per gratiam. At ipsum Dominū nostrum nouimus totum sensitiuum, totum mouentem, totum lucem, sed qui id Eucharistia & nobis cum gratia largitus est. Errauit Gelasius Pontifex, dicēs: Sacramenti substantia manet, licet mutetur in diuinam naturam. Non dicit quòd mutetur in Deum. Errauit deniq; (vt finem faciā) Theodoretus Cypri Episcopus, cū ait. Non mutauit Dominus substantiā panis, sed illi addidit gratiam sui corporis. Cui errans consentit Theophylactus in Luc. dicens: Dominus panem conuertit in virtutem aut gratiam sui corporis. Idem Augustin. Domino dicentē. Quid si videritis Dominum ascendentē ubi erat prius, tunc scietis, ait, quòd gratia corporis eius non consumitur moribus. Iterum: Si Eucharistia est ipsissimus Christus, malè dixit Paulus, quòd sit panis Domini, qui sit à nobis manducandus, donec veniat Dominus. Malè dixit ad Heb. 8. Quòd si Dominus noster Christus esset super terrā, nollet esse sacerdos secundū legem. Malè cum ipso errauit August. in Psal. 75. dicens: Si Dominus noster Christus esset super terrā, undiquaq; conueniremus cū muneribus, nunc autē ascendit, & sursum est, veritas autē eius nobiscum, cui offeramus munera, humilitatem scilic. Malè illi consentit Hieron. in Prouerb. dicens, Christus nunc corporaliter non est in Ecclesia: surgens enim, ascendit in cælum. Dicit hīc forsitan aliquis Vbiq; ista. Fateor, non est nobiscum visibiliter, at adest inuisibiliter: nam postquam glorificatus est, iam ubique est: Errauit ergo Augustinus, qui cum Scriptura & tota antiquitate dicit in Iohannem 50. Vnus Iesus ubiq; per id quòd Deus est, in cælo autem quod sursum est, & quod oculis videmus, per id quòd est homo. Semper quidē diuinitate nobiscum, sed nisi corporaliter abisset à nobis, semper eum carnaliter videremus. Errauit cū eo Origenes dicens: Non est homo Christus, ubicunque duo vel tres fuerint in nomine eius congregati, sed virtus diuina, quæ est in Christo, neq; hac dicentes,*



inquit, Christum soluimus, sed unicuique natura suam proprietatem seruamus. Errauit Cyrillus, dicens in Ioh. Credere omnes Christianos oportet, quod quamuis Christus à nobis absit corpore & anima, semper tamen diuinitate est præsens. Hæc igitur habes Lector, quæ te certiorẽ reddere possunt, quod Eucharistia non sit corpus Christi ipsissimum. Quid ergo dicēs: Fallit nos Christus, nihil nobis dat in cæna præter panem, ut Zuingliani dicunt, & qui Calvinũ sequi videntur? Absit. Verè enim ipsa Eucharistia est caro Christi ( ut ipse Christus ait ) & consentit Iustinus, Irenæus, Augustinus, & alij, vere, inquam, est corpus Christi, at non illud quod in cælo est, sed sacramentũ illius, gratia caro, non natura, potestate siue virtute, non actu. Deniq; in pane est veritas carnis Christi, non ipsissima eius caro, quæ sursum est, gloriosa, tangibilis, visibilis, & animata. Proinde certum est quod dicit Cyrillus, ore totius antiquitatis scribens ad Calon. in hæc verba. Non horremus carnem & sanguinẽ apposita sacris altaribus. Condescendens enim Deus, nostris infirmitatib. infudit in panem & vinum vim vitæ, & ea conuertit in veritatem suæ carnis. Sic dicit Theophilus Alex. Dominus panem & vinũ conuertit in veritatem suæ carnis. Sic dicit Irenæus: Eucharistia verè Christi caro est. Sic Concilium Nicænum: Verè eius carnem comedimus, & verè eius sanguinem bibimus. At nota benè, non dicunt, quod sit vera eius caro, aut quod comedimus verã eius carnẽ, sed verè. Et quare rogas? Respondet Cyrillus: Quia sacramentum nostrum non stabilit anthropophagiam, quia horrendum est, & scelus quoddam comedere crudã hominis carnem. Deniq; (inquit August.) quia non est fas Christum vorare dentibus. Certum est igitur, ex his fædè errasse, ne dicam impiè, Pontificios, quorum vnus, Thomas scil. dixit, Apostolos, de Aquino & si celebrarunt cænam, cum Christus esset in sepulchro, comedisse Christum mortuum, & sine anima: alias (ait q. 74) nunc comedimus eum cum sua anima et quantitatibus per concomitantiam. Affirmat amplius Biel ille Tubingensis, dicens.

Vera de Eucharistia doctrina ex Cyrillo.

Horrenda doctrina Thomæ de Aquino & Pontificiorum.

Apo-



## DEDICATORIA

*Apostoli ante passionem comederunt Christum mortalem, nunc verò ore comedimus immortalem. Sic Rupert. in Iohan. Christus ait, est in sacramento in ea specie, qua lanceatus est, & pependit, O dogma, ne Turcis quidem ferendum. Et miramur, o Principes, si Deus punit orbem? Mitius ergo & verius Augustana vestra cōfessio, si bene intelligatur, ait, quòd Christus adest sacramento, nō solum efficacia (ait Melanchthon in Apologia) sed etiam substantia. Hoc est ergo, quod hoc tractatu probare intendo. Sacramenta non esse nuda signa, sed quòd (ut ait Cyprianus de Cæna) visibilibus sacramentis ineffabiliter diuina sese infuderit & adsit essentia. Vnde certò constabit, quomodo panis dicatur caro Christi, idq; in veritate, non inani nomine per mysticam benedictionē à sacra Christi carne in panem & vinū illapsam (ait Cyrillus) non per realem coniunctionē vera carnis ipsius siue gloriosi corporis cum pane. Quare bene cognita, pax omnibus Evangelicis ecclesiis restitui poterit, opinor. Cuius rei & laudem omnē & felicem successum, si quis is erit, vni & soli Deo ut tribuo, ita ab omnibus Christianis tribui cum multa gratiarum actione, & tribui posco & flagito, qui aliqui iudicio Ecclesie Catholice & omnium Academicarum Evangelicarum humiliter me subijcio. Quis aliqui ego sum, nec professione Theologus, nec rerum aliarum celebris, qui post & tantos viros de tam difficili mysterio pronunciare audeo? Nisi fortè hæc sit diuina providentia abyssus, qua interdum Dominus sua secreta hominibus reuelat, & effatur admirabilia etiam per idiotas & asinos, qui mutes reddit eloquētes, & qui sterilitatis ratione tristes, inuerso nature ordine beata prole latificat. Cuius rei ut aliquam vobis fidem faciam, Principes potentissimi, & Ciues clarissimi, en suscipite hanc qualemcumq; zelo tamen pietatis in lucem à me editam, voluntarij mei exilij pro concordia religionis fœturam, vos, inquam, qui tot iam annos tanto cum vitæ periculo, & bonorum vestrorum iactura, in pulcherrimam tum indaganda, tum tucunda veritatis curam incum-*

visibilibus sacramentis ineffabiliter diuina sese infundit essentia.



## EPIST. DEDICAT.

bitis. Quocirca sint licet, qui in Principibus & clarissimis Rebus publicis audire gestiant bellicas virtutes, quibus aut eorum progenitores, aut praedecessores claruerunt, quo & illis talium rerum amulis gratulentur, malo tamen eiusmodi rerum encomium, si quod inde elici potest, ijs relinquere celebrandum, quibus & factorum magnitudinem & praestantiam, facundo pariter orationis genere adaequare dabitur. Sat mihi erit in praesentiarum pro tenuitate, qua praeclatus sum, loquela, quod eas in vobis & commendem, & admirer virtutes, quae sola, quicquid aliàs defuerit, ipsos & Reges, & Principes, & Respubl. exornant, quae sunt studium promouenda verae religionis, gloriae Dei, & iustitiae, quas Deum omnipotentem precor, ut in vobis & augeat, & conseruet ad animarum vestrarum sempiternam salutem.

Argentorati. Calen. Augusti. Anno Domini M. D. LXXIII.



# PRO SEDANDIS RELIGIO- NIS CONTROVERSIIS

## Liber Primus.

*Ad Pontificios, tractans de dignitate & mysterio  
sacrosancta Eucharistia.*

AVTHORE IODOCO HARCHIO  
Montensi Medico.



ENIO ad grauissimam nostræ reli-  
gionis controuersiam, quæ de Eucha-  
ristia est, quam tanto operosius enu-  
cleare, tanto diligentius excutere ne-  
cesse est, quo magis ad animæ nostræ  
salutem est necessaria: quum conti-  
neat (ut ait Cyprianus tractatu de coe-

na Domini) & mysteriorum & secretorum diuinorum  
summam. Licet autem egeat ipso Dei spiritu, qui de spi-  
ritualibus dicturus est, quem hactenus nec fidei meæ  
tenuitas, nec charitatis ignis tepidissimus ab omnipotē-  
te Deo potuit liberalius impetrare, opto tamen nunc &  
supplici desiderio animi deponco, ut adsit euocatus, hu-  
miliq; prece sollicitatus, suggesturus ad Iesu Christi glo-  
riam imprimis, deinde ad meam aliorumque salutem,  
id quod facto opus erit, ut quod Salomon Prouerbio-  
rum 22. requirit, nos animi promptitudine quadam exe-  
quamur. Nimirum ut qui iam sedemus ad mensam  
potentis, diligenter attendentes quæ nobis apposita  
sunt, talia & illi præparemus. Nam si de Domini cor-  
pore in hoc sacramento uerè manducamus, cum illi de  
litæ sint esse cum filijs hominum, necesse est quoq; ut  
nos illi de sua carne in nobis escā præparemus. Experia-

*Euch. mysteriū  
continet & my-  
steriorū & se-  
cretorū diuino  
rū summam.*



*Quid sit adde  
re quintā par  
tē sanctificatis*

mur igitur (eodem adiuuante Domino) an nos qui ha-  
stenus de sanctificatis per ignorantiam comedimus, quin  
tam ad id partem sufficere possimus, ut praecipit Leuit.  
Id quod fit (inquit Rabanus ille) quando visibilia interi-  
or homo transfert ad inuisibilia & intelligibilia, & sic  
virtute fidei Christo concorporatur, aut dum exterior-  
es corporis sensus intus ad spiritualia conuertuntur.

A qua doctrinae ratione quam abfuerint scholae Pon-  
tificiorum, apparebit ex dicendis. Nam etsi quomodo  
Christi caro manducetur, ipsi multum desudantes mul-  
tis verborum sententiarumque labyrinthis sese inuol-  
uant ut rem explicent, totum tamen implicatum re-  
linquunt tandem. Id quod ferendum erat, nisi veluti pro  
coronide, nonnulli ex illorum grege (Hosium Cardina-  
lem, & Lindanum intelligo) horrendum & letale opi-  
nionis suae de Christo dentibus manducando infingeret  
aculeum. Caeterum videamus an Deo nostros conatus  
adiuuante tanto veneno remedium & antidotum inuenire  
possimus. In cuius rei spem ex eo adducor, quod mihi  
persuasum sit, me (gratia Dei) ex his esse si non opere, ani-  
mi tamen emulatione pia, de quibus loquitur Diuus

*Quis sine peri-  
culo inuestigat  
mysteria Dei.*

Basilii lib. de Spiritu S. cum ait. Gaudeat omnis anima  
quae de diuinis quaerit, si modo talem habet oculum,  
ut talia, quae sunt inuisibilia & aditu difficilia sensim &  
videre & quaerere possit. Nam si sic quaerit apud eum  
quem quaerit habitare potest: tum autem habitat, quan-  
do cum fide quaerit. Nam etsi non inuenire accadat, non  
tamen remouetur ne in fide eius habitet quem quaerit,  
sed dicit cum David: Mirabilis facta est scientia tua ex  
me, confortata est, & non potero ad eam. Et secundum  
Patrem lunaticum: Credo Domine, adiuua incredulitatem  
meam. Cum igitur talem habeamus intentionem  
de natura huius diuinissimi Sacramenti quaeramus, ip-  
se enim qui quaeritur ipse est qui quaeritis dabit cogni-  
tionem



tionem vti spero. Animaduertamus igitur diligenter, quæ fuerint de venerabili hoc mysterio, imo quæ nunc adhuc sit tum sacra scripturæ tum veterum Patrum sententia: Quo iuxta Vincentij Lyrinensis saluberrimum consilium, antiquitatem sequentes, vniuersitatem & consensum, tam ardui negotij veritatem eliciamus.

*In antiquitate  
vniuersitate, et  
consensu omni  
um patrum ac  
quiescendum.*

Est igitur hoc sacramentum singulare quidem & inexplicabile Dei donum, destinatum ad totius corporis Christi alimoniam, mysticumque totius ecclesiæ Christianæ alimentum, vt fatentur omnes omnium ætatum doctores. Cæterum quia noluerunt infiniti Evangelici hoc adorare nutrimentum, deinde fateri, id ipsum quod oculis videtur & manibus tangitur, tum ore dentibusque premitur, sit ipsemet realiter Christus occultatus sub specie & accidentibus panis & vini tantum, quia inquam noluerunt hoc credere & fateri, meritò exusti sunt, vt dicunt nonnulli Pontificij.

*Cur tot euan-  
gelici exusti.*

Verum quid ad hæc dicam? Quisnam putas incitauit eos ad tantam animi pertinaciam, vt non dubitarint potius mortem oppetere, quàm adeo impiæ doctrinæ consentire? Nescio: nisi fuerit ipse Diuus Paulus, qui, Quotiescunque (inquit) panem Domini & calicem bibetis, mortem Domini annuntiabitis donec veniat. En panem Domini vocant Eucharistiam: ergo non est Dominus. En & illud, donec veniat, nondum igitur venit in panem, neque est in pane. Nec est quod quis hic tergiuersetur & dicat, Donec veniat, scilicet visibiliter: nam hoc addere scripturæ est & torquere illam.

*Manducanda  
est Euch. in me-  
moriâ Christi  
donec ueniat  
Christus, ergo  
Euch. nō est ip-  
se Christus.*

Quare verbis Apostoli simpliciter inhærendum, quorum sensus etiam pueris manifestus est. Nam quis non intelligit & inde inferre potest. Hoc mihi comedendū est donec herus veniat; ergo herus nec præsens est, nec comeditur.



Sic intellexit D. Hieronymus in 1. ad Corin. scribens super illud: mortem Christi annuntiabitis donec veniat. Tamdiu, inquit, memoria opus est, donec ipse venire dignetur. Sic facit qui peregrè proficiscens aliquod pign<sup>9</sup> ei quem diligit relinquat, vt quotiescunque illud uiderit possit eius amicitias & beneficia commemorare, quod uidere non possit (si diligit) sine fletu & ingenti desiderio. Stabiliunt hunc sensum & ipsa Christi verba ad Apostolos cū ait, hoc facite in mei memoriam.

Quis porro nescit memoriam fieri absentium non presentium? At dices: verba Domini etiam clara sunt, cū ait: Hoc est corpus meum. Respondeo clara quidē sunt quinimō & uerissima, sed quia in eorum simplici sensu reluctatur & oculus & tactus, necessum est ut subueniat intellectus. Peccat proinde (ut ait in Ioann. Cyrillus) qui ueluti temulentus exclamat. Quomodo potest hic nobis dare corpus suum ad manducandum? sed nū peccat, qui in re ardua credens Christo, humiliter petit quomodo? Hac doctrina fretus forsitan Augustinus libro de Baptismo ad infantes. Christus, inquit, ascendit in cœlum quo die uoluit, illic modo est, quomodo ergo est hic panis corpus eius? Vides quod illud (Quomodo) non sit peccatum, ubi non parit uerbi Dei contemptum ex incredulitate, sed humile discendi desiderium? Quid quod omnibus Christianis necessarium est, multo minus explodendum, ne de sanctificatis mysterijs commedat quis per ignorantiam. Et sic grauiter peccet ut habet Leuiticus: testante id Cypriano lib. de unctione & dicente. Christus dedit corpus suum Iudæis crucifigendum. Apostolis uero panem & uinum, ut ipsi docerent populum quomodo panis est corpus eius, percipis lector? Si Apostoli & eius successores debent docere populum, quomodo panis siue Eucharistia est corpus Christi, nonne etiam tenetur populus id ipsum diligē-

*In assertionib.  
diuinis (Quo-  
modo) non est  
sēper infideli-  
tatis signum  
quod interdū  
etiā est necessa-  
rium.*

lign-



liger exquirere? & quamobrem dices? quia (respondet Chrysostomus in Iohannem) litera & carnalis horum Christi verborum intellectus occidit. At literaliter siue carnaliter (inquit) intelligit verba Christi, qui illa, vt dicuntur, accipit, nec aliud excogitat. Miror quid ad hunc respondebitis vos Pontificij, qui ferro & igne exigitis ab omnibus Euangelicis, vt credant quod Christus inuisibiliter cum carne & anima, ossibus & neruis (sic habet Censura Tridentina) latet sub accidentibus panis & vini, interim Chrysostomus cum multis alijs minatur nobis mortem accipientibus & intelligentibus Christi verba de manducando corpore suo literaliter siue carnaliter. Idem nobis minatur & Origenes in Leuiticum 7. asserens, moriturum eum, qui hæc Christi verba, Nisi manducaueritis carnem filij hominis, & biberitis eius sanguinem, non habebitis vitam in vobis: ad literam intelliget. Non minus pollicetur & Augustinus in Psalmum octuagesimum nonum. Non hoc corpus quod videtis manducabitis, inquit, nec bibaturi estis illum sanguinem, quem fusuri sunt qui me crucifigent: Mysterium vobis commendo, spiritualiter intellectum viuificabit animas vestras. En paucis Augustini mentem de Eucharistia, amice Lector. Hoc est corpus meum (inquit Christus,) exponit Augustinus: Non illud quod videtis, sed mysterium siue sacramentum illius. Intelligite Christum spiritualiter, & viuificabit vos: ergo si carnaliter, occidet vos, & cæt. Non ergo damnabitis me, opinor, si horum & vestigijs & præceptis insistent, humiliter inquiram, quomodo verum sit quod dicit Dominus, Hoc est corpus meum. Simul quoque si fideliter pro talento mihi à Domino concesso doceam populum cum Augustino, quomodo panis est corpus Christi. Audiamus igitur & Scripturæ & Patribus consentientem & sic inclamantem Cyrillum ad re-

*Intelligit carnaliter verba Christi de manducanda sua carne, qui illa ut dicuntur accipit, nec aliud excogitat.*

*Qui verba Christi de sua carne manducanda intelligunt carnaliter, moriuntur.*



*Sacramentum  
nostrum nō as-  
ferit hominis  
manducationē*

prehensionem Theodor. Sacramentum nostrum, ait, non asserit *αὐθρωπεφαγίαν*, hoc est, hominis manducationem, nec mentes quæ piè credunt de Christo, extrudit ad tam stultas & impias cogitationes, vt de rebus cogitent, quæ non possunt apprehendi nisi sola, pura, & exquisita fide. Audis Christiane Lector? Pontificij dicunt, quòd Christus verus Deus & homo manducetur ore & dentibus in Sacramento, at Cyrillus dicit, quòd vel hoc solùm cogitare sit impium, vt reuera impijssimum est. Corroborat Cyrilli sententiam audacter Augustinus libro Sententiarum Prosperi. Non est fas, inquit, vorare Christum dentibus. Quare (ait libro tertio de Doctrina Christiana) cùm dicit Dominus: Nisi manducaueritis carnem filij hominis, non habebitis vitam in vobis, quoniam facinus vel flagitium præcipere videtur. Figuratam esse locutionem intellige, qua præcipitur, passioni Domini esse communicandum, & diligenti memoriæ mandandum, quòd Christus pro nobis mortuus est. Hæc Augustinus. Ex quo diligenter collige Lector, quòd manducare carnem Christi (naturalem dico) est beneficium mortis Christi & totius passionis eius seriem ad memoriam reuocare, credere quoque, quòd pro te mortuus est, & deniq; cum eo in nouitatem vitæ resurgere. Augustini sententiam probat & ipse Cyrill. in Ioannem libro secundo, capite quinquagesimo octauo. Mysticæ benedictionis communio (inquit) resurrectionis & mortis Christi quædam confessio est, fractum enim panem distribuebat dicens, Hoc est corpus meum. Proinde participatio mysterij vera quædam confessio est & commemoratio, quod propter nos & pro nobis Christus mortuus sit & reuixerit, & propter hoc diuina nos benedictione replet. Percipis

*Cogitare solū,  
quòd homo a-  
liquis mandu-  
cetur in Sacra-  
mento, est im-  
pium.*

*Quid sit man-  
ducare ueram  
& naturalem  
carnem Christi*

*Participationē  
mysticæ bene-  
dictionis appel-  
lat diuinitatis  
participationē  
per gratiam.*



cipis opinor Cyrilli mentem, Christiane Lector, unde hæc potest deduci sequela. Corporaliter Christo unimur, quando carnem eius manducamus, manducamus carnem, quando carni eius participamus. Participamus autem, quando ab eo suscipimus benedictionem viuificantem, suscipimus benedictionem quando mortis & passionis Christi facimus fidelem confessionem & commemorationem, ergo confessio & commemoratio passionis est manducatio carnis. Afferit hoc quoque & Hesichius in Leuiticum, dicens, Nisi Christus mortuus fuisset, non potuissimus eius carnem manducare, sed nunc comedimus, quoties passionis eius memoriam facimus. Hæc ille. Ex quo iam certus es, quod Christus ut homo neque sit neque manducetur in Sacramento realiter, sed (ut disertis verbis enunciant prædicti doctores) spiritualiter tantum, aut per commemorationem passionis, aut denique sola fide. Id quod sic iterum probat Augustinus in Iohannem. Christus (inquit) dicit se esse panem qui de cælo descendit, hortans ut credamus in ipsum: Credere enim est manducare, quid ergo paros os & dentes? Crede & manducaſti, &cæt. Proinde tantum abest, ut naturalem Christi carnem manducemus ore, ut nullus vnquam fuerit mortalium, qui eam ab eo tempore, quo in cælum ascendit, tetigerit manu. Hinc D. Ambrosius in Lucam. Tangimus Christum (inquit) non corporali tactu, sed fide tantum. Consentit illi Augustinus in Iohannem: Dominus, ait, nos consolatur è cælo, quem manu contrectare non possumus, sed fide. Conuenit cum eo & Cyrillus in Iohannem libro secundo, capite octuagesimo tertio. Ingreditur Christus in nos per fidem & per Spiritum Sanctum inhabitat.

*Sola fide aut  
per commemorationem  
passionis fidelem  
manducatur  
Christus. Nā  
credere, ait Au-  
gustinus, est man-  
ducare.*



Astipulatur omnibus his & Paulus ad Ephesios capite tertio. Flecto, ait, genua mea ad Patrem Domini nostri Iesu Christi, vt det nobis bonitatis suæ virtutem corroborari per spiritum eius, & habitare Christum per fidem in cordibus nostris. Audis ergo lector, quòd sola fide apprehendimus & tangimus Christum in quantum homo est? Vt igitur semel de ea re dubitationem eximas, audi & nota Diuum Augustinum tractatu in Iohannem. Quomodo, ait, tenebo absentem? quomodo mittam manum meam in coelum, vt ibi sedentem teneam? respondet: Fidem mitte & tenuisti. Parentes tui tenuerunt carne, tu tene fide, quoniam ipse absens, etiam præsens est. Nisi enim præsens esset, à nobis teneri non posset. Sed quoniam verum est quod ait, Ego vobiscum sum vsque ad consumationem seculi, & abiit, & hîc est, corpus suum in quo resurrexit intulit cœlo, quod in vno loco sit oportet, maiestatem autem non abstulit mundo. Secundum hanc diuinitatem impletur quod dictum est, Ego vobiscum sum vsque ad consumationem seculi. Sed secundum carnem, quam accepit Dei Verbum, impletur quod dictum est, Me autem non semper habebitis. Nam Christo, vt homini, Deus Pater post resurrectionem dedit immortalitatem, naturam non abstulit. Proinde non est consequens, vt quod in Deo est, sit etiam vbique vt Deus. Cauendum enim, ne sic diuinitatem astruamus, vt auferamus veritatem carnis. Nam quando caro Domini erat in terra, certè non erat in cœlo, & nunc cùm sit in cœlo, non est in terra. Haftenus D. Augustinus, cui ad verbum astipulantur & Vigilius & Fulgentius ille cum tota antiquitate: quibus auctoritatem addit Concilium Chalcedonense sub Leone primo contra Eutychem.

Omnium

Oportet ut  
Christus sit in  
uno loco pro-  
pter veri cor-  
poris modum,  
ait Augustin.



Omniū prædictorū sententiā approbat & Cyrillus lib.9. in Ioan. c.6. Credere (inquit) oportet, quāuis Christus à nobis corpore absit, virtute tamen sua omnia & nos gubernari. Nam quemadmodum quando vt homo in terra conuersabatur, tum etiam cœlos implebat & Angelorū consortia non relinquebat, sic etiam cū sit in cœlis cum carne, diuinitatis tamen maiestate terram replet, & cum ijs est, qui eum diligūt. Quāuis enim solum secūdum carnem erat abiturus, adest tamen virtute deitatis. Hactenus Cyrillus, & quid nūc desideras amplius, amice lector, vt tibi persuadeas quòd Christus vt homo non sit in terra, multo minus vt deuoretur dentibus (horreo loquendo) in Sacramento. Vis igitur scripturam quoque, audi & Paulum idipsum claris verbis & cum iuramento affirmantem ad Hebræ.8. Certè (inquit) si Christus esset super terram, nec esset sacerdos, cū essent qui offerrent secundum legem munera. hæc ille. Cui si iungas quod ad Corinth. dicebat. Quotiescunque manducabitis panem hunc, mortem Domini annuntiabitis donec veniat, quid dubitas affirmare Christum (in quantum homo est) esse in vno loco cœli propter veri corporis modum, quanquam, vt idem Augustinus ait de fide & symbolo, vbi & quomodo sit in cœlo, curiosissimum & superuacaneum sit quærere, tantummodo in cœlo esse eum (inquit) credendum est. Non enim est fragilitatis nostræ cœlorum secreta rimari, sed est nostræ fidei, de dominici corporis dignitate sublimia & honesta sapere. Quæris forsitan vbinam est cœlum (hoc enim semel à me quæsiuit magni nominis theologus, & magno pere miratus sum) Audi quid respondeat Augustinus in Psal. 122. De terra, inquit, Christus in cœlum ascendit. Ecce terra deorsum quā pedibus calcamus, ecce cœlum sursum quod videmus oculis nostris. Sic Hierony-

*Christus abest  
à nobis corpore.*

*Oportet vt  
Christi corpus  
sit in cœlo, qua  
modo verò &  
vbi, nō est fidei  
nostra inqui-  
rere, sed crede  
re.*



mus in Episto. ad Galatas, Infernum sub terra esse (inquit) nemo ambigit. Et Christus qui descendit cum anima in infernum, cum anima & corpore ascendit in coelum: Haecenus Augustinus, cui addamus istud. Viri Israelitæ (inquiunt Angeli) quid statis aspicientes in coelum? Hic Iesus qui à vobis assumptus est, sic veniet. Cum igitur visus sit ascendisse in coelum verus homo, quis non rejiciat somnia eorum, qui eum metaphysico aut nescio quo modo (vero tamen) volunt esse in sacramento, idque citra scripturam, citra veterum Patrum auctoritatem. Nam quod Thomas cum suis, eum esse in sacramento affirmat, modo tamen non quantitativo, friuolum & impium est, aliud enim docet Augustinus in Ioann. tracta. 4. Quando (inquit) de forma serui cogitas in Christo, humanam effigiem cogita, si est in te fides. Si igitur totus Christus est in sacramento Deus & homo, ut ait Thomas ille, necesse est, ut cum cogito de homine, fingam mihi humanam formam in mente, quæ non est sine quantitate, & sic necesse est ut cogitem me comedere ore verum hominem, quod diximus esse impium ex Cyrillo. Iam si quis nasutior dicat, non esse quidem in terra visibiliter, sed bene inuisibiliter & tamen realiter, quid ille idem respondebit Hieronymo in Prouerbijs scribenti & dicenti. Christus non est corporaliter in ecclesia, surgens enim ascendit in coelum. Rursus quid Augustino in Psalm. 46. Tollitur quidem (ait) corpus ab oculis vestris, sed non separatur à cordibus, videte ascendentem Christum, credite absentem, sperate venientem, & per misericordiam occultam sentite præsentem. Huic si iungas illud Origen. in Mattheum tractatu. 33. quodnam obsecro habebit vir ille bonus subterfugium. Non est homo Christus (inquit) qui est ubicunque duo vel tres fuerint congregati, neque

*Quando de forma serui cogitas in Christo, humanam effigiem cogita, si est in te fides.*

*Impium est fingere Christum sine quantitate & tamen vere esse in sacramento.*



que homo nobiscum est vsque ad consumationem seculi, neque congregatis vbique fidelibus homo est præsens, sed virtus diuina quæ est in Christo. Neque (addit) hæc dicentes Christum soluimus, sed vnicuique naturæ suam proprietatem seruamus. Nam nihil absurdum est ipsum Iesum secundum quendam modum esse vbique, secundum alium peregrinari à nobis. Hactenus Origenes & grauis & antiquus author egregie Vbiquitatis assertores reprehendens, idiomatumque communicationem seruans, in qua prædicatio vtriusque naturæ Christi fit de se mutuo in concreto non in abstracto, ita vt (teste Athanasio) communia personæ fiant, quæ naturarum sunt propria. Alioqui (ait Fulgentius contra Eutychem) impium & sacrilegum est ea quæ sunt propria carnis Christi ad naturæ verbi proprietatem referre, & quæ sunt propria verbi, naturæ carnis Christi adscribere. Approbavit illius sententiam Augustinus epistola 57. Quisquis, inquit, affirmat quod corpus Christi simul & vno tempore est in coelo & in terra, destruit naturam corporis Christi, hæc ille. Verum quid his immoror? Ipsemet Christus prouidens huius doctrinæ impietatem de sua carne manducanda, murmurantibus Caparnaitis & cogitantibus, quomodo ipse esset carnem suam illis ad manducandum daturus respondit dicens. Hoc vos scandalizat, quia dixi, nisi carnem meam manducaueritis, non habebitis vitam in vobis: Si ergo videritis filium hominis ascendentem vbi erat prius? Quid est hoc inquit Augustinus? hinc soluit quod illos mouerat, hinc aperuit vnde fuerant scandalizati. Illi enim putabant eum erogaturum corpus suum, ille autem dixit se ascensurum in cælum utique integrum dicendo. Cum videritis filium hominis ascendentem vbi erat prius, certe vel tunc videbitis, quia non eo modo quo putatis erogatur corpus suum, certè vel

*Contra ubi-  
quitatis asser-  
tores nota le-  
ctor.*

*Quisquis dicit  
corpus Christi  
posse simul es-  
se in duobus lo-  
cis, destruit na-  
turam corporis  
Christi.*

*Gratia corpo-  
ris Christi da-  
tur nobis in sa-  
cramento non  
ipsum corpus.*



tunc intelligetis, quòd gratia eius nō consumitur mor-  
sibus. Nam verba quæ loquitur Dominus, spiritus &  
vita sunt. Quid est spiritus & vita, sunt nisi, spirituali-  
ter intelligenda? Intellexisti igitur spiritualiter? Spi-  
ritus & vita sunt. Intellexisti carnaliter, etiam sic spi-  
ritus & vita sunt, sed tibi non sunt, hæc Augustinus. Cu-  
ius mentem de māducanda vera & naturali carne Chri-  
sti, si vnquam velis intelligere, hinc poteris. Proinde  
hoc discēs, nunquam nobis debere venire in mentem  
vt carnaliter siue literaliter accipiamus verba Christi  
quoties de manducanda sua carne nos admonet. Absit  
enim vt vnquam tantum tuæ cogitationis scelus ad-  
mittas, vt putes literaliter verum esse, quod Christus di-  
cit. Nisi manducaueritis carnem filij hominis, non ha-  
bebitis vitam in vobis. Aut alioqui panem Eucharis-  
tiæ naturale corpus suum esse, quod ore & dentibus  
tibi manducandum præbeat. Satis quippe percipis  
hoc quod vides & tangis non esse simile carni aut cor-  
pori liniamentis membrorum, (ait Epiphan. in Ancor.)  
quomodo ergo panem appellat corpus suum? respon-  
det Epiphanius eodem loco sicuti paulo antè August.  
Est corpus eius, per gratiam nimirum. Siquidem  
( ut bene dicit Theodoretus sanctus ille Syri Episco-  
pus Dialogo qui Immutabilis nuncupatur ). Noluit  
Dominus nos hærere in substantia panis & vini, quæ  
nobis proponitur coram oculis, ut per mutationem  
nominum, fidem habeamus mutationi quæ fit per  
gratiam. Propterea dignatus est Christus hoc honore  
panem & vinum, vt ea vocarit corpus, & sanguinem  
suum, non quod mutauerit eorum substantias prima-  
rias, sed quod illis addiderit suam gratiam, hæc illè.  
Verum quæ precor est illa gratia quam dominus addi-  
dit pani & vino? respondet Augustinus vt suprà, spiritus  
& vita, hoc est verbum viuificum & spiritus sanctus.

Non

*Panis Eucharis-  
tiæ est caro  
siue corpus  
Christi per  
gratiam.*

*Mutatur pa-  
nis propter  
mutationem  
quæ fit per ad-  
ditam illi gra-  
tiam, substan-  
tia tamen re-  
seruatur.*



Non igitur, amice lector, dat nobis Christus corpus illud suum viuificum, crucifixum olim, ore in Sacramento manducandum, sed spiritualem suam carnem & diuinam, impalpabilem & inuisibilem in visibili hoc suæ carnis nutrimento dat nobis mente potissimum degustandam, suæ nimirum diuinitatis substantiam, quæ vt vbique est per generalem præsentiam, ita non nisi per verbum & in nobis est per specialem habitationis gratiam, & potissimum in hoc sacramento, cui certè, vt ait Augustinus, vtrobiq; debemus quoq; specialem patriæ cultum, externis verò illis rebus, in quibus sic habitat, sanctis scilicet. hominibus, & sacramentis (ne quis in posterum putet, ea sic contemni debere, vt hætenus factum est, pro dolor) specialem venerationem. Substantiam ergo diuinitatis accipimus in Sacramento, & cum hac licet similem, non tamen eandem numero (& nota) corporis sui visibilis substantiam. Vnde Ambrosius de Incarnatione Domini: Nam etsi credas (inquit) à Christo carnem esse susceptam, & offeras panem transfigurandum altaribus, nō distinguas tamen naturam diuinitatis & corporis, & tibi dicitur, si rectè offeras, non autem rectè diuidas, peccasti, quiesce. Diuide quod meum est, diuide quod suum verbi est, ego quod erat illius non habebam, & ille quod meum est non habebat. Suscepit quod meum est (scilicet carnem) vt impartiret quod suum est, scilicet diuinitatem. Hæc ille, & capis lector, intelligisque, quod in Sacramento solam suam dat tibi diuinitatem, non animatam humanitatem siue carnem, vnde audi & ipsum Athanasium. Quomodo (inquit) fieri potest, vt totus mundus ederet de carne eius, quæ nō sufficeret paucis hominibus: sed (ait) fecit Dominus mentionem suæ ascensionis, vt retraheret nos à corporalibus cogitationibus, & discerent homines in posterum, quod vellet eos nutrire è cœlo & pascere spiritua-



liter carne sua, vt sciant omnes, carnem dictam cibum  
 cœlestem supernè venientē & spiritualement alimoniam  
 esse, quàm ipse det: hæc ille. Et audisne spirituale & im-  
 palpabile esse corpus quod nobis dat Christus in alimo-  
 niam spiritualement, in visibili licet suæ carnis sacramento  
 contentam. Impalpabile igitur dico esse, quod nobis vel  
 extra sacramentum, vel cum sacramento, sed fide eru-  
 tum, & propter certum Dei verbum in panem illapsum,  
 datur manducandum, & intrò in animam recipiendum  
 realiter & verè, & audacter affirmo cum Chrylostomo,  
 Sacramenta quidē esse visibilia & sensibilia, reliqua au-  
 tem quæ sub specie panis accipimus & intelligibilia esse  
 & insensibilia, quinimò & impalpabilia. Cæterum si ist-  
 hic corpus Christi subesset (vt volūt Pontificij) verum,  
 & reale, aliquid profectò & palpabile & visibile adesset,  
 probante id August. & dicente lib. De essen. diuinitatis.  
 Sicut (ait) Dei filium & redemptorem nostrum secun-  
 dum diuinitatem inuisibilē & incircumscriptum non  
 credere, est impium, ita eundem Dei filium in homine  
 assumptum, visibilem, corporeum, atq; localē non cre-  
 dere est prophanum. Cui cōsentit D. Hieronymus scri-  
 bens ad Pammachium contra Ioan. Episcopum Hiero-  
 solymitanum, qui tribuebat animabus post resurrectionem  
 corpus aerium, quod neq; tangi, neq; videri pote-  
 rat. Vnde & idem Augustin. lib. 22. De Ciuit. Dei, opinor,  
 Fides Christiana (inquit) non dubitat, quin post resurre-  
 ctionem iam quidem in spirituali sua carne, sed tamen  
 vera, cibum & potum Christus cum discipulis suis sum-  
 pserit, non enim potestas, sed egestas edendi talibus cor-  
 poribus aufertur. hæc ille. Proinde tale corpus ore non  
 comedunt fideles, sed spirituale quoddam vel fide susci-  
 piunt è cœlo, vel fide & ore in sacramento, quod con-  
 stat ex terrena (ait Irenæus) & spirituali substantia. De  
 priore beatus Hieron. scribit in Comen. epist. ad Corin.

*Christus secun-  
 dum diuinitatē  
 est inuisibilis et  
 incorporeus, se-  
 cundū huma-  
 nitatē uerò ui-  
 sibilis & cor-  
 poreus.*

Dupli-



Dupliciter (inquit) sanguis Christi & caro intelligitur, vel spiritualis illa atque diuina, de qua ipse dicit: Caro mea verè est cibus: vel caro, quæ crucifixa est, & sanguis, qui militis effusus est lancea. Hieronymo consentit & ipse Clemens Alexandrinus in Poëdag. suo dicens: Duplex est Christi sanguis, alter carnalis, quo redempti sumus, alter spiritualis, quo vncti sumus, & per cōsequens (dico) quo nutriti sumus. Et percipisne, Lector, quòd Verbum Dei æternum siue S. Sanctus est idem qui nos regenerauit, & hodie in sacramento nutrit? id quod satis liquet ex eo quod subiicit dictus Clemens. Quicquid, inquit, generauit, ei quod generatur, alimentum præbere est consentaneum. Quemadmodum igitur regeneratio est spiritualis, ita & nutrimentum est spirituale. Hactenus Clemens: cuius insequens vestigia magnus ille Origenes, Clementis discipulus, super illud Matth. Hoc est corpus meum: Panis, inquit, iste, quem Dominus corpus suum esse fateatur, verbum est nutritorium animarum, verbū de Deo verbo, & panis de pane cœlesti: neq; (vt ait in Leu.) hīc hæreas in sanguine carnis, sed discce potius sanguinem verbi. Id clarius exponit Hieron. in Ierem. Hom. 10. Christianus, inquit, vestitur agno Christo. Sciens enim carnem Verbi Dei verè cibum esse, vestitur ea. Satis proinde hactenus docuimus, corpus Christi naturale non suscipi ore à fidelibus in Sacramento, sed spirituale illud & diuinum, de quo in Threnis capite quarto dicitur, Spiritus ante faciem nostram Christus dominus. Id exponens Ambr. de Sac. Corpus, inquit, Christi, corpus diuini est spiritus. Est proinde Verbum illud æternum, quod caro factum est, est Spiritus Sanctus, quæ in Sacramento nobis proponuntur, & à fidelibus in animam fidei ore admittuntur, quæ tamen mirabiliter vnita panī & vino, panem & vinum suo modo carnem & sanguinem Christi

*Duplex est corpus Christi.*

*Corpus Christi quod est in Sacramento, corpus est diuini spiritus.*



efficiunt, ex quibus etiam alitur caro Christiani, inquit Tertullianus. Hæc ( ut tandem finiam ) testatur Theophilactus cum Chrysostomo super illud ad Corinth. Panis, quem frangimus, nonne communicatio corporis Christi est ? Communicatio corporis Christi est, propterea dixit ( inquit ) quia quemadmodum corpus illud Christo unitum est, sic per panem hunc Christo copulamur, &cæt. Quid velles apertius dici, quòdnam corpus, precor, Christo unitum est ut homini, nonne corpus diuini spiritus, ut diximus ex Ambrosio, nonne verbum Dei æternum, nonne ipsa Christi deitas, quæ suo modo dicitur corpus? Porro ne nouum putes, quod verbum Dei æternum vocetur suo modo corpus, licet non sit corporeum, quemadmodum & suo modo vocatur panis, caro aut sanguis, audi Origen. super Matt. Hom. 35. Omnipotens ( inquit ) est verbum Dei, & diuersis appellationibus nuncupatur, & innumerabilis est secundum multitudinem virtutum, cum sit omnis virtus vnus & ipse. Proinde non mireris si ipse est panis & manducat nobiscum panem, ipse est potus de vite, & bibit nobiscum. Idem dicit scribens in Exodum Hom. septima. Non mireris ( ait ) quòd Verbum Dei caro dicitur: nam & panis, & lac, & olera, dicitur pro mensura credentium & possibilitate fumentium: hæc Origenes. Cui adde Cyprianum tract. de Coena sic dicentem: Aliquando Dominus vocat hoc Sacramētum panem, propter alimenti congruentiam, aliquando carnem, propter naturæ humanæ, quam assumpsit, proprietatem, aliquando corpus, propter membrorum in vnum conuenientiam, aliquando sanguinem, propter viuificationis efficaciam, &c. Accipe & Epiphan. in Ancor. Ipsum ( inquit ) Verbum caro factum est, non mutatū eò quòd sit caro, nō transmutata deitate in humanam naturam, sed cum proprio suo corpore deitatis, & cum propria sub-

*Deus suo quodam modo vocatur corpus, licet non sit corporeus.*



substantia Dei verbi complexus vt sit homo, &c. An-  
 maduertis ergo illud(proprio corpore deitatis, vt cū  
 audies, Hoc est corpus meum, non statim somnies bra-  
 chia, pedes, caput, ossa, & nervos, vt facit Concilium  
 Tridentinum, sed corpus diuini Verbi reipsa, carnem  
 verò Christi, aut eius corpus, quod idem est) in intelli-  
 gibili imagine suscipias sub panis specie fidei & corde &  
 ore, interea dum corpus Christi verum & gloriosum a-  
 spicis fide in cœlo ad vitæ tuæ exemplum, illius amplif-  
 sima in te beneficia ad fauces memoriæ veluti rumi-  
 nans pecus, flebiliter & gratus reuocans. Hoc est igitur  
 quod hactenus probamus, sola fide naturale corpus  
 Christi à nobis suscipi, non ore, quod nec in terra sit, nec  
 in omni loco esse possit, si sui corporis naturam seruat,  
 circumscriptum vtpote, & cui immortalitatem dedit  
 Deus, naturam non abstulit. Scio quid hîc respondeant  
 Pontificij: Verum est (inquiunt) quòd dicis, Christum  
 non posse esse in duobus locis simul, est tamen tertius  
 quidam modus, quo totus Christus est in sacramento,  
 non in specie, sed per modum substantiæ, cui ratione  
 concomitantiæ adest anima & quantitas, vt asserit Tho-  
 mas q. 76. Verum, necesse erit igitur ipsum mentiri Ru-  
 pertum insignem pontificium, cū suis asseclis, qui pro-  
 logo in Iohannem dicit: Christus adest sacramento in  
 ea specie qua pependit in cruce, & lanceatus est. Deinde  
 cū idem Thomas dicat eodem loco, quòd si Apostoli  
 celebrassent cœnam eo die quo Christus adhuc erat in  
 sepulchro, Christus fuisset in sacramento sine anima,  
 & proinde mortuus, cur Biel ille in expositione Cano-  
 nis missæ aliter intelligit per hæc sequentia verba? Chri-  
 stus (inquit) ante suam mortem dedit Apostolis corpus  
 suum quale tunc habuit, scilicet mortale, post resurre-  
 ctionem dat quale habet, scilicet immortale. Vide nunc  
 quomodo quis sibi conciliabit hos patres, & quomodo

*Christus secun-  
 dum Thomam  
 est in Sacra-  
 mento per mo-  
 dum substantiæ  
 non in propria  
 specie, interim  
 cum sua anima  
 per concomi-  
 tantiam.*

*Pontificij di-  
 cūt trib. modis  
 datum fuisse  
 Christū in eu-  
 charistia. Nam  
 primò eum ui-*





uum et mortalem  
 acceperunt  
 in coena, cum  
 esset in sepulchro,  
 mortuum  
 eum, & sine anima  
 comederunt, nunc  
 deum gloriosum  
 manducamus,  
 aiunt.

Modi praesentiae  
 Christi August.  
 cogniti  
 duo tantum.

Miraculorum  
 Dei non potest  
 reddi ratio.

ferre poterunt Christiani, tantam dogmatis impietatem qua persuadentur Apostolos, Christum comedis mortuum & viuum, sed adhuc mortalem & nunc immortalem. O dogma horrendum, propter quod non est mirum, si tota Asia, si tota Africa recessit a fide, & nunc persequitur infideles Europeos. Caterum audiamus Augustinum, qui praeter duos modos praesentiae Christi, quibus vel in caelo est, vel in terra, nullum alium, ne per somnium quidem vnquam nouit, multo minus per miraculum in Sacramentum. Dicit in Ioh. 90. Expositis, ait, hisce duobus modis praesentiae Christi, qui nunc sua maiestate, prouidentia & gratia semper in mundo existit, cum ante ascensum eius in caelos praesens etiam carne adesset, in qua cum confederit ad dextram Patris, nunc sane in eadem carne absens est a mundo, arbitror nihil superesse dubitationis in hoc negotio. haec Augustinus. Age ergo, ubi est illa miraculosa praesentia Christi in Sacramento? Adde quod si est miraculum, quod panis transeat in Christum, & miraculi non potest reddi ratio, quis fidelium tam demens aut arrogans esse potuit vnquam, qui operum secretiorum Dei aut miraculorum rationem aut inquirat, aut exposcat? At Augustinus non veretur dicere: Christus quo die voluit ascendit in caelum, ibi & modo est, quomodo ergo est hic panis corpus eius? Et tamen non respondet, ut vos dicitis, est miraculose, sed rationem reddens audeat dicere: Vnitas, pietas, veritas, charitas, corpus Christi. Si pietas igitur, si charitas est vera caro & tangibilis, habes ossa & nervos, profecto panis est naturalis caro Christi, qui charitatem nobis & designat & offert. Si non est, sed spirituale quid, verum dixit Christus, quod verba, quae loquitur, spiritus sunt & vita. Bene quoque & Hieronymus, quod verba Christi dicentis, Nisi manducaueritis carnem filii hominis, non habebitis vitam in vobis de spirituali Christi car-



sti carne intelligenda sunt. Rursus & hoc paucis inferendum, si est miraculum, & miraculi (vt diximus) non potest reddi ratio, cur Cyprianus De Vnctione, Christus, ait, dedit panem discipulis, corpus verò suum crucifigendum Iudæis, vt Apostoli docerent populum, quomodo panis est corpus eius? Quocirca foedè, vt opinor, vtinam non damnabiliter & impiè, hætenus docuistis ô Pontificij, Christum integrum cum neruis & ossibus manducari ore, dentibusque realiter atteri tam ab infidelibus quàm fidelibus, contra claram & Scripturæ & veterum Patrum doctrinam. Cuius rei esto testis & fidelis & antiquissimus, tum & in hac re irrefragabilis Origenes, qui in Matthæum scribens Homelia decimaquinta, vbi apertam ponit differentiam symbolici & typici corporis Christi, quod est Eucharistia, & veri, naturalis, siue gloriosi, quod est in cœlo, sic habet. Panis Domini, iuxta id quod habet materiale in ventrem abit, & per secessum efficitur, nec per se prodest sumenti, sed super illum dictus sermo est, qui vnicuique est utilis iuxta portionem fidei: quæ quidem dicta sint de typico & symbolico corpore. Multa porrò & de ipso Verbo dici possent, quod factum est caro verusque cibus, quem qui comederit, omnino viuet in æternum: quem nullus malus (nota) potest edere. hæc Origenes. Et quomodo, obsecro, nunc stabit vestrum dogma, quo totum Christum vel etiam pessimos dictis comedere in Sacramento? & profectò comederent, si eucharistia esset Christus. Quocirca magna cum laude asseruerunt hætenus aliquot euangelici, D. Zuuinglius, Oecolampadius, Calvinus, Beza, Dathenus noster, Petrus Martyr, Christum, in quantum homo est, nō nisi fide & spiritualiter, aut (si mauis) spirituali contēplatione passionis eius manducari. Vnū illis videtur deesse, quod modum manducandi non adeò studiosè explicarunt.

*Mali non comedunt corpus naturale Christi.*

*Eucharistia est corpus Christi symbolicū siue typicum, uel secundum quid, non verum.*

*Christus totus homo et Deus non comeditur à malis et infidelibus in Sacramento, quia ibi non est, sed in cœlo.*



*Euangelicali-  
quot non satis  
honorificè de  
Eucharistia  
senferunt.*

At nos pro modulo facultatis nobis à Deo concessæ, adeò firmiter rationem manducandæ naturalis carnis Christi sola fide & spiritualiter tantum fieri asseremus, & eius rei modum ita lucidè exponemus, vt amplius non sit futurus (ni fallor) contradictioni locus. Quod si igitur quis, mei consilij ignarus, quærat, cur alienis vestigijs insistens actum agam: Respondeo. Frustra equidem & id attemptaturum fuisse, nisi simul id quod Neotericis illis Euangelicis defuerat, subsidio veterum Patrum & doctorum resarcire pro spe reconciliationis admitterer. Nam sicuti nemo non multis efferat encomijs illorum & diligentiam & industriam, qua aliquot Pontificiorum (non enim omnes ita senferunt) impium dogma subuerterunt, ita nemo est, qui non dolere debeat, illis tam parvæ curæ fuisse, vt quemadmodum spiritualis, etiam sacramentalis manducationis & dignitatem patefacere, & rei veritatem digna veneratione celebrarent. Cum enim nonnulli ex ijs videantur Sacramenta pro nudis signis habere, nec ullam rem spiritualement, vim, aut energiam cum signo realiter coniungere simul & ineffabiliter, & sic diuinam institutionem minuere, verendum est (si animo hoc peruerso & ambizioso fiat)

*Tam peccant,  
qui verbo Do-  
mini demunt  
quàm qui ad-  
dunt.*

ne parem condemnationem subeant cum illis, qui verbo Domini addunt, & tam rei sint, qui nullam Domini carnem, aut (vt melius) nullam carnis eius substantiam in Sacramento manducari aut negant, aut dissimulant, quàm qui simpliciter ipsam, quæ in cælo est, dentibus atteri defendunt. Est quidem posterior hæc opinio nefandissima, fateor, & intoleranda, prior tamen non est dissimulanda, nisi dominum nostrum Iesum Christum, qui se ad infantiam nostram accommodat, contemnere velimus, qui in sensibilibus dignatur nobis dare insensibilia & inuisibilia, quæ sumus corporei, inquit Chrysostomus: vnde etiam factum est, vt inter Mart. Luth-

rum,



rum & Philippum Melanchthonem, nunquam satis laudatæ & pietatis & eruditionis viros, tum inter ipsum D. Zuinglium & Oecolampadium, Caluinumq; nulla potuerit hactenus inueniri faciendæ concordæ ratio. Lutherus enim examinata veterum Patrum doctrina facile collegit aliquid reale esse cum pane post consecrationem quam vocant, aliquid inquam carnis dominicæ quo aleretur caro Christiani, vt interim anima de Deo satiaretur, teste Tertulliano. Verum quoniam eam carnem ipsissimum corpus, esse voluit aut voluisse creditus est, quod Christus habet in cœlo cum Pontificijs, & (vt paucis dicam) Christum ipsum realiter esse cum pane & manducari ore, non mirum est si ei restiterunt & fortiter & laudabiliter tum Zuinglius tum Oecolampadius. Contra: cum ipse Zuinglius videretur Luthero & suis omnia trahere ad spirituales manducationem, nihilque reliqui facere in Sacramēto, quo reuera aleretur præter communem vsum caro Christiani, factum est vt pari obstinatio nec minus laudabili cum conatu illis contradixerit. Interim hac dissensione adhuc in hodiernum diem perdurante, & religio penè abijt pessum (proch. dolor) & reuerentia circa Sacramēta penitus intercidit, & eorundem suscipiendorum feruens & quotidianum desiderium penè est collapsum. Proinde vt concordæ aliquam viam inueniamus, neq; tamen aut ad sinistram aut ad dexteram veræ doctrinæ viam declinemus spiritu Dei nos per gratiam adiuuante: Dicimus ipsum Zuinglium simul & Oecolampadium, aliosque Christi manducationem spirituales bene asseruisse, & magna cum laude cum Athanasio pronunciaffe, corpus Christi nos spiritualiter nutrire de cœlo, quoties vera fide erecti in cœlum, Iesum Christum & fatemur & aspicimus pro peccatis nostris (quibus tamen mori statuimus) quondam natum, mortuū.

*Ratio discordiæ inter Lutherum & Zuinglium.*

*Discordia de Sacramento sustulit reuerentiam & deuotionem circa sacramenta.*



tandē & crucifixum . Cuius resurrectionis beneficio  
 tum omnium bonorum eius sumus participes, tum spi-  
 ritualis carnis & sanguinis ipsius occulta & potenti o-  
 pera spiritus sancti consortes . Et hæc est pulcherrima  
 illa de qua diximus ex Cyrillo dispensatio carnis Chri-  
 sti, & sanguinis potatio spiritualis, quam si fuissent edo-  
 cti Caparnaitæ, non ita temere ad Domini verba ex-  
 horruissent. Eam quoque si & nos hodie reciperemus,  
 nihil horrendi, nihil impij aut doceremus, aut com-  
 mitteremus manducando, tantum sub assueta recor-  
 datione passionis Christi, spiritualiter totus Christus  
 manducaretur, & illius caro veluti in partes comminu-

*Per commemo-  
 rationem uitæ  
 Christi transi-  
 mus in commu-  
 nionem Dei.*

ta aut distracta in viscera cordis trañceretur . Vnde ex-  
 urgeret in anima mirus charitatis sapor, mirabile a-  
 moris delectamentum . Nam (vt monet D. Dionysius  
 in sua eccle. Hierarch.) si cupimus habere communio-  
 nem cum Deo, oportet nos in diuinissimam illius vi-  
 tam quam egit in carne intueri. Alioqui, vt inquit Au-  
 gustinus lib. de irremissibili peccato in spiritum san-  
 ctum: Non quocunque modo quisquis manducaue-  
 rit carnem Christi manet in eo, sed profecto est quidam  
 modus manducandi illam carnem, quo modo qui mā-  
 ducauerit, manet in Christo & Christus in eo. Au-  
 dis iam christiane lector quod non simul ac quis visibi-

*Est certus qui-  
 dā modus mā-  
 ducandi Chri-  
 stum.*

*Duplex nobis  
 in Eucharistia  
 proponitur ca-  
 ro siue corpus  
 unū in uerbo,  
 alterū in oculo  
 hoc ad nutri-  
 tionem corpo-  
 ris & animæ,  
 illud ad emula-  
 tionem.*

le sacramentum sumit, statim etiam sibi Christum in-  
 corporat? Videamus ergo an modum eum possimus in-  
 uenire adiuuante Deo, quo Christianus ore ad mouens  
 sacramentum, etiam sibi adiungat Christum, & partici-  
 pationem habeat cum Deo. Audiamus proinde Leonē  
 illum primum verē magnum sic dicentem sermone 16.  
 de passione Christi. Ab omnipotente medico nostro (in-  
 quit) duplex nobis miseris remedium præparatum est,  
 cuius aliud est in sacramēto, aliud in exemplo, hæc ille.  
 Vis huius dicti scire mysterium? Diximus antea quod  
 sacramen-



sacramentum vocetur corpus Christi, idque non sine ratione. Nam licet naturale corpus Christi ibi non sit localiter aut corporaliter cum sua anima, sed nomine tantum, virtute, & imagine (vti postea dicemus) ab ea ramen veluti à typo ad veritatē scilicet, ad corporis quod in cœlo est contemplationem inducimur (si cœlestium aliquod nobis superest desiderium) vt postmodū eius quod est in sacramēto possessionem inducamur, & quomodo dices? Nimirum cū ruminat homo occultis prius spiritus sancti stimulis excitatus, causam passionis Christi, quæ illi proponitur in panis & vini, quæ super altare posita sunt nō visibili sed intelligibili imagine, & videt fuisse peccatum ob quod totus mundus æternis tormentis erat adiudicatus, deinde considerat se toties peccasse, horret statim, & sempiterni ignis qui merito sibi debetur, recordatione consternitur. Et hoc est agnoscere paschali amaras dum comeditur miscere poenitentiae cichoreas. At ulterius pergens, cum finem intuetur ob quem filius Dei passus est tam acerba in corpore quod sibi sumpsit de Maria Virgine, & intelligit totum fuisse factum à benignissimo filio Dei, vt miser homo (alioqui) quem condiderat, sublato damnationis chirographo in pristinae dignitatis salutisque conditionem reuocaretur, tacito quodam igne amoris incenditur, quod est assare agnum paschalem & eum non comedere crudum. Inde fertur impatienti quodam desiderio semel videndi illius vnici Dei sui, qui tanti beneficii extitit origo & author, quod est trepidanter comedere vt præcipit uetus lex. Propterea fide assurgens in cœlum (quod est baculum tenere in manu) & intuens benefactoris sui speciosam illam tam animæ quam corporis naturam, non aliter quam quidam Apelles in sua mente omnem illius delineationem imprimit, quo fit ut mirabili spiritualisque contempla-

*Istud in cœlo est, illud in sacramento, hoc ore sumitur, illud sola fide comeditur.*

*Ratio manducande carnis Christi spiritu aliter: quam nota bene amice lector.*

*Quid sit Agnoscere paschali miscere, dum comeditur, amaras cichoreas.*

*Quid sit assare agnum & eum non comedere crudum.*



*Transmutatio  
hominis in na-  
turam diuinā  
artificiosa ope-  
rante inuisibili  
ter spiritu san-  
cto.*

tionis artificio ipse totus sensim exuto seipso in eum transmuter. Nam (exempli gratia) dum in venerabili illo capite notat oculos ab omni vanitate auersos, ad Patrem vero æternum semper conuersos & intentos, suos vero quos habet ad vana, terrestria, turpiaque semper demissos, hos sibi expungit, illos amoris penicillo reponit. Videt & illius linguam, totum os, omnem sensuum externorum familiam, & admiratur continentiam, abstinentiam, sobrietatem, modestiam, castitatem tum pulcherrimam omnium actionum œconomiam. Contra: despiciens propriæ linguæ garrulitatem, gulæ incontinentiam & turpitudinem: deinde sensuum reliquorum proteruiam hæc omnia detruncat, & ad propositi exemplaris similitudinem noua sibi deliniat. Descendit ad manus & pedes Domini Iesu Christi, quarū illas ad liberalitatem, ad ferendam omnibus opem perpetuo protensas agnoscit, suas plenas rapina & sanguine. Istos ad omne virtutis iter apparatus & occallentes suos ad omnia vitia propensissimos deflet: proinde talibus & pedibus & manibus abiectis, nouas sibi affectat restitui. Simili modo in penitiora propositi corporis vi contemplationis raptus intuetur benedictæ animæ Christi mirabiles proprietates, insignia dona, ordinatos affectus, cogitationes diuinas, amorem in Deum incomprehensibilem, gloriam immensam, omnem denique plenitudinem diuinitatis corporaliter in ea habitantis incredibili animi iocunditate suspiciens, seipsum verò veluti mortuum, fœdum ac putridum corpus contemnens, sui innouationem desiderat. Ex quo fit, ut dum ueluti ab Eliseo suæ manui manus supponitur Christi, pectus pectori, os ori, noua resumpta vita noui & cœlestis hominis imaginem induat, veterem exuat. Hic proinde est commemoratæ passionis fructus, hic epularū cœlestium gustus, sic comeditur caro Christi, sed spiritus non

*Fructus ex pia  
cōmemoratio-  
ne passionis  
Christi, quis.*



tu non ore, mente non dente: sic quoque anima viuificatur ab anima Christi, fide tamen ingesto poculo charitatis, non ore absorpto poculo ebrietatis. Sic transmutamur in eum, dum in eius naturam & proprietates cōuertimur. Propterea ergo proponitur nobis panis Eucharistiæ qui vocatur (& nomine tantum est verum corpus Christi, quia signo interdum datur nomē rei signatæ, vt ait August. Cyprianus & Rupertus in prologum Ioannis) vt à visibilibus sursum ad cœlestia conscendamus facti aquilæ, vt ibi nimirum sit in spiritu anima, vbi cadauer Iesus Christus. Quo conspecto, videamus & intelligamus quid longitudo, quid latitudo, quid profundum huius ligni in quo olim pependit, huius suæ in nos charitatis, huius suæ pro nobis mortis & passionis mysterium significet. Vnde in posterum non noceat nobis coluber solitudinis, sed per omnia sequentes Iesum & imitantes (nam hoc est eum comedere) cū ipso baptizemur morientes peccato, cum ipso paruulifimus, in humilitate & simplicitate cordis viuentes, cū ipso ieiunemus intra sobrietatis limites conclusi & elemosynis incumbentes, cum ipso lotis pedibus panem Angelorum edamus beneficiorum memores & orantes, cum ipso mundo crucifixi viuamus, & cum ipso denique spiritu sancto repleti in æternum maneamus. Verum dicet mihi hīc aliquis, nōne accipimus multoties in anno panem Eucharistiæ, & tamē neque hunc concipimus gustum, neque tale consequimur emolumentum? fieri potest. At quemadmodum in cibo externo vt transglutitus & in stomachum demissus proficiat, requiritur calor qui eum digerat, non igneus ille febrilis, sed ex parte cœlestis, qui à medicis primigenius siue radicalis appellatur. Ita hīc cibus apprehensus in verbo, fide debet demitti in animam, amore digeri, desiderio manducari, & vt ait Tertullianus de Resur. car.

*Comedere  
Christum est  
ei credere &  
imitari.*

*Calor primi-  
genius cibum  
digerit non fe-  
brilis.*



Auditu deuorandus est, intellectu ruminandus, & fide digerendus. Alioqui plurimi erunt qui confitebuntur ore filium Dei esse Christum natum olim, & passum, externo quoque apparatu sument Eucharistiam signum, & gesticulationibus adorabunt signatum, sed quia forsitan latet intus aliquis humor corruptus, qui coram speculo & exemplari quod Christus est non fuit antè detectus, & proinde expurgatus, quia inquam latet peccatum quod virtutis impedit aduentum, quia deest vera fides quæ concoquat, sit vt talis in suâ foeda imagine perseueret, & tandem ob macilentiam factus hecticus, & inops coelestis roris & spiritus ad mortem tendat. De his loquitur Propheta di-

*Qui sunt qui  
ex esu sacramē  
ti nullum re-  
portant fru-  
ctum.*

cens, Manducauerunt & adorauerunt omnes diuites terræ, sed non sunt saturati. Et quare, inquit Augustinus? Quia non esurierunt & sitierunt iusticiam, hoc est (vt opinor) non ideo manducauerunt passionis Christi memoriam, non eam sibi proposuerunt ob oculos eo fine, vt seipsos veluti ad lapidem Lydium probarent, vt vitæ suæ enormitatem, morum foeditatem, ad perfectæ vitæ & virtutum exemplar conferentes, sui fastidio ducerentur, amore propositæ excellentiæ traherentur & tracti assimilarentur, & sic tandem satia-  
rentur. Intelligis igitur & percipis, amice lector, quomodo in pane lateat gratia corporis Christi, lateat eius natura, dotes, & virtutes, & quomodo illa crui possint, hoc est manducari, extenta scilicet fide & amore cordis sursum ad signata priusquam manu visibili & carnali ad signa. Verùm si nec tibi satis est coniungi Christo in virtutibus, in natura aut dotibus, sed vis quoque substantiam corporis ipsius tibi impartiri, en eam habes in Sacramento visibili, habes & eam in teipso. Verus namque venerator passionis Christi (inquit Leo. 1. 13. serm. de passi. Christi) sic crucifixum

*Caro nostra  
cum carne  
Christi unius  
est generis.*



cifixum Iesum oculis cordis aspiciat, vt illius carnem suam esse cognoscat. Audin? caro Christi, quam non vides oculis sed fide in cœlo, tua est caro quam gestas in terra, de qua sic Augustinus: Vbi (inquit) caro mea glorificatur, ibi gloriosum me esse cognosco, vbi sanguis meus dominatur, ibi dominari me confido. De hac carne loquebatur & Christus cùm ad Paulum exclamaret. Saule Saule quid me persequeris? pauperum Christianorum carnem, suam appellans.

De ea quoque loquitur cùm ait (inquit Chrysostomus.) in carcere fui & visitastis me, esuriui & dedistis mihi potum. De ea similiter intelligit, cùm dixit in vltima cœna: Accipite & manducate, hæc est caro mea siue corpus meum (nam idem est teste Cypriano) carnem nimirum panis suam appellans. De qua quoque verè dicebat Chrysostomus in hom. ad populum Antiochenum. Christus (inquit) carnem suam nobis in mysterio Sacramentis inuolutam reliquit. Nam vt Elias in curru ignito ad cœlos euectus vestem Eliseo: sic Christus ascendens carnem suam secum duxit, ac simul carnem suam retro post se reliquit: hæc Chrysostomus. Ex quo intelligis duas carnes Christi non numero sed natura & specie easdem & sibi similes (vti dicemus) quarum altera quæ est illi naturalis & è Maria Virgine sumpta in cœlum gloriosa ascendit, altera quæ est in sacramento virtute & potentia, facta ex pane & vino in alimoniam corporis Christi mystici, hoc est omnium fidelium quotidie sumpta transit, à qua fideles corpus Christi dicuntur. Si igitur vis carnis Christi verum experiri gustum & tibi non sufficit Sacramentum, tuum arripe & deuora brachium. Nam non aliter differt caro Sacramenti à tua carne (modo verè fidelis sis) quàm quòd tua est in actu, illa in po-

*Christus reliquit nobis suam carnem in mysterio sacramentis inuolutam.*



Non differt in  
telligibilis ca-  
ro Sacramenti  
& nostra uisibi-  
li carne nisi  
quod nostra  
est in actu, illa  
in potentia.

Excusatur  
Zuinglius. &  
Calvinus.

tentia, vtraque per gratiam. Hinc est quod aliàs dice-  
bat Augustinus. Quod heri accepimus fratres, hoc  
sumus nos. Vis hoc tibi exponam? In pane est caro po-  
tentia similis illi specie, quam ipse gestas in corpore,  
ergo sumens panem, sumis tuam carnem. Iam cum  
in panem sese infuderit verbum viuificum & spiritus  
sanctus, sacramentum autem hoc sit apparatus ijs  
qui spiritum sanctum habent & fideles sunt, denique  
& per baptismum regenerati, sequitur quod fideles,  
qui in charitate, vnitatem, veritatem perseuerant, hinc  
accipiunt nutrimentum pietatis, veritatis, charitatis,  
unitatis, quæ sunt (teste Augustino) ipsum corpus Chri-  
sti spirituale. Ista igitur sunt quæ videtur omisisse neo-  
terici aliquot euangelici D. Zuinglius, Calvinus & alij.  
Omiserunt inquam docere populum (quod seueriter  
vult fieri Cyprianus) quomodo panis fiat caro Christi  
ex qua alitur caro christiani. Nam in eius rei cogniti-  
one totum pendet mysterium & dignitas sacramenti. At  
D. Zuinglium facile excusabit opinor diuus Cyrillus  
qui in Ioan. scribens lib. 2. cap. 47. sic ait. Attendamus  
obsecro nos qui docendi potestatem accepimus, melius  
esse vt simpliciter fidem, quam profundiori ratione dili-  
gentius expositam Neophytis tradamus. Nam & lacte  
Paulus nutrit &c. Ex hoc colligis lector, non apud o-  
mnes fidei mysteria esse promulganda. Proinde sa-  
tisfecit D. Zuinglius rudi suo tempori, & populo  
iamdudum in idololatria submerso, docendo quod Eu-  
charistia non esset Christus, nisi forsitan, eo modo quo  
petra erat Christus, de qua dicit Augustinus, Petra e-  
rat Iudæis Christus, nobis Christus quod super altare  
ponitur. Iam autem cum populus christianus ma-  
gnos fecerit in fidei cognitione progressus, aliqua o-  
pera succedentium euangelicorum, sine periculo do-  
cere & possumus, & debemus, quomodo Euchari-  
stia.



stia sit caro Christi. Audiamus igitur Gregorium Nyssenum, sanctum illum Episcopum, cum omnibus Patribus de hac re differentem; & pulcherrimo modo explicantem, quomodo panis sit caro Christi. Dicit igitur sic in Catechesi: Quemadmodum qui per insidias venenum hauscrunt, alio medicamento vim illius exitialem extinguunt, ita nobis faciendū est, vt cū venenum quo natura nostra dissoluitur, gustauerimus, medicamentum, quo illa restituatur, suscipiamus. Quodnam autem est hoc medicamen, nisi corpus Christi? Vt enim parum fermenti totā massam sibi assimilāt, sic & Christi corpus in nostrum corpus ingrediens, totum in se transfert atq; commutat. In corpus autem ingredi non potest, nisi per cibum & potum visceribus immisceatur. Itaque necessarium est, vt natura nostra, quoad eius fieri potest, vim salutarē intra corpus admittat. Cū autem nullum aliud nisi diuinum illud corpus eam gratiam suscepit, & nostra corpora non possunt consequi immortalitē, nisi cū immortalī iungantur: considerandum est, quomodo fieri possit, vt vnū illud corpus distribuatur per totum orbem. Haecenus Nyssenus, in quo nota, amice lector, quod rationem reddere vult, quomodo corpus Christi, quod in cœlo est, possit distribui in tot milia hominum per orbem, tantum abest vt abhorreat ab illo (quomodo) ad quod nos cogere volunt Pōtificij. Pergit ergo Nyssenus, & dicit: Omne corpus ex nutrimento consistit & confirmatur. Nutrimētum autem familiare est panis & vinum, quæ potentia sunt caro & sanguis. Porro Dei verbum ita naturæ humanæ coniunctum est, & corpus nostrum assumpsit, vt eius naturæ non aliam nouam constitutionem adhiberet, sed solitis ipsū rebus aleret & sustentaret, nempe cibo & potu. Cibus verò Christi erat panis vt noster. Sicuti igitur qui panem videt quodammodo vi-

*Quomodo eu-  
charistia sit et  
fiat caro Chri-  
sti.*

*Hanc Cate-  
chesin Cyrilli  
Ioachimus Ca-  
merarius poli-  
citus est, se ē  
Græco in La-  
tinum transla-  
tam editurum.*

*Panis & vinū  
sunt potentia  
caro et sanguis*



det corpus humanum, quoniam panis corpus euadit manducatus. Ita diuinum corpus Christi panis nutrimentum accipiens, idem quodammodo erat cum illo cibo in eius corporis naturam immutato. Corpus autem Christi propterea quod Deus verbum in illo habitauit, diuinam obtinuit dignitatem. Quamobrem etiam nunc Dei verbo sanctificatum panem altaris in Dei verbi corpus credimus immutari. Itaque qua ex causa panis in corpus Domini mutatus in diuinam naturam transijt, eadem de causa nunc etiam fit. Nam sicuti gratia verbi æterni sanctum efficit corpus Christi, cuius firmamentum ex pane constabat, & ipsum quodammodo panis erat, sic hic panis altaris per verbum Dei & orationē (inquit Apost.) sanctificatur, non quia comeditur eo progrediēs, vt verbi caro euadat, sed statim p verbum in corpus mutatur à verbo. Hoc est corpus meū. Proinde Deus, qui se patefecit nobis, idcirco naturæ mortali seipsum coniunxit, vt eam diuinā redderet. Idcirco cunctis credentib. seipsum impertit per carnē, quæ ex pane & vino constituitur, fideliumq; corpor. cōiungitur, vt ea cōiunctione cū immortali, homo etiā immortalitatis parriceps fiat. Hæc autē tribuit virtute mysticæ benedictionis in illud rerū, quæ videntur, naturā mutans. hæc tenus Nyssen. Ex quo sacramentalis manducationis dignitatem, simul & visibilis sacramenti prærogatiuam percipere potes, in qua fideles omnes & corde & ore corpus verbi realiter suscipiunt pane in sua substantia manente licet spiritualiter, & proinde ineffabiliter (inquit Bertramus & alij) in illud immutato. Vult igitur paucis dicere Nyssen, quod infundente se diuinitate & verbo æterno in panem qui potentia caro est, panis fit caro siue corpus verbi. Tale quid asserit & ipse Cyprianus tractatu de Coena his verbis. Quemadmodum (inquit) in Christo latebat diuinitas, apparebat humanitas,

*Corpus siue caro Christi idē erat quodammodo cum pane quo alebatur.*

*Dei verbo æterno sanctificatus panis altaris in Dei verbi carnem immutatur.*

*Christi caro quodammodo panis erat.*

*Christus se nobis per carnem impertit, quæ ex pane constituitur, non ergo per illā, quā sumpsit de uirgine, & nota.*

*Panis substantia manet, licet spiritualiter mutetur in corpus uerbi, & nota.*



nititas, ita visibilibus sacramentis ineffabiliter diuina sese infudit essentia, vt esset religioni circa sacramenta deuotio, &cæt. Nota, Lector, Cyprianum, & in eius dicto (ineffabiliter illud) vt scias, sacramenta non esse nuda signa, aut illis diuinitatem adesse vulgari modo, sed ineffabili. Quocirca etsi certum est, fidelem omnem ali verbo viuifico, & proinde spiritali carne Christi etiam extra communionem, quotiescunque fideli oratione sibi tale alimentum à patre Deo propter Christum deposcit. Vt tamen Deus imbecillitati fidei nostræ sese accommodaret, & conuentus fidelium stabiliret, haberemusque visibile nostræ resurrectionis symbolum, in visibili suæ carnis nutrimento stabilitum, denique vt certo sui contactu nos foris & intus sanctificaret, voluit quoque, & in sacramentalem panem ineffabili modo infundi, vt tibi corporeo in corporalibus quoque sese misericorditer insinuaret. Proinde quicumque hanc ineffabilem diuinæ maiestatis præsentiam (nam aliàs etiam suo modo ubiq; est) in sacramento non docent & annunciant, qua fit, vt panis, qui potentia caro est, in carnis Christi virtutem & naturam transeat, minuit sacramenti dignitatem, inde & circa sacramenta deuotionem, & per consequens resistere videtur Christo præcipienti & dicenti, Accipite & manducate. Redeamus ad propositum. Ipsa est ergo diuinitas siue verbum viuificum, quod se infundit in panem, manente in coelo Christo, sic tamen vt illa diuinitatis præsentia cum pane, panem efficiat carnem Christi in potentia, ex qua alitur caro Christiani. Vnde Iustinus in sua Apologia. Hic cibus, inquit, apud nos Eucharistia dicitur, quam non vt communem panem aut cibum accipimus, sed quemadmodum per Dei verbum factus homo Iesus Christus carnem & sanguinem pro nostra salute habuit, sic etiam cibum, qui per preces

*Diuina maiestas adest sacramento Eucharistiæ ineffabili modo.*

*Cur Deus sese nobis coniungit per panem & vinum.*

*Qui sunt, qui minuunt sacramenti dignitatem.*



*Carne Christi,  
quæ est in Sa-  
cramento, ue-  
rè alitur caro  
nostra.*

sermonis,quem ab eo accepimus, & ex quo carnes no-  
stræ commutatione aluntur, consecratus est, Iesu Chri-  
sti, qui homo factus est, carnem & sanguinem esse accé-  
pimus. Idem sentit & Irenæus, grauissimæ authoritatis  
vir. Quomodo, inquit, negant carnem nostram capa-  
cem esse donationis Dei, qui est vita æterna, quæ carne  
& sanguine Christi nutritur? Quando ergo mixtus ca-  
lix & fractus panis percipit inuocationem Dei, sit eu-  
charistia carnis & sanguinis Domini, ex quibus consistit  
atque augetur carnis nostræ substantia. hæc Iren. Sed  
nota bene, amice lector, ex his irrefragabilibus veritatis  
testibus certò constare, carne Christi (quæ est in Eucha-  
ristia) carnes nostras vera nutritione ali. Somniât ergo  
(ne quid durius dicam) qui in cœna Domini solam ali-  
moniam spiritualem affectant, & sacramentalem siue  
carnalem vel ignorant vel respuunt. Qui contra Cyrilli  
doctrinam Euangelio consonam nos vniri tantû Chri-  
sto per spiritum & non per carnem affirmant. Rursus  
nota, quòd si Sacramentum esset ipsissimus Christus,  
(vt volunt Lyndanus, Hosius, & alij Pontificij) oportet,  
quòd Christus nutritione vera faceretur in substan-  
tiam nostri corporis, & quòd ex eo reuera nutrireretur:  
id quod quàm sit absurdum, nedum abominandum, di-  
cemus mox. Percipis interim, Lector, quòd panis & vi-  
num altaris transeant in virtutem carnis & sanguinis  
Christi, virtute ineffabilis præsentia diuinæ, aut (quod  
idem est) ratione mysticæ benedictionis, vt vult Nyssen-  
us, & Nysseno consentiens ipse Cyrillus. Quibus ac-  
cedentem audi Damascenum libro quarto Orthodox.  
fidei. Quemadmodum in Baptismo, inquit, mos est ho-  
minibus vt aqua & oleo vngantur, aquæ & oleo Spiri-  
tus sancti gratiâ coniunxit, & effecit, vt esset lauacrum  
regenerationis: ita quoniam hominibus mos est, vt pa-  
nem edant & vinum bibant, his diuinitatem suam ad-  
iunxit,

*Nō solum per  
Spiricum, sed  
etiam per car-  
nem reuera u-  
nimur Christo.*



iunxit, eaquē fecit carnem & sanguinem suum. Non quòd corpus illud Christi assumptum è cœlo descendat, sed quia panis & vinum in carnem Christi mutantur. Hæc Damascenus, cuius diligenter notanda sunt singula verba, sub quibus latent totidem mysteria, præsertim quia hîc Damascenus pro Pontificijs facere dictus est in hac re. Dicit igitur: Quoniam mos est hominibus, vt panē & vinò vescantur, his diuinitatem suam adiunxit (Cyrillus vocat mysticam benedictionem. Origenes Verbum de Deo verbo. Theod. Diuinā gratiam, & Imaginem Dei Epiphanius. Augustinus Gratiam, quæ non consumitur morsibus. Ambrosius Corpus diuini spiritus. Nyssenius Verbū Dei. Cyrillus aliàs Vim vitæ) eaq; fecit carnem & sanguinem suum. Nota igitur, ait verbis expressis, His suam diuinitatem coniunxit, non autem dixit, hæc euauerunt, & Christus successit in locum, vt scias quàm vana sit Pontificiorū transsubstantiatio. Vidit hanc valere cōsequentiam Thomas de Aquino quæst. 74 & sic ipsemet argumentatur. Si cōiunxit diuinitatem suam panī & vino Christus, cū coniunctio sit rerum actu existentīū, ergo panis & vinum manent? Præterea inter Ecclesiæ sacramēta debet esse conformitas, sed in alijs sacramentis (vt in Baptismo) substantia manet, ergo & in hoc sacramēto. Cæterū audi, Lector, egregiam ipsius responsionē & iudica, vtri Patres sequātur Pontificij, ne, an aliquot saniores Euangelici Ad primū dicitur (inquit) quòd Deus coniunxit panī & vino suam diuinitatem, hoc est diuinam virtutem, non vt remaneat panis & vinum, sed vt faciat inde corpus & sanguinem suum. En Seraphicam, sed absurdam sententiā, si de corpore Christi animato intelligit, quod in cœlo est. Solus igitur Thomas hîc verax est, & nouit consilium Domini, quia (ait) cōiunxit panī & vino suam diuinitatem, non vt remaneat panis, sed vt mutetur in

*Corpus Christi  
fit tempore cœ  
ne non descen  
dit in panem.*

*Varia appel  
latio corporis  
Christi, quod  
in Sacram. est.*

*Transsubstan  
tiatio Pontifi  
ciorum merum  
figmentum.*



carnem Domini, siue in Christum. Mentitur ergo Ambrosius, qui ait lib. I. de Sac. Mira est potentia Dei, qui facit vt panis maneat id quod est, & tamen mutetur in aliud. Mentitur Origenes, qui in Matt. Panis, inquit, Domini in ventrem abit, & per ventrem recedit (& iterum) Substantia panis Domini non prodest, sed super eū dictus sermo. Mentitur Theod. Cyri. Episcopus ille, qui Nō mutauit (ait) Dominus panis & vini substantias, sed illis addidit suam gratiam. Mentitur Gelas. Pontifex, qui dicit aduersus Eutychem. Sacramenta Domini sunt res diuina, substantia tamē panis in ijs minimē esse desinit. Mentitur August. contra Faustum dicens. Quanta dementia in eis, qui putant mutationē fieri in sacramentis (cōparat nostra cū veterib.) demū quod aliqua sit diuersitas in rebus ipsis. Mentitur Iren. Eucharistiā dicens constare ex duab. rebus, terrestri & cōlesti. Deniq; mentitur Cyril. qui in sua Catec. Non est, inquit, nudus panis aut vinum, sed cum eo diuinitas. Iudicet ex his pius Lector, an nouitas Pōtificiorū debeat cedere vetustati tot sanctis. Patrum. Verū quoniā de hac re plura postea dicemus, vbi docebimus, quod licet aliqua mutatio fiat in pane, non tamē talis qualē somniant Pontificij, redeamus ad Damascenū, qui pergit dicere, Nō quod corpus illud Christi assumptū ē cōelo descēdat, sed quod panis in carnem Christi mutetur. Hoc dicto satis reprehendit Damasc. illorū vanitatem, qui vbiquitatē corporis Christi ex somnijs suis stabiliunt, Cōfirmet te, lector, his verbis August. scribēs Consent. epist. 146. Ego, inquit, domini corpus ita in cōelo esse credo, vt erat in terra quando ascendit in cōelū. Fides igitur adsit, & nulla quæstio remanebit. Valet enim diuina potētia de ista visibili atq; tractabili natura corporū quibusdam manentib. auferre quas voluerit qualitates, & per hoc membra mortalia formæ liniamētis manentib. corruptione verò qua-

lita.

Substantia sacramentorum non mutatur formaliter.

Tempore cœnæ Christi corpus nō descendit in panem.

Fides Augustini de præsētia in cōelo, quæ omnium Christianorum esse debet.



litatis emortua, stabili vigore firmare, vt absit labe, ad-  
 sit effigies, adsit vescendi potestas, absit esuriendi neces-  
 sitas, &c. Quid hîc respondebunt Vbiquistę aut Pontifi-  
 cîs, qui eū in Sacramento sine quantitate locant. Adest,  
 inquit, effigies, adest forma, ergo quantitas illi adest, &  
 proinde est circūscriptus. Non disputo, vbi sit cœlum  
 sed dico cū Aug. cum esse in vno loco cœli. Nō negabo,  
 quin suo modo fuerit visus Paulo post ascensionē, sed  
 nego quòd vt homo eodem tempore fuerit in inferno,  
 qui tamen vt Deus & erat & adhuc est. Nolo eū credere  
 simul esse & in cœlo & in terra, ne (vt ait Aug. in Ioh. tra.  
 4.) Destruam naturam corporis Christi, ne negem con-  
 tra Scripturā, quin contineatur cœlo vsq; ad restitutio-  
 nem omnium. Proinde sic concludere, Lector, cum beato  
 Aug. in Io. 50. de verbis Domini. Vnus Iesus vbiq; per id  
 quod Deus est, in cœlo aut per id quod est homo. Sem-  
 per quidem diuinitate nobiscum, sed nisi corporaliter  
 abisset à nobis, semper cum carnaliter videremus. Ha-  
 cten. Aug. Redeamus ad Damasc. Corpus, inquit, Christi  
 non descendit è cœlo, sed panis & vinum in carnē eius  
 & sanguinem mutantur. Porrò etsi iam concederemus  
 Pontificîs, hanc mutationē fieri in hominem aliquem,  
 & inde inferre, quòd ille homo esset quidam Christus,  
 qui pependit in cruce: non negabunt tamē, quin & hic  
 Christus qui latet in Sacramento, & ille Christus qui est  
 in cœlo, quē Damascenus dicit non descendere è cœlo,  
 sint duo Christi differentes inter se primū numero, de-  
 mum loco distantes. Quocirca vt hoc illis cōdonemus,  
 inquam, & horrendū illud facinus quo homo mandu-  
 catur illis admittamus, adhuc certum est, miserabiliter  
 illud pontificîs illis à diabolo, cū volunt, vt ille Chri-  
 stus, q̄ est in Sacr. adoretur. Fortiter enim ab eo facinore  
 nos reuocat Aug. scribens ad Ian. ep. 100. & 19. In dei, ait,  
 præcepto prohibetur coli signmētis hominū dei simili-

*Si Christus sen-  
 per esset nobis,  
 cum in terra,  
 semper eum  
 carnaliter ui-  
 deremus.*



*Nulla imago Dei coli debet, nisi illa quæ hoc est quod ipse, nec ipsa pro illo, sed cum illo. Hactenus Augustin.*  
*hæc est quod Deus.*

*Eucharistia est imago corporis Christi, nõ tamen per omnia æqualis Christo.*

*Eucharistia est Christus per gratiam.*

tudo, non quòd non habeat imaginem Deus, sed quòd nulla eius imago coli debet, nisi illa quæ hoc est quod ipse, nec ipsa pro illo, sed cum illo. Hactenus Augustin. Nunc audiamus Diuum Epiphanium de Eucharistia sic loquentem in Ancorat. Non secundum æqualitatem (inquit) habent homines id, quod est secundum imaginem: verus est tamen, qui cum gratia id quod est secundum imaginem Dei homini largitus est, & quot sunt eiusmodi? Videmus quòd Saluator accepit in manus, quòd surrexit à cœna, & vbi gratias egisset dixit, Hoc est corpus meum, & videmus quòd non est æquale neque simile, non imagini in carne, non inuisibili deitati, non lineamentis membrorum. Panis enim Eucharistiæ est rotundæ formæ & insensibile secundum potentiã. Proinde voluit dicere Dominus, Hoc est corpus meum, nimirum per gratiam, & nemo non fidem habet sermoni. Qui enim nõ credit, esse ipsum verum, sicut dixit, excidit à gratia & salute. hæc Epiphanius. Et nota hæc bene, amice Lector, vt scias quæ fuerit fides de Eucharistia per vniuersum orbem huius sanctissimi viri tempore. Credebant enim, Eucharistiam esse corpus siue carnem Christi potentia, & habere eius imaginem, non tamen Christo per omnia similem aut æqualem, sed per gratiã, siue ad mensuram. At Christo Deus non dedit spiritũ ad mensuram, sed in eo habitat omnis plenitudo diuinitatis corporaliter, estq; Filius Dei Deo patri consubstantialis & æqualis: ergo panis Eucharistiæ non est Christus, non igitur ex grauissima autoritate Augustini Scripturæ consentiente est adorandus. Rogas forsitan quid est imago illa, quam dicis Eucharistiam habere, cuius & homo est particeps qui dignè sumit Eucharistiam? Audi Augustinũ lib. de Ciuitate Dei 10. c. 4. & lib. 11. ca. 26. Vir (inquit) est imago Dei, vt dicit Paulus, idest ad naturam Dei factus, similitudo vero ad



ea quib. est dotata natura, immortalitas, virtus, quibus Deo similis est. Nos enim in nobis tametsi non æqualem immò valde longè distantem neque coæternam, & quo breuius totum dicatur, non eiusdem substantiæ cuius est Deus, tamen qua Deo nihil sit in rebus ab eo factis natura propius imaginem Dei, hoc est summæ illius trinitatis agnoscimus adhuc reformatione perficiendam, vt sit etiam similitudine proxima. hæc Augustinus. Et miraris (lector) si iam dicit Epiphanius quod licet Eucharistia habeat id quod est secundum imaginem Dei, non sit tamen Deo æqualis aut Deus & proinde quod non sit adoranda, licet Deus, qui in tali habitat imagine sit adorandus? hoc est (ne forte) quod vult Gelasius contra Eutychem, dum ait. Eucharistia est res diuina, manet tamen eius substantia licet in diuinā naturam mute-  
 tur. Atq; imago quidem atq; similitudo corporis Christi in actione mysteriorum celebratur. hæc ille. Quod si aliter velis intelligere, nimirum de spiritu sancto, qui etiam fidelibus offertur verè & realiter in sacramento à quo panis sanctificatur, neque illum habet Eucharistia vt habet Christus ad æqualitatem, imago tamen est (ait Cyrillus lib. II. cap. 27.) exquisita vnigeniti, & eos in quibus spiritus habitat, facit cōformes imagini filij Dei. At (pergit dicere) cū omnis plenitudo diuinitatis habitet in Christo corporaliter, Christus vere Deus est. Christianus vero non est Deus, licet theophorus, id est habens spiritum sanctum qui est imago Dei per gratiā, hæc Cyrillus Epiphanius consentiens dicente, quod Eucharistia non habet imaginem Dei ad æqualitatem sed per gratiam, ergo conclude (lector) non est Deus, nam licet Deus infuderit & coniunxerit se pani ineffabiliter, non tamen assumpsit eum sibi in vnitatem personæ, unde verè Christus dici possit, substantia tamen est carnis Christi viuifica & creatura nobilissima (fateor) at vt ait



*Eucharistia nō  
est deus indisso-  
lubili argumē-  
to probatur.*

*Vinū in calice  
mox post uer-  
ba consecratio-  
nis fit sanguis  
uerbi, nō tamē  
sanguis carnis.*

Ambrosius lib. 4. de sa. creatura licet solemnis. Vnde etiam patet, quod non per vulgarem gratiam adest Deus sacramento, sed per mirabilem & ineffabilem. Quod autem Eucharistia non sit Deus, proinde nec Christus, sed diuinitatis tantum particeps, & imaginis Dei, facile poteris colligere ex hoc loco Epiphaniū quem velim te bene notare amice lector. Nam vbi dixisset quod Eucharistia est corpus Christi habens id quod est secundū imaginem, non tamē ad æqualitatem, sed per gratiam, infert statim hæc verba. Dominum vtro nostrum nouimus totum sensum, totum sensitium, totum Deum, totum mouentem, totū lucem, totū incomprehensibile sed qui cum gratia hoc nobis largitus est. Audis lector quod nec Eucharistia, nec homo fidelis qui Eucharistia pascitur, sit totus Deus, totus mouens, tota lux & cætera, sed qui hoc habeat ex gratia, per portionem, mēsuram, siue participationem, & quid nunc habent quod respondeāt Pontifici aut cum illis aliquot nomine euangelici. Errasse Epiphanium cum toto illo sæculo? at hoc periuadebunt fungis, non christianis (opinor) ad propositum redeo (nam de ea re dicemus adhuc semel in sequentibus) panis & vinū (inquit Damascenus) mutantur in carnem & sanguinem Christi, intellige igitur virtute & spiritualiter non actu seu formaliter in hominem aliquem aut crudam carnē, vt ex Augustino & Cyrillo probauimus, qui dicunt hoc vel solo auditu esse horribile. Restat proinde vt credas, quod panis & vinū altaris per verbum Dei à legitime ordinato ministro pronuntiatum fiant mox etiam ante manducationem (inquit Nyssenus) caro verbi, & sanguis verbi, non sanguis carnis. fit igitur vinum sanguis Christi non formaliter sed virtute, sanguis inquam Christi non idem numero, sed specie idem cum sanguine quem Christus habet in cœlo, vel (vt mox dicemus cum Cyrillo, idem sanguis



guis per affinitatem, aut cum Epiphanio, idē per gratiam. Est igitur sanguis potentia non actu, sanguis verbi non carnis. Nam vt fiat actu sanguis aut caro, debet māducari non circūgestari, & nutritionis ordine in verā carnem conueri & nostrā carni assimilari. Accipe hoc ex Theophylacto super Ioan. Et ne quem cōturbet (ait) quod panis credendus sit caro. Etenim & in carne ambulante Domino & ex pane alimoniam admittente, panis ille qui manducabatur in corpus & carnem Christi mutabatur, & similis fiebat sanctæ illius carni & in augmentum & sustentationem eius conferebat, sic igitur & nunc panis Eucharistiæ in carnem Domini mutatur. Audis lector? Si panis quem Christus comedeat non erat caro actu ante manducationem sed potētia, ita neque nunc est in altari. Erat quidem & fiebat Dominus in Christo propter diuinitatem in Christo habitantem (vt exponit Nyssenus) Sic & nunc est & fit diuinus in altari propter infusam illi diuinitatē per verbum. Vnde caro quæ ex pane illo in nobis per concoctionem efflorescit cū sit caro diuina, efficit vt magis simus diuini, cū sit sancta, efficit nos sanctiores. Quod si dicas mihi, cur Dominus igitur vocat sanguinem si non est verus sanguis, cur carnē si non est vera caro & in forma, vt dicunt? Non respondebo tibi vt faciunt Pontificij, qui dicunt, id factū à Domino vt horror carnis euitetur, quoniā horrendū est comedere crudā carnem, propterea voluit eā Dominus tegi accidētibus. Nā obsecro nō ne æque horrēdū esset si quis diceret, accipe comedere, hæc est caro patris tui tecta saccharo, æque inquā horrendū ac si non esset tecta? Audi igitur August. De genef. contra Manic. affirmantem phrasim esse scripturæ passim vsitatam, vt aliquid dicatur esse, quod nō est, sed quod vel mox erit vel esse potest. Informis, inquit, illa materia quam deus de nihilo fecit appellata est primò cœlum & terra, non

*Phrasis est scripturæ usitata, dicere aliquid esse hoc vel illud non quod sit sed vel quod mox erit vel esse potest.*



quia iam hoc erat, sed quia esse poterat. Nam & cœlum dicitur postea factum. Quemadmodum si semen arboris postea considerantes, dicamus esse radices, & robur & ramos, & fructus & folia, non quia iam sunt, sed quia inde futura sunt. Innumerabiles tales loquutiones in scripturis diuinis reperiēs. hæc Augustinus. Ex quo discis lector, nihil esse absurdum quod dicimus, panem Eucharistiæ non esse carnem actu, etsi sic appelletur, sed quia manducatus ab homine fideli & eo qui est corpus Christi, transit demum in carnem actualem (vt sic dicā) licet antea, vim, virtutem, energiam carnis Christi habuerit. Vnde est quod dicit Cyrillus ad Colos. Nec enim horremus (inquit) carnem & sanguinem apposita sacris altaribus, condescendens enim Deus nostris fragilitatibus influit oblatis pani & vino vim vitæ, eaque cōuertit in veritatem propriæ carnis, vt corpus vitæ quasi semen quoddam viuificatiuum inueniatur in nobis. hæc Cyrillus, in quo bene notas opinor illud, conuertit in veritatem carnis, non ergo dicit in veram carnem, nam certè priusquam hoc fiat, debet manducari panis Domini, & sic fit vera caro in nobis, non in altari. Colligere id quoque forsitan poteris ex Marco Euangelista qui sic habet. Et accipiens Iesus calicem dedit eis, dicens: bibite ex hoc omnes, & biberunt de eo omnes, Tunc dixit illis Iesus. Hic est sanguis meus noui testamenti &c. Vides quòd Dominus vinum non pronuntiat esse sanguinem verum, nisi postquam illud biberūt & iam concoctione est in illorum corpore immutatū, & quòd hoc non tacuerit spiritus sanctus vt ab horrenda potatione sanguinis nos abstraheret, idem dicendū de pane. Non enim dixit Christus hæc est caro mea: comedite, sed comedite, hoc est corpus meum: debet igitur comedi vt fiat actu caro siue corpus carnis. Quod si mihi Iudam opponas, dico quòd sumpsit quidem sanguinem

*Dominus infundit in panem vim vitæ, & cōuertit eum in veritatem suæ carnis, non dicit in veram carnem.*



guinem Christi intelligibilem (vt vocat Hesichius in Leuiticum) carnem inquam Christi virtute, sed hæc virtus prius in eo euauit, quã panis ad concoctionis finē peruenit, quia caruit calore charitatis, qui operari debebat cū calore natiuitatis. Et n. verum est quod iuxta Augu. accepit integrum sacramentum, scilicet verbū cum elemento coniunctum mirabiliter, sed vim verbi quæ est spiritus sanctus (ut ait Cyrillus (non admisit. Quia) vt bene ait Cyprianus de cœna) licet nunquã se absentet diuina maiestas sacramentis, non possunt tamen, ait, spiritus esse participes, quorū indignitas tantæ sanctitati contradicit &c. Et ideo Iudas nō accepit panē Dominū, idq; quia non credidit in Christū verē Deū & hominē, cuius morte erat à peccati seruitute liberandus, propterea totum quidem acceperat sacramentū, quia sumpsit elementū cui accesserat uerbū, sed uerbum illud factū est illi carbo ardens in gehennā, non alimentum in uitā æternam. Et hi sunt qui uocantur ab August. manducare corpus Christi sacramento tenus. Sunt alij, qui comedunt corpus Christi in sacramento, & sunt omnes fideles, qui cuius corporis symbolū comedunt ore in terra, in cœlo ex mortuis rediuiuum intuentur & manducāt hoc est credunt, & sic cōiunguntur illi quidē per carnē, sed nondū per spiritum: quia nec eū diligunt nec imitātur. Vnde cum illi uniātur corpore in ecclesia, nō tamē mente, si fideli confessione oris, nō tamē cordis, si externis operibus, nō tamē internis, ergo rem quidem sacramēti māducant, nō uirtutem. De his duobus manducandi generibus loquitur August. lib. 21. de Ciuit. Dei cap. 25. Qui nō solum, inquit, sacramēto (hi sunt infideles qui Paulo ad Cor. mori dicūtur) sed re (hi sunt fideles christiani sed aut tepidi unde infirmātur, aut mali, unde dormiūt) māducauerūt corpus Christi in ipso scilicet Christi corpore quod est ecclesia, cōstituti de quo Paulus,

*Iudas bibit sanguinem Domini intelligibilem.*

*Nunquã se absentat diuina maiestas à Sacramento.*

*Sunt qui Sacramentū tantum sumunt ut infideles, sunt qui Sacramentū et re Sacramenti accipiūt, ut mali et tepidi christiani, sunt qui Sacramentū, re Sacramenti, et fructum Sacramenti accipiūt.*



vnus panis, vnum corpus multi sumus. Qui ergo est in christianorum compage membrorum, cuius sacramētum fideles de altari sumere cōsueuerunt, ipsi sunt qui manducant corpus Christi. hæc August. Ex quo duo genera discis eorum qui manducant corpus Christi, vnū infidelium & hæreticorū qui totum quidē sacramentū manducāt & proinde corpus Christi, sed nomine & sacramēto tenus, alterum eorū qui in vnitate fidei in Ecclesia perseuerant & hi rē accipiunt sacramēti (vnitatis fidei donum scilicet) quæ quoq; (vt alibi August.) nōnullis cedit ad vitam, alijs ad mortem. Tertium restat, et est eorum qui & sacramentum, & rem, & fructum sacramēti (qui est spiritus sanctus & caro Christi spiritualis) percipiunt. De his August. in Ioā. tract. 26. Ad hoc ergo nobis hoc valeat dilectissimi, vt carnem Christi nō edamus tantum in sacramēto, quod & multi mali (nota) sed vsq; ad spiritus participationem manducemus, vt in domini corpore (hoc est vnitate fidei in ecclesia) manētes, eius spiritu tāquam membra vegetemur. hæc ille. Cui sic confetit Bernardus dicens. Ad speciem panis pertingimus paruissimus, ad veritatem carnis fides interior, ad fructum spirituales charitas superior. Vnde percipis multos manducare carnem Christi in sacramento & sic fieri corpus Christi per carnem, sed nō māducare carnem Christi in cœlo, vnde nō coniunguntur illi per spiritum. At, quid est eum manducare dices in cœlo? Respondēdo, est eum diligere, & illi ex dilectione (amor enim nunquam est ociosus) obedire. hoc est quod August. ait 26. in Ioā. Manducare illam escam & illum potum bibere est in Christo manere, & Christum in se manētem habere. Proinde addit, qui non manet in Christo (hoc fit fide, quæ per dilectionem operatur) proculdubio, nec māducat spiritualiter corpus eius, licet carnaliter & visibiliter premat dentibus tantæ rei sacramētum, vbi no-

*Māducare carnē Christi usq; ad participationē spiritus est ex dilectione obedire Christo et eum in uitæ actionibus imitari.*



ta, quòd dicit malos christianos comedere tātæ rei hoc est corporis Christi naturalis sacramentū. Bonos vero & sacramentū corporis & ipsū Christi corpus, vnde percipis aliud esse sacramentū corporis, aliud corpus Christi, hoc. n. in cœlo sursum est, illud vbiq; in tēplo, hoc māducatur fide & dilectione simul, non ore, illud etiam tantum fide & ore, istud necessum est adorare, illud nihil aliud quàm honorare. Redeamus nunc ad propositum & illam meam sententiam de pane, qua assero non prius fieri carnem Christi actu quàm māducetur, licet sit antea caro virtute & intelligibiliter, probemus ex Cyrillo in Ioa. cap. 13 lib. 10. Caro, inquit, vitæ facta vnigeniti caro, ad virtutem vitæ traducta est, non potest igitur morte superari, propterea in nobis facta, interitum à nobis expellit. Audis lector & notāsne verbum illud (in nobis facta)? Id quod innuit rursus idem Cyrillus eodē libro alijs verbis dicens. An putat Arrius ignotam nobis esse mysticæ benedictionis virtutem? quæ cū in nobis sit, nōne corporaliter quoque facit communicationem carnis Christi, Christum in nobis habitare? notāsne iterum: quæ cū in nobis sit? Non exerit igitur benedictio vim suā, hoc est Eucharistia nō fit vera caro nisi in nobis, nobis inquam qui sumus filij Dei, & à Deo nostro Iacob benedictionē (instructi à matre ecclesia) impetramus per fidē. Alioqui si post verba cōsecrationis panis mox actu fieret caro, cur Cyrill⁹ impiū asserit vel hoc solū cogitare? Cur August. scelus esse dicit deuorare crudā carnē, quanq; sit tecta (vt dicunt Pontificē) solis accidētibus? Item si vinū fit verus sanguis & actu ante manducationem, cur Dominus qui nō venerat solue re legem sed adimplere, voluit bibere sāguinē cū vetus lex prohibuerit seueriter ne quis biberet sanguinē? constat ergo q̄ siue domin⁹ biberit siue nō biberit de calice Eucharistiæ & certū est q̄ fuerit verū vinū, quoniā addit:

*Sacramētū fit  
caro in nobis.*

*Impium est co  
gitare quod ue  
ra caro man  
ducetur in sa  
cramento.*



*Dominus non  
bibit de uino  
consecrato cū  
Apostolis, ui-  
nū tamen fuit  
licet uirtute sã  
guis Christi.*

*Opinio Calui-  
ni desūpta ex  
Origene quæ  
non est impia,  
sed ad perfe-  
ctos pertinet,  
Christus autē  
in cœna imbe-  
cillicres pascit  
& inuisibilib.  
dat inuisibilia,  
id quod contē-  
nere superbia  
est.*

non bibam de generatione huius vitis, donec illud bi-  
bam nouum in regno patris uobiscum. Si igitur bibit  
verum uinum cum Apostolis in regno patris, hoc est  
post resurrectionem (ut exponunt multi) profecto uinū  
erat: quod Apostoli biberunt in cœna. Quod autem bi-  
berit Dominus uinum post resurrectionē, probat Chry-  
sostomus in Matth. 26. dicens. Sed cuius rei gratia non  
aquam sed uinum post resurrectionem bibit Dominus?  
Perniciosam quandam, respondet, hæresim radicitus  
volens euellere eorum, qui aqua in mysteriis utuntur.  
Addamus & illud ex Origene in Leuiticum hom. 7. quo  
probat non solum Dominum non bibisse de uino Eu-  
charistiæ, sed uerum fuisse uinum quod biberunt Apo-  
stoli, licet uirtute fuerit sanguis. Prohibet (inquit Ori-  
genes) ipsa lex ne Aaron aut eius filij bibant uinum, ac-  
cessuri ad altare. Id quod possumus aptare magno Pon-  
tifici nostro, Christo Iesu. Nam uenerat in hunc mun-  
dum saluator ut pro peccatis nostris carnem suam of-  
ferret Deo hostiam, hanc priusquam offerret, inter di-  
spensationum moras uinum bibebat, & dicebatur uini  
potator. Vbi uero tempus aduenit crucis suæ & accessu-  
rus erat ad altare, ut immolaret hostiam carnis suæ, ac-  
cipiens calicem benedixit & dedit discipulis suis dicēs:  
Accipite, bibite ex hoc (uos inquit) bibite, quia modo  
accessuri non estis ad altare. Ipse autem Christus tan-  
quam iam accessurus ad altare dicit de se. Amen dico  
uobis, quia non bibam de generatione uitis huius: ha-  
tenuis Origenes, qui satis docet uinum in altari conse-  
cratum manere uinum, licet suscipiat uim & uirtutem  
sanguinis Christi. Quid quod & ipse Origen. in Matth.  
hom. 35. adeo non purauit panem, quem manibus con-  
tractas & ore in cœna Domini suscipis, esse ipsissimum  
corpus Christi, ut (perfectiores instruens christianos,  
unde uidetur Calvinus suæ opinionis iecisse fundamē-  
tum



tum) dicat eadem Hom. in hæc verba. Quando (inquit) Euangelista dicit, Accipiens Iesus panē, qui adhuc paruulus est in Christo, & in Christo carnalis intelliget de pane communi & vsitato, at prudentior potius quærat, à quo accipiens Iesus panem? respondet, à Deo accipit, & dat ijs qui digni sunt accipere. Nam Iesus semper his qui secum agunt festiuitatem accipiens panem à Patre, gratias agit & frangit, secundum quod vnusquisq; potest accipere, & dat dicens, Accipite & manducate, & ostendit, quando eos hoc pane nutrit, proprium esse corpus, cum sit ipse verbum, quod nunc necessarium habemus. Hactenus Origen. ex quo discat Lector, quod corpus, quod dat Dominus vel contemplationis fideique ore suscipiendum, citra panem visibilem extra cœnam nobis orantibus, vel quod in Ecclesia dat cum vel in pane, sit corpus Verbi æterni, quod tamen in panem illapsum mirabili & ineffabili modo, panem facit transire in substantiam illius carnis, quam sursum euexit in cœlum, estque cum ea eiusdem generis caro, ex qua verè alitur carnis nostræ substantia. Manet ergo substantia vini, licet spiritali mutatione transeat in naturam sanguinis Christi. Sic stabilitur pulcherrima & minimè horrenda manducatio carnis Christi, eius, inquam, carnis quæ fit ex pane & vino, & est in Sacramento: de qua dicebat Cyrillus in Iohann. Arbitrabantur, inquit, Caparnaitæ, se vocari more ferarum ad crudam hominis carnem manducandam, quia nondum didicerant pulcherrimam dispensationis carnis Christi rationem. Si igitur qui Augustinæ sunt confessionis de tali substantia carnis Christi intelligunt, cum docent in suis Catechismis, Christum verè, scilicet secundum diuinitatem, & substantialiter per substantiam carnis, quæ fit ex pane & vino, sed per gratiam adesse Sacramento, nihil absurdum aut à Scriptura, aut à Patrib. hactenus docuerunt.

*Quomodo Augustina confessio bene senserit de sacr.*



Etenim (vt bene ait Nyssenus) cibus Christi erat panis, proinde caro Christi panis erat potentia, de quo loquitur Propheta, Mittamus lignum in panem eius, hoc est in carnem. Hanc igitur carnem in pane specie & natura eandē verbo vtpote viuifico mirabiliter perfusam nobis reddit in Sacramento. Hinc est, quod non sunt veriti patres dicere, nos figere dentes in carnē Christi, idq; reuera. Item & Christum apparere visibiliter in sua carne super altare. Hinc Chrys. in Iob. 31. Quis daret nobis vt carnib. eius impleremur. Hoc, ait, fecit Christus, qui vt nos maiori charitate astringeret, non se tantū videri permittit, sed & tangi, & manducari, & dentes carni suæ infigi. Sic & Cyrill. in Ioh. Merito, ait, diebus dominicis congregationes fiunt, quibus sublimiori modo ianuus clausis ipse Christ⁹ & visibiliter & inuisibiliter apparet. Inuisibiliter vt Deus, visibiliter in sua carne & corpore. Hæc ille, qui aut mētitur, aut Pontificij. Nam hi dicunt, quod inuisibiliter latet sub accidentib. panis vt homo, ne se comedentib. horrorem incutiat. At Cyril. contrā. Inuisibiliter, inquit, apparet vt Deus, sed visibiliter in carne, & quomodo precor hæc conciliabimus? Qui sacramento parū tribuunt, aut saltē non tantum quantum debent, dicunt quod visibiliter apparet in corpore, quia visibile signum adeptum est nomē signati, idcō signo tribuitur ipsa res. Et certē si Cyrillus loqueretur de corpore Christi naturali, locum haberet hæc expositio. Nam hoc verum est, quod ista sacramēta sola sunt signa, & solū habent nomen corporis Christi naturalis. At si loquitur (vt loquitur) de carne illa panis, quæ habet id quod est secundum imaginem, non tamen ad æqualitatē, sed per gratiam, magnoperè falluntur. Proinde si Patrum consentientē & Scripturæ & rationi doctrinam recipimus, dicemus quod verè apparet in sua carne Christus, quia infundente se in panem diuinitate, pa-

*Mira cecitas  
Pontificiorum*

te, pa-



te, panis sit caro, hoc est, transit in naturam carnis Christi. Id dicit Gelasius Pontifex his verbis. Substantia panis non perit, sed transit in diuinam, Spiritu Sancto operante, naturam. Consentit huic Ambr. dicens: Mira est potentia Dei, quæ facit ut panis maneat id quod est, & tamen mutetur in aliud. Mutatur igitur panis, sed ineffabiliter, quia spiritualiter, fitq; virtute caro Christi, & per gratiam. Sententiæ huic subscribit & Theophylactus in Marc. Christus, inquit, panem in virtutē suæ carnis conuertit. Idem dicit Cyprianus de Cœna. A communibus cibis differt hic panis, inquit, corporalis quidem substantiæ retinens speciem, sed virtutis diuinę inuisibili efficiëntia probans adesse præsentiam. En fateatur adesse maiestatem & virtutem diuinam, at ubi dicit quod aut cum pane, aut sub pane lateat Christus? Accipe & Epiphanius in Anaceph. Cibus quidem, inquit, est panis, sed virtus in ipso ad viuificationem est. & iterum: Non petimus ut panis fiat nobis virtus, sed ut virtus panis fiat nobis virtus. Simile D. Basil. in epist. ad Cæs. Idē, ait, est virtute, siue vnam partē panis sacramentalis quis accipiat à sacerdote, siue plures. Astipulatur omnibus his Cyril. ad Calosir. Benedictionis, inquit, virtus & viuifica gratia perpetuò manet in pane Eucharistiæ. Ex his igitur & eiusmodi satis percipis, amice Lector, quod panis Eucharistiæ sit caro Christi potestate & virtute, non actu, per gratiam, non per naturam. Deniq; caro quæ facta est ex pane & vino, non quæ ex purissimo Mariæ virginis sanguine, nisi speciem accipias pro indiuiduo, aut partem pro toto, qua ratione dicebat Augustin. Accipe in pane quod pependit in cruce, & bibe de calice, quod effusum est de latere. Nam reuera diuinitas & æternum Dei verbum sumitur cū pane, quod aliquando pependit (loquendi quodam modo) in cruce. Vnde Ambrosius in Oratione quadam inter sacrificandum:

*Manet panis id quod est, & tamē mutatur in aliud. Am.*

*Quomodo panis euc. differt à communibus cibis.*



*Modo quodam loquēdi deitas pependit in cruce.*  
 Hæc est, inquit, ô Christe deitas tua, quæ meam induta naturam crucis ascendit patibulum, quæ in assumpta carne triste tulit supplicium. Quocirca certū nunc est, eos errare qui nihil agnoscūt in pane aut carnis dominicæ aut maiestatis diuinæ Deinde & eos grauiter falli, qui eandem numero substantiā carnis Christi ponunt in Sacramento cum illa quæ est in cœlo. Proinde foedè & forsitan damnabiliter nonnulli, qui Augustanæ sunt confessionis, in tali sententia persisterent. Licet enim (vt bene dicit Cyrillus in Iohannem) Christus & spiritualiter & carnaliter sit vitis, nos palmites, vnde Christus nostri generis carnem habet, & nos quoque eiusdem substantiæ carnem cum ipso habeamus, proinde *Christus & carnaliter & spiritualiter uiuis est, nos palmites.* vnum simus vnitatem in Christo, sicuti palmites eiusdem substantiæ sunt cum trunco & vite, palmes tamen truncus non est, nec Petrus, inquit, Christus est: quare etiam & hoc infero, quòd etsi substantia panis mirabili infusione diuinitatis facta sit substantia carnis Christi, propterea tamen panis Christus non est nisi nomine & per gratiam, ait Epiphanius. nec eius caro, nisi natura & specie. Præterea dabunt mihi, opinor, & ipsi & Pontificij, quòd non mentitus sit Irenæus cum infinitis alijs, qui dicunt virtute mysticæ benedictionis panem Sacramenti fieri carnem Christi, ex qua alitur atq; augetur carnis nostre substantia, idq; per nutritionem & cōmutationem siue concoctionem veram, vt ait Iustinus, & Theophilactus quoq; Vnde Rabanus dicebat: Sacramentum Eucharistiæ in alimentum corporis redigitur. Idem asserit Nilus Episcopus. Ab omni, inquit, corruptione abstine, mysticæque cœnæ quotidie particeps fias, ita enim Christi caro in nostram mutatur. Si ergo Sacramentum aut cum sacramento est ipse Christus Deus & homo, mutatur Christus in nos. At longè aliud dicit Christus alloquens Augustinum lib. 7. Confess. dicēs. Nec tu me mutabis



tabis in te, sicut cibum carnis tuæ, sed tu mutaberis in me. Sic Aug. in Ioh. 40. Veritas, ait, est verbum Dei, veritas panis est, mentes reficit nec deficit, mutat vescentem, non ipsa in vescentem mutatur. Præterea si caro Sacramenti esset ipsissima caro Christi, fieremus hoc pacto verè & naturaliter Christo consubstantialia. At Diuus Cyprianus id pernegat tract. de Cœna, inquit. Nostra vnitas cum Christo non pertingit vsq; ad consubstantialitatem cum eo, sed vsq; ad germanissimā eius societatem. Solus namq; Filius Patri est consubstantialis; neque est diuisibilis, neq; partiabilis substantia Trinitatis. Nostra verò & ipsius coniunctio nec miscet personas, nec vnit (intellige hypostaticè) substantias, sed confœderat affectus, & confociat voluntates. hæc ille. Et quid ad hunc respondebunt Pontificij, siue aliquot Evangelicij? Dicent fortè vt solēt, Fuit homo. At quæro, sunt & ij qui ei contradicūt Dñ? Quod ad me attinet, & credo, & ad mortem vsq; credam in re sacramenti, & alijs fidei mysterijs (Deo iuuante) Cypriano, Iren. Neocæsariensi, Aug. Orig. Athan. & eiusmodi tū sibi consentientib. in hac re, tū Scripturę. Prætereacōcordi voce decentibus, q̃ Sacr. corporis Christi aliquo modo corpus Christi est, quem modum ex Nysseno explicauimus. Ex quo didicimus ratione mysticę benedictionis, quā accipimus in pane & vino nos vniri Christo per carnem, vt homini, & per S. S. vt Deo. Et licet quoq; id quotidie fiat spiritualiter citra sacr. fit tamē p̃ sacr. ad imbecillis fidei nostrę robur magis efficaciter. Cū. n. per peccatū contra conscientia siue mortale quis Spiritū S. cōtristauit, & à se expulit, vt non nisi præuia poenitentia eaq; seria propter Iesum Christū fide reuocatur, ita si reuocatum & quasi. redeuntem percipere certo argumento volumus, multò melius id ex Sacramento, cui sese infudit cum verbo ineffabiliter, quàm ex secreto illapsu cogno-

*Nostra unitas  
cū Christo nō  
est cōsubstan-  
tialis, sed ger-  
manissima, &  
nota bene.*

*Cur institutum  
sacramentū, et  
quid commodi  
ex eius sum-  
ptione.*



*Eucharistia  
primitia pa-  
nis nostri quo-  
tidiani.*

*In cena debe-  
mus nos et no-  
stra offerre  
Deo, id quod  
designamus,  
oblatq; pane  
ad altare.*

scemus. Adeunda igitur est Ecclesia, & panis ille *Dom-*  
*us* à Domino de sacerdotis manu petendus & susci-  
 piendus, tum ad redeuntis gratiæ Sanctique Spiritus  
 certitudinem, tum ad augmentum nostræ fidei, quin-  
 immò ad spiritualis potissimum alimonie incremen-  
 tum. Vt enim Reges liberalius omnia profundunt in  
 publico omnium nobilium & filiorum cōiunio quàm  
 priuato symposio, sic Deus Spiritus Sancti gratiam ple-  
 niorem expandit in suos animorum concordia & cha-  
 ritate sibi vnitos in vera Ecclesia, simul & pœnitentiæ  
 pietatisque operibus insudantes. Propter quod clama-  
 bat Psalmista, opinor, Ecce quàm bonum & quàm iu-  
 cundum, habitare fratres in vnum. Proinde vtut ho-  
 mo non sit in peccato mortali, suaferim tamen ob mul-  
 tiplices commoditates, vel omnibus, vel saltem Domi-  
 nicis diebus sumere Eucharistiam, vbi præsertim nihil  
 est quod remordeat conscientiam, paxque est tibi foris  
 cum proximo, & intus cum Deo. Pareamus igitur piè  
 monenti Cyrillo, & hortanti ad mysticam benedictio-  
 nem quam Eucharistiam vocat, in Iohann. libro quarto  
 Nos, inquit, si vitam æternam consequi volumus, si lar-  
 gitorem immortalitatis in nobis habere desideramus  
 ad recipiendam benedictionem libenter accurramus,  
 caueamusque ne loco laquei diabolus damnosam reli-  
 gionem nobis prætedat. Rectè (inquis) dicis, sed tamen  
 scriptum est, qui indignè sumit, sibi iudicium sumit, ego  
 igitur probò me ipsum, & indignum reperio. Quando  
 ergo, qui ista dicis, dignus eris? quando te ipsum offeres?  
 Nam si peccando indignus es, & peccare non desinis,  
 (quis enim delicta intelligit) expers omnino eris viuifi-  
 cæ huius sanctificationis. Quare pias quæso suscipe co-  
 gitationes, studiosè sancteque viuas, & sacra benedi-  
 ctione participes, quæ (mihi crede) non mortem so-  
 lum, verum etiam morbos omnes depellit. Sedat enim

**Christus**



Christus, cum in nobis est, sequentem membrorum nostrorum legem, pietatem corroborat, perturbationes animi extinguit, nec in quibus sumus peccatis considerat, sed ægros curat, collisos reintegrat, & sicut pastor bonus ab omni nos erigit casu. Hactenus Cyrillus, cuius consilium sequere, amice Lector. Non enim à te superstitiosam & quasi omnino necessariam exigit (vt in alio libro dicemus) confessionem auricularem, si nihil est quod tuam grauat conscientiam, aut eam vehementer pungit, à cuius vel remorsu vel vinculis teipsum nec liberare nec extricare vales, quo in casu (inquit Augustinus) hortor, vt pij & docti ministri indicio reconciliatus communioni socieris. Siquidem vt inquit Theodorus Archiepiscopus Cantuarien. Confessio quæ Deo fit, sufficit. Docet autem qualiter purgari possint ipsa peccata, quæ ministro prudenti tamen & eius rei perito fit. Si igitur tali consilio non eges, nec grauibus peccatis detineris, publica sacerdotis absolutione contentus, adi confidenter Dominum quotidie, & semper, quandiu, ait Augustinus, animus est sine affectu peccandi & praua voluntate. Quo magis miror nonnullarum Ecclesiarum Euangelicarum morem, in quibus vt non offertur sacrificium visibile inuisibili saltem modo, ita nec distribuitur nisi ter aut quater in anno. Itane ob quorundam & paucorum ignauiam, arcebuntur optimi senes & sanctæ matronæ, virgines quoque & coelibes religiosi à communione quotidiana corporis & sanguinis Iesu Christi? Quapropter non desinam hortari, vt quandoquidem Sacramento euocatus pijs desiderijs adest Spiritus sanctus, ignis ille amoris suauis & expetendus, saltem ea gratia eum insciamus, quàm possumus frequentissimè, cū sese tam liberaliter nobis offerat, vt si quas super fidei fundamētō extruxi-

*Commoda sunt  
scripta euchar.*

*Quotidie debet offerri & distribui corpus Christi in magnis eccles.*



*Panis & uinū  
ad altare obla-  
ta, indicāt obla-  
tionē cordium  
totius Ecclesiæ*

*Nos transimus  
in carnē Chri-  
sti, at caro sa-  
cramēti transit  
in nos.*

mus stipulas, si quod fœnum, si quæ uidelicet in nobis erunt leuia & nostræ fragilitatis peccata, illa suæ charitatis flamma consumat, utq; indies per eum magis magisque sanctificati, idonei reddamur, qui nos offerre possimus Patri per Christum in iuge sacrificium laudis & obedientiæ, oblatione panis & vini ad altare designatum. Sed redeamus demum vnde digressi sumus. Diximus ex Cypriano, quod nostra societas cū Christo est germanissima. Proinde audi Leonem I. Episc. verè magnum sic dicentem. In illa distributione spiritualis alimonix hoc impartitur, ut accipientes virtutē coelestis cibi, in eius carnē, qui pro nobis caro factus est, transeamus. Audiant nunc Pontificij suum (ut vocant) Pontificem, qui sacramento adesse virtutem coelestis cibi affirmat, qua admissa & in animæ penetralia per fidem traducta, transibimus in carnem Christi spiritualem. Non igitur dicit, quod caro Christi naturalis transit in nos, transiret autē si Eucharistia esset corpus ipsius. Christi, idq; nutritionis lege, ut vult Iustin. & Iren. Alia proinde est caro Christi, in quā nos transimus, alia caro Sacramenti quæ transit in nos, quippe hæc est palpabilis, illa non, hæc carnalis, illa spiritualis. Vidit hanc differentiam & ipse Thomas de Aquino q. 73. art. 4. cū ait. Hæc est differentia inter alimentum corporale & spirituale, quod alimentū corporale conuertitur in substantiam eius qui nutritur, sed spirituale cōuertit hominē in seipsum. Hæc Thomas, qui videtur collegisse ex dicto Leonis I. q. ait. Nihil aliud facit participatio q̄ ut in id quod sumimus transeamus. Dicite igitur Pontificij, Estne Eucharistia substantia liter Christus cū sua anima per concomitantia? Est, respondebitis, scio. Quæro rursus. Mentiturne Iren. qui dicit ex Eucharistiæ substantia ali & augeri nostræ carnis substantia? Non, dicetis opinor. Cū igitur dicit Leo, q̄ transimus in id quod sumimus, vel

Eucharistia



Eucharistia est res spiritualis & nō tangibilis in quā nos trāsimus & sic nō alit carnis nostræ substantiam & mentitur Ireneus, vel est res tangibilis & corporea quam si vultis esse Christum, transit ergo in substantiam nostræ carnis & sic mentitur Leo, & verum dicit Ireneus. Proinde sic quæro cum Chrysostomo in Corinth. hom. 24. Quid est panis siue Eucharistia: respondet Chrysost. est corpus Christi, vel vt exponunt Pōtificij est integer Christus. Sed quid fiunt, inquit, qui manducant Christum, aut eius corpus? Respondet Leo, transeunt in eum, negat Ireneus, Christus transit in eos, ait, vide quibus labyrinthis sese inuoluant Pontificij, dum suam ponunt trā substantiationem. Quanto melius omnes patres, qui constituunt panis substantiam, qui cū sit potestate caro, accessione verbi viuifici transit in carnem diuinam, & proinde in sacramentum carnis Christi. Sic iuxta id quod habet materiale Eucharistia transit in nos, iuxta id quod habet spirituale, transimus in illud & sumus spirituales, quia hac ratione pascimur carne Christi spirituali, spiritualiter tamen. Hac proinde ratione nostra societas cum Christo est germanissima, vt dicebat Cyprianus, quia caro sacramenti germana est carni Christi, quam comedentes ore simul & carnis & fidei, sumus Christo germani & affines: quia (vt ait Leo) transimus in id quod sumimus. Approbat id & Cyrillus in Ioann. cap. 16. Sumus, inquit, omnes in Christo, & communis humanæ naturæ persona in Christo reuixit, sic per vnū generis nostri ad nos quoque peruenit illud. Ego dixi Dñs estis, est igitur Christus in nobis propter affinitatem carnis qua illi coniungimur. hæc Cyrillus. En audis affinitatem carnis, vt scias substantiam carnis, quæ est in sacramento & qua alitur caro christiani, non esse eandem identitate numerali cum Christi carne, sed eiusdē generis & naturæ, siue similem, similem dico non ipsam

*Pascimur carne Christi spirituali sed spiritualiter.*

*Christus est in nobis propter affinitatē carnis qua illi coniungimur, nota:*



eandem, vnde Ambrosius de sacra. lib. 4. Similitudinē, inquit, preciosi sanguinis bibis. hinc Cyprianus: habet, inquit, tota hominis compositio plenam perfectamque lætitiā, cū spiritus diuinā in nobis repræsentat imaginem, & caro nostra carnis Christi similitudinē &c. Notāne iterum carnis Christi similitudinē? Aduerte & huic consentientem Chrysostomum hom. 61. Cogitemus, ait, quotquot huius corporis quod in altari proponitur sumus participes, quod illum sursum sedentem & qui ab Angelis adoratur, incorruptibili vicinū virtute degustamus. Dēnuo obsecro, nota illud, vicinum, vt discas quod corpus altaris non sit ipsamet caro Christi, sed imago siue misterium ipsius, Christi carni vicina & affinis. Id quod alias collige ex Chrysost. ho. 11. operis imperfecti. Si, inquit, hæc vasa transferantur ad communes vsus periculum est in hoc, in quibus verum Christi corpus non est, sed mysteria corporis Christi continentur. Quid velles tibi dici apertius, quo tibi persuadeas carnē quæ est in sacramēto nō esse ipsissimā carnē Christi, sed illi natura similē, siue cognatā? Proinde ne graueris & iterū audire Cyrillum sic dicentem in Ioa. Oportebat. n. non solum vt anima nostra per spiritum sanctum in vitam ascenderet, sed etiā vt rude hoc & terrestre corpus cognato sibi gustu, tactu, ac cibo, ad immortalitatem reduceretur. hæc ille. Inde satis percipis opinor, quod panis sacramētalī quem ore gustas, tangis, ac comedis, non sit ipsemet Christus aut ipsissima caro Christi, sed alia illi cognata, ut dicit Cyrillus. Vnde quando eam fideli & ore & corde comedis, transis & tu in carnem Christo cognatam & similē. Duæ proinde Christi carnes siue duo illius corpora manducari debēt si vera & animæ corporiq; salutaris communio celebrari debet. Vna est Christi caro quæ in cœlo est gloriosa, quæ sola fide & contēplatione desiderioq; uirtutum

*In altari nō est  
uerum Christi  
corpus sed my  
sterium siue sa  
cramentum ip  
sius.*



tutum manducatur, & è qua mystica benedictiō siue spiritualis caro & in panem & in nos tempore coenę præsertim, defluit. Altera est caro sacramenti visibilis, & tangibilis, quæ & ore & fide (nam habet aliquid quod per istud os intrare debet.) manducatur ad corporis, & animæ potissimum, nutritionem. Quare appositè dixit Tertullianus, caro nostra carne Christi pascitur, vt anima de Deo saginetur. Audis aliquam esse carnem Christi, quæ nostram carnem verè pascit, aliam quæ pascit animam? De vtroque hoc pane siue carne & verbi vini fici & sacramentali dicebat & Augustinus in quadam oratione quæ sic habet. Amo te Deus meus, & magis atque magis amare volo. O amor indeficiens, qui quotidie comederis (en panis verbi) & semper integer manes. Da vt ad salutem animæ meæ manducem cibum carnis tuæ, en panem sacramentalem, quippe vñtatus cibus Christi erat panis, qui sicuti propter habitantem in Christo diuinitatem fiebat diuinus cū manducaretur, ita noster panis propter verbum illi additum per verbum: hoc est corpus meum, transit in naturam verbi, & cū sit caro potentia, sit caro Christi qui est verbum Dei. Proinde caro diuina propter habitantem in ea diuinitatem. Sed dicet hic aliquis. Si diuinitatis præsentia in pane aut vino facit panem esse sacramentum carnis Christi, ergo omnis panis etiam communis est sacramentum corporis Christi? Nam si diuinitas omnia implet & vbique præsens est, ergo etiam in omni pane & omni vino, quid igitur opus pane altaris? Audi amice lector quid respondet Augustinus epistola ad Dardanum. Vbique quidem, inquit, & totus est Deus per diuinitatis præsentiam, sed non vbique per habitationis gratiam: deinde etiam in quibus habitat non æqualiter habitat: nam vnde alij alijs essent sanctiores nisi abundantius habendo in se habitatorem deum. hæc ille.

*Duo corpora Christi debent manducari ut salutaris sit nobis cōmunio.*

*Si præsentia diuinitatis in pane facit panem esse sacramētū corporis Christi, ergo omnis panis est tale sacramentum, nam cū diuinitas ubiq; sit & omnia impleat, implet quoque commune panem & illi adest.*



*Vbiq̃ est Deus per diuinitatis præsentiam sed non ubiq̃ per habitationis gratiam.*

*Panis altaris fit Sacramentum corporis Christi operante inuisibiliter spiritu sancto.*

Est proinde (fateor) Deus in pane tuo vulgari per diuinitatis præsentiam, sed non per habitationis gratiam, proinde nec corporis & sanguinis Domini proprium sacramentum. hinc Augustinus de Trinitate lib. 3. cap. 4. Illud tantum corpus & sanguinem Christi dicimus, quod ex fructibus terræ acceptum & prece mystica cōsecratum rite sumimus ad salutem spiritualem in memoriam pro nobis Dominicæ passionis, quod cum per manus hominum ad illam visibilem speciem perducitur, non sanctificatur, vt sit tam magnum sacramentum nisi operante inuisibiliter spiritu Dei. Propterea (pergit dicere contra Faustum lib. 2.) Panis noster Eucharistiæ certa consecratione fit non nascitur, proinde quod non ita fit, alimentum est refectionis, non sacramentū religionis. huic consentit Theophilus Alexan. dicens, Panis quo saluatoris corpus ostenditur, & sacer calix qui in ecclesia collocatur per inuocationem & aduentum sancti spiritus sanctificatur. hæc ille. Ex quo hoc poteris colligere, in altari tria proponi aut potius quatuor vt lucidioris doctrinæ gratia omnia explicemus. Primò vides panem, quem qui solo ore sumunt, si animalia fuerint irrationalia, sumunt solum ad beneficiū præsentis vitæ, si fuerint rationalia, sumunt illum etiam & ad eum finem, sed quæ si in infidelitate perstiterint, cum etiam sumant cum pane Deum per generalem præsentiam diuinitatis, iudicem accipiunt non saluatorem, causam si requiris respondeo cum Paulo. O altitudo diuitiarum scientiæ & sapientiæ Dei, & venio nunc ad fideles. Ex his igitur sunt qui accipiunt panem, cui unita est diuinitas per habitationis gratiā, sed quia talis nō adest nisi operante spiritu sancto, tria in altari proponuntur, panis ex cui⁹ simili substātia aucta est substātia corporis Christi, diuinitas fauorabilis, tertium spiritus sanctus. Fidelis ergo credens æternū Dei filium incarnatū si fuerit



si fuerit extra peccatū mortale, suscipit ore substantiā carnis, cui adest diuinitas Christi fauorabilis siue per habitationis gratiam: proinde patrē habet in se habitantem & filiū per fidem. Iam cum spiritus sanctus efficiat & operetur vt hoc pacto adsit Deus pani sacramentali, si dilexerit Christum, accipiet etiam simul in se operantem spiritum sanctum, quod si diligit Christum, diligit quoque domum habitationis Christi, at cum Christū credat ex mortuis rediuiuū iam relicta terra in cœlos ascēdisse, debet quoque relictis terrenis, ad spiritualia contendere, hoc est transire à vitijs ad virtutes, quarum summa est charitas, ergo charitate & dilectione retinetur & totus possidetur Deus. Cum igitur sint qui plus, alij minus diligant, fit (teste Augustino prædicta epistola ad Darda.) vt alij alijs sint sanctiores, abundantius habendo in se habitatorem Deum; vnde fit (forte) vt cū panis abundantissime habeat in se Deum, merito sanctū sanctorum dicatur. Qui igitur nihil diligunt (sunt autē illi omnes qui in peccatis mortalibus perseverant & fide historiali tantum credunt in Christum) hi præsentiae diuinitatis Christi beneficio indigni ad iudicium æternæ mortis accipiunt sacramentum. Verū de his toto hoc libro non loquimur, vtpote ad quos non pertinet cœleste hoc, de quo loquimur nutrimentum. Redeo ad August. orantē. Da (inquit) ô Deus qui quotidie mandu- caris & semper integer manes (hoc fit amore cœlestiū, desiderio virtutum quas in Christo contemplaris, affectu vitæ & habitationis æternæ, in quam euectum Iesū gloria plenum per fidem intueris) vt ad salutem animæ meę manducem cibum carnis tuæ (hoc fit si sacramentaliter panem Eucharistiæ ore intromittens, nullis peccati mortalis fœtorib⁹ arceas, quod in eo est spirituale) quatenus manducando te (scilicet suscipiendo quandā carnis tuæ substantiam in pane, & cū eadē præsentiae di-

*Qui sunt qui totum Deum in se habēt per habitationis gratiam.*

*Qui fit ut alij alijs sint sanctiores, & unde Sacramētū sanctū sanctorū dicatur.*

*Qui in uoluntate peccandi perseverāt Sacramētū accipiunt ad damnationem.*



*Quomodo ad  
radus Christus  
dum suscipitur  
Eucharistia.*

*Quid sit fran  
gere panem in  
cœna.*

*Christus pro  
pter unionem  
cum verbo per  
sonaliter ubiq;  
non realiter ut  
homo.*

uinitatis spiritusque tui gratiam) viam de te, perueni-  
am ad te, & requiescam in te. hæc Augustinus. Ex quo  
percipis quod qui rectè communicant, sicuti verbum  
uiuificum in pane sacramentali & ore fideli & corde re-  
uerenter suscipiunt, vnoque veluti oculo intuentur, ita  
altero (in cœlum euecti) quem diuinitate præsentem,  
eundem diuinitati in sempiternum coniunctum hu-  
manitate absentem adorant in gloria. Sic licet intelle-  
ctu (vt naturarum proprietates seruent) Deum ab ho-  
mine secernūt, reipsa tamen in vna persona filij Dei Ie-  
su Christi personaliter vbique præsentis, duas insepara-  
biles naturas non confusas & confitentur & fide man-  
ducant, hoc est credunt. Id ipsum est quod Cyprianus di-  
cebat in fine tractatus de Cœna. Ista facientes, inquit,  
non dentes acuius ad mordendum, sed fide pura pa-  
nem frangimus, dum quod humanum est ab eo quod  
diuinum separantes (realiter enim Christus vt homo  
nec manducatur à nobis, nec habitat in nobis) & rursum  
eadem coniungentes, vnum Deum esse testamur. Idem  
dicit Concilium Nicenum. Non hæreamus, inquit, in  
pane & vino, quæ mensæ Domini apponuntur, sed fur-  
sum fide erigamus corda, & animaduertamus agnum il-  
lum qui tollit peccata mundi in hac præstò esse mensa  
&c. Obsecro igitur si Christus totus est & integer in hoc  
sacramēto, cur sursum vult eleuari corda, cur non potius  
deorsum in panē, cum neutrobiq; liceat eum intueri ni-  
si fide? At si vt homo sursum, vt Deus autem nunquam  
ab homine recedens vtpote infinitus etiam deorsum, me-  
rito sursum conspicitur & in hac mēsa adesse creditur.  
Qui igitur christiani hoc pacto manducant, merito car-  
nem seu corpus Christi gloriosum quod sursum fide in-  
tuentur propter illius ineffabilem vnionem cū verbo  
vbique, personaliter, vt dixi, in spiritu adorant. Hinc facile  
intelligitur Augustinus cum dicit in Psal. illum. Adora-

te



te scabellum pedum eius. Christus (ait) sumpsit carnē de Maria Virgine, proinde ex terra quæ est scabellum pedum eius. In ea carne mortuus est & resurrexit, eandem carnem nobis quotidie ad manducandum dat &c. Dicit ergo eandem dat ad manducandum, scilicet sola fide, si de ea intelligit, quæ est in cœlo, vel eadem specie si de ea intelligit, quam manu tangis in sacramento, nō quod sit caro, sed quia erit post manducationem, sicuti dicitur, memento homo quia cinis es. Neque enim adhuc es cinis actu, sed eris post mortem. Talis est ergo intellectus huius loci, alioqui quid ad August. responderes dicentem in alio loco. Nō hoc corpus, quod videtis, manducabitis, sed mysteriū vobis cōmendo. spiritualiter intellectum viuificabit animas vestras. Sic proinde adorāt christiani carnem Christi siue corpus (idem. n. est, quia vt dicit August. de fide & symbolo. omnis caro est corpus) non eā quā in sacramento manu intelligibiliter tenent, sed quā à sacramento tāquam ab imagine ad veritatē sursum impulsī contēplantur. Nam cū Christus dicit: māducate, hoc est corpus meum, si visibile respicis carnem sacramenti intelligit, quæ ore deglutitur, sed cū addit: hoc facite in mei memoriam, illud quod in cœlo est nobis commendat corpus, quod manducare dicimur, & proinde adorare, cū vera fide illa quæ etiam diligit, Christi amplissima in nos beneficia diligenter ad fauces memoriæ reuocata (ait Cyprianus) vti vngulam findentia pecora proni, & cum gratiarum actione ruminamus. Quocirca etsi sacramentum res diuina sit, illique ad sit uerbum uiuificum ineffabiliter, nemo tamen dicat quod sit adorandum, etiam si uenerandum. Id collige ex Chrysostomo hom. 2. in 2. ad Corinth. dicente. Si tu hoc altare honoras, quia suscipit corpus Christi, cur pauperem, qui est ipsū Christi corp⁹ fame perire sinis? hæc ille. Quid est obsecro

*Omnis caro est corpus non contra. Proinde idē est siue dicas. Hoc est corpus meum aut, hoc est caro mea, sic. n. loquitur Cyp. de cœna.*

*Sacramētū nō est adorandū, sed uenerādū.*



quod vocat Eucharistiam corpus Christi sine epitheto, pauperem vero fidelem cū hac adiectione ipsum Christi corpus? Nōne quia istud est in actu corpus, illud nomine & potentia tantum siue virtute, vtrunque per gratiam? Si proinde istud non est adorandum, profecto nec illud. Non enim quicquid diuinum est, aut Deum in se habet per gratiam, etiam sicuti Deus adorandum est. Licet Deus in illo sit (fateor) adorandus. Sic enim affirmat Augustinus de ciuita. Dei lib. 10. cap. 4. Huic uni Deo, inquit, nos seruitutem quæ latria dicitur siue in quibusque sacramentis siue in nobis ipsis debemus, cuius templū singuli sumus. Percipis lector quod ut Christus in quantum homo, non est in nobis, ita nec in sacramento? Deinde ut nos non sumus adorandi, ita nec sacramentum: sed ut Deus in nobis adoratur, ita & in sacramento, soluant obsecro hoc argumentum in Augustino ipsi Pontificij. Aderat diuinæ Arcæ Israelitis ipse Deus & de Propitiatorio inter duos Cherubos Arcæ oraculi imposito omnia ad Moysen effabatur, tantaque præsentia diuinæ relucebat maiestas, ut multis passibus ab arca arcerentur Israelitæ, & Oza arcam agitatione bouum nutantem manu sustinere adnitens nō sacrata, percutitur à Domino, sed quid? an propterea Arca adoratur, aut transubstantiata prædicatur? An quia Apostoli spiritu sancto repleti in die pentecostes, & infinitis miraculis conspicui propterea proponuntur aut sese ostentant adorādi? An & diua virgo similiter adoranda, quia salutis nostrę pretium vtero inclusum continebat? an etiam tu te ipsum adorabis aut adorandus in plateas exhibis, quia sacramentum quod adorandum dicis aut eo vasculo receptum, post illius summptionem pectore inclusum digeris, sed quis ferat eiusmodi dogma? Audiamus ergo Augustinum sanius loquentem lib. 3. cap. 9. de doct. chr. Qui (inquit) adorat  
vtile



utile signum diuinitus institutum, cuius vim significationemq; intelligit, non hoc veneratur quod videtur & transit, sed illud potius quod talia cuncta referenda sunt, sicuti sacramentum Baptismi, & celebratio corporis & sanguinis Domini, quæ sacramenta quod ferantur imbutus agnoscit, vt ea non carnali seruitute, sed potius spirituali libertate veneretur, &c. Quid obsecro hîc respondebunt Pontificij, Sûntne plura instituta à Deo quàm duo? nōne præterea carnali seruitute cogunt adorare Sacramentum cū accensis tædis & poplite flexo ante illa procumbunt, & eum qui pro sua libertate, quam illi tribuit Augustinus, procumbere nollet, vinum exurunt? vnde egregiam laudem & spolia ampla scilicet olim referent. Præterea si panis Eucharistiæ est adorandus, cur non & aqua Baptismi? non enim minus est Christus in Baptismo, quàm in Eucharistia, verum per diuinitatem, non humanitatem. Vnde in Matth. Chrysostom. Non baptizaris ab homine, Deus est qui tenet caput tuum. Hinc est quod idem in Marcum iubet nos adorare Christum in Baptismo. Redeamus ad Augustinum, qui Quod ferantur, inquit, sacramenta, imbutus agnoscit: quasi dicat, Sacramenta visibilia nos ad inuisibilia remittunt. Illa proinde spirituali libertate veneramur, at ista proni ex officio Christiano adoramus. Hæc omnia pulchrè explicat Rabanus ille Maurus, Archiepis. quondā (vt opinor) Maguntinen. in eo libro quem de Eucharistia ante octingentos ferè annos edidit dicens, Si rectè communicamus, ad Pontificem nostrum Iesum Christum qui in cœlo est (non ergo eum agnoscit in pane) mentem dirigimus, vt ex ipso & ab ipso, nos qui sumus corpus eius, carnem suscipiamus ipso manente integro. Et quia eum in cœlum secundum carnem ascendere oportuit, reliquit nobis hoc sacramentum visibilē figuram & characterem carnis & san-

*Sacramenta  
nō honoranda  
carnali serui-  
tute, cōtra Pon-  
tificios.*

*Si rectè cōmu-  
nicamus, ad  
Christum, qui  
in cœlo est,  
mentem erige-  
re debemus.*



*Sacramentum  
est uisibilis cha-  
racter carnis  
& sanguinis  
Christi.*

*Et de Scriptu-  
ris & de altari  
sumimus eu-  
charistiam.*

*Verbum Dei  
æternum, quo  
in sacramento  
spiritualiter a-  
limur, & in  
nos & in panē  
à sancta Chri-  
sti carne deflue-  
re debet ueluti  
lumen à Sole.*

guinis, vt per hæc ad spiritualia & inuisibilia capeffen-  
da mens yberius nutriatur. Nam illa natiuitas nostra,  
quæ ex Deo est ytiq; spiritualis est, & ideò hæc mysteria  
non carnalia ( licet caro & sanguis ) sed spiritualia, iure  
credenda sunt. Vnde longè inferius vita ista temporalis  
corporeo isto communi alitur cibo, longè verò excel-  
sius ac præeminentius vita illa quæ absconsa est cū Deo  
qua conformes illi & configurati sumus, illo saginatur  
cibo ac potu, quem & de Scripturis ( nota ) & de altari  
sumimus, vt ibi viuamus exinde, vnde vita nostra ser-  
uatur æterna: ac proinde qui sic accipit, dignè accipit.  
Vbi enim spiritualis esca ac potus sumitur, & Spiritus  
sanctus per eum in homine operatur, si quid in nobis  
carnale adhuc est, transfertur in spiritum, & fit homo  
spiritualis. Hactenus Rabanus pulcherrimè, in quo no-  
tas opinor, amice Lector, quòd si rectè cōmunicamus,  
ad Christum sursum mentem dirigere debemus, quia  
nimirum cum realiter esse in pane non credimus, non  
quòd nihil sit in pane verbi viuifici & spiritualis alimo-  
niæ, sed quia quicquid inest quod inest, & in nos & in  
panem à sancta Christi carne defluere debeat, veluti lu-  
men à Sole, vt dicemus ex Cyrillo. Israelitæ olim non  
poterant intueri in faciem Moyses, nec illius ferre splen-  
dorem, proinde velauit se Moyses, & sic tum loquutus  
est, tum apparuit illis. Nos quoque vt possimus cum  
fructu & salute animæ intueri, & ferre præsentia maie-  
statis diuinæ, ne nos exurat & perdat, necesse est vt fide  
intuentes in cœlum, Iesum Christum pro velo interpo-  
namus inter nos & Deum alioqui tremendum & hor-  
rendum, vnde alioqui tremenda & horrenda vocantur  
sacramenta. Sic aderit nobis non ignis consumens, sed  
pater benignus. Hoc est, quod Augustinus pulchrè ex-  
plicat in hæc verba: Ecce, ait, cibus sempiternus, sed  
quem manducāt angeli, manducant sempiternæ virtu-  
tes,



tes, manducant & saginantur, & integrum manet quod eos satiat & lætificat. Quis autem homo posset peruenire ad illum cibum? vnde cor idoneum illi cibo? Operiebatur ergo vt mensa illa lactesceret, vt paruulis proveniret. Vnde fit cibus lac? vnde cibus in lac conuertitur, nisi per carnem trañciatur? nam mater hoc facit, quod manducat mater, hoc manducat infans. Sed quia infans est minus idoneus qui pane vescatur, ipsum panem mater incarnat, & per humiditatem mamillæ de ipso succo pascit infantem. Quomodo ergo de ipso pane Angelorum pascit nos sapientia Dei? Quia Verbum caro factum est, & habitauit in nobis, hæc Augustinus. Hinc intelligis, opinor, quomodo à Christo veluti maternis mamillis defluit in nos panis Angelorum, & sic verbum in nobis fit caro per habitationis gratiam, non per illam vnionem admirabilem & hypostaticam quæ facta est in Christo in Mariæ virginis utero benedicto. Quoniam ergo hoc verbum viuificum, quod in solo Christo filio Dei corporaliter habitat, à sancta carne Christi, quæ totam viuificandi vim hausit, & in sacramenta, & in nos defluere debet: Non mirum si appositè dixit Raban. & Augustin. quòd si rectè communicamus, ad Christum, qui in cœlo est, mentem dirigere debemus, vt ex ipsius sinu æternū verbum exugamus. Proinde sicuti hæc diuinitas est quæ in Christo corporaliter habitans, & hypostaticè ineffabiliterq; illi vnita, Christū facit Deum absolutè semper salua hominis proprietate & natura, ita illa eadē miro modo de plenitudine sanctę carnis Christi aut in nos aut in panē coenę dominicę infusa, ppter fidem & verbū Dei, facit panem & nos diuinos quidē sed non simpliciter deos, quia per gratiam & per mensurā, item & Christos, at nec id simpliciter, sed panē p potentiam & virtutem, nos verò actu tales, de quib. dicitur: Nolite tãgere Christos meos.

*Quomodo homo fit diuinitatis particeps.*

*Verbum æternū quotidie defluens in nos à Christo, veluti à mamillis fit caro per habitationis gratiā*

*Dua in Christo natura semper permanent salua, & non confusa.*



Hinc etiam sequitur, quod sicuti nec nostra, ita nec caro sacramenti est naturalis caro Christi, licet specie & natura sit illi similis. Hoc est quod volunt Patres, Cyrillus & Irenæus, cum dicunt non solum voluntate, sed etiam naturali participatione carnis Christo nos uniri, quia nimirum eiusdem naturæ carnem comedimus in Sacramento. Nam si ipsissima est caro Christi quam sumimus in Sacramento cum sua anima (vt vult Thomas) quæ carnis nostræ substantiam fulcit, auget, & nutrit, quomodo verum erit quod dicit Cyprianus Tractatu de Cœna? Panem, inquit, Angelorum manducamus sub sacramento in terris, eundem sed sine sacramento manducabimus in cœlis. Rogo igitur Pontificios, nonne post resurrectionem habebimus os, & dentes, ventrem & pectus? Fatebuntur sat scio, cogente eos ad id Augustino. Quid ergo? comedemusne adhuc & tunc Christum ore, & visibiliter eum in nostrum stomachum demitemus, licet sine sacramento aut accidentibus panis? quod (vos oro) vertetis, vt respondeatis? Verum conuiueamus ad tantam absurditatem, & dicamus cum Origene, quod tunc in cœlo māducabimus pascha plenum, cum perfundemur diuinitate foris & intus ad satisfactionem (vt ita dicam) id quod nunc quoq; fit in accipiendo sacramento, licet parcius ob fidei nostræ paritatem. Tunc igitur saturabimur, cum corpus Christi gloriosum, quod hîc fide aspicimus, & spiritualiter tantum manducamus, admonente nos Sacramento, post mortem nostro defuncti sacerdotio (ait Cyprianus) aspiciemus sine vlllo velamento, pleni gaudio inexplicabili, quamobrè dicebat Dauid, Satiabor cum apparuerit gloria tua. Sed redeamus ad Rabanū, qui dicit, quod quia oportuit Christum secundum carnem ascendere in cœlum, reliquit nobis hoc Sacramentum pro visibili signo, caractere, siue imagine suæ carnis. Hoc est quod

*Carnaliter dicimur uniri Christo, quia eiusdē naturæ carnem participamus in sac.*

*Panem Angelorum manducamus in terris, eundē manducabimus in cœlis.*



quod dicebat Chrysostomus; quòd licet Christus ascen-  
dens carnem suam secum euexit, carnem nihilominus,  
hoc est imaginem suæ carnis retrò post se reliquit, in sa-  
cramento, nimirum intelligibiliter, & in quolibet ho-  
mine fideli, qui os habet & carnem de ossibus & carne  
Christi visibiliter. Vnde dicitur, & est corpus Christi,  
quem qui comederet, comederet reuera corpus Chri-  
sti, sed an propterea Christum ipsum? minimè profe-  
ctò, sed comederet corporis Christi imaginem. Quòd  
autem res ita se habeat, audi quid dicat venerabilis ille  
Beda in Luc. Finitis (ait) veteris paschæ solennis transit  
ad nouum pascha, & pro carne agni vel sanguine, car-  
nis suæ sanguinisq; sacramentum in panis ac vini figu-  
ra substituit. Hæc ille, & audisne quòd caro illa quam  
Dominus dat in siue sub figura panis sit sacramentum  
siue imago carnis Christi? Accipe id ipsum approban-  
tem Magnum illum Naz. Comedimus hodie etiam a-  
gnum, inquit, sed adhuc sub figura, licet hic noster ma-  
nifestior sit. Nam qui sub lege erat, figura erat huius fi-  
guræ. Hæc omnia subtilius eruere poteris ex August. lib.  
Sent. Prosp. & citatur de Conf. dist. 2. Caro Christi est,  
quam sub panis specie opertam in sacramento accipi-  
mus, & sanguis eius quæ sub vini sapore potamus. Hæc  
ille, qui optimè facit cum Pontificis cum dicit, quòd il-  
la caro quæ operta est forma siue specie, aut (quod idem  
est) accidentib. panis sit caro Christi. Fatendū est igitur  
quòd latet aliqua caro sub accidentib. panis, & sanguis  
sub accidentib. vini. Sed antea probauimus, q̃ illa caro  
non sit actu, sed potentia, deinde q̃ non sit ipsissima nu-  
mero caro D. Iesu Christi, sed specie illiusq; imago, nō vi-  
sibilis, sed intelligibilis: restat vt hoc pbemus. Audi ergo  
qd sequatur eodē loco in Aug. Caro, inquit, illa, quā o-  
pertam specie panis dicimus, sacramentum siue figura  
est carnis, & sanguis sacramētum est siue imago sangui-

*Caro que no-  
bis datur in fi-  
gura panis, est  
sacramētū seu  
figura carnis  
Christi.*



*Caro quæ sub  
forma panis in  
telligibiliter et  
inuisibiliter te  
gitur, est figu-  
ra carnis et ue-  
ritas, sed nõ est  
omnimoda  
identitas.*

*Similitudo a-  
pta, qua osten-  
ditur quòd rea-  
liter Christus  
non offeratur  
in missa.*

nis. Hæc August. Verum dices, cuius carnis est imago? subjicit August. Vtroq; , inquit, inuisibili, intelligibili, spirituali, signatur visibilis, & tangibilis caro Iesu C. Audis lector? Sed iterum dices: Demus, sitq; figura, est tamen & veritas. Fateor id ego quoq; , modò des quod non sit omnimoda identitas. Sic est quidem caro Christi, sed virtute siue potentia, non actu (nam talis nutritione euadit) similitudine non vera & simplici identitate, imagine non omnimoda veritate. Testatur hoc ipsum D. Ambr. 4. Off. c. 46. Offeritur hîc Christus, inquit, ad altare in imagine, illic in cœlo in veritate, vbi ipse est ordinatus pro nobis intercessor apud Patrem. Hæc ille, & miror an hîc habet Pontificij cõmentum, miror quid de Missa sua faciet. Offeritur hîc Christus (inquit Amb.) ad altare, ergo est adorandus, dicet statim Pontificius. At modestè audi quid sequitur, sed in imagine. Ipse enim Christus est in cœlo, qui seipsum offert pro nobis in veritate. Vides Lector Eucharistiã esse Christum quidem sed in imagine intelligibili, nõ omnimoda veritate? Accipe familiare exemplum vt melius intelligas (vulgo. n. loquor, nõ doctis ipse indoctus.) Accipiat sacerdos infantem iam iam baptizatum & nudum, efferatq; cum ad altare supra humeros & caput, & dicat Deo Patri, Suscipe sancte pater corpus hoc filij tui. Certè nõ mentietur. Est enim infans ille verum corpus Iesu Christi, & quem dicere possis iure adoptionis esse Christũ. At obsecro, nõne meritò cõspuendus esset sacerdos ille, qui cum puerũ & proponeret & contenderet adorandum? Nemo negat opinor, sed quare? (petit aliquis) respõdet prudẽtior, quia etsi sit Christus, gratia est Christus, non natura, etsi sit vera caro Christi in imagine, tamen non veritate, etsi sit Deus, participatione tamẽ, non essentia. Sed vt nostræ assertioni maius addamus pondus, audiamus quid Gregor. ille Neocæsariensis totius Asię fidem de



de Sacramento prodens, dicat in Concilio Constant. 7. Exultent & lætentur quicunque veram Christi imaginem sincera mente facientes desiderāt, & venerantur, & ad salutem animi & corporis adferunt, quam ipse dominus noster summus sacerdos ex nobis integrè massam assumens circa passionis tempus in typum & recodationem efficacissimam suis mystis tradidit. Nam cū se morti offerret, gloriosæ inquam illi & viuificanti, accepit panem, benedixit, postquam gratias egisset & fregit, tradensq; discipulis dixit, Accipite & manducate in remissionem peccatorum, hoc est meum corpus. Similiter & calicē tradens, Hic est sanguis meus, facite in mei memoriam. Ecce illius viuificantis corporis imaginem. Panem igitur Eucharistiæ veluti veram imaginem naturalis carnis Christi per sancti Spiritus aggressionem sanctificatam diuinum corpus esse voluit, illiq; sic placuit. Cæterum animata caro Domini diuinitati iuncta est. Eodem modo & ab eo tradita imago eius carnis impleta est Spiritu sancto cum poculo quoque sanguinis viuificantis. Hactenus Gregorius, cui si mentem adhibere volumus, facile omnem de Eucharistiæ mysterio difficultatem enodabimus. Notet igitur eum pius & verus Christianus, quoniam in hac re veram doctrinam adfert, quam & nos (vt vides) tot hactenus Patrum auctoritate fulcimus, à qua quisquis dissentit, sit Pontificius, sit (si voles) Euangelicus, sed nomine tantū à catholica & Apostolica Ecclesia planè dissentit, nisi magnoperè fallor. Nam quid habent obsecro, quod in illo reprehendant Pontificij, nimirum quòd vocauerit panem Eucharistiæ imaginem naturalis carnis Christi, & tamen nihil habet simile carni? At nō notas quòd dicit Veluti vera imago? Siquidem nōne vt exposuimus antea ex alio Gr. Nyss. qui panem videt, quodāmodo videt

*Panis Eucharistiæ est veluti vera imago naturalis carnis Christi.*



corpus humanum, quia panis in corpore existens fit caro & trāsit in corpus. Est igitur imago, intelligibilis scilicet, non lineamentis membrorum insignis, ut etiā dicit Epiphanius, est inquā imago, signū siue character naturalis carnis Christi, interim non nuda imago, sed impleta spiritu sancto & caro diuina (vt ait.) Cui cōsentit Gelasius aduersus Eutychem dicens, Sacramēta quę sumimus res diuina sunt, substātia tamē panis minimē in rīs esse desinit, sed transit in diuinam domino adiuuante naturā. Cæterum imago atq; similitudo carnis

*Eucharistia est res diuina, ergo bene infer-tur nō est Deus proinde nec Christus, sic nec adoranda.*

Christi in actione mysteriorū celebratur. hęc Gelasius. quem non vides vel latum vnguem à Neocæsariensi discedere. Eucharistia (inquit) est res diuina, substantia panis in eo manēte. ergo audacter infer lector Christiane, eucharistia nō est deus: proinde nec Christus, & sic nec adoranda. Sed pergamus in Neocæs. vbi dicit, Imago est naturalis carnis Christi impleta spiritu sancto: ne igitur qs propterea putaret esse Christi naturale corp⁹, addit. Cæterū animata caro domini diuinitati iuncta est: quasi differentiā ponens inter carnem sacramenti & carnē veram & naturalem Christi, dicit. Caro Christi animata, coniuncta est in cœlo hypostaticeq; vnita diuinitati: at caro sacramenti etsi habet diuinitatem coniunctam per habitationis ineffabilem gratiam, animata ramen non est, actionibusq; animalibus perficiendis idonea, ne in impiam illam & sceleratam de manducando homine opinionem incidas. Propterea cautē dicebat Cyrillus ad Calos. Infudit Deus panis & vini vim vitæ, eaquē conuertit in veritatem propriæ carnis, vt semen quoddam viuificatiuum inueniatur in nobis.

*Eucharistia est veluti quoddā semen viuificatiuum.*

Vbi diligenter nota Lector, quod Cyrillus vocat Eucharistiam semen vitæ, siue semen viuificatiuum. Et, bone Deus, quantum hūc mysteriū? Nōne proinde sequitur, est semen arboris, ergo non est ipsa arbor, vnde

deci



decidit semen istud? deinde est semē arboris, ergo habet in se indolem quandam, vim, & energiam sui parentis? est semen, ergo si vis, vt sit arbor debet mandari terræ, terræ mandatum debet irrigari, debet multa sollicitudine & seruari & excoli? Transfer hæc ad Eucharistiam, & collige an non hæc cum ignauia atque incitia intoleranda est à Pontificijs illis philosophatum. An non tales Agricola merito fame mortui sunt, quod granum frumenti quod acceperunt à Deo sub specie Eucharistiæ, arbitrati sunt esse perfectam aristam, & contēti visu, nec mandarunt terræ, nec excoluerunt sollicitè, vt suo tempore inde fructum sibi & Domino ferrent cum patientia? hoc erat mysterium quod occultabat Gregorius Neocæsariensis cū dicebat in supradictō capite. Gaudeant quicunque veram Christi imaginem facientes: hæc ille. Quid ō Gregori, nondum est igitur facta imago, nondum est illa Christus, nondum excreuit semen illud in sinapi? minime. Audi Christum: accipe, manduca, quasi dicat: hæc est mei indoles, hoc semen me repræsentat. Restat vt illud manduces, restat vt terræ committas, vt verbi Dei semen hoc in corde recondas, quò primum spei calore in chylum vertatur, deinde per multas ambages & circuitus angustiasque venarū mesaraicarum veluti hyemalium tribulationum & tempestatum in hepar attractum & in auram suppulans protrudente illud concoquenteque fidei calore in sanguinem facessat, vt tandem persequente suum fortum tepente humiditate charitatis veluti rore quodā cœlesti in perfectionem carnis assurgat, & perfecti hominis formam repræsentet. Cuius videndi desiderio suspirabat quondam, secundarius ille & à Deo substitutus Agricola Paulus cū diceret. Filioli quos iterum parturio, donec formetur in vobis Christus. Ecce: haud dubie sæpe Paulus distribuebat, Galatis, Romanis,

*Christiani omnes  
quomodo  
tenentur face-  
re Eucharistiā.*



*Verbū Dei no  
bis in ecclesia  
prædicatū est  
& dicitur ca  
ro Christi Ori  
geni.*

*Aliter mandu  
catur caro  
Christi quæ in  
cælo est palpa  
bilis illa, aliter  
caro Sacramē  
ti intelligibi  
lis.*

Corinthijs Eucharistiam, sæpe dispergebat verbum Dei quod est quædam altera Eucharistia & caro Christi. Sed tamen non erat adhuc perfecta & actu caro, verum debebat in ipsis formari & in formam carnis & perfecti hominis cōverti. Huc opinor respiciebat Hieronymus in cap. 3. Zoph. dicens. Impie agunt in Christum putantes Eucharistiam imprecantis verba facere non vitam: quasi dicat, bene precaris pro semine verbi Dei & impetras, nā entibi illud in Eucharistia, sed nondū est arbor illa, cuius folium non decidet nisi bene viuēdo excultū in arborem excreseat. Quocirca vt paucis totum de sacramento conciliemus negotiū, diligenter animaduertendū, quod aliud sit sumere carnem Christi quæ fit ex pane & vino, aliud carnē Christi manducare, quæ est in cælo. Siquidē hæc māducatur sola fide vt ostendim⁹, ad recordationē mortis quā Christus passus est in ea carne, ad æmulationē virtutū quas in Christo cōtemplamur, deniq; ad immolationē spiritualē pro impetranda nostri apud patrē reconciliatione. At caro sacramenti, quæ etiā carne spirituali Christi perfusa est, & quæ à palpabili carne Christi in panē defluxit, & ore & fide suscipitur, licet non tā ad corporis quam animæ nutritionē, & potius ad fidei & charitatis quā ad ossium incrementū. Præterea caro siue corpus Christi quod in cælo est, animatum est, nec descendit in panē tēpore cœnæ, vt ex Damasceno & Neocæsariensi nostro probauimus, deinde veris membrorū liniamētis distinctū est, & potens proprios motus exercere. At caro quæ quotidie ex pane & vino creatur, & de altari à fidelibus sumitur, natura quidē est similis carni illi, quā habet Christus in cælo, viuifica nimirū ratione viuificātis diuinitatis, quæ sese in panē infudit & cōmiscuit ineffabili modo, interea potētia tātū homo est nō actu, virtute caro, nō formaliter, & deniq; diuina quidē caro, sed nō Deus. Ex quib. omnib. iā  
sus-



sufficiēter probatis, poterit forsītā redargui D. Zuinglij de sacramēto doctrina, quæ nō tantū illi tribuit quantū debet. Poterit reprehēdi quoq; & Augustana quā vocāt cōfessio, quæ ita substantiā carnis Christi in sacramētū stabilit vt inde inferat q̄ cum pane adsit Christus verus Deus & homo. Verū hic illorum error hinc (opinor) ortus est, quod initio seipsos maluerunt sequi quā Patres, à quibus facile didicissent, quod ratione verbi viuifici mirabiliter vniti cum pane, panis substantia transit in naturam carnis Christi, quæ substantia non est illa eadem numero & dignitate par cum ea, quam habet Christus in cœlo, sed specie eadem. Quod si hac similitudine vti licet pro stabiliendis Patrum dictis: Nōne ouū est imago quædam gallinæ, & qui videt ouum intellectu videt gallinam? Nemo tamen dicat ouum esse gallinā ipsam, quæ ouum posuit. Deinde etsi gallina sit in ouo substantialiter & virtute, non tamen actu & formaliter. Præterea nec substantia gallinæ eadem est numero cum substantia oui, licet specie non differat. Et quid nunc habent quod vel ipsi vel Pontificij respondeant, qui immaniter prætentō igne & ferro exigunt ab hominibus vt credant quod cum pane vel sub accidentibus panis sit Christus, qui manducatur tā ab infidelib. quā fidelibus? Id quod antea ex Orige. in Matth. probauim⁹ esse falsum, cuius verba non pigebit iterum repetere. Substantia panis Domini, inquit, non prodest: abit .n. in ventrē & per ventrem recedit, sed verbū illi additū prodest vnicuiq; iuxta portionem fidei, hæc autē dicta sūt de pane, inquit, typico & symbolico. Vnde percipis (lector) eū vocare Eucharistiā corp⁹ Christi symbolicū & typicū, quod & boni & mali comedūt, sed ratione & vtilitate dispari. Quia .n. mali habēt quandā fidē, comedūt sacramētū ad aliquod bonū vitę tēporalis, sed q̄a non diligūt Christū imitādo, quē credūt incarnatū, quondā

*Zuinglij & Augustana cōfessio aliquareprehensione digna.*

*Exemplum ab ouo docēs substantiā panis sacramentalis nō esse eandē numero cū substantia carnis Christi in cœlo.*

*Mali nō comedunt corpus Christi uerum sed typicum tantum.*



mortuum, & nunc in cœlo gloriosum, quia inquam nō ea fide quæ diligit sic eum comedunt, propterea nihil illis prodest sacramenti comestio ad vitam æternam. Inde nec mali multò minus infideles dicunt comedere corpus Christi. De malis constat ex sequentibus verbis Origenis. Nam cū vellet typicum corpus Christi discernere à vero, quod est in cœlo non in sacramento, subdit. Multa porrò & de ipso Verbo dici possent quod caro factum est, verusque cibus, quem qui comederit, omnino viuet in æternum, quem nullus malus potest edere. Etenim si fieri posset vt qui malus perseuerat, edat verbum factum carnem, quum sit verbum & panis uiuus, nequaquam scriptum fuisset, quisquis ederit panem hunc, uiuet in æternum: hæc Origenes. Cui consentit & Chrysostomus super illud, qui manducat me uiuit propter me. Vitam hoc loco (inquit) non quæcunque sed probatam dicit, quod inde constat, quod & infideles omnes & non initiati, & qui eius carnem nō manducant, uiuunt tamen. Idem & August. asserit 21. lib. de ciuitate Dei. Infideles scilicet non manducare corpus Christi aut ueritatem sacramenti. Certum est igitur Christum in quantum homo est, à nemine mortalium ore manducari in sacramento, proinde & foedè eos errare qui id nobis horrenda doctrina persuadere conantur. Aliud esset si postularent ut eum aspicere-  
mus in uerbo (quæ Bucerii fuit opinio) licet ueræ ecclesiæ non satisfaciatur. Etenim ipsissimus Christus est qui dicit (licet per os ministri) hoc est corpus meum, quare reuera eum fide & mente intueor affixum cruci, morientem, & pro me effundentem proprium sanguinem, hoc enim innuit illud: quod pro uobis datur, qui pro uobis effunditur. Certum est igitur quod Christus omnibus sese offert intueundum in hoc uerbo, hoc est corpus meum. Non tamen qualis est in cœlo, sed qualis est in  
cruce

*Comedere  
Christū qui in  
cœlo est, est cre-  
dere ea fide  
quæ eū imita-  
tur & per dile-  
ctionem ope-  
ratur.*

*Bucerii opinio  
de Sacramen-  
to sana quidē  
sed non suffi-  
ciens.*



cruce, moriens scilicet pro implenda iustitia Patris, & sanguinem fundens pro remissione peccatorum. Et poterant certè talem eum intueri in mente ipsi Apostoli, quibus antea dixerat, Ecce ascendimus Hierosolymam & filius hominis tradetur & crucifigetur, proinde cùm in tam miserabili casu versaretur in animis Apostolorum dicebat accepto pane, ecce illius corporis quod veluti in cruce affixum animo intuemini, symbolum, figuram, seu imaginem. Si quis est igitur, qui sic eum intuens credit in eum, & pertæsus suæ sceleratæ vitæ, dolet de sua inobediëntia, ob quam scit filium Dei pati, si quis est qui carnis suæ impudicitiam detestatur & foeditatē, appetitque similem carnem illi quam in Christo contemplatur, pœnitet quod amiserit præsentia diuinæ solatii & gratiam, vellet quoque sibi restitui spiritum sanctum, admoueat manum ad sacramentum, & illud māduducet ore & corde. Sic enim & in carnem corpusque excreſcet illi simile, quale Christi est particepsque, erit diuinitatis & spiritus sancti, corporis siue carnis & sanguinis domini. Sic sicuti non nuda symbola carnis & sanguinis Christi accipiet, ita non ipsissimam carnem, & sanguinem Christi, quam fide intuetur & contemplatione in stomachum detrudet. Valeant proinde qui hoc horrendum dogma adferunt in ecclesiam, valeant & qui sacramenta tam parui æstimant, vt in ea nec mirabiliter præsentem diuinitatem agnoscant, nec operantem spiritum sanctum suscipiant. Scio doctissimum Oecolampadiū in ea non fuisse opinione: cuius verba sane pia & catholica postea apponā. Scio & P. Martyrem in suis scriptis latentē in Eucharistia diuinam virtutem agnouisse, & in eo præsertim libello quem de Eucharistia edidit ad Archiepiscopum Cantuariensem, cuius hæc sunt verba. Non mihi magnopere placet (inquit) quod nostri tam paruam faciunt mentionem mutationis panis

Oecolāpadius  
Petrus Martyr  
Theodorus Beza agnoscunt  
præsentia diuinitatis in Sacramento.



& vini, ad quam Patres diligenter respiciunt, nec eam de  
dignantur scripturæ, cum Paulus vocet sacramenta nō  
simpliciter panem, sed panem Domini. Est. n. in eis vir-  
tus quædam latens quam non habent ex sese, sed ex in-  
stitutione Domini, tum ex virtute spiritus sancti, tum &  
ex verborum prolatorum efficacia. hæc ille. Nec potuif-  
set Augustinus multò plura aut augustiora de sacramē-  
to dixisse. Iam scio quoq; & his posteriorem licet eru-  
ditione non imparem (si recte iudico) Theodorum Be-  
zam idem forte sentire, cuius hæc sunt verba aduersus  
Vestphalum virum quendam doctum. Augustinus sa-  
tis iudicat absentiam veræ carnis Christi à sacramento,  
licet spiritu præsens sit in verbo (inquit). En & diuinita-  
tem & spiritum sanctum fatetur cum pane. Restaret tã-  
tum (cum venia dico) vt consentiant ad pacem ecclesię  
cū antiquitate, & ad reuerentiam religionis circa sacra-  
menta, vt in catechismus doceât, quomodo ipsa diuina  
maiestas ineffabili modo (ait Cyprianus) sese infundat  
sacramentis, quomodo ibi reuera adsit nō per generalē  
diuinitatis præsentiam tantū, sed (operāte id Spiritu S.)  
per specialē, & admirabilē habitationis gratiā, vt ait Au-  
gustinus. Cuius ratione, panis altaris potētia alioqui caro, transit  
in naturā carnis Christi, non tã corporali, quā spirituali  
transitione, vnde panis fit substātia corporis siue carnis  
Christi. hæc omnia cōcinne breuiterq; sed paulo intri-  
catius asseruisse videtur cōfessio Augustana, quæ dicit,  
quod Cœna Domini est cōmunicatio corporis & san-  
guinis Christi, in qua Christus vere & substantialiter a-  
dest, & (vt Melanthon in Apologia explicat) nō solū effi-  
cacia, sed etiā substantia. Verè nanq; adest, vt ego (pace il-  
lorū) explico, ipse Christus per verbū viuificū, & per diui-  
nitatis substantiā, à quo non abest spiritus eius. Huius di-  
uinitatis mirabiliter præsentis ratione, fit vt panis ipse  
altaris, qui ante verba Domini indeterminatæ speciei  
corpus

*Videtur confes-  
sio Augustana  
melius definisse  
quid esset Eu-  
charistia quam  
explicasse.*



corpus siue caro erat, fiat substantia corporis seu carnis Christi, mirabili quadā, quia spiritali mutatione. Vnde etiā Christus adest substantialiter, hoc est per eundē nō numeri, sed speciei substantiā, si carnē spectes, alioqui reuera per eandē substantiam diuinitatis & spiritus, cuius respectu ecclesia verū corpus Christi est, & Christus ipsum caput. Sic (si illorū mentē assequor) nō ipsum Christum (qui in coelo tantum est, saltē in vno loco coeli, vt homo) ponunt localiter in sacramento, sed tacitē cum Epiphanio gratiā corporis Christi in Eucharistia annuntiant, quā nomine tantum si corpus naturale spectes, & re si corpus Christi mysticum intuearis, appellāt carnē Christi, quā potēria interim caro eius est non actū, gratia non natura, ex pane & vino futura in nobis, non realiter, immediatē, & simpliciter ex Virginis Mariæ benedicto sanguine. Hinc fit vt ingens hoc munus Christi & visibile beneficiū, nec adorēt aut adorari velint, sed illū à quo hoc donū habent prono, & corpore, & mente in coelo gloriosum, cū Patre & spiritu sancto Iesum Christū, hunc totius mundi creatorem, illud creaturā confidentes. Quod autē Eucharistia sit creatura asseritur etiā ex Cyp. his verbis. Dominus quotidie hoc suū sanctissimū corpus creat, sanctificat, & piē sumentib. distribuit &c. Consentit illi & Nazianzenus ille sanctissimus Episcopus in clamās his verbis. O incruenta mittēres sacrificia sacerdotes. O magni figmentū dei in manib. vestris tenentes. En sacramentū magni figmentū Dei siue creaturā appellat. Sic Amb. de sac. lib. 4. c. 3. Venisti, inquit, ad altare & ipsā miratus es creaturā? creatura tamen solēnis. Iterum vocat Eucharistiā creaturā, licet solemnē, qualis reuera est. Si quando autē Patres dicunt q̄ sacerdotes Deum manibus tenent, hoc vt uerum est, ita ad diuinitatem uere & ineffabiliter præsentiē respicientes quodāmodo uerē dicūt, non respectu Christi hominis.

*Eucharistia est  
creatura solen-  
nis tamen.*



*Eucharistia Di-  
uina, sed non  
Dominus.*

Collige hoc ex Ambrosio cūm dicit de benedictioni-  
bus Patriarcharum super illud: panem nostrum quoti-  
dianum. hodie, inquit, dat nobis hunc panem, quē ipse  
sacerdos cōficit proprijs Christi verbis. Possum⁹ & ipsū  
Dominum accipere, qui ait, Ego sum panis vitę. hęc ille,  
& non animaduertis quod sacramentum non sit Do-  
minus noster Christus, sed (ut vocat Paulus) panis Do-  
mini. Vides quoque quod licet Eucharistia habeat sibi  
coniunctam deitatem, non est tamen Deus, aut Domi-  
nus Iesus Christus, qui certe vt Deus tangi potest quo-  
dammodo, vt homo verò in terra non potest, vnde Ber-  
nardus sermone super illud. Missus est Gabriel. hęc  
est, ait, cūmulata gratia, sacerdotem, Deum sua manu te-  
nere, & alijs dando porrigere. hęc ille, qui nisi intelliga-  
tur, vt dixi, turpiter alias sibi contradiceret, dicit enim  
super Cantica cant. Quasi vero, inquit, Christus cum  
iam ascenderit in cōelum, tangi, aut velit, aut possit, &  
vtique poterit, sed affectu non manu, voto non oculo, si-  
de non sensibus. Idem dicit Ambrosius lib. de sacram.  
Quoniam (ait) idem Dominus noster Iesus Christus cō-  
sors est diuinitatis & corporis, tu qui sumis panem di-  
uinę eius substantiæ, in illo participaris alimento. Sic  
Hieronymus ad Edibiam. Panis (ait) quē fregit Domi-  
nus discipulis, corpus eius est quod de cōelo descendit.  
Concludit Augustinus in psalmum 75. Si Domini cor-  
pus (ait) iaceret hic in terra, vnde quaque conuenire-  
mus cum muneribus, nunc autem ascendit & sursum  
est, veritas autem in medio nostrum cuius sumus parti-  
cipes, huic offeramus munera, humilitatē scilicet. hęc  
ille. Miror rursus quid ad hęc Pontificj, qui miserabi-  
li orbi persuadent hactenus, quod Eucharistia sit Chri-  
stus ipsemet qui pepēdit in cruce, & quod eius propriū  
corpus ore sumatur, quod Augustinus hic asserit non  
esse in terra, aut nobiscum, sed sursum. Appositē igitur  
respondit



respondit Augustinas, intuens diuinitatem & Spiritus sancti gratiam, quæ nobis realiter offeruntur cum pane, respōdit, inquam, quærenti in sermone de Baptismo & dicenti: Si Christus ascendit in cœlum, & adhuc ibi est, quomodo est hic panis altaris caro eius? Amice & frater, inquit, ista ideo dicuntur Sacramenta, quia aliud videtur, aliud intelligitur. Quod videtur, speciem habet corporalem (nota, nō dicit habet speciem aut accidentia corporis, quod intelligitur, fructum habet spiritua-lem. Et quis est ille fructus, ô Augustine, qui etiam dicitur suo modo corpus. Respondet: Vnitas, pietas, veritas, charitas, corpus Christi. Si igitur tu, ô amice lector, vis comedere corpus Christi, esto corpus Christi (inquit Augustinus) nam ad eos tantum pertinet qui corpus Christi sunt. Si es verum corpus Christi, cum corpus (de spiritali loquor) illud constet vnitate, pietate, veritate, charitate, ergo es in vnitate fidei cum ecclesia, in charitate cum proximo, in pietate cum parentibus, in veritate quoad dicta & facta confirmatus. Sed forsitan hæc membra sunt adhuc in te imbecillia, adhuc crescunt, nec in virile adhuc robur excreuerunt. Accipe igitur in Sacramento carnem pietatis, veritatis, charitatis, quæ hanc tuam carnem & solidet & augeat. Nec te offendat quod ista caro vocentur. Nam si Paulus, cum dicit: Mortificate membra vestra quæ sunt super terram, fornicationem, idolatriam, mēdacium, odium, vocat talia carnem, dicens ad Romanos, Scientes, quoniam vetus homo noster crucifixus est, vt destruaturo caro peccati, si, inquam, nos iubet talem carnem exuere, ea exuta, quæ nam est illa quæ succedet, nōne caro Christi inuisibilis, æternum verbum nimirum & Spiritus sanctus? Quod si corporis peccati membra sunt, dissidiū, odium, mendacium, fornicatio, nōne huius corporis Christi spiritalia membra erunt, vnitas, pietas, veritas, chari-

*Sacramenta  
quæ videntur,  
speciem habet  
corporalem.*



*Caro spiritualis Christi, quæ in Eucharistia accipitur, potius manducatur desiderio mentis quàm masticatione oris.*

*Esus carnis spiritualis Christi, quæ cū sacramento unita est, est desiderium quoddam manendi in Christo.*

*tas?* Cū ergo caro Christi, quæ latet in pane, spiritualis sit (vt audis) non adferas mihi solū os carnale ad manducandum, sed fidei in Christum robur ad masti candum. Non præendas mihi appetitum stomachi ad digerendum, sed dilectionem cordis ad concoquendum. Fit namque huius cibi manducatio potius desiderio mentis quàm masticatione oris, animæ appetitu citius quàm stomachi, demulcetque sæpius ventrem esurientium quàm saturorum, & denique, quod mirum est, felicius & efficacius alit ægros quàm sanos. Quamobrem, amicissime Lector, quoniam esus huius carnis desiderium est quoddam manendi in Christo, (ait Cyprianus) manet autem qui illi obedire vult, & obedit quantum potest, ad virtutes illius anhelans, si antequam ad communionem accedas, consultaſti cum medico aliquo spirituali, si bene te ipsum es contemplatus in lege & vita Domini tanquam in speculo, vt ſcires & cognosceres quid morbi in te lateret, & tandem hoc eruiſti, quod non manes in Domino, sed in diabolo, cuius opera facis, & cuius tu carnem manducas, quæ est coniuncta morbi tui causa. Proinde es superbus, interim doles & appetis humilitatis gratiam. Es luxui deditus & impudicæ cogitationi, sed hoc animo detestaris, affectans pudicitiae donum. Es avarus, sed hoc tetangit, quod non es liberalior in pauperes. Es denique ebrius, sed ebrietas iam est tibi abominationi, & cuperes illi vulnere sobrietatis cataplasma, audi Dominum dicentem, Accipe & manduca corpus meum. Non hæreas in pane quem tangis, sed suscipe primum dilectionis & fidei ore medicum quem audis. Intromitte in animam cibum quem appetis, illinc vulneribus medicinam quam affectas, ea mox & vulnera consolidabit, & morbos effugabit, & peccatorum cicatrices delebit in perpetuum. Vnde iam pernoſcis, opinor, commoditatem huius mysterij, & vides quod ni-



hil sensibile (vt ait Chrysostom.) expectare aut magnopere exposcere debeas in hoc sacramento, cum sola sint omnia intelligibilia, mente potissimum percipienda. Fis proinde naturalis carnis Christi particeps per hoc sacramentum, non carnem eius naturalem aut tangendo, aut in stomachum admittendo, sed fide ante omnia eliciendo in panē & vinum delapsam à glorioso, quod sursum est, Christi corpore viuifici verbi virtutem.

Concludat proinde & probet hoc totum, componatque omnes de Eucharistia controuersias ipse Cyril. sic scribēs ad Cœles. Oportebat, inquit, vt vniretur nobis Christus aliquo modo per suam carnem sacratam, & preciosum sanguinem. Haftenus ille. Doce igitur, ô Cyrille modum hunc. Nam & Pontificij, & nescio qui alij asserunt Christum ipsum, qui pependit in cruce, verè suscipi ore, & in stomachum demitti cum pane, vel in pane, vel sub accidentibus panis. Dic igitur aperte quomodo fiat? Audi quid respondeat Cyrillus, & nota bene amice lector. Fit per benedictionem viuificantem quam accipis in pane & vino. Intelligis? Benedictio, inquit, viuificans, siue (vt aliàs appellat Cyrillus) Viuificum verbum Dei in panem illapsum mirabili modo, eidemq; vnitum vt cera liquefacta alteri ceræ liquefactæ (ait aliàs Cyr.) facit vt panis in dominicæ carnis transeat naturā, vim, & virtutem, quinimò & veritatē. Suscipe igitur Eucharistiā ore, & cautè frangens panem, hoc est humanitatem ipsissimam Christi absentem à Sacramento, à præsentē diuinitate intellectu diuidens, introduc, eadem rursus coniungendo, totum Christum scilicet in animam vera fide, & introductum retine dilectione, & sic coniungeris Christo per carnem vt homini, pariter & per Spiritum sanctum, qui se semper insinuat Christum diligentibus, coniungeris Christo, vt Deo. Hoc est quod dicebat beatus Hilarius,

*Illabitur in panē à sacro sursum Christicorpore viuifici uerbi uirtus, et spirit. sanctus.*

*Quomodo coniungimur Christo per carnē.*



*Tunc unimur  
Christo per  
carnem, quan-  
do id quod su-  
mus in Deo est*

quòd tunc demùm vnimur Christo per carnem, quan-  
do id quod sumus in Deo est. Non ergo descendit caro  
Christi in panem, sed verbum de Deo verbo, & virtus  
illa nos viuificans à sancta carne Christi, & in nos & in  
panem tempore communionis à supernis defluit. Sed  
nota bene, in hoc differimus, & nos à pane, & panis à  
nobis, quòd panis fiat verè caro Christi, nos vera caro,  
vterq; alioqui per gratiam, licet fortè propter fidei de-  
fectum inæqualem, & vt vno verbo absoluam, Panis est  
potentia & virtute caro Christi, nos actu tales fimus et-  
iam extra sacramentum, dicente antea Rabano, quòd  
verbum Dei sumimus & de altari & de Scripturis. Idem  
& Hieronym. in Ecclesiast. cap. 3. Hoc solùm habemus  
(inquit) in præsentī seculo bonum, si vescamur carne  
eius, & sanguine potemur, nō solùm in sacramentō, sed  
etiam in Scripturarum lectione, &c. Item & testante O-  
rigene cū ait in Leuit. Bibere dicimur sanguinē Chri-  
sti non solùm ritu sacramentorū, sed etiam quando sus-  
cipimus verbum eius. Vtroque igitur hoc modo nos fi-  
mus realiter caro Christi, & comedimus Christi cor-  
pus. At panis Eucharistiæ, etiam si sit virtute caro Chri-  
sti; & realiter corpus verbi ante manducationē, tamen  
vt fiat actu vera caro, debet manducari, & nutritionis  
lege in carnis formam conuerti. Propterea cautè dixit  
Concilium Nicēnum, verè eius carnem edentes atque  
bibentes, nostræ resurrectionis symbola esse credamus.  
En, non dicit edentes veram eius carnem, sed verè, quia  
in sacramento adest quidem veritas carnis Christi, sicuti  
in puero iam baptizato (qui nō solùm verè, sed est ve-  
rum corpus Christi) non tamē vera & naturalis eius ca-  
ro. Apertius id explicat Augustinus lib. Sentēt. Prospe-  
ri. Vtrum, inquit, sub figura an veritate hoc mysticum  
calicis sacramentum fiat, Veritas ait, Caro mea verè est  
cibus, & panis quem ego dabo caro mea est pro mundi  
vita.

*Non solùm in  
sacramēto, sed  
cū suscipimus  
uerbum Dei,  
bibimus spiri-  
tualem sangui-  
nem Christi.*



vita. Sed quia non est fas Christum vorare dentibus, voluit Dominus hunc panem in mysterio verè suam carnem consecratione Spiritus Sancti potenter creari, & quotidie pro mundi vita mysticè immolari. Audis Lector? Panis, inquit, sit verè caro per Spiritum sanctum, id est, transit in naturam veræ carnis, non tamen in veram & naturalem Christi carnem & animatam: & quare dices? Quia (respondet) sic comederetur Christus.

At, ait, non est fas vorare Christum dentibus, immò impium esset scelus (vt alibi ait cum Cyrillo) vel hoc solum cogitare. Quid obsecro hîc dicent Pontifici? quid aliqui Euangelici? Sed audi Augustino cõsentientem Hieronymum in Leuiticum, ne quid tergiuerentur. De illa, inquit, hostia quæ à Domino in memoriã Dominicæ passionis mirabiliter fit, edere licet, de illa autem quam Christus in ara obtulit, comedere per se nemini licet. Hæc Hieronymus. Ex quo apertè discis, quod tanto conamine hac declamatione stabilimus, vnã esse Christi carnem in Sacramento mirabiliter factam ex pane & vino infundente se in panem verbo viuifico, de qua etiam ore comedere licet, alteram Christi naturalem quæ est in cœlo, quæque olim pependit in cruce, de qua (ait Hieronymus) Nemini per se, hoc est dentibus edere licet. Hinc detegitur, opinor, crassus ille (vtinam non damnabilis) Pontificiorum error, Interim beneuole Lector & frater in Christo charissime diligenter nota, quòd Augustinus dicit expressè, opera Spiritus sancti panem hunc creari carnem Christi. Deinde quòd Augustino addit Hieronymus, Mirabiliter fieri. Tertiò, quòd Cyprianus dicit, diuinam maiestatem ineffabiliter infundi in panem. Quartò, quòd omnes Patres veteres, quoties de hoc sacramẽto loquuntur, paucis prius de eo tanquam delibatis, subiiciunt. Nouit quæ dicimus qui mysterijs initiatus est, yndè au-

*Non est fas vorare Christum dentibus.*

*Nemini fas est comedere dentibus de carne illa qua pependit in cruce, hoc est de vera Christi carne.*



*Certum est ali-  
quam fieri mu-  
tationem in sa-  
cramentis, spi-  
ritualē tamen.*

di Chrysostomum, de beato Philogon. Si, inquit, cum fi-  
de accedemus ad sacramentum, proculdubio videbi-  
mus Christum in præsepi iacentem, siquidē hæc mensa  
vicem explet præsepis. Nam & hîc ponitur corpus Do-  
mini, non quidem fasciis inuolutum, vt tunc, sed Spiri-  
tu sancto vndique circumuestitum. Qui mysterijs ini-  
tiati sunt, norunt quæ dicuntur. Hæc Chrysostomus,  
quæ diligenter nota, vt partim scias non ita cōtemnen-  
dum panem sacramentalem, vt hætenus horrendè fe-  
cerunt nonnulli, qui eum Iehan leblan vocarunt, quem  
Chrysostomus dicit spiritu sancto vndique circumue-  
stitum, partim vt credas, certissimè aliquam esse muta-  
tionem in ipso pane sacramentali, non quidem ex di-  
gnitate sacerdotis verba Christi pronunciantis succe-  
dentem, sed certis Christi verbis ( vt ait Augustinus ) &  
institutione firmatam. Errant proinde nonnulli in hoc  
parùm Euangelici quidam, qui Eucharistiæ panē in eo  
tantū differre à pane communi asserunt, quia in alium  
& sanctū vsum transfertur. Nō enim propter id solū,  
sed ( vt disertis verbis omnes patres dicunt ) quia mira-  
biliter, potenter, ineffabiliter, panis fit caro Christi, mu-  
tata quidem natura, sed seruata forma, & substantia in  
diuinam abeunte naturā (ait Gelas.) non tamen percun-  
te. Sed nōne hoc erat quod dicebat Amb. Panis manet  
id quod est, & tamen mutatur in aliud? Bene igitur di-  
xit ante mille & ducentos annos sanctus ille Gregorius  
Emissenus cū ait. Non dubitet quisquam primarias  
creaturas panis & vini nutu potentia diuinæ, in domi-  
nici corporis posse transire naturam, cū ipsum homi-  
nem videat artificio cœlestis misericordia Christi cor-  
pus effectum. Sicut aut quicunq; ad fidem veniens an-  
te verba Baptismi in vinculo est veteris debiti, ijs verò  
commemoratis mox eruitur ab omni fece peccati, ita  
quando benedicendę verbis cœlestibus, sacris altaribus

appo-



apponuntur creaturæ, substantia illic est panis & vini post verba autem caro & sanguis Christi. Quid autem mirum, si ea quę potuit verbo creare, verbo possit creata conuertere? Immo iam minoris miraculi videtur esse, si id quod ex nihilo agnoscitur cōdidisse, iam conditum in melius valeat commutare. Hęc Emissenus, qui quanq̃ pro Pontificijs ad stabiliendā Pontificiorū transubstantiationem pertinaciter à Pontificijs adducitur, non euperem tamen mihi cōmodiorem autorem ad euertendum totum Pontificiorū dogma de Eucharistia. Aduerte igitur Christiane lector, dicit Emissenus, non dubitet quis quas primarias creaturas in dominici corporis posse transire naturam ob præsentiā maiestatis diuinæ (nota) cū ipsum hominem videat artificio celestis misericordiæ Christi corpus effectum, &c. Quod igitur mutatur panis, accedente ad eum mirabiliter diuina maiestate (vti iam sepe diximus) nec ego lector, nec tu dubitabis. Audi Cyprianum, vt in ore duorum (etiam si ducentos alios proferre possem) stet verbum. Panis hic, inquit, quem Dominus discipulis porrigebat, non effigie, sed natura mutatus, omnipotentia verbi factus est caro. Hęc ille. Certum est ergo, quod panis mutatur, sed nota bene, quod dicunt Patres, in naturam carnis, non in carnem aut corpus hominis perfectum, veluti ac si quis mutaret ouum anseris in verū anserem. Nam talis mutatio esset substantialis & visibilis. Id quod si verum esset, cur Augustinus audet dicere libro contra Iudæos. Nunc manibus (inquit) non offerimus carnem, sed corde & ore offerimus laudem. Nonne quia panis ille nondum sit actu caro, licet in naturam carnis transferit? Audio quid diceret Pontificius, & à sexcentis annis dixit, quid si anser ille regeretur aliquo lintheo, sicuti corpus Christi tegitur accidentibus panis, sic non posset oculis percipi.

*Substantia panis in Eucharistia mutatur sicuti substantia pueri in Bapt.*

*Notandū est bene, quod Patres dicunt mutari panem in carnem Christi, sed tamē intelligunt in naturam carnis.*



At bone vir saltem perciperetur aliquando ex motu, nisi velles cum perpetuò dormire. Sed in re tam seria o-mittamus ludicra. Dicamus igitur cum Theophylacto super Marcum, quòd Deus mutat panem in virtutem suæ carnis, id quod hîc Emissenus dicit, in naturam. Alij (vt Cyrillus) in vim, aliàs in veritatem carnis. Quod ex nostro Emissenò collige, qui dicit, Panem iam conditum in melius commutari. Commutatur igitur in melius, fateor, & fit quoddam corpus sanctius, vt ait Orig. cuius hæc verba sunt contra Celsum, & notanda & memoria mandanda. Quocirca Celsus vt Dei ignarus gratias dæmonibus reddat, nos verò conditori omniū Deo gratias agentes, & pro collatis eius in nos beneficijs actis gratijs, oblatis panibus vescimur, qui vtiq; per precem efficiuntur corpus sanctum & sanctificans eos qui sano proposito & mente ipsis vtuntur. Hactenus Orig. qui asserit, quòd per precem Christi & eius benedictionem quæ suum habebit effectum ad mundi finem vsq; panis fit corpus sanctum & sanctificans: sed non dicit qd fit Christus, aut qd fiat vera caro Christi. Nec est quòd quis hîc putet Origenē loqui de prece, quam fundit sacerdos, aut de benedictione quam facit Pontificius minister formando signum crucis super panem, quasi illa facerent ad Eucharistiæ consecrationē. Sed intelligendum est de benedictione Christi. Nam vtdicit Chrys. tota potestas Christi est. Et Thomas ipse de Aquino q. 78. Minister, inquit, in hoc sacram. cōficiundo non habet alium actum nisi prolationē verborū Christi, & nihil agit nisi qd profert verba Christi. Proinde si qua benedictio fit à sacerdote, aut si quæ ceremoniæ adhibentur, pertinent ad solennitatem sacramenti, nō ad necessitatem, quæ sufficit prius benedictio Christi. Hactenus Thomas, quem ideò adduxi, vt tollerē scrupulositatē ex animis quorundā, qui quia nullas ceremonias vident affigi in cele-

*Notanda hæc  
Origenis uer-  
ba contra Cel-  
sum, ut de Eu-  
charistia digna  
cogites.*



celebratione sacr. apud Euangelicos, putat nō perfici sacramenta. Redeamus nunc ad propositum. Audis lector ex Origene & alijs, quòd sic mutatur panis vt fiat sanctus & sanctificans dignè vtentes? Mutatur ergo substantia panis, sed non euanescit, non perit. At Biel ille Tubingensis doctor & Pontificiorum validum fulcrū cum suis asseclis aliud asserit in expositione canonis his verbis. Transubstantiatio, inquit, est vnus substantiæ in aliam versio, quæ versio nihil aliud dicit nisi vnus definitionem scilicet panis, & alterius inceptionem, quantum ad esse in loco siue sub illis speciebus, & per hoc vnum conuerti in aliud, non est vnum fieri aliud, sed vnū succedere alteri. haftenus Biel, qui asserit substantiam panis omnino euolare & perire, & in illius locum succedere Christum, sic substantia panis non mutatur in melius iuxta Emissenū, sed in nihilum redigitur. Vide quomodo laborarit diabolus vt idololatriam inueheret.

Nec enim dixit Emissenus quòd substantia panis recedit & accedit Christus, at quod substantia panis in melius mutatur. Id quod & nos fatemur, videlicet substantiam mutari veluti in qualitate, non tamen perire. Sic enim argumentatur Origenes quoque. Cælum mutabitur, ergo manebit eius substantia. Maneat igitur christiane lector ex veterum consensu firmatum hoc, quod panis (vt ait Ambrosius) mutatur in aliud, & tamen manet id quod est. Nec est quod ad hoc obstupescas, inquit, Emissenus cū videas artificio cœlestis misericordiae hominem Christi corpus effici. Nota similitudinē. Homo per baptismum mutatur mutatione spirituali hoc est accedēte ad eum Deo & spiritu Dei per habitationis gratiam, & sic fit corpus & caro Christi, an propterea inferes quod fit Christus absolutè, mutat quoque affectus, an propterea & actus? Sic panis substantiæ accedente ad eam mirabili modo & vniente se illi diui-

*Quid sit transubstantiatio Pontificijs.*

*Eucharistia mutatur nō pereunte substantia eius, sed accedente illi aliquid quare accidētaliter.*



nitate, quod non fit sine potenti opera spiritus sancti, mutatur in diuinam naturam & fit substantia sancta & sanctificans, an propterea mutatur in Christum aut cedit Christo, ut vult Biel? Concedendum est igitur, quod panis mutatur vniente se illi verbo viuifico, non quidem modo hypostatico, sed ineffabili, inquit Cypr. quia spirituali, potenter scilicet operante id & mirabiliter spiritu sancto. Huc respiciens dicebat Tertullianus. Nesciat maritus tuus quid ante omnem cibum capias, & si sciuerit panem esse, non tamen eum qui dicitur. Quasi vellet dicere. Panis communis habet quidem Deum in se per generale diuinitatis praesentiam, sed hic Eucharisticus etiam si idem ille sit quoad formam & substantiam, alius est tamen, quia Deum habet in se per habitationis gratiam, per spiritus sancti praesentiam. Sic loquitur Cypr. de coena. A communibus cibis differt hic panis, quod illi adsit virtus di-

*Adest pani Deus & uirtus diuina, non tamen Christus nisi modo quod ad loquendi.*

uina. Et rursus paulo infra. Quotidiano (ait) rerum euentu edocetur fidei nostrae infirmitas, visibilib. sacramentis inesse virtutis diuinæ effectum, & non tam corporali, quam spirituali transiitione Christo nos vniri. haec ille. in quo nota hoc quod cum dicit, panis adesse virtutem diuinam, aut (ut dicit Cyrillus cum Dama.) quod illi adsit diuinitas, non tollunt substantiam rei, sed mutatam asserunt ex praesentia alterius. Nota quoque obiter & hoc quod dicit Cypr. nos non tam corporali transiitione, quam spirituali vniri Christo, in quo illud (Tamen) indicat nos carnaliter & aliquo modo vniri Christo per carnem, quia panis est eiusdem naturae caro cum carne Christi, quamdiu mirabilem hanc habet in se

*Eucharistia simul panis & caro est. panis forma, caro uirtute.*

praesentiam diuinitatis & Spiritus S. Ut igitur ad propositum, coniunctio haec mirabilis diuinitatis cum pane, mutat panis substantiam in substantiam carnis Christi. Est proinde panis & tamen alius, quia diuinus, quia viuificus, & (quod mireris) quia panis simul & caro est, panis forma, caro uirtute. Vnde Hesichius in Leuit. Propterea, inquit, iubet

Domi-



Dominus carnē manducari cū panib. vt sciamus esse & dici sacramentū, quod simul caro est & panis &c. Cōmo dissime explicauit omnia, quę dicimus, idq; breuissime Clemens Alexandrinus Origenis præceptor dicens in suo Pædagog. Amborū temperatura, inquit, potus scilicet & verbi dicitur Eucharistia, id est bona gratia, cuius qui per fidem fiunt participes sanctificātur corpore & anima, cū diuinū temperamentū, hominē scilicet diuina voluntas spiritu & verbo mysticē temperauerit. Etenim verē spiritus animæ, quæ ab ipso fertur, coniungitur & familiaris fit verbo, propter quam verbū caro factum. hæc ille. Et nota mysterium in verbo (temperatura). At nōne quæ inter se temperantur manēt salua? Si vnio illa admirabilis diuinitatis cum humanitate Christi non tollit substantiam humanitatis, tolleretur hæc vnio diuinitatis cum pane (quæ etsi mirabilis, accidentalis est tamen) substantiam panis? Iam quod accidentalis sit vnio illa diuinitatis cum pane, siue cum fidei homine, illa inquam vnio siue præsentia diuinitatis, quæ existit per habitationis gratiam, satis innuit Augustinus cū ait contra Epistolam Parm. lib. 2. Sacramentum, inquit, tale cuique fit, quali corde ad accipiendum accesserit. hæc ille. Si igitur accesseris reus, non inuenies Deum in Sacramento habitantem per gratiā quæ se subduxit, sed per iudiciū seueritatem. Non intrabit Sapientia in animam tuam maleuolam, sed diuina indignatio in tuā condemnationem. Accipis quidē elementū cui accessit verbū & proinde sacramentū, sed nō vt rē (forte) ita virtutē accipis sacramēti. Nā panē quidē sanctificatū virtute mysticæ benedictionis intromittis, sed spiritum Dei sanctificantē non admittis. Probat hæc imprimis ipse August. lib. 3. de baptis. dicens, sacramētis semper assistit virtus diuina, siue ad salutem benevolentium, siue ad perniciem malevolentium. Deinde

*Vnio diuinitatis cū pane, est accidentalis nō hypostatica.*

*Non oēs qui accipiunt panem sanctificatū, accipiunt spiritū sanctificantem.*



Cyprianus de coena. Equidem (ait) nunquam sese absērat diuina maiestas à sacramentis, sed licet sacramenta se patiantur tangi ab indignis, non possunt tamen esse spiritus participes, quorum indignitas tantę sanctitati contradicit. Vides igitur quod interdum diuina maiestas præsens per gratiam sese absentat à sacramento, vel quia sacramentis male & non iuxta Dei institutum vtimur, vel eam pellimus peccato, & inobedientia?

Eius rei accipe egregium & exemplum & documentū à Cypriano de lapsis. Quidam (ait) meo tempore sacrificijs pollutus Eucharistiam accipiens domum detulit, vbi edere voluit, aperta manu inuenit cineres. Vnius exemplo edocemur (ait) Dominum recedere cū negatur, nec prodesse quod sumitur, quando gratia salutaris in cineres Domino recedente mutatur. Audis illud gratiam mutari in cineres Domino recedente? cū igitur recedit Dominus, quis succedit nōne diabolus?

*Gratia sacra  
mēti mutatur  
in cineres Do-  
mino receden-  
te.*

O horrenda proinde meritō duobus modis sacramenta. Suauia vero & expetenda humilibus, & dese nihil altum sapientibus, contritis corde, & tremantibus sermones Dei, super quos libenter requiescit spiritus Dei. Vt igitur finiam, sicuti certus est & infandus aliquot Pontificiorum de transubstantiatione error, ita nonnullorū quoque Euangelicorum preposterus zelus (si modo zelus est) reprehendendus est, qui putant nullā esse mutationē in pane, nullā ad eū accessionē diuinitatis fieri mirabilē. Deniq; nō nisi in actione panem sanctificationis gratiā retinere. At aliter August. vt supra audisti, aliter Cyrillus ad Calo. Audio, inquit, dicentes mysticā benedictionē si ex ea remanserint in sequentē diem reliquiæ ad sanctificationem esse inutilem, sed insaniunt hæc dicentes. Non enim alius est Christus, neque sanctum eius corpus immutabitur, sed benedictionis virtus & viuifica gratia, perpetuo manet in eo. hæc ille. Audis le-

*Qui sunt qui  
digne accipiūt  
sacramenta.*

ctor



etor quod viuifica gratia perpetuò manet etiam in reli-  
 quijs communionis? Nec valet quorundam argumen-  
 tum qui dicunt, quod sicuti baptismus tantum valet in  
 vsu, ita nec Eucharistia, quoniam generatio, est actio trā-  
 siens, at alimentum res manēs. Proinde vt bene monet  
 Oecolampadius contra Melanchtonem. Quamdiu (air)  
 benedictus panis seruire potest esui, rādiu ad sanctimo-  
 niam est utilis, à quo nunquam separatur spiritus & viui-  
 fica gratia. Quapropter (adīcit) hesternis reliquijs san-  
 ctificari ægros non negamus, tametsi in ecclesia id fieri  
 hortamur, vt uerior sit coena Dominica. Hactenus Oeco-  
 lampadius & sanè & catholicè sentit de hac re, uti cer-  
 te (opinor) de omnibus alijs religionis articulis, docens  
 uiuificam gratiam & spiritum sanctum non abesse un-  
 quam à sacramentis, quamdiu illa terrena elemēta ma-  
 net incorrupta. Et certè quid alioqui (precor) deferebāt  
 Diaconi ad absentes, teste Iustino in Apologia? Quid pe-  
 rijt Serapion sibi transmitti per presbyterum, narrante  
 Eusebio? Quid seruabat vxor Tertulliani domi suæ?  
 Quid portabat frater Ambrosij transfretaturus mare?  
 Quid in Eremito solitariam vitam agentes à seipsis acci-  
 piebant communicantes ubi aberat sacerdos, teste Ba-  
 filio in epistola ad Cæsa. Quid accipiebant Diaconi in  
 ecclesia præcipiente concilio Nicæno, & dicente: Profe-  
 rant ipsi si presbyter nō adsit qui eis porrigat, & edant.  
 Vidēsne lector quòd & tunc seruabatur Eucharistia, &  
 quòd hodie etiam non male seruatur in templo chris-  
 tianorum? Si sacramentum est verbum uisibile, quid  
 loquitur intuentibus, nōne hoc est corpus meum li-  
 cet per gratiam, & uirtutem, ut ait Epiphanius? Aderit  
 ne igitur gratia & ueritas corporis Christi ipsi signo &  
 spiritus sacramēto? aderit certè (ut ex Cyrillo didicim⁹)  
 aderit inquam, modo adsit obedientia, hoc est si suma-  
 tur, aut ad manducationis finem asseruetur. Alias, adest

*Panis Eucharis-  
 tia ad sanctifi-  
 cationē est uti-  
 lis etiā si ad tē-  
 pus asseruetur  
 ad usum com-  
 munionis.*

*Oecolampadius  
 sanè edocuit  
 Eucharistia, et  
 alijs religionis  
 articulis.*

*Gratia Dei ma-  
 net semper in  
 Sacramento  
 quādiu elemē-  
 tum manet in-  
 corruptum.*



quidem alijs, sed tibi non adest, recessit, qui tamen est vbique, mortem ibi reliquit, qui omnia viuificat, & Diabolo locum dedit, qui omnem alioqui locum implet. Denique semper illi adest spiritus & vita, sed tibi aut non credenti, aut mysterium non intelligenti, solus est panis, solum est vinum, ait Augustinus in Ioa. tracta. 26. Quod ergo olim pñ christiani in ecclesia prius sumptæ Eucharistiæ portionem domum aliquando deferrebant, quod ad ægros quoque eam depor- tabant, quoniam ad manducationis finem, & reconcilia- tionis cum ecclesia signum tendebat, non aut super- stitionis aut adorationis, indulgentia fuit charitatis (o- pinor) non inobedientiæ peccatum. Vnde hoc intui- tu suaserim ab ijs idem fieri, qui nondum in fide ad plenum sunt confirmati. Multum enim fidei nostræ imbecillitatem adiuuat, quod ex magna Iesu Christi li- beralitate, Verbum viuificum simul & spiritum san- ctum reuera & corde, & ore, & manu veluti contrecta- mus, suscipimusque in specie panis corporali, quem a- lioqui sine sacramento occultè è cœlo in nos delaben- tem oportuisset excipere sola fide. Ostendit se dico spi- ritus sanctus reuera fidelibus veluti sub specie panis & tactu eos sanctificat (vt dicit Cyprianus) non transub- stantiato tamen pane, qui aliquando se ostendit in spe- cie columbæ integra manente columba, testante id Augustino de cogni. veræ vitæ cap. 18. Spiritus sancti substantia, inquit, non est in columbam transmutata, sed formauit sibi spiritus sanctus columbam veram, in qua se ad horam super corpus sibi inseparabiliter vni- tum ad testimonium hominibus exhibuit, & tamen à substantia Patris non recessit. hæc ille. Hoc modo aut si mili pani vnitum verbum viuificum, & spiritus sanctus commodè suscipitur & à sanis & ægrotis. Vnde fit vt non possim non approbare illarum ecclesiarum mo- rem

*Ad fidem stabi-  
liendam de ue-  
niente ad nos  
spiritu sancto,  
bonū est mori-  
turis & tamen  
mente constan-  
tibus præbere  
Euchar. si eam  
postulauerint.*



rem in Germania reformanda & pium, & sedulum, qui  
 vt frequentissimè cœnam Domini celebrant, ita etiam  
 poscentibus Eucharistiam infirmis benigne illis eam  
 impartiuntur. Proinde (lector) quotiescunque lecto  
 decumbis infirmus, si hoc aut illo die audis dispensa-  
 ri mysterium in ecclesia, pete audacter tibi adferri por-  
 tionem mysticæ benedictionis, & non peccas. Si vero  
 deest oportunitas, audi iuxta diuinam naturam vbi-  
 que præsentem Pontificem Iesum Christum anima-  
 rum nostrarum pastorem, in anima tua inclamantem:

*Deberet Euch.  
 celebrari quo-  
 tidie in catho-  
 dralibus eccle-  
 siis.*

Accipe, manduca hoc corpus meum. Aperi ergo ocu-  
 los fidei, & suscipe dilectionis charitatisque igne quem  
 vides, & manducaisti, hoc est è sacra illa carne & glorio-  
 so corpore Iesu Christi, quod in cœlo poenitens & fi-  
 delis adoras, corpus verbi, vitam inquam & spiritum  
 sanctum occulto illapsu in animam admisisti. Vnde  
 caro tua caro Christi facta est, & proinde non dubites  
 quin vbi caro tua, quæ in cœlo est & in Christo glorifi-  
 catur, ibi gloriosus aliquando eris, vbi sanguis tuus  
 dominatur, ibi olim dominaberis. Si sic instrueren-  
 tur omnes, inuiolatum seruaretur Dei institutum,  
 nec optima alioqui res & à Deo firmata consuetudo  
 de manducando corpore Christi cum tota fraternita-  
 te, facile transiret in abusum. Nam & lex spiritualis  
 (ait Basilius) vetat pauciores esse quàm duodecim,  
 qui Dominicum Pascha manducant. Deinde iubet  
 Leuiticus, vt sacrificium eo die comedatur, quare in-  
 quit Origenes? Quoniam (respondet) Dominus  
 panem quem discipulis dabat, & dicebat, accipite,  
 manducate, non distulit, nec seruari iussit in crasti-  
 num. hæc fere Origenis tempore erat consuetudo ec-  
 clesiæ, id quod multis annis est in ecclesia obseruatum  
 teste Euagrio ecclesiasticæ historiæ lib. quarto. Con-  
 suetudo vetus obtinuit, inquit, quando multū sanctarū

*Lex spiritualis  
 uetat paucio-  
 res esse quam  
 duodecim, qui  
 Dominicū Pa-  
 scham manducant*



partium immaculati corporis Christi Dei nostri reman-  
serit, vt pueri tenelli qui ad Ludi magistros ire solebant  
aliqui aduocarentur & eas comedebant. Addit & He-  
sichius in *Leuiticum* cap. 8. Sed hoc quod superest, in-  
quit, de carnibus & panibus igne incēdi præcipit, quod  
nunc videmus sensibilibiter fieri in ecclesia christiano-  
norum, ignique tradi quicquid de Eucharistia man-  
serit inconsumptum. Audi & alium morem tempore

*Olim Christia-  
ni reliquias Eu-  
charistiae uel  
dabant pueris  
comedendas,  
uel in ignem  
proijciebant.*

Hieronymi, sic enim dicit, prima ad Corinth. 11. Post  
communione, quæcunque de sacrificijs superfui-  
sent, illic in ecclesia communem cœnam comeden-  
tes pariter consumeabant. Colligat nunc ex his pius  
lector an illa tempora habuerint Eucharistiam pro  
Deo. Et an asseruarint eam in templo ad adorationem.  
Lego quod asseruabatur in templo, sed sub altari, vt  
apparet ex Nicephoro lib. 13. cap. 19. Dicamus ergo om-  
nes, qui sumus christiani cum Hieronymo in *Psalm.*

41. Pagani & Pontificij Deos suos digito ostendunt &  
ob hoc ingerunt mihi opprobria. Vnde sciant, quod  
ego mente Deum meum teneo reconditum & per inte-  
riorem hominem in ipso habito. hæc Hiero. Vt igitur  
tandem finiam. Hoc retine amice lector, quod diuini-  
tas siue verbum Dei æternum ineffabili modo in pa-  
nem illapsum, per mirabilem gratiam nimirum, alio-  
qui etiam ubique est per potentiam & prouidentiam,  
panem mutat in virtutem carnis Christi, cuius ener-  
giæ ratione, non immerito vocatur caro Christi, &  
corpus eius. Cæterum hæc mystica benedictio siue hic  
spiritus sancti afflatus, à sacra carne Christi è supernis  
in nos & sacramenta defluit, vt pulchrè asserit Cypria-  
nus de cœna. Superius, inquit, lumen hoc in inferio-  
ra diffusum, claritatis suæ plenitudine à fine ad fi-  
nem attingens, totum apud se manens, omnibus se ac-  
comodat, & caloris illius identitas ita corpori assidet

*Pagani Deos  
suos ostendunt  
digito, at Chri-  
stianus Deum  
suum in corde  
reconditū ha-  
bet.*



vt à capite non recedat, &c. Vides Lector, quòd à capite Christo defluit & illabitur vis illa viuifica, vnguentum illud preciosum in fimbriam vestimenti, & ecclesiæ singula membra? Audi asserentem idipsum & Cyrillum in Iohan. lib. 12. cap. 6, Christi, inquit, & à Christo baptismus & mystica benedictio à sancta eius carne profluit. Est enim Christi caro adeò viuifica effecta, vt possit nobis suam sanctificationem immittere. Hæc Cyrillus. Et aduertis opinor, quòd caro Christi non descendit ad nos, tantum abest, vt eam ore & dentibus premamus, sed ab ea veluti lumen à Sole in nos & in sacramenta illabitur Verbum de Deo verbo, vt vocat Origenes. Cum enim, (vt idem ait Cyrillus in Ioan. lib. 4. cap. 23. & 34.) totum corpus Christi viuifica virtute plenum sit, & cum viuificanti verbo summè coniuncta sit eius caro, non mirum si totam viuificandi vim hausit. Proinde, dico, oporteat eum, qui spiritum viuificantem siue vitam expetit, ad carnem Christi aspicere, veluti quondam Israelitæ ad æneum serpentem, & eam manducare, hoc est credere quòd verbum Dei in ea habitet, & caro factum est pro mûdi peccatis. Nam talis fidei virtute tanquam labijs & ore, quodam, vita & Spiritus sanctus elicitur, quibus ad vitam beatam peruenitur. Inde quoq; fit, vt impij Turcæ & Iudæi, peruersi quoq; Christiani, qui si non fustibus, gladijs & verberibus, enormibus tamen peccatis continuè Christum crucifigunt, vitam nūquam sint eternam adepturi, qui eam in incarnato verbo non quærunt, vel nec credunt quòd Verbum caro factum est, vt carni humanæ vitam restitueret, vel si credunt, ingratitudine, impierateque oblatum vitæ beneficium contemnunt. Quocirca si vitam expetis, aspice ad carnem Christi, ad corpus illud quod sibi assumpsit Verbum æternum, & quod infinitis doloribus in cruce fractum, pro te mortuum est, & iam resurrectionis benefi-

*Spiritus S. descendit in Eucharistiam, & singulos fideles à sancta Christi carne, sicuti & baptismi gratia.*



*Quomodo co-  
meditur Chri-  
stus.*

cio in gloriam Dei assumptum vitæ beneficium & Spiritus sui gratiam omnib. poscentibus & se diligentibus impartitur. Quoties igitur audis inclamantem Dominum voce ministri, & dicentē, Hoc est corpus meū, mox fide oculum mētis erige in coelū, & aspice Iesum Christum Deum & hominem, qui se tibi offert, vt si quid tibi pulchrum est & arridet in eo, cuius desiderio pertinaci tangeris, hoc libere decerpas. Quid igitur in Christo vides? quid admiraris? carnem eius siue corpus castissimū, manus purissimas & innocentissimas, patientiam, obedientiam, temperantiam, & quid amplius? reconditam in eo diuinitatem, cui libenter cōiungereris, Spiritum Sanctum, cuius afflatu libenter perfundereris ad vitam beatam. Denique cuperes tibi simile corpus, exposceres simile alimentum, quod simul tibi esset medicamentum, vt tandem in simile corpus excresecas? Admoue manum ad sacramentum, & quale desideras, tum ore tum corde suscipe nutrimentum. Si quidem hic panis quem tangis virtute & potentia caro est, similis illi, quam cum tanta admiratione sursum contemplaris, & vinum hoc sanguis est virtute, illi sanguini cognatus & affinis, quem ē Christi latere diffundi prospicis, plenus vita & Spiritu sancto. Est proinde hoc sacramentum, quod dente premis, & cuius vim corde sugis, vera imago, sed intelligibilis illius corporis Christi, quod sursum fide intueris, & ad vitæ tuæ æmulationem manducas. Vnde alimento sicco & humido admoneris (verba sunt Iustini in Colloq. cum Christophon. ne phrasis te offendat) eorum quæ filius Dei pro te passus est. De hoc pane, & hac corporis Christi imagine audi differentē Hieronymum in Mat. ca. secundo & sexto. Postquam, inquit, Christus agnum paschalem comedisset, progreditur vltro ad instituendum sacramentum, vt sicut Melchisedech per panem & vinum  
repræ-



repræsentauerat corpus passurum, hîc nobis repræsentaret passum. Hæc ille: qui satis indicat, quòd panis sacramentalis sit imago intelligibilis corporis Christi, quod olim mortuum pependit in cruce, & nunc in cœlo regnat in gloria Patris. Consentit illi Ambrosius de Sacram. Eucharistia, inquit, verè illius carnis quæ crucifixæ est, quæ sepulta est, verè inquam est illius carnis sacramentum, quasi dicat signum, figura, seu imago. Id clarius exprimit Tertullianus contra Marcion. libro secundo. Deus, inquit, non rejicit panem, qui est creatura sua, quoniam per eum repræsentat corpus suum. Tandem ait libro quarto contra eundem, Postquam, ait, Christus accepit panem, fecit eum corpus suum, dicens Hoc est corpus meum, hoc est imago seu figura corporis mei. Consentit his omnibus Augustinus in Psalm. 8. Christus, inquit, suscepit Iudam in coenam, cùm daret figuram corporis sui. Et rursus alibi: Non veritus est Dominus dicere, Hoc est corpus meum, cùm daret figuram corporis sui. Conclude igitur vel meo periculo Lector, quod caro illa, quam in pane contemplaris, potentia tamen, & virtute, non actu (nam debet manducari, vt fiat vera caro) non sit illa naturalis caro Christi, & numero ipsissima, quâ in cœlo cōtemplaris. Sed caro illi germana, vt dicit Cypr. caro illi affinis, vt Cyril. vocat, aut deniq; caro vicina & natura similis carni Christi, vt dicit Chrys. plena tamen vita & Spiritu S. ne typus & similitudo omni veritate destituatur, interim nō est tota veritas, ne nō sit typus (ait Chrys. super illud, Nolo vos ignorare fratres, q̃ patres nostri omnes fuerunt sub nube, &c.) cuius rei respectu Max. Schol. scribēs in eccl. Hier. Dionysij dicit de Euchar. *Σύμβολα ἱερῆς, ἀλλ' οὐκ ἀληθινὰ*. Longior sum, scio, in huius rei demonstratione q̃ oporteat, sed quid? rei id tū difficultas, tū veritas exigit. Nā & multi, quos nouimus Euangelici, facile admittūt,

*Panis quē Melchisedech protulit, repræsentabat corpus Christi passurum, hic quem Christus offert repræsentat passum.*

*Christus per panē eucharistie repræsentat corpus suū.*



*Definitio Eu-  
charistiae no-  
tanda & incul-  
canda.*

*Eucharistia est  
corpus Christi  
per gratiam.*

quod sit signum, figura, siue imago, sed quod (dolen-  
dum) aut dissimulant, aut ignorant, quod sit imago &  
figura non nuda aut inanis, sed viuifico verbo plena &  
Spiritu sancto. Vnde est quod ægrè admittant Clemen-  
tis Alexandrini definitionem verissimam. Eucharistia  
est temperatura vini & verbi, & bona gratia. Quod si  
hæc definitio minus placet, vtamur ad rudioris populi  
eruditionem illa, quam Epiphanius reliquit suis dicens  
in Ancor. Eucharistia est corpus Christi per gratiam. A  
qua non abhorruit Augustinus scribens in Psalm. sexa-  
gesimum quintum. Modò, ait, homicidis donatus est  
sanguis Christi, & ipsum sanguinẽ quem per insaniam  
fuderunt, nunc per gratiam bibunt. Quod si cui magis  
arridet Pauli definitio Augustanæ confessioni ascripta,  
& ab ea explicata eo intellectu, quo antea exposuimus,  
credo quod nemo eam reiñciat, modò tandem omni-  
bus sit persuasum, nos ore nō manducare in sacramen-  
to naturale & palpabile illud corpus Christi quod cru-  
cifixum est, & nunc sedet in gloria Dei patris. Proinde  
iam (quod toties polliceor) finem facio, si modò hoc so-  
lum & Pontificijs & quibusuis alijs Euangelicis persua-  
fero ex beato Cyrillo, vel etiam inuitis & reluctantis.  
Sicigitur ille in Iohan. 11. cap. 27. Vt igitur, inquit, Chri-  
stus nos inter nos singulos vniret (quamuis corpo-  
re simul & anima distemus) modū tamen inuenit con-  
silio patris & sapientiæ congruentem. Suo enim corpo-  
re per mysticam benedictionem benedicens credentes,  
& secum & inter nos corpus efficit. Corporaliter enim  
per mysticam benedictionem nobis vnitur vt homo,  
spiritualiter verò vt Deus, sui spiritus gratia nostrū spi-  
ritum reintegrans ad nouam vitam & diuinæ naturæ  
participationem. Hæc Cyrillus. Et audisne amice. Le-  
ctor, quod quamuis tempore cænæ Dominicæ Christus  
à nobis absit corpore & anima, pulcherrimo tamẽ mo-  
do se



do se nobis coniungit per carnē siue corporaliter, non transsubstantiando panem in naturalem suam carnem & animatam, non includēdo eam modo metaphysico in pane, nō comedentibus nobis corpus suum cum pane, quomodo ergo, ô beate Cyrille? En quid respōdeat: suscipiendo mysticam benedictionem in pane & vino. Quæret forsitan pius lector & dicet, ferè mihi persuades, sed nescio quid intelligere debeam per mysticā benedictionem. Audi ergo quid Cyrillus lib. II. c. 16. dicat. Hæc est vita æterna, vt cognoscant te verum Deum, & quem misisti Iesum Christum. Quæritur, inquit, si cognitio aut fides est vita æterna, cur dicitur quòd fides sine operibus mortua est, aut quid opus operibus? Cognitio verè vita est (respondet) quia totam mysterij virtutem parturit, & mysticę benedictionis adfert participationem, per quā viuifico verbo coniungimur, qua de causa Paul. dicit, gentes esse cōcorporales Christo, &c. Audis Lector? Mystica benedictio est virtus & vis quædam à Christo illapsa & eius carne, quæ nos verbo viuifico coniungit. Probat hoc libro duodecimo capite 36. dicens. Mysticę benedictionis virtus, inquit, à sancta Christi carne profluit. Hæc igitur virtus vnit nos Christo per carnem, vt asserit idem Cyrill. lib. II. c. 27. in hæc verba. Virtus sanctę carnis Christi vnum facit corpus participantem. Sed dices, quomodo vocatur illud donum siue illa vis, nōne habet nomen? Cùm adhuc est in pane sacramentali, non habet nomen, nisi quòd ab Orig. vocatur Verbum de deo verbo: à Cyrillo ad Calosyr. Vis vitæ. Sed cùm est in anima Christiani, vocatur Fides siue cognitio de patre & filio. Vt igitur crescat hæc fides, hæc de Deo cognitio, sæpe legendum, sæpe audiendum verbum Dei, quia fides ex auditu, sæpe deniq; suscipienda Eucharistia, quæ foris ingerit auribus verbum Dei externum, cùm dicit, Hoc est corpus meum,

*Nota hunc locum, qui probat quòd sola fides et cognitio dei iustificet, et quomodo.*

*Mystica benedictio quid sit.*

*Fides de Christo filio Dei incarnato cōiungit nos Christo per carnem.*



quod pro vobis datur. Intus verò fidei donum recondit, vt fidei suppeditet incrementum fidelibus, quæ aucta vel ad magnitudinē grani sinapis poterit etiā montes transferre. Per hanc igitur vim vitæ siue virtutē, quæ à carne Christi profluit in panē, dicimus, q̄ in Eucharistia est vis siue veritas carnis Christi, vnde differt à pane cōmuni. Hic enim corpus tantū nutrit, ille autē & corpus & animam, quia & substantiam habet terrenam, & coelestem. Propterea eget & ore carnis & fidei, vt & fidei & carni nostræ præbeat alimentū. Et sicuti quo panis visitatus diutius in ore masticatur, eò melius in stomacho digeritur, & assimilatur tandem: ita verbum Dei & sermo super panē dictus, quò diutius contemplationis internæ dentibus atteritur, eò maiore sui vim in animā diffundit, & ad imaginē siue similitudinē Dei hominem transformat, corpusq; Christi efficit. Alioqui qui tantū eo die quo quis accipit eucharistiā, verbum Dei ruminat, facillē idem sequēti die verbū amittit. Sed dicet mihi hīc nasutulus. Intellego nunc, quomodo cum fide de Christo accedendo ad Euchar. accipio in Euchar. fidei donum siue virtutem quandā à Christi carne illapsam, quæ me cōiungit Christo carnaliter, hoc est, facit meā carnem Christi carni congenerem. Sed est hoc satis, est illa tota mysterij virtus, hoc est vis, quæ in Christo est, quæ nos beatos facit? Minimè. Nam notāsne quòd superius dixit Cyrillus, q̄ cognitio siue fides parturit totā mysterij de Christo virtutē? Vbi nota illud (parturit, & totam) vt scias primò, q̄ perpetua nos de Deo contemplatione exercere oporteat vsq; ad vitæ finē, quādo fiet iam vt nō nobis parturiat, sed pepererit Christus. Tunc enim apparebit nobis quod perfectū est, & facie ad faciē cum videbimus. Secundò notandum, dicebā illud, Totam, quia mystica benedictio veluti gemellū nobis parurit, qui nobis necessarij sunt ad vitā. Totū igitur fœ-



tum excipere oportet, sed quomodo, audi ex Cyril. codē c. 16. l. 1. in Io. Cognitio igitur vita est, spiritualē nobis benedictionem adducēs, per quam Spiritus Dei in nobis habitat in adoptionem filiorū Dei, nos per veram pietatem & euangelicā vitam ad incorruptibilitatē reformans. Proinde cōsidera diligenter, quomodo solius Dei cognitio efficiatur. Non enim absq; cognitione filij & Patris, quare nec absq; cognitione S. Sancti. Hęc enim Dei vnitas in trinitate intelligitur. Hęc Cyrillus. Ex quo percipis paucis, q̄ sicut cognitio Patris & Filij vim vitæ & mysticę benedictionis virtutē immittit, hoc est fidem quæ nos cōiungit Christo vt homini. Ita cognitio & cōfessio S. Sancti, qui à Patre & Filio procedit, vim quandā infundit, quæ charitas vocatur. Vt igitur cognitio Patris & Filij & S. S. est totum mysterium Dei, ita propter hanc, quæ nobis obtigit ex mera gratia, non ex merito, sumus participes verbi æterni per fidem, & S. Sancti, qui est charitas per dilectionem. Sic dilectione cōiungimur Christo, vt Deo, fide illi vnimur vt homini. Sic quoque (vt ait ibidem Cyrillus) in Patre & Filio, & Spiritu Sancto vnum sumus. Vnum autem dico, inquit, habitudine atque affectu, vnum pietatis consensu, vnum sanctæ carnis Christi communione, vnum vnus sancti Spiritus participatione. Ex his percipis tandē opinor, Christiane lector, q̄ horrendi facinoris autores sint Pontificij, & nescio qui alij, qui audent docere populum, q̄ ore integrū Christum suscipiant, digerāt, & in alimoniā carnis transmittant, sub accidētib. panis latitantē, & deniq; in aut cū pane præsentē cū carne & anima. Mentiris (inquit Cyr.) abest corpore & anima, licet in sanctis habitat per suum spiritum, non reliquens eos orphanos. Iuat Cyrillū Aug. dicens in Psal. 98. Separatus est, inquit, caput nostrū Christus à nobis corpore, & loco à nobis est discretus, iunctus est tamen affectibus. Hęc ille, qui

Quomodo cognitio siue fide. de deonitate fit.

Ex mera gratia Dei, non ex nostro merito uenimus in cognitionem Dei



quàm egregiè mentiretur, si eum acciperemus ore? Ergo cum dicit vel Irenæus vel Cyrill. nos naturali participatione vniri Christo per carnem, intellige id fieri potissimum, quando manducatur panis Eucharistiæ, qui ob inexplicabilem vnionem (quæ tamen hypostatica non est) verbi viuifici cum pane transit in naturam carnis Christi, proinde per illum panem, qui verè nos nutrit, naturæ tam carnis Christi, quàm diuinitatis sumus participes, modò accesserimus ad comedendum, & fidei & charitatis consortes. Id ita esse, collige ex Cyrillo in Ioh. lib. 10. c. 13. cum ait, Cur igitur secundum carnem palmites nos dici pernegat? an non conuenienter potest dici, vitem humanitatem eius esse, & nos palmites propter identitatem naturæ? eiusdem enim naturæ vitis & palmites sunt. En Lector: Palmes, inquit, eiusdem naturæ est cum vite, propterea vnum quid cum vite. Sic igitur etiam collige. Panis sacramenti sufficit nobis carnem eiusdem naturæ cum carne Christi, ergo naturaliter coniungimur Christo. Vnde sicuti non sequitur Palmes manducatur, ergo tota vitis: sic nec sequitur, caro Christi in sacr. quæ est palmes, manducatur, ergo totus Christus. Nec hoc etiã sequitur, Palmes idem est cū trunco vitis, idēitate naturæ, ergo etiã identitate numerali. Si enim consequentia vera esset, verè dici posset, q̄ sacramentū esset realiter Christus, & q̄ manducaretur vera caro Christi, & q̄ ea contactu vero nos sanctificaret & viuificaret. Sic etiã sequeretur, Petrus est idē cum Paulo identitate naturæ, ergo Petrus est Paulus. Deinde Petrus crucifigitur, ergo & Paul. Quàm aut̄ hoc sit falsum, disce lector ex sequentib. Cyrilli verbis eodem lib. & loco. Cum igitur, inquit, Dominus dicit, Verba q̄ ego loquor spiritus sunt & vita, caro nihil prodest: apertè ad viuificandū carnē nihil prodesse ostendit, in quantū humanæ naturæ caro est. Cū igitur deitati attribuat̄ con-

Non debemus  
carnis Christi  
presentiā desi-  
derare, ut uiui  
ficemur.

ser-



seruantia & viuificatio, non debemus (ô christiani) carnis præsentiam propter hoc desiderare. Nihil enim mali nobis accidere potest etiam si carne abest, cum diuinitatis suæ potestas nos sit seruatura, quæ & Apostolos olim & nos hæcenus seruauit. hæc Cyrillus, quæ locum bene nota. Si Cyrillus vnquã credidisset quod ipsissimam carnem Christi nos comederemus, & comedere à Domino iuberemur vt viuificemur, dicente. Accipite & manducate, hæc est caro mea, qua fronte auderet hic Cyrillus nos hortari dicendo. Nolite desiderare præsentiam carnis Christi, vt viuificemini. O christiani, caro enim nihil facit ad viuificationem. Nam spiritus, id est, Deus est qui viuificat. Et licet Christus carne absens sit à nobis, diuinitas tamẽ, quæ præses est nos & viuificabit & cõseruabit. Quia igitur fronte (dico) ausus fuisset hæc dicere Cyril. Auderetne Domino ponere leges? Sed accipe lector mentem Cyrilli. Dixerat antea (vt audisti) quod Christus absit à nobis corpore & anima, iam si quis quæreretur & diceretur, quomodo ergo nos potest viuificare cum tanto locorum spacio à nobis distet. Quod autem distet accipe id ex Gregorio in Iob. hom. 26. super illud: Ascendit in cœlum. In veteri testamento legimus, inquit, quod Helias sit raptus in cœlum, sed aliud est cœlum acreum, aliud æthereum, illud enim terræ est proximum, Redemptor autem hoc cœlum superauit, & cum eò per humanitatem ascenderet, per diuinitatem videretur, & cœlum & terram replet. hæc ille. Sed ad Cyrillum redeamus. Volens igitur Cyrillus hanc falsam opinionem de præsentia animatæ carnis Christi eximere de mentibus eorum dicit. Quid? miseri homines, putatis quod caro Christi in quantum caro est, proprie & per se viuificet? longè fallimini. Et reuera si ita esset, merito exposceretis illius præsentiam. Nam sic aliquando credidit Martha dicens, Domine si fuisses hic, frater meus

*Caro Christi cõsiderata in se ut solū caro est non viuificat, quia uero propria uerbi caro facta est, uiuificat per uerbum.*



nō fuisset mortuus. Sed vt ipsa errauit, ita & vos. Ipse est igitur spiritus Christi, est ipsa diuinitas, quæ proprie viuificat, cū ipsa naturaliter vita sit. Quod si rursus dicas. Ergo caro Christi nihil omnino prodest vt etiam dicere videtur? Dominus? falsum est respōdet Aug. Nā si caro nō

*Quomodo ca*  
*ro Christi di*  
*citur prodesse.* prodesset, verbū caro non fieret vt habitaret in nobis: sed sic dictum est, inquit, caro non prodest, quomodo, li-  
tera occidit. Accedat ergo spiritus ad literā & prodest, sic accedat spiritus ad carnem, & prodest plurimū. Cum igitur (vt iterū ait Cyril. in Ioā. l. 4. c. 24.) totū corp<sup>9</sup> Christi viuifica virtute plenū sit, & totā viuificandi vim hauerit diuinitate corporaliter in eo habitante, propterea adeo viuifica effecta est eius caro, vt possit nobis suam

*Caro Christi to*  
*tā viuificandi*  
*uim hausit cū*  
*sit propria uer*  
*bi facta propte*  
*rea uerē uiuifi*  
*cat quod non*  
*credere impiū*  
*est.* sanctificationē immittere, etiam si tā lōge à nobis remota sit quā cōelū à terra. Nam non est difficile fidē nostrā mittere in cōelū, & illinc spiritū sctum haurire ē carne Christi, qui habitans in nobis nos viuificet & cōseruet. Nam vt idē ait Cyril. lib. 11. c. 27. Propterea sanctificauit se Christus Spiritum S. in carnē suā immittendo nō propter seipsū, sed propter nos, vt in ipso & ab ipso recepta sanctificationis gratia in nos transfiret. hęc Cyril. ex quo satis discis manēte Christo in cōelo nos ab ipso fide elicere posse sanctificationis siue (q̃ idem est) mysticæ benedictionis gratiā qua coniungimur Christo per carnē & sumus illi cōcorporei. Quod si fides tua tā imbecillis est vt eò constāter ferri nequeat, en accipe & māduca sacramentū, in quo Christus ex sua liberalitate habitat & per sanctificationis siue deitatis gratiā & spiritus præsentiā, vt per illā panis Eucharistiæ mutatus in virtutē carnis Christi, tuā carnē, alat fide & ore manducatus, hic tuum spiritū renouans ad nouæ vitæ participationē, recreet, attractus dilectione. Proinde cōcludit Cyril. in hęc verba c. 21. Credere omnes fideles oportet, q̃ quāuis Christus à nobis absit corpore (vide lector an putet eū esse

*Gratia præs*  
*entis diuinitatis*  
*in Euchar. at*  
*traitur fide spi*  
*ritus S. dilectio*  
*ne, idq; nobis*  
*intuentib. Chri*  
*stū in cōelo.* in



in sacramēto) virtute tamen sua, omnia & nos gubernari, adesseq; sēper ipsū omnib. qui eum diligunt. Nā quē admodū quando vt homo in terra cōuersabatur, tunc etiā cōelos implebat diuinitate, & Angelorū cōsortia nō relinquebat, eodē nunc modo cū sit in cōelis cū carne, terrā nihilominus replet deitate, etsi sit absens corpore per spiritū tamē in sanctis habitat. Quāuis. n. secūdū carnē solūmodo erat abiturus, adest sēper virtute deitatis. Haftenus Cyri. Cuius sententia, rationi, humanitati, scripturæ, reliquisq; patrib. cōsentanea pluris sit apud te pōderis si saluari desideras christiane lector, quā sexcentorū Scotorū, Lombardorū, Thomistarū, & deniq; omnīū Euāgelicorū, qui nomine tantū tales sint, & qui ci, & cæteris illi tū vetustate, sanctitate tū eruditione similib. cōtradiciunt. Sat tibi sit ergo q̄ accessurus ad mensā Domini vere pœnitēs de peccatis aut cōmissis aut omisissis, notis per tui diligens examē, ignotis per fragilitatē, pacēq; habens cū tua conscientia & confratrib. credas & fidei oculo fursū intuearis adoresq; prostrato & corpore, & mente Iesū Christū æternū Dei patris filiū verē. in vna persona Deū & hominē pro te crucifixū, quem cū multa gratiarū actione & humili prece deposce, vt vitam & spiritū sanctum ē sacro illo suo corpore, quod vita & spiritu plenū est in te diffundat, vt fias corpus & caro eius. Mox extendens manū ad Eucharistiā, per mysticā benedictionē sanctificatā, vitāq; plenā, hac aut simili (si vo-

animā meā corp<sup>o</sup> h.e. substātiā verbi tui viuificā & spirit<sup>o</sup>

*Nota lector  
hanc Cyril. cō  
clusionē ut te  
munias aduer  
sus Pontificios  
& Vbiquita  
rios.*

*Modus sumen  
de Eucharist.*

*Oratio pia di  
cenda accipie  
tibus Eucharis  
tiam.*



sancti, qui secreta & præpotenti virtute panis huius & vini substantias alendę carnı meę idoneas, in naturam sanctissimę carnis & sanguinis dilecti filij tui Domini nostri Iesu Christi per mysticam benedictionem immutat: audeo igitur admittere in domunculam cordis mei te tuamque maiestatem per habitationis gratiam cum innumerabilibus muneribus nobis filij tui morte acerbissima partis isthic habitare volentem. Agnosco equidem & deploro meam indignitatem mitissime Pater. Scio quoque quàm turpis, & foedus sit iste locus animę meę, quem concupiscis pro habitaculo tuo, scio quàm sit obscurus ignorantię caligine, quàm abominabilis peccatorum meorum halitu, sed dignare procedentem à te, & filio tuo tum tibi consubstantiallem præmittere spiritum sanctum, qui in me salutare poenitentię lachrymas excutiat, quibus irrigatus iste cordis mei locus niteat, & emundetur, qui fidem imprimat, & adaugeat in mente, qua ueluti manu te rerum omnium conditorem osculo pacis excipiam, qui amorem & charitatem infundat, quę tibi apponam, suauissimas omnium quas appetis in homine delicias: qui deniq; humilitatem addat intellectui meo (qua, bene memor meę conditionis, prostratus coram tua Maiestate, quam turpiter hætenus offendisse & confiteor gemebundus & doleo tristis) hoc à tua bonitate impetrem, vt propter filium tuum Dominum Iesum Christum sursum ad dexteram tuam sedentem, sed in hoc pane per suum spiritum præsentem, propter illius tam dira vulnerata, quę pro nobis passus est verus Deus, & homo, propter mortem acerbissimam, quam subiit in ignominiosa cruce pro peccatoribus nobis, propter sanguinis sui effusionem, vnde huius sacramenti gratia emanauit, propter (inquam) hunc redemptorem nostrum vnicum: velis delere, quę peccaui, ignoscere poenas



pœnas quas merui, & in filiorum tuorum me societatem asciscere: pristinae sanctitatis quam meritò amisi si lius prodigus, mihi benigne & restituens vestem & anulum hoc est imaginis Dei ad quam conditus sum dignitatem. Propter quod offero tibi meipsum, corpus & animam meam, omnia mea quoque ad tuam gloriam & proximi mei, cum quo pacem habeo salutem in sempiternum obedientiae sacrificium gratias agens & benedicens tibi Patri, filio, & spiritui sancto vni essentia Deo, trium personarum proprietate distincto. Amen.

## PRO SEDANDIS RELIGIONIS CONTROVERSIIS

### Liber Secundus,

*Ad Pontificios de veneratione debita sacrosanctæ Eucharistia, & de necessaria illius sumptione sub utraque specie.*

AVTHORE IODOCO HARCHIO  
Montensi Medico.



VANDOQVIDEM superiori libro euidenter probauimus in sacramento substantiam panis & vini ratione verbi viuifici mirabiliter cum ea coniuncti transire in naturam carnis Christi, quia tamen nec est caro actu sed potentia nec eadem numero cum substantia carnis Christi, quæ est in cœlo sed specie. Præterea cum diuinitas non sit illi hypostaticè vnita vt est in Christo, merito panem Eucharistia vocauimus omnium Patrum



*Pōtificij idolo  
laire quare.*

more figuram seu imaginem intelligibilē carnis & corporis Iesu Christi. Proinde cū nō sit idem quod Christus, merito appellari (forsitan) possent Pontificij oēs, idololatrē in hunc diē, ex seuerissima (vt diximus) sentētia Augu. pronuntiantis ad Ianuariū, quod nulla imago Dei coli debet, nisi illa quæ hoc est quod Deus ipse. Cæterum quum probauerimus aliquot Zuinglianos paulo minus tribuere Eucharistiæ, quàm oporteat, propterea & totam eorum doctrinā de Eucharistia non reijciēdam, sed instaurādā arbitramur. Quod ad Augustanā confessionē attinet, videtur illa melius totā Eucharist. rationem definīsse, quā postea explicasse. hinc (opinor) nata infelix illa, & nullis neq; scripturæ, neq; Patrū sententijs fulcita hæresis Vbiquistarum. Proinde ad vtriusque sectæ tum Zuinglianæ, tum Augustanæ & intellectum assertionū saniorē, & dissidiorum conciliationem proderit noster, qui hunc præcedit de Eucha. mysterio liber (opinor). Restat vt hoc libro respondeam⁹ ijs, quos videor mihi audire sic dicentes. Quid ergo faciemus de pane sacramentali, quid de sancto illo munere, & quo-

*Vbiquistarum  
hæresis unde  
nata.*

*Quomodo se-  
se gerendū in  
cōirestanda et  
suscipiēda Eu-  
charistia.*

modo, quib. gestibus, nos ad illud suscipiendū apparabimus? Omni certe reuerentia illud contrectabimus & intuebimur, nunquā verò adorabimus. Propterea cautē dixerunt Patres in concilio Nicæno. Nos non debere hērere in pane & vino, quæ mensæ Domini apponuntur sed fide erigere corda in coelū. hæc illi, & meritò. Nā ibi totus Christus est, in sacramēto verò ipsius quædā imago siue, vt sic dicā, portio. Proinde ad eā ore suscipiendā non apparabimus multos flores, sed multas virtutes, nō multis tædis accensis illi occurrē⁹ obuiā, sed inuisibili Deo, sursum de corde puro, cōscientia bona & fide nō ficta accendemus inuisibilē ignē. Habeat igitur suū honorē sanctæ religiōi dicatus panis ille, nō stuporē aut adorationē tanquā Deus. Suū honorē dico. Nā Aug. ad Pau-

linam



linam asserit quòd Apostolus indignè Eucharistiam accepisse Corinthios dicat, quoniam eam non discernēbant à cæteris cibis veneratione (nota) singulariter debita. Proinde cum eum panem non dedignatus sit & nōmine corporis Christi & virtute carnis eius præfens spiritus sanctus, caueat homo ne aut per contemptum aut negligentiam iaceat concūctus. Deniq; audiamus Tertullianum sic dicentem. Panis nostri aut calicis aliquid in terram decuti anxie patimur. Audiamus & Origenem super Exod. hom. 13. hanc reuerentiæ diligentiam approbantem in sui sæculi christianis. Volo, inquit, vos admonere religionis vestræ exemplis. Nostis qui diuinis mysterijs interesse consueuistis, quomodo cum suscipitis in ecclesia corpus Domini, omni cautela & obseruatione cauetis ne quid consecrati muneris delabatur, ne quid in terram decidat. Reos enim vos esse creditis & recte creditis, si quid inde per negligentiam decidat, Quòd si circa corpus eius conseruandum tanta vtimini cautela ( ut merito vtimini) an putatis minoris esse piaculi verbum Dei contempsisse, quàm corpus eius? haftenus Origenes: addam & illud Aug. de verbis Domini in morte, hom. 26. Interrogo vos fratres, inquit, quid vobis plus esse uidetur, Verbum Dei, an corpus Christi? si uerum uultis respondere, dicetis, quod nō minus sit uerbum Dei. Quanta igitur cura obseruatis quādo uobis corpus Christi porrigitur, ut nihil ex ipso de manibus cadat, tanta sollicitudine obseruate, ne uerbum Dei quod uobis erogatur, de corde pereat, quia nō min⁹ erit reus, uterq; & qui corp⁹ Christi permiserit cadere negligentia sua, quā qui eius uerbū negliget. hæc Aug. Ex quo disce an illa tempora habuerint Eucharistiā pro nudo pane aut sacro tantū, quia ad sacrū usum transfertur & accomodat, ut dicūt Zuingliani aliquot. Quocirca vt reuerentiam in contrectando pane sacra-

*Indigne accipi Eucharistiā qui non eā sumit ueneratione debita.*



mentali & corpore illo Domini non sine ratione exquirimus, ita maiori ratione omnē cultum externum, qui ad eum dirigitur, merito abrogandum censemus. Est enim certissimus ad idololatriam pro idiotis ingressus. Vide Liturgias veterum & nihil tale inuenies. Quinimmo ut idololatriam euitarent (referente Cabasila) paulo antequam populo ostenderent panem, innocabant solemniter Deum Patrē inclamantes: Sursum corda, & alta voce iubebant ei capita inclinare, inclinante autem populo gratias agebat. Tunc demū ad populum cōuerfus, ostēdens in disco panē clamabat: sancta sanctis, accedite, qui sancti estis, ecce panis viuificus, populus tamē manet stans nec flectit genua: quod ex eo collige. A paschate. n. ad festum Pentecostes populus lege ecclesiast. nō flectebat genua in tēplo. Interim hoc fateri oportet, q̄ summa cū reuerentia Diaconi & populus cū sacerdote stabant circa mensā Domini ob maiestatis diuinę in solitā præsentiā, cauebant tamen, ne villo nouo & superstitioso gestu, creaturā panis viderētur adorare. Propterea mensā in medio eccl. constituebant, non vbiq; altare lapideū versus Orientem ad murum cōstruebant. Vnde August. ad Bonifacium. Donatistę, inquit, furore suo vulnerabant sacerdotes, & euertebant mensas. Rursus idē de verbis Domini. Christus, inquit, quotidie pascit. Mensa ipsius est illa in medio cōstituta, quid causę est, o audiētes ut mensā vidētes, & ad epulas nō acceditis, hęc ille, qui aliās eā mensam vocat mensā Domini, quę & à Chrysost. *ἐπὶ τῇ ἀράτῃ*: sed abusiue altare, propter Ethnicos, qui utebātur altarib. lapideis, de quib. Orig. cōtra Celsum. Accusatis nos, inquit, q̄ nec tēpla habeam⁹, nec imagines, nec aras. Quin q̄ ipsa vetustas ingenua & fucinefcia, panem ad Eucharistiam pinsebat latum & orbicularem ad fractionem accommodum, quem vocabāt (ut testatur Gregorius magnus lib. 4. dialo.) coronam, adeo

Ostendebāt uer-  
terres panē Eu-  
charistia in di-  
sco, & inuita-  
bant populum  
ad cōmunican-  
dum.

Altaria lapi-  
dea non erant  
in tēplis tempo-  
re Aug. Chry.  
aut Orig. sed  
mēsa in medio  
posita.

Tēpore Orig.  
Christiani nec  
habebāt tēpla  
magnificē ex-  
tructa, nec ima-  
gines, nec alta-  
ria lapidea.



adeò nihil in illorum Ecclesijs erat, quod ad idololat-  
 triam aut adorationem alicuius rei visibilis inuitare  
 posset. Tantum abest, vt panem illum sursum supra hu-  
 meros & caput extulerint, vt adoraretur tanquã Deus,  
 quod hodie faciunt Pontificij. Non nego quin liceat,  
 immò oporteat adorare ad Eucharistiam, quin quoque  
 liceat Christiano bene instituto, aspiciẽti mirabili mo-  
 do diuinam maiestatem cum pane coniunctam, Chri-  
 stum quoque ob personæ vnitatem fide veluti præsen-  
 tem adorare, sed doceo vbiquitatis errorem excutere,  
 & anthropophagiæ imaginationem euitare. Propterea  
 dicebat Concilium Nicenum, Ne intenti simus humi-  
 liter ad propositum panem, sed sursum fide erigamus  
 corda. Quasi dicere velit, est quidem in pane quod ad-  
 mirari & suscipere debemus cum latria, sed est sursum  
 in cœlo Iesus Christus Deus & homo, à quo inuisibile  
 illud etiam domi orantes accipere solemus. Quocirca  
 ore quidem è manu ministri, conuersam per Dei ver-  
 bum in veritatem carnis Christi excipe panis diuinam  
 substantiam, aut vt expressè monet Ambrosius ad Heb.  
 (ne putes in Sacramento nihil esse) in pane & vino con-  
 cipe viuificatricem & conseruatricem substantiam, sed  
 in absente iuxta corpus & euecto supra omnes visibiles  
 cœlos Iesu Christo filio Dei, corporaliter habitantem  
 confitere, & hîc præsentem adora diuinitatem. Hæc te  
 sui participem facit in Sacramento, & in te verbũ (mo-  
 do quodam) fit caro, vt tu paulatim supra altitudinem  
 terræ sursum eleueris in coelum, vt ibi tandem cœnam  
 facias cum Dei filio. Quòd si aut legisti, aut reuelatione  
 accepisti, in cœlo esse tenebras, audacter eò tuas accen-  
 de tædas: si fœdos halitus, eò dirige tuos suffitus. At si  
 audis Dominum dicentem, Accipe & manduca, & bibe.  
 Si non contemnis clamantem, da mihi cor tuum, & suf-  
 ficat mihi, cur non obtemperas? Cur tot externis cære-

*In primitiua  
 ecclesia ad cõ-  
 sciendam Eu-  
 charistiam pa-  
 nem pinsebāt  
 latum, rotun-  
 dum, ad fractio-  
 nem accommo-  
 dum. Gregor.  
 Magnus coro-  
 nam appellat.*

*Deo debetur  
 cultus latriæ in  
 Eucharistia.  
 August. de Ci-  
 uit. Dei, lib. 10.  
 cap. 4.*



*Nulla exte-  
ri & corrupti-  
bili materia co-  
lendus. Deus.*

monijſ Deum tibi conciliare fruſtra adniteris? Verũ  
ne me putes Deo per externa reuerentiã inuidere, audi  
eruditione, ſanctitate, & zelo Dei facilẽ ſuperantem &  
tuum Scotum & Thomam de Aquin. ipſum Cyrillum  
libro 2. in Iohannem cap. 12. Nos, inquit, nulla corrupti-  
bili materia aut exteriore colendum eſſe Deum arbi-  
tramur. Dicite nunc, ò Pontificij, an in templis vllæ  
tunc fuerint cæremoniæ, vllæ candelæ, vllæ imagines  
inſtitutæ ad Dei cultum? Sed accipite Cyprianum de  
hac re pulchrẽ quoque differentem, vt in ore duorum  
ſtet verbum. Non decet, inquit, vt Chriſtiana religio or-  
namentis viſibilibus occupata in manuſactis delectetur,  
ſed ipſa templi conſumptio & tabernaculi, & ſancta  
in ruinã expoſita, excellentioris gloriæ nobis intimant  
ſtabilitatem, & manẽtia in perpetuum ſacramenta cul-  
tores ſuos ad intuitum viſibilium informant, vt abſtra-  
ctum à corporalib. deſiderium noſtrũ, cœleſtis domus  
cõcupiſceret, & ambiret decorem, in qua lucerna inui-  
ſibilis ſine fine coruſcat, ubi ſanguis animalium non in-  
fertur in ſancta, nec ſunt hæreditariæ ſucceſſiones Pon-  
tificũ, ſed quos dignos & idoneos diuina probat electio  
ſecundum vitæ non generis meritũ ſtatuit ſacerdotes.  
Hæc quidem Cypr. ſed cuius doctrinæ omnia facimus  
hodie contraria. Cæterũ nec propterea hîc vitupero  
(vbi inſtruct⁹ erit populus) aut genuflexionẽ in templo,  
quæ certẽ debetur præſenti maiest. diuinæ, aut templi  
ornatũ, & pictis historijs ſacris & docentẽ & decentem  
non auream, ſi velis, dominicæ menſæ ſtructurã, quæ o-  
portuno tẽpore cedat in pauperes, non orantis populi  
honeſtum veſtimentorum apparatũ, non offerentis ſa-  
cerdotis mundã aut lineam veſtẽ, non cæremonias mo-  
deſtas ordinis diſciplinæ aut pietatis cultrices, ſed pro-  
cul exigimus Thraſonicũ, ſuperſtitioſum, hypocriticũ,  
& ambitioſum apparatus. Quinimo vt potius in tem-  
plo



plo Centones videantur quam aureæ chlamides, potius cineres quam suffitus, potius lacrymæ & vlularus, quam mufices & organorum sonitus. Siquidem Dominum Iesum sacrificio intenti ad mortem sequimur, non ad triumphum, ad crucem, non ad nuptias, ad opprobria, non ad cachinnos. Hic audimus eum flebili voce nos alloquentem, Filia Hierusalẽ, nolite flere super me, sed super vos & super filios vestros: si in viridi ligno hæc faciunt, in arido quid fiet? hoc est, si ego innocens patior, quid vos impoenitentes & peccatores patieminus? Vox certè, quæ nos ad poenitentiam, ad misericordię opera flectere debet. Quis Episcoporum, hanc Domini vocem audiens, non statim exillat, & abijciat magnificam illam mytram fouendæ superbię proculdubio quæsitam? Quis Abbas solis hodie verbis mundo mortuus, solo hodie nomine pauper, non statim exurgat à voluptatum & diuitiarum cœno, & ad laborem manuum conuersus, reliqua bona non erogat in pauperes? Quis Rex, Dux, aut Comes non demisso vultu in templum ingrediatur, qui norit se in diuinæ maiestatis horrendum impoenitentibus & superbis venire cõspectum, coram cuius tribunali breui erit assistendum, vt non solum eorum quæ dixit & fecit, sed & quæ cogitauit rationem reddat? Quæ domicella non abijciat aureum torquem, templum ingressura, quæ mox in commemoratione passionis Christi & conspiciabitur, & deprecabitur talia & tam immania sibi quoque debita Domini Iesu & tormenta & flagella? Quæ virguncula non tegat lugubri vestimento nitidum alioqui suum corpus, aut faciei splendorem subducatur tristior, quæ virginitatis & decus ipsum & exemplar, aut sanguineas à sacro corpore guttas effundens intueatur, aut eius aspexerit carnem cruci affixam, clauis perforatam, & vuneribus vndique laceram, vt mortificandæ carnis nostræ nobis & rationem traderet & præceptum.

*Oratio Domini horrenda ad eos, qui eucharistiam suscipiunt indigne.*



*Summareligio  
nis est, eū imi-  
tari quem colis*

*Compendium  
quoddā ad Do-  
mini uolunta-  
tem cognoscē-  
dam.*

*Quorsum com-  
munio sub u-  
traq; specie sit  
necessaria.*

Gāudeat igitur, si uolet, filius prodigus in mundo, fletat  
uerus Christianus in templo, in semetipso. Offerat, qui  
cupit, aurea munera regibus qui Ihs delectantur, at exhi-  
beat uerus Dei cultor domino Deo suo contriti cordis  
& iusticiæ holocausta, sciatq; summam religionis in eo  
esse sitam (ait Augustinus) ut quem colit, imitetur. De-  
niq; amice Lector, ut paucis multa complectar, vis ut  
debes & seruire & placere Domino, vis illi acceptum in  
Euangelio & necessarium ad animæ tuæ salutem cul-  
tum exhibere? fac uoluntatem Domini. Vis expedita &  
compendiosa uia noscere quæ sit illa? quam Dominus  
ipse docuit, & quam quoq; fecit, (ait Cyprianus) humili-  
tas nimirum in conuersatione, stabilitas in fide, vere-  
cundia in uerbis, in factis iusticia, in operibus misericor-  
dia, in moribus disciplina. Iniuriam facere non posse, &  
factam tolerare, cum fratribus pacem tenere. Deum to-  
to corde diligere, amare in illo quod pater est, timere  
quod Deus est. Christo filio Dei nihil præponere, quia  
nec nobis ille quicquam præposuit. Charitati eius inse-  
parabiliter adherere, cruci eius fidenter assistere. Quan-  
do de eius honore est certamen aut nomen, exhibere  
ei sermone constantiam qua confitemur, in quæstione  
fiduciam qua congregimur, in morte patientiam qua  
coronamur. Hoc est igitur cohæredem Dei esse, hoc est  
uoluntatem Dei implere, hoc est uerè & in Spiritu pro-  
positū tibi & uenerari sacramentum, & adorare Deum.

Uenisset porro nunc rectā ad tractatum de Sacrifi-  
cio, nisi uiderer quoque mihi audire, qui interroget de  
communione sub utraque specie, quorsum dicam esse  
necessariam, quando quidem qui fide apprehendit my-  
sticam benedictionem, coniungitur & incorporatur  
Christo, & carnē Christi comedit in sacramento, quid  
igitur opus (cū corpus non sit sine sanguine) iterum  
de eiusdem benedictionis efficacia bibere sanguinem  
de ca-



de calice? Audi primùm quid Ambrosius respondeat in 1. Corin. 11. Caro, inquit, saluatoris pro salute corporis, sanguis pro anima effusus est. Proinde, inquit Glossator c. Comperimus, nec vtriusque speciei sumptio potest prætermitti absq; grandi sacrilegio: nam species panis ad carnem, species vini ad animam refertur, &c. Cæterùm sint hæc hominum commenta, seriò tamén loquitur Dominus cùm ait, Bibite ex hoc omnes. Ex quo sic concludit Ambrosius ( etiamsi ne tanti quidem in hac re eum faciant Pontificij. ) Indignè & ad iudicium manducat, qui aliter mysterium celebrat, quàm est à Domino institutum. Non moror hîc, quid respondeant, nimirùm dictum hoc esse de Sacrificulis: ergo manducare quoq; pertinebit ad Sacrificulos, & esurire ad laicos. At quis nescit aliter factum in Ecclesia plus quàm sexcentis annis ab ascensione Christi? Hinc illa celebris Chrysostomi vox ad Cor. Hom. 18. Nō nunc tempus est, quo sacerdos potior laico eam partē mysterij bibit & comedit, de qua non liceat populo degustare, verùm omnibus vnum corpus proponitur & poculum vnū. hæc Chrys. Fatebor facilè cū Pontificijs, aliquando à Christianis sumptum panem sine vino. At q̃ vnquam Christianus hoc fecerit in templo, cū coena administrabatur, probent, & cedo. Quocirca vt magnoperè peccant, qui Dei institutionē de vtraq; specie manducanda contemnunt, aut libenter omittunt, ita parū refert si vtrāq; speciem relinquant, nisi in ijs reconditū & altius mysterium consideres. Siquidem (vt acutè intellexit Orig. in Mat. ) per panem quem dat Christus discipulis, mandatum includit perfectæ obediētiae, de qua ipsemet Christus antea degustauerat dicēs: Cibus meus est, vt faciam voluntatem patris mei qui in coelis est. Iam quis fuit illius potus, nisi incomprehensibilis amor, quo & Patrem dilexit, & à Patre dilectus est, dicente, Hic est filius meus

*Sacramentū de  
bet sumi sub u-  
traq; specie sub  
pœna grandis  
sacrilegij.*

*Potest fieri ut  
Christiani solū  
panem eucha-  
ristia sumpse-  
runt extra ec-  
clesiam, sed nō  
probabunt,  
quòd in eccle-  
sia abstinue-  
runt à uino san-  
ctificato.*



dilectus: deinde charitas illa immensa, qua sic nos pro-  
 secutus est etiam indignos, vt nō dubitarit sanguinem  
 pro nobis fundere, in quo remissionē peccatorum sta-  
 biliuit. Charitas igitur est & dilectio, quæ in hoc calice  
 ad salutē & ebibenda & effundenda præcipitur, de qua  
 in Canticis dicitur. Introduxit me rex in sellam vinar-  
 riam, ordinauit in me charitatem. Iubemur proinde i-  
 mitari Christum in obedientia & diuinæ Legis obser-  
 uantia, tum maximè eum emulari in charitate, sine qua  
 adeò nihil proderit edisse corpus, & nescio cuius obe-  
 dientię officium Christo prætendere, vt clamet Paulus:  
 Si linguis hominum loquar, si dederò omnia mea pau-  
 peribus, si meum corpus ardeat, si quadam fide montes  
 transtulero, charitatis autem poculum non ebibero, ni-  
 hil mihi prodest. Eant igitur Pontifici, & si res sacra-  
 menti sufficiunt disiunctæ & separata, vt corpus possit  
 viuere sine anima, sint etiam separata illorum spiritua-  
 lia quædam alimenta obedientia & dilectio. Sin vtraq;  
 illa sunt necessaria, quantū obsecro est sacrilegium de-  
 negare miseris ouibus signa, quas morituras aut sciunt  
 aut scire debebant nisi habeant signata. Vis explicem  
 paucis Lector? Frustra in manducādo, hoc est occiden-  
 do veteri Adamo tuo, frustra in obseruanda lege desu-  
 das, nisi noui testamenti beneficiū quod in effuso Chri-  
 sti sanguine nobis oblatum est & fide suscipias, & alijs  
 hoc dilectionis charitatisq; donum propines. Bibite  
 (inquit Dominus) hunc meæ charitatis sanguinem om-  
 nes, qui effunditur in remissionē peccatorum, & faci-  
 te, hoc est (ait Orig.) pariter in alios effundite. Quare er-  
 go omnes? quia salutis symbolum & remissionis qua om-  
 nes egemus peccatorum signaculum. Iam cum in re-  
 missionē peccatorū potius constet nostra iusticia (teste  
 Aug.) quā perfectione virtutū, potiusq; in oblatione  
 fidei & amoris placetur Deus q̃ sacrificio iusticiæ ope-  
 rum

In remissione  
 peccatorū po-  
 tius constat no-  
 stra iusticia  
 quā perfectio-  
 ne virtutum.



rum nostrorum, potius etiam in bibendo sanguinē, hoc est fidei charitate iustificamur, quā in legis mutila nostra obseruatia. Cuius doctrinæ audi celebrē testem Orig. Hom. 35. super Mat. Cur, quærit, non dixit Dominus, Hic est panis noui testamēti, sicut dixit, hic est calix noui testamenti? Quia, respōdet, panis est verbum iusticiæ qua manducātes animæ nutriuntur. Porus autē siue calix est verbū agnitionis Christi secundū mysterium natiuitatis & passionis. Quoniā igitur testamētū Dei in sanguine passionis Christi positū est ad nos, vt credentes filium Dei natū & passum secundū carnem, salui simus, non in iusticia, in qua sine fide passionis Christi salus esse non poterat, ideo dixit, Hic est calix noui testam. bibite ex hoc omnes. Bibitur quidē ab Apost. bibitur autē ab ijs in remissionem peccatorū, à quibus & bibitur & effunditur. Si autē queris quomodo & effunditur? discute cū hoc verbo quod scriptū est. Quoniā charitas Dei diffusa est in cordib. nostris. Hæc Orig. qui detegit magno omnium Christianorū bono absconditū tot seculis ignauia Pontificiorū nostræ salutis mysteriū. Quod nimirum fide illa, vnde oblata oportunitate charitas emergit in operū fructus, iustificamur propter meritum effusi pro nobis in cruce Christi sanguinis, in quo Deus stabiliiuit testamētū nostræ salutis. Alioqui quid sunt aliud iusticiæ nostræ nisi pannus mēstruatus? Meritò itaq; iubemur omnes bibere de calice, id est hanc charitatis Christi erga nos gratiam inexplicabilē, quæ è fuso Christi sanguine ad nos emanauit, fide & cū gratiarum actione suscipere. Deinde non solū bibere, sed & facere, pari scil. charitate hoc beneficium alijs & impendere & annunciare. Meritò igitur nobis deploranda venit superior ætas, & hæc laudibus extollenda ad gloriam Dei, quæ in cœna Domini libero ore bibens symbolum veri sanguinis Iesu Christi, salutis quoq; beneficium, & sa-

*Cur Dominus  
nō dixerit hic  
est panis noui  
testamēti, sicut  
dixit hic est ca-  
lix noui testa-  
menti.*

*Fide, unde ob-  
lata oportuni-  
tate charitas e-  
mergit in ope-  
rum fructus,  
saluamur.*



lutis firmatum testamentum fide in anima recondit, & præ illius gaudio voluntate bonorum operum turgens tantæ charitatis Iesu Christi donum, & effundit ipsa, si opus, sanguinem fundens ad Dei gloriam, & alios id facere hortatur. Sed hîc insurget Christianæ militiæ ignauus aliquis tyrunculus, & dicet, Si non magnoperè prodest ad salutē obseruantia legis siue obedientia, quā tu escā Christi appellas, vnde & totius ecclesiæ, verū iusti fimus in bibendo sanguine Christi, hoc est credendo quòd effuderit sanguinem pro peccatoribus, aut fideliter diligendo Deum, quod appellas bibere nouum testamentum. Ergo contra vetus Pontificū institutum bibamus de calice, & non comedamus de pane. Rectè quidē infers, si tempore excluderis. Cū enim manducatiolongius exquirat tēpus q̄ potatio, si in animæ deliquium incideris, nōne in os potius iniicies vinum q̄ carnes, quoniam illud citius repentē delapsas instaurat vires? Et tamen quis successu temporis panē negligat, qui vinum diligit? Sic profectò quoniā fragiles sumus, & sæpe à Deo, qui vita nostra est, veluti quodā animi deliquio excidimus per peccatū, vt etiā statim resurgam⁹, mox præcedente vera poenitentia fidē (quę dilectionis

*Vera fides sem  
per parturit  
bona opera e-  
tiam si non nisi*

*suo tempore  
pariat.*

*Contēptus ob-  
seruantia Le-  
gis Dei, aut as-  
fectata eius si-  
ue ignorantia,  
siue omisio,  
hominem da-*

opera parturit) ingerimus. Hęc dilectio vbi sese paululū exeruit, à Spiritu S. veluti quodā imbre rosido & coelesti accipiens alimentū, egregij fructus & Deo gratissimi suo tempore quod parturijt exerit incrementum. Edenda igitur est caro Christi, seruāda lex, quippe eius rei cōtemptus damnaret nos, inchoanda quoq; est iusticia, & ad quendā iusticiæ finem vniciq; possibilem adniten- dum, ait Bernar. & Basil. Verū quia infantes sumus, nec possumus hunc obedientiæ totum panē deglutire, ad Christi mamillas, qui eum comedit, ad obedientiam consumatā, & iusticiā Christi cōfugimus, ipse. n. est (ait Paul.) sufficientia nostra. Interim id exiguū panis quod

come-



comedimus, quoniam illud fidei, & dilectionis vino mixtis diluimus, ad dei gloriam intuentes & charitate ad proximū, sufficere ad vitā æternā concludimus. Hoc est quod pulchre dicit Bernardus in Cantica. Non latuit, inquit, Dominum præceptorum & mandatorum pondus hominum excedere vires, sed iudicauit vtile, ex hoc suæ insufficienciæ illos admonere, vt scirent ad quem iustitiæ finem niti pro viribus oporteret. Ergo mandando impossibilia, non præuaricatores fecit Deus, sed humiles vt omne os obstruatur. Accipientes quippe mandatum, & sentientes defectum, clamabimus in cœlum & Dominus miserebitur nostri, & sciemus in die illa, quia non ex operibus iustitiæ quæ fecimus nos, sed secū dum suam misericordiam saluos nos fecit. Hæc Bernardus. Qui egregie taxat supercilium seu potius blasphemiam nonnullorum, qui audent venditare incredulis, & idiotis hominibus sua supererogationis opera, quique nescio de quo cōgruo & condigno æternę vitę mercedem pro suis operibus à Deo exposcunt, operibus inquam à seipsis potius extortis timore pœnæ, quàm vera erga Deum & proximum charitate, sine qua adeo omnia, quæ agimus nō sunt Deo grata, vt nobis ad mortem potius cedant quàm ad salutem. Das igitur elemosynam? Rex es? Consul es? Dux es? Leguleus es? Medicus es, pastor animarum es? opifex es, & officii tui munia exequeris fidus & diligens (alioqui vę tibi) & præcepta legis obediens? manducas quidem carnem Christi, sed hoc non prodest, nisi biberis sanguinem, hoc est, nisi ista fiant ex charitate, nisi eiusmodi carnes Deo inter omnia gratissimo dilectionis condimento permisceas. Hoc iusculo si tuæ mensæ careat apparatus, friget quoque Domini, qui illi assidere vult, appetitus. Vis exemplo res innotescat? Pauper aliquis clamat ad portam diuitis: extrudirur frustulum panis è fenestra: hoc est qui-

*mnabit quātū  
cūque de fide  
gloriatur, si ta  
lis in morte re  
periatur.*

*Bernardi notā  
da cōsolatiōis  
plena sētentia  
pro Christiāis  
qui in mādatis  
Dei ambulant  
pro uirib. re  
primens super  
biā eorū qui su  
pererogatiōis  
opera Deo blas  
phemi præten  
dunt.*



de Domino apponere carnē legis, sed non est apponere iusculū amoris. Verū si eū intrō vt confratrē ad mēsam tuā euocasses, & de eius paupertate diligenter inquirēs, cōsolatorias illi ē scriptura sacra fregisses miscellas, mox vbi fidei domesticū inuenisses, subleuādæ quoquo modo paupertatis eius curā subijses, iam Domino eduliū amoris apposuiesses. Iam & tu & pauper & Dominus simul de genimine vitis bibissetis, Dominus quidem in regno suo, hoc est in vobis, vos in regno Dei hoc est in dilectione, pauper in vtroque. Propterea est quod exclamat Psalmista. Beatus vir qui intelligit super egenū, & pauperem. Emphasim habet intelligit. Is nimirum est, qui ex interno dilectionis feruore non patitur sibi bene esse, nisi & proximo egenti bene sit, & ex abundanti diuitiarū suarum aceruo, illius necessitati libenter & hilariter succurrat. Qui etiā ex iusto & assiduo labore partis aliquid detrahit, q̄ benigne & sollicite impartiaf viduis & orphanis. Qui inter conuiuiorum & epularū delicias & gaudia necessaria, non obliuiscitur ludentiū captiuorum & longæ ægritudinis tēdio oppressorum. Qui denique non expectat dum pauper suam pulset domum cum ignominia & dedecore, sed pietate fratris cooperiens verenda (si modo verenda sunt) ipse pauperis domum intrat, & benigna præfatione illius verecundiam adorsus, sua munificentia latentem desolati hominis tristitiam depellit, & cordi incubantem vitæ amaritudinem demulcet. Qui quoque non fastuoso vultu exposcit, vt debitum quis & iniuriam sibi illatam petat remitti, sed accendens carbones super caput proximi, ipse prior & remittit, & nouę amicitie symbolū nectit. Idq̄ue totum facit ad Dei gloriam non suam, amore vt pote Dei ad benefaciendum allectus non timore, gratitudine animi in remissionis peccatorum beneficium aspiciens quod per Christi sanguinem obtinuit, non sicuti mer-



ti mercenarius solum præmium, & remunerationem expectans. Iterum e contra, commodè non habes unde pauperem alas? saltem ipse ab omni peccato & graui & voluntario abstinens, verbo Dei opportunè eum consolari, & quibus potes propter Christum mansuetudinis officijs demulces, promoues quantum vales (licet solis verbis) tacitisque precibus ad Deum fufis, tot hominū misérias, ignorantias, carceres, morbos quos oculo pietatis intueris, supplex domino & assiduus commendas? audacter decede de vita. Nam etsi non implesti legem de manducanda carne Christi ad literam, implesti de bibendo sanguine ad spiritum. Si non habes opertum iustitiam quam nunquam contempsisti, aut volens & suppinus neglexisti, habes iustitiam fidei, quæ charitate terminatur. Inde accepisti vestem cœlestibus nuptijs idoneam. O ingens igitur fidei, ingens charitatis vis, quæ (vt ait Augu.) cū nihil agit, omnia tamen agit. Nam vbi fides vera adest, quid potest deesse? vbi autem charitas inde pullulans deest, quid potest prodesse? Verum

*Voluntas bene faciendi sufficit Deo ubi deest facultas.*

*Nam etiā pauperimus potest orare pro alio ex corde, et hoc habetur pro elemosina.*

*Iustitia fidei supplet quod nobis deest & saluat etiam sola & per se interdum.*

quoniam ex his pius lector colligere poterit, quor-

sum omni homini calix Domini sit ebibendus ad salutem, huic libro finem im-

ponam, vt in sequenti latius de sacrifici-

cij christiani ratione

dicamus.



PRO SEDANDIS RELIGIO  
NIS CONTROVERSIIS  
AD PONTIFICIOS,

Liber Tertius.

*De vero usu & intellectu, tam visibilis quàm spiri-  
tualis sacrificij Christiani, & de illius magno atque  
horrendo hactenus abusu.*

AVTHORE IODOCO HARCHIO  
Montensi Medico.



Oēs Christiani  
sacerdotes.

ONGI admodum sunt Pontificij in sacrificij ostendenda ratione præsertim illius, quod exterius apparet nempe panis & uini, de quo adeo nulla debebat esse apud illos spirituales controuersia, immo ne mentio quidem, ut ex eo solo uideam illos fouere iniustam causam (ni fallor) quòd adeo pertinaciter de ossibus, uti canes (sit uerbo uenia) non de medulla contendunt uti christiani homines. Ut igitur rem paucioribus absoluam, istud pro hypothese tenemus etiam ab illis concessum, omnes eos esse sacerdotes, quotquot sacro oleo spiritus delibuti sunt, testantibus quoque id Petro Apostolo imprimis, deinde (si cui is non sufficit) Origene & Cypriano. Ergo etiam ipse populus sacerdos est, cui ex officio incumbit spiritualia offerre sacrificia, monente eos ad id seueriter & Petro & Paulo. Offerre (inquiunt) sacrificia spiritualia Deo accepta per Iesum Christum, qui & ipsi estis ædificati domus spiritualis & oblatio sancta, genus electum, regale sacerdotium. Licet igitur sacerdos minister



nister (sic enim differentia gratia nominare eos oportet) visibili posito ad altare sacrificio panis & vini quod passionem Christi repræsentat, spirituale offerat sacrificium & spiritualiter, seipsum nimirum cum omnibus populi votis veluti quadam legatione fungens apud Deum, postulans prius contrito & fidei corde tum peccatorum remissionem sibi & populo, tum necessaria omnia emendicans propter passionis Iesu Christi meritum, quam Deo Patri veluti ad memoriam offert gratias agendo. Meminisse tamen debet se è numerosa illa populi multitudine & sacerdotum choro, illis & præsentibus & approbantibus ad hoc munus peculiariter esse electum, quia & doctissimus totius plebis, & sanctissimus, & in omni virtute eminentissimus ut requirit in **Leuitico Dominus**, & **Leuitico** consentiens ad **Titum**, & **Timotheum Paulus** ipse. Hinc monet Cyprianus libro episto. 1. **In ordinationibus**, inquit, sacerdotum, non nisi immaculatos eligere debemus, qui audiri in precibus possint, quas pro populo fundunt apud **Dominum**. hæc ille. Proinde sicuti ciuitas aliqua læsæ maiestatis rea, merito insanix notaretur, quæ pro sui reconciliatione apud Regem, sordidissimum & ineptissimum è toto populo deligeret qui legatus intercederet, ita parum saperent, qui eiusmodi presbyteros ad publicam offerendorum suorum votorum functionem admitterent, qui vel ipsis porcis impuritate vitæ possint sordescere, sed quid dico saperent, immò grauissimè peccarent. Quam obrem audiamus Cyprianum eodem lib. episto. & attente obsecro christiane lector. Nec sibi, inquit, plebs blâdiatur quasi immunis à delicti contagione esse possit cum sacerdote peccatore (de enormi intelligit & noto) communicans, cum dicat Dominus per Prophetam. Sacrificia eorum tanquam panis luctus, omnes qui mâducant ea contaminabuntur, docens eos ad peccatum

*Omnis laicus est sacerdos non tamè minister.*

*Quodnâ sit sacrificiû ministeri stantis ad mensam Domini corâ populo.*

*Minister debet esse doctissimus totius plebis, sanctissimus, uirtute eminentissimus & uitæ innocentissimus.*



*Plebs ex Dei  
authoritate ha-  
bet authorita-  
tē eligēdi bonū  
sacerdotē aut  
recusandū ma-  
lum.*

constringi, qui fuerint prophani & iniusti sacerdotis sa-  
crificio contaminati. Plebs namque ipsa maxime habet  
authoritatem vel eligendi dignos sacerdotes, vel indi-  
gnos recusandi. Quod & ipsum videmus de diuina au-  
thoritate descendere, vt sacerdos præsente plebe deliga-  
tur. Hæc Cyprianus pontificiis quoq; sed furdus. Siquis  
minus fudit Cypriano dicenti ex institutione Dei esse vt  
populus eligat Episcopum, audiat id seriò præcipi à Cle-  
mente in constitutionibus Apostolorum græcè editis,  
& scholijs illustratis à quodam Francisco Turriano non  
indocto Pontificio & impio, si Dei zelum haberet secū-  
dum scientiam. Constituite, ait, Episcopos (plebem &  
clerū alloquitur) presbyteros & diaconos, homines ius-  
tos, mites, qui valeant docere verbum Dei, iustos, proba-  
tos, sanctos, vos verò honorate eos vt patres. hæc lib. 7.  
cap. 32. Qui rursus constanter idem præcipit lib. 7. cap. 2.  
Ego Petrus dico, inquit, Episcopum ordinari debere om-  
ni ex parte reprehensione carentem, ab onini populo  
electum &c. Hoc vt paucis concludam: accipe quid  
Leo. i. scribat ad Narbonensem Episcopum. Nulla ratio  
finit, inquit, vt ij inter Episcopos habeantur, qui nec à  
clero, nec à plebe sunt expetiti, vnde cū quæstio de ma-  
le accepto honore nascatur, quis ambigit nequaquam  
talibus Episcopis esse tribuendum, quod non docetur  
fuisse collatum. hætenus ille. Quæ propterea adduco  
(dixi enim de ea re plura in alio libro) vt nostris hodie  
Episcopis sui pudorem aliquem (si modo quis adhuc su-  
perest) incutiam, qui vt à populo electi nō sunt, ita vt vi-  
derentur aliquod excellentius aut maius præ populo ha-  
bere sacerdotium, præ illo quoque excellentius ad cele-  
brandum mysteria induerunt vestimentum. Et vt seip-  
sos populo ad adorationem quandam veluti exponerent,  
nescio quæ superbix (humilitati noui testamenti  
haud ferenda certè) tum nomina, tum ornamenta bys-



fo & auro contexta ex veteri lege citra legem Dei resum-  
pserūt. Quæ etsi fucato verborum lenocinio ad Dei ho-  
norem retulerunt, experientia tamen probatum est sub-  
sequente, eos illa ad sui ambitiosam tantum ostentatio-  
nem conuertisse. Sunt enim apud illos ita sacrosancta  
vt populo illa ne attingere quidem liceat, nisi osculo &  
flexione genuum prætentata. At quid ista ad spiritualia  
sacrificia? quid ad Deum, qui hodie externa negligit, in-  
terna concupiscit, quoniam omnis decor filix Regis  
abintus. Deinde quid ad vos ô Pontificij, quid ad vos ô  
Euangelicij? nam & hic liber ad vos quoque, qui si veri  
discipuli Christi estis, veri dispensatores & fideles myste-  
riorum ministri, post hanc quidem vitam ob munus sa-  
cerdotij ministerijque fideliter expletum ampliori glo-  
ria præ populo in cœlis refulgebitis, sed tamen si memi-  
neritis quod in hac vita populo tantum ministratis, &  
exemplar tantum veræ viæ, vitæ, & doctrinæ Christi illis  
sufficitis, non imperij & dominationis. hinc Origenes  
in Esaiam cap. 6. Qui vocatur ad Episcopatum (inquit)  
non vocatur ad principatum, sed ad seruitutem totius  
ecclesiæ. hæc ille. Cui adde illud Chrysost. hom. 12. ad  
Ephe. Non dominamur fidei uestræ charissimi, inquit,  
sermonis nobis doctrina commendata est non princi-  
patus nec potestatis autoritas. Ordinem tenemus cõ-  
sulentium, qui consulit, non cogit, in hoc culpabilis, si  
non quæ decent & oportet, pastor dixerit. hæc ille. Quis  
alioqui (inquit Dominus) est maior qui ministrat, an  
qui recumbit, nõne qui recumbit? & quis recumbit,  
nõne populus cuius uos estis ministri & de quorũ la-  
borib. uiuitis & uitã sustentatis. Quæ igitur uos uestri  
capit obliuio, ut uelitis uideri Domini imperare tãquã  
subditis, & carcerib. includere tanquã maleficos, quos  
tãtũ Domini uoce, autoritate, uinculis, promissis & li-  
gare & soluere, æternę aut danatiõis. aut saluti deuouere

*Pulchritudo fi-  
lie regis hoc  
est ecclesiæ &  
christianorum  
sita esse debet  
in corde puro  
conscientia bo-  
na, & fide non  
ficta.*

*Qui uocatur  
ad Episcopatũ  
nõ uocatur ad  
principatum  
sed ad seruitu-  
tẽ totius eccle-  
siæ.*



*Dignitas mini-  
strorum spiri-  
tualis maxi-  
ma.*

aut debetis, aut potestis? Proinde quòd ad visibilia attinet, minores estis populo quia ministri, superiores certe (si quis spirituale munus vestrum spectet) quoniam & Angelorum socij, & vox Dei, & immaculatæ vitæ Christi æmuli. Vnde est quòd quoniam magna pars populi rudis est, & terrenis rebus occupata, nec subtilitate cōtemplationis possibile est illi semper assurgere ad veræ vitæ & morum typum Iesum Christum, vos ipsos veluti altera & expressissima quædam visibilis imago Iesu Christi, constituitis, & præsentatis oculis illorum, vt in vobis discant quid singulis desit, vtque vestræ vestis nuptialis conspecto candore, ipsi propriæ vestis quam non minus albam acceperunt maculas negligentia contractas expungant, aut à vobis expungendi modum discant.

Denique vt ex vestro gestu, moribus, vitæ ratione, & quotidiana conuersatione instituatur suam accommodare vitam. Proinde si idèò mytram & annulos gestatis sacrificaturi, quia ministri estis, multo maiori ratione eam populus gestaret, quia ipse est qui recumbit. At si idcirco eam prætenditis (quod vestri Pontificatus maximum decus est, & propter quod ipsi maxime omnibus reuerendi) quia (vt in Leuiticum exponit Origenes) in cognitione rerum diuinarum populum excellitis, additis & zonam, quia superatis castitate. Rursus & logium, & manifestationem humeris vestris laborum patiētissimis super imponitis, quoniā prædicationis verbi Dei & gloria & assiduitate fulgetis. Deniq; tunica vna alba eaq; nitida super induimini, q̃a & vitæ innocētia, & morū cādore, & spiritualis vni⁹ sacrificij oblatione deuotiore & excellētiori eū superatis, qd opus externis earū rerū signis, quando hoc ipsi internæ externæq; cōuersationis vestræ experimēto satis & didicerint, & in vobis fuerint admirati & reueriti? At si mentimini, si hederam fortis prætenditis & vinum intus non sit uenale, lanam quo.

*Quid designet  
mytra in Pontifi-  
cijs, quid Zon-  
na, quid palli-  
um, siue logiū,  
quid alba tuni-  
ca & linea.*



quoque extorquetis, ouium curam negligitis, quid hypocrita Ecclesiā occupatis? (sit hoc vestra pace dictum) Quid cæmonijs, vmbri, ignota lingua, vestibus, fictis benedictionibus, quid, inquam, eiusmodi laruis populum detinetis, & quæ ad populi faciunt salutem suppressitis? Quod autem suppressitis, audite ex Gaudentio illo D. Ambrosij coætaneo. Necesse est, inquit, ista vitæ æternæ mysteria celebrari per vniuersas totius orbis Ecclesias, vsq; quo Dominus de cœlis adueniat. Quo & ipsi sacerdotes, & omnes pariter fidelium populi exemplar passionis Christi (Eucharistiam intelligit) ante oculos habētes quotidie, & gerentes in manibus, pectore etiam atq; ore sumentes, redemptionis suæ incredibilem memoriam teneant, & cōtra diaboli venena dulcem medicinam consequantur. Auditis Pontificij? Primum non secus populus atq; minister tenetur celebrare ista mysteria, facere missam (si velis) & non solum au-

*populus obligatur etiam celebrare missam. (ut uocant.)*

dire tenetur, inquam, offerre hæc visibilia sacrificia. At quomodo offerret, qui offerendi modum nunquam didicit? Deinde, ait, oportet eū semper ante oculos habere, & quotidie tenere in manib. tum sumere ore Eucharistiam. Si oportet, quæ vos dementia vexat, vt ne altare quidem, aut corporale (quod vocant) populum attingere permittatis, multo minus panem atque calicem sacrosancta antitypa corporis & sanguinis Domini? id quod olim illis licuisse testatur Eusebius Eccl. histor. lib. 6. cap. 33 per hæc verba. Cū Nouatus, ait, populo diuideret Eucharistiam, accipientium manus tenens, non prius dimisit quàm iurarent per ea, quæ quisq; manibus tenebat, quod nunquam se relicto ad Cornelium remearent. Hæc ille. Sed audite Basilium in Epistola ad Cæsariam, quidnam dicat quibusdā supersticiosulis, qui non audebāt suscipere Eucharistiam manibus proprijs. Etenim, inquit, & in Ecclesia sacerdos dat partē Eucha-



ristiæ, & accipit eam qui suscipit cum omni libertate, & ipsam admouet ori manu propria. Idem igitur est virtute, siue vnam partem accipiat quis à sacerdote, siue plures. Omnes enim in eremis solitariam vitam agētes, vbi non est sacerdos, communionem domi seruantes à seipsis communicant. Hæc Basilius. Nota igitur amice Lector hunc locum, quem antea quoq; citauimus, & ex eo iudica, num Eucharistia circūgestabatur à sacerdotibus in pompa ad adorationem, quam tam libere licebat omnib; sutoribus & sartoribus, & manu accipere, & domū deportare, iudica obsecro, an habuerint Eucharistiam pro Deo, aut verè pro Christo. Sed ne putes hoc excidisse Basilio aut Eusebio, & dicas fuisse abusum, audi quomodo Constantinop. Concilium 6. minetur n̄s, qui alio instrumento quàm proprijs manib. vellent sumere Eucharistiam, diabolo iam tum spargente semina idololatriæ. Nullo pacto, inquit, admittimus eos, qui loco manus propriæ cōficiunt instrumenta aurea aut alterius materiæ ad suscipiendū sacramentum, quasi potior sit metalli species quàm imaginis Dei: si quis ergo sacerdotum talem admiserit ad cōmunionem, maneat excōmunicatus. Audis Lector? Sed ad quid, dices, iuuat, vt populus teneat manib. Eucharistiam? vt (ait Gaudētiū) redemptionis suę incredibilem memoriā teneant, & contra venena diaboli dulcem medicinam capiant. At rursus dicet aliquis, si tantarum rerum thesaurus, si tam preciosa margarita, tam præsentaneum ad omnia tum corporis tum animæ mala remedium committetur manibus & custodiæ populi, quid valeret in posterum sacerdotū negotiatio? quid prodesse ceremoniæ illæ inutiles, aqua benedicta, à maledictis consecrata, indulgentiæ, benedictio Episcopalis, peregrinatio, cultus imaginū, inuocatio sanctorū, sal, flores, herbæ benedictæ, & eiusmodi, quæ ordinata habent in sua ecclesia ad pel-

*In Conc. Const. s. uetitum, ne quis alio instrumento aut auro aut argento sumeret eucharist. quàm propria manu*

*Tenendum sacramentum in manu, ut memoriam teneamus passionis Christi in mente.*



pellendum diabolus, ad remissionem venialium peccatorum, ad morbos curandos & eiusmodi, cum multo facilius & efficacius tenētes quodammodo manib. in pane & vino omnium rerum dominū sacramentopresentem semper per suæ diuinitatis gratiam, & fide possent ea omnia obtinere, & charitatis oratione cōsequi: vis dicam: nihil omnino à talib. saltē consecrata ea, quę narras valerent. Et hoc est, quod timet diabolus, ne illa consuetudo rursus inuale scat in populo, qui tali veluti scuto armatus & munitus nō possit amplius ad infidelitatis & idololatrię fraudes adduci. Cāterū quanta cum Dei indignatione hęc cōsuetudo sublata sit ab Episcopis, sciunt qui defuncti sunt, & aliquādo scient qui hodie viuunt. Experietur quoq; & populus, nisi veluti postliminio ad pristinā consuetudinē redeat, & impolluto corde, labijs, manibus, horrenda alioq; mysteria contrectet, tum quoq; offerendi sacrificij modū discat, & vsus quotidianū (si fieri potest) resumat. Esto, nō sit populi sacrificiū tam operosum foris quā est sacerdotis pontificij, nō sit tot cāremonijs, tot crucib. adornatum, tot vestimentis decoratum, tanta manū & capitis gesticulatione prodigiosum, potest tamen plebs hęc omnia precū efficacia superare, si suum mysterium intelligit. Impetrabit forsitan plus pastoris sacrificium, si plus habet sanctitatis, sed non minus aspicient oculi ad plebis sacrificium, si serias obtulerit preces humilitatis. Orat & offert sacerdos pro tota plebe, plebs etiam orat pro toto sacerdotio (vt ait Augustinus.) Offert pastor sacrificium precum & passionis Christi memoriam pro omnibus Christianis, omnes etiam Christiani offerunt pro vniuersis pastoribus, & eorum oblatio acceptior est Deo, quorum vita sanctior, fides purior, charitas intensior. Cuius rei habe exemplum in Diuo Gregorio Magno Homil. trigesima septima.

*Causa cur Episcopi in scopolu uerint populum amplius capere manu Eucharistiam.*

*Offert sacerdos pro tota plebe, tota etiā plebs orat pro toto sacerdotio. Hinc sacerdos dicit, Ora te pro me fratres, ut meū & uestrum sacrificium sit Deo acceptum.*



Toties, inquit, mariti cuiusdam mulieris captiui soluebantur vincula, quoties ab eius vxore oblatae fuissent hostiæ pro eius animæ absolutione. En Lector mulierem offerentem ad altare, licet nō stantem & ministrantem, quòd ad mulieres non pertinet fungi scilicet aliquo externo ministerio circa altare, sed quod ipsa obtulerit hostias & maxima impetrauerit per fidem licet habes. Quòd ideò narro, ne quis ociosus in posterū aspiciat sacerdotē aut orantem, aut passionis Christi memoriam Deo patri offerentem. Commune enim semper fuit in vera Dei Ecclesia, & populo æquē ac sacerdoti vñitatum sacrificium, (si principale spectes) differt tantum ex hominum temeraria & ambitiosa forsitan institutione. Tantum dico, ne quis putet ad salutē necessarium aliud fieri in sacrificando aut consecrando quā quod à Paulo recitatur ad Cor. dicente: Fratres, ego accepi à Domino, quòd & tradidi vobis, &c. Id ne quis me putet fingere, audiat quid ipse Bessarion insignis alioqui Pontificius & Patriarcha Constantinopolitanus de ea re ex Chrysostomo & alijs asserat. Paulus, inquit, tradidit nobis ea quę acceperat ab Apostolis non verbo tantum docentibus, sed demonstrantibus opere, & ea sola tradidit, quę Apostolos facere vidit, nam si plura facere in missa vidisset, ea quoq; tradidisset. Nihil autem in ea epistola dicit amplius nisi Dominum Iesum accepisse panem in manus suas, & cū benedixisset dedisse discipulis suis atque dixisse, Accipite, hoc est corpus meum, bibite, hic est sanguis meus, &c. Quòd si postea siue Clemens, siue Iacobus, siue alius quisquam alias orationes, hymnos & cantica addidit, non ad necessitatem, sed ad ornatum addiderunt. Nam cogitemus Apostolos in memoriam Christi sacramentum altaris conficere voluisse, in ipso passionis die, nō alio modo alijsue verbis fecisse æstimandum est, tum communibus vesti-

bus



bus indutos (quod diu postea obseruatum est) & post  
cœnam. Proinde quæcunque postea addita sunt præter  
ea quæ narrat Paulus se accepisse à Domino, minimè  
sunt necessaria, ex quibus si quid iusta necessitate præ-  
termittatur, nulla iactura est, dummodo sacerdos sit le-  
gitimè ordinatus, & conuenientem materiam habeat  
panem & vinum. Nam modus consecrationis est acci-  
pere panē, gratias agere, frangere, & dicere hoc est cor-  
pus meum, accipite & manducate. Et quid horum con-  
secrat diuinissimum illud munus? profectò non acce-  
ptio panis, hoc enim est subiectum consecrationis, non  
gratiarum actio, non fractio, quarum altera ad com-  
memorationem innumerabilium beneficiorum Dei,  
altera ad distributionem est necessaria. Superest igitur  
vt verba illa consecrent, Hoc est corpus meum, Hic  
est sanguis meus. Neq; quicquā ad hoc perficiendum  
aut oratio valet sacerdotis, aut sanctitas conducit, aut  
minuit indignitas. Vnde Chrysostomus de proditiōe  
proditoris. Adest nunc quoque Christus, inquit, qui il-  
lam mensam fecit, ille etiam nunc ornat, non enim est  
homo, qui hæc munera facit carnem & sanguinē Chri-  
sti, sed qui pro nobis crucifixus est Christus. Figurā qui-  
dem implens astat sacerdos verba illa pronuntians, po-  
testas verò & gratia tota Christi est. Hactenus Bessar.

*Christus, adest  
cœnæ peruer-  
bū suum et per  
spiritum.*

Quem si audiunt aut admittunt Pontificij cum Chry-  
sostomo, quid tam taciti ergo insufflant, & verba Do-  
mini veluti per susurrum enunciant? Nōne clara voce  
dicebat Apostolis Dominus, Hoc est corpus meum, ac-  
cipite, manducate? Cur igitur non idem faciunt con-  
uersi ad populum, qui nisi Dominum audiens, Domino  
fidem adhibeat, non illi saltem profuerit suscepisse sa-  
cramentū, cum quo non suscipit & verbum. Nam cū  
verbo Dei instituto semper adsit Spiritus sanctus, aufer  
verbum, & solū manet elemētum. Verba quidem Chri-



sti semper sequitur, & manet effectus, sed id nō in adulto, cui deest mysterij intellectus, ne quis postea nobis obrudat Pontificium illud tritum axioma: Sacramenta prodesse adultis ex opere operato, non ponentibus obicem gratiæ Dei, quæ illis offertur. Id quod sequentibus verbis planè negat August. cōtra Donatistas, lib. 4. cap. 4. Infantibus, inquit, qui baptizantur & moriuntur, gratia omnipotentis supplere credenda est, quod nec corde credere ad iusticiam, nec ore cōfiteri ad salutem possunt per ætatem. At si pro eo qui respondere potest, alius respondeat (nota) non itidem valet, ex qua regula dictum est illud, Aetatem habet, pro se loquatur. Hæc August. Cū igitur nō sufficiat adulto, si in fide Ecclesiæ (vt dicūt) & in simplicitate sumat sacramentū, vt inde consequatur effectū, necesse est vt in propria fide accedat: at cū fides habeatur per verbū Dei, necesse est vt audiat verbum. Oportet igitur vt verba cœnæ pronuntientur alta & intelligibili voce. Hinc est q̄ Iustinian. legem tulit, vt episcopi & pastores omnes oblationē faciant Eucharistiæ, & ministrent baptismū alta & intelligibili voce, vt audiretur ab omni populo, & per hoc ad poenitentiam inducatur & gratiarum actionē. Deinde ne putes id in vna prouincia factū, & vni episcopo dictum, subiicit Lex dicens, Hanc legē visum est omni terrarū orbi ponendā. En lector, iudica an Iustin. habuerit Papam pro capite totius orbis in dominandi autoritate, licet non negē, quin sit (ritē electus) in excommunicandi charitate, cui audet imponere legē penē ecclesiasticam: sed redeo in viam. Adeo certū est igitur, cæremonias, quæ in Liturgijs Patrum, in singulis tamē & singulares & diuersissimæ fuerunt, nō esse necessarias, vt Ecclesiast. hist. viderit altaria versa & spectātia ad occidentem. Iustini Liturgia cæremonias nullas habuit. Tempore Orig. nullæ imagines, nullæ candelæ (nisi ad solatium

Iustinianus legē tulit, ut Baptismus & cœna Domini celebraretur alta & voce omnibus nota.

Olim Christiani orabant spectantes ad occidentem.



tium nōctis) nulla altaria lapidea in Ecclesijs erant. Deniq; quicquid postea introductū est, quod humane fuerit inuentionis & non Apostolicæ, ipsemet Basil. de S. S. testatur dicens. Neq; enim fumus cōtenti ijs, quæ Apostolus & Euangelistæ nobis tradiderūt de Coena Domini, sed multa & post & antè dicimus multū momenti ad mysterium habentia, &c. Sic Euseb. l. 5. Euan. demon. Sacerdotes, inquit, spirituale munus suū obeūtes secundum Ecclesiasticas cōstitutiones pane & vino corporis & sanguinis Christi mysteria repræsentant. En iterū Ecclesiasticas constitutiones. Deme igitur illas, quæ si ob charitatē institutæ sunt, possunt & ob eandem auferri, ait Bernar. l. de Dif. & Præc. quid restabit, nisi spirituale sacrificiū quod mente fit, signantib. illud pane & vino, oblatis ad altare, tam à populo, quàm à ministro. Proinde cū Pontificij subtraxerint à laicis sacrificij cōsuetudinem & intellectum, non sine causa Euangelici eos fugiunt, & humanis traditionibus missæ (vt sic dicam) omisissis (quòd magis hodie ob sint quàm præsint) iuxta Dei & Apostoli doctrinā cum tota fraternitate cœnam Domini celebrent. Legite, ô Pōtificij, Liturgiā Iustini, & putabitis institutā fuisse à Caluino. Legite & eam quæ fertur Iacobi, & quid precor differt ab ea quā instituit Lutherus? Vestra ex diametro pugnat cum vtriusq; cū fiat priuata & ignota lingua, & præter impia quæ cōtinet forsitan (nam in ea inuocantur sancti, quod Aug. de Ciuitat. Dei seriò cauet ne fiat) partem etiam sacrificij populo detrahit, quo sacrilegio nō potest maius excogitari. Nā cū antea dixerimus, q̃ in pane populus offerat corpus suum Deo, in vino suam animā, petens vt Domin⁹ velit illis benedicere: cūq; dominus eadē oblata illis remittēs dicat, quia vos tā beneuolo corde vos obtulistis mihi in laudis & obedientiæ sacrificium, en ego quoq; offero vobis corpus & spiritum meum, siue

*Nominandi  
Sancti in sacri  
ficando, sed  
nō inuocandi,  
inquit August.*



sanguinem comedite, bibite illa ad refectiōem salutarem corporis & animæ, certum est, quòd magni sacrilegij reus sit sacerdos, qui eripit misero popello bolum è faucibus veluti, dicens ex Aristot. Frustra fit per plura, quod potest fieri per pauciora. Cæterū quàm hæc vera sint iam declarandum, & quàm hallucinemini in sacrificando ostendendum. Notet igitur attentè pius lector, & sciat ad se quoq; pertinere quæ de sacrificiō dicuntur. Nā & populus cū sit sacerdos sacrificare etiā tenetur sub pœna æternæ damnationis, ne q̄s putet in posterū in cœna domini nullū esse sacrificiū, quod ab Evangelicis aliquot (doleo) nimis impudenter aut negatū aut omissum, neq; in Catechismis explicatū. Scio quòd solus Christus sit sacrificium propitiatorium, solus interpellans Patrem pro peccatoribus cum indubitata efficacia. Nam, vt ait Augustinus contra Epistol. Parme. lib. 2. cap. 8. pro quo nullus interpellat, sed ipse pro omnibus, hic vnus verusq; mediator est. Vnus proinde & solus Christus tale est sacrificium, cui hoc munus soli competit, à nemine mortalium citra mortem vsurpandum. Etenim vt ibidē dicit Aug. Si diceret Apostolus, Hoc scripsi vobis fratres, vt non peccetis, & si quis peccauerit, aduocatum siue mediatorem me habetis apud Patrē, ego exoro pro peccatis vestris: quis eum ferret bonorum atq; fidelium Christianorum? Quis sicut Apostolum Christi, & non sicut Antichristum intueretur? Hæc Augustin. qui apertè indicat, soli Christo competere reconciliandi & mediatoris officium. Nemo interim negabit, & populo & ministris nouæ legis præter laudis præcū elemosynæ specialia duo alia esse & commissa & præcepta sacrificia, quorum vnum est oblatio corporū suorū, iuxta illud Pauli, Offerite corpora vestra Deo hostiā viuētē. Alterum Passio Iesu Chr. & beneficiorū eius in nos cōmemoratio, iuxta illud Christi, Hoc facite

*Diligenter docendus est populus, quale sacrificiū debeāt Deo in cœna offerre.*

*Nullus mediator nisi Christus, nota, et tamen in Euangelio uisibile & typicum sacrificium aliquod.*



facite in mei memoriam. Iam cum iuxta duplicem analogiam scripturæ consonam, panis siue Eucharistia representet & fidelem populum, hoc est corpus Christi mysticum & naturale, quod mortem pro nobis subiit, nec male, nec impie (ut mihi uidetur) minister in persona populi in pane, & uino offert se cum populo Deo patri, & postulat recipi in gratiam propter Iesum Christum, cuius ipse minister cum populo passionis memoriam Deo Patri ueluti refricat, quæ nobis propitium reddat Deum. Quo respectu, sacerdos olim sursum panem eleuabat, non tamen ut adoraretur (sicut dicunt Pontificij) Quoniam in sacramento quod offertur ab ecclesia, ostenditur ipsi ecclesiæ (uerba sunt Augustini) quod in ea oblatione ipsa offertur. Hinc (ut idem contra Paganos dicit) Sacrificium uniuersale ecclesia uniuersalis offert per Christum, qui se pro nobis obtulit Patri in cruce, ut tanti capitis corpus essemus. Sic igitur sanè intelligentes omnia, facile recipient modestiores euangelici ut expressè facit Apologia Augusta. cōfessionis, quæ ne panis quidē oblationē per similitudinem in Leuit. signatā respuit, quod Pontificij (& præsertim Lindanus quidam in sua Panoplia) adducunt ex Ireneo dicente: Sed & suis dans consilium Deo offerre de suis creaturis non ut indigenti, sed ut & ipsi nec infructuosi, nec ingrati, sint, eum qui ex creatura sua panis est accepit & gratias egit, dicens, hoc est corpus meum, & noui testamenti nouam docuit oblationem, quam ecclesia ab Apostolis accipiens in uniuerso mūdo offert Deo. Hunc igitur (Lindane) recipimus, & eius præceptum exequi statuimus, sed lōge alio modo quam vos (vt postea dicemus) Recipimus quoque & id quod adducis pro te, verum contra te, ex Eusebio lib. 1. cap. 10. Euange. demo. Post omnia (inquiens) quasi mirabilem quandam victimā Deo immolans patri pro nostra omniumque salute ob-

*Duplex analogia in pane Eucharistie.*

*Sursum olim panem eleuabāt nō ut panis adoraretur sed ut populo ostenderetur quod ipse esset qui offerretur.*

*Augustana confessio panem & uinum admittit esse sacrificiū eccle. modō illi iungas, fidē, in uocationē, laudem Christi passionem &c. quod ab illis catholicè dictum est.*

*Contra Panopliā Lindani.*



*Deus instituit  
offerri sibi me-  
moriam sue  
mortis pro sa-  
crificio.*

tulit,eiusque rei memoriam vt nos ipsi Deo pro sacri-  
cio offerremus instituit? Proinde vt horum testimonia  
in tuum caput retorta, omnem subterfugij ansam tibi  
præcipiunt, ita nostram causam qua sacrificium ad po-  
pulum etiam pertinere dicimus, mirè confirmant. Por-  
ro niteris longa & tediosa oratione ostendere, sacerdo-  
tem verum corpus Christi offerre quod habet in mani-  
bus, & esse propitiatorium opus illud pro viuis & defun-  
ctis, nec in hoc idololatriam & sacrilegium committi.  
Sed age & quod Dominus suggerit (opinor) profera-  
mus. Accepit Iesus panem & vinum, hæc offert Deo  
patri, dem<sup>9</sup> hoc vobis. Id & vos facitis iuxta traditionē,  
& forsitan bene facitis, nisi aliò spectaretis. Nā vt tu teip-  
sū apud Vannium quēdā ab idololatria vindices, dicis  
te aspicere (veluti præludio quodā rem anteuertens) ad  
corpus Christi, quod mox consecrabitur. Verum si sa-  
pis, continebis te in pane nondum consecrato, vel sal-  
tem mystico facto per cōsecrationem, sic enim vel ego  
vtcūque tuam causam iuuare possum. Nam si expressis  
verbis Ireneus affirmat, Deum præcepisse, vt illi offera-  
mus de suis creaturis, & vos dicitis panem non manere  
post consecrationem, ergo tu tibi ipsi & Ireneo contra-  
diceres, qui non offers creaturam, sed creatorem. Siue  
enim panem offeras ante, siue post cōsecrationem, crea-  
tura est & manet, licet solemniter & inuenta, (ait Am-  
brosius) quem etiam post consecrationem antitypum  
veri corporis Christi vocat ipse Clemēs Petri successor  
vt volunt quidam, his verbis lib. 7. cap. 26. constit. Apo-  
stoli. Gratias agimus tibi Pater pro precioso corpore  
Iesu Christi cuius hæc antitypa facimus. hæc ille etiam  
post consecratam hostiam. Idem dicit & Basilius in sua  
Liturgia. Retracta ergo illud tuum dictum & dicamus  
verè nos & vos cū offerimus, respicere ad panem ipsū  
vel vt est creatura, vel sacramentum creatoris: vtriusq;  
enim nos admonet panis. Vt nimirum offeramus crea-



turam nos ipsos scilicet petentes nobis & corporalia & spiritualia dona, deinde creatorem omnium nostrum filium Dei Iesum Christum. At (quod vestri erroris summa est) creatura offertur, ut suscipiatur in gratia à patre, filio Dei vero Iesus Christus, ut propter eum & merita suae passionis suscipiatur misera alioqui creatura, quorum neutrum est in pane oblato, sed in mente offerētis, licet per panē designetur. Id quod nota bene amice lector, ut fundamentū iacias oblationis noui testamenti, & sequentia melius intelligas: nam propterea dicitur sacrificiū christianorū esse spirituale, siue mentale, de quo sic Clemēs lib. 8. consili. Apost. Primus Pōtifex Christus, qui propter nos factus est homo spirituale sacrificiū obtulit Deo Patri ante passionē. Et idem ut facerent Apostoli praecepit. Veniamus igitur ad panē, qui oblatus huius sacrificij spiritualis sacramentū est & qui foris offertur Deo imprimis à sacerdote pro omni populo, sed cuius reliquiae cederent tādē in eleemosynam aut cleri, aut pauperum. Id quod innuit August. de rectitudine cath. fidei dicens. Ille bonus est christianus, qui ad ecclesiā sapius uenit, & oblationē, quae offeratur Deo in altari exhibet, qui de fructibus suis non gustat, nisi prius offerat. Talia ergo munera, tales eleemosynae offeruntur Deo primū panitēti & fideli corde ad implorandā remissionē peccatorū, proq; felici successu rerū nostrarū propter Iesū Christū, sic. n. habet Liturgia Iacobi in initio. Vt (ait) pura cōsciētia tibi Deo dona offeram⁹ & munera, simul & fructuū oblationes, ut ea q̄ admissim⁹ deleātur delicta & ut toti populo tuo sis propiti⁹ gratia & benignitate filij tui. hāc ille. Cāterum ne hoc putes, ad solum Episcopum, sacerdotem, presbyterum, pastorem, aut ministrū (his enim nominib. indifferenter vtor, ut uniuscuiusq; stomacho seruiā) pertinere, ut hāc uisibilia offerat Deo licet nomine omnium loquatur & oret, sed q̄ etiā & id populo incūbat, audi quid eadem Iacobi liturgia dicat.

*In missa offertur quidē & creatura, id est quilibet fidelis & creator filius Dei, cāterū creatura ut suscipiatur, filius Dei ut propter eum suscipiamur, quorum neutrum est in pane oblato, sed in mente offerentis.*

*Oēs olim christiani initio corāe offerebant aliquid ad altare in usū pauperum & pastoris.*



*Populus debe-  
bat etiam habe-  
re suū memen-  
to.*

*Sicut petra  
Christus ita pa-  
nis altaris est  
Christus in fi-  
gno scilicet in  
figura, aut sa-  
cramento.*

Præterea meminisse digneris Domine eorum qui has oblationes obtulerunt hodierno die ad sanctum altare tuum, & pro quibus vnusquisque obtulit, vel (nota) in mente habet offerre. Vides lector quod non solum sacerdos habet suum memento, sed etiam & populus, id quod hactenus bis miser ne per somniū quidem cogitauit. Cæterum latet in hoc pane, in hac externa oblatione mysterium, quod nec intellexistis hactenus (mi Lindane) nec populum docuistis, nec etiā facile à quouis eruitur. Vnde est quod idem Iacobus exclamat in sua Liturgia dicens. Et reuelans inuolucra ænigmatū, quæ symbolicè hoc sacrificio circundantur, clarè nobis ostende, & imple oculos nostri intellectus luce illa incōprehensibili &c. Audis in hoc pane & vino & in hoc sacrificio subesse enigma? Videamus igitur an Oedipum sufficere possimus Deo iuuante. Panis (scis credo) duplicem habet analogiam (vti diximus). Vnam qua respicit & denotat Christum caput ecclesiæ, de qua dicebat Augustinus in Ioan. 45. fide manente signa sunt variata. Ibi petra Christus, nobis Christus, quod in altari Dei ponitur. Altera analogia est qua respicit ecclesiam & singula eius membra fideles scilicet omnes, de qua & August. in quodam sermone dicebat. Quod heri accepimus fratres, hoc sumus nos. De vtraque vero dicit Augustinus sermone ad infantes. Mysterium vestrum in mensa positum est, mysterium Dei accipitis. Panis igitur, quæ est creatura primum offertur. Sed quia in pane designatur ecclesia & singula eius membra, ecclesia quoque cum eius singulis membris Deo offeruntur & commendantur precibus singulorum. Iam quoniam membra ecclesiæ constāt corpore & anima, corporalia quoque & spiritualia ibi offeruntur. Corporalia inquam, vt sunt eleemosynæ, primitiæ fructuum, consolatoria verba, pacifica cōsilia, reconcilia-  
tiones



tiones mutuæ, hospitalitatis officium, & eiusmodi externa pietatis sacramenta, quibus & ipsi pauperes olim aliebantur & ministri. De quibus sacrificijs dicebat Paulus ad Hebræos. Munificentia & hospitalitatis nolite obliuisci, talibus enim hostijs placatur Deus. Aequū igitur est, ut qui misericordiam venimus imploraturi, misericordiae quoque sacrificia immolemus. Hæc erat laudatissima consuetudo ecclesiae primitiuae qua neminem patiebatur mendicare, neminem egere, honestum saltem & fidelem. In talibus pauperibus alendis ut christiani se tum exhibebant & hilares & liberales, ita in distribuendis eleemosynis oblatis strenui erant, diligentes, & fideles Episcopi & Diaconi. Verum hodie (proh dolor) bene saginatis Abbatibus, Episcopis factis ditissimis ex talibus ecclesiae prouentibus, Diaconis quoque & pastoribus, demum & Canonicis, tali iam pinguedine & fulgentibus & turgentibus, quin & admirabili dæmonis subtilitate in eiusmodi verorum & miserabilium pauperum fidelium locum (præterito sceleratissimo paupertatis voto) subrogatis Minoritis, Iacobitis, Carmelitis, Iesuitis, Brigittinis, Chartusianis & eiusmodi hominum otiosis monstris, validis tamen omnibus & robustis, nec vlla aut vitæ, aut corporis conditione miseris, Deus bone quot alioqui honestæ puellæ ob inopiam sese prostituerunt? quot laqueo aut violenta morte sibi ipsis mortem consciuerunt? quot se latrocinijs ad dixerunt? quot Deum abnegarunt, quot sese denique æternum perdiderunt egestatis & afflictionum impatientes? Viderunt quidem quotidie certatim offerentes sacerdotes frustulum panis in ecclesijs, eleuantisque illud supra caput, audieruntque Dominum cui offerebatur clamantem. Hoc facite, sed nemo intellexit aut voluit intelligere. Nam Dominus (ut postea latius) accipio, inquebat, hanc animi vestri erga me beneuolentiã

*Hospitalitate  
& eleemosyna  
in fide factis  
placatur Deus*

*Quid intelligē  
dū per illud fa-  
cite, uno modo*



quod significatis in hoc oblato pane vestra bona tēporalia & mea & à me esse, & vos illa ad meos vsus, meamque voluntatem velle dedicare. Sed quoniam ego omnium dominus, iam in ea gloria constitutus sum vt nō egeam cibo & potu, facite, hoc est, impartimini ea pauperibus meis & vestris confratribus egenis inter vos viuentib. Sed quid? surdis cecinit Dominus. Interea habitati sunt egregiē christiani, qui quotidie in sordida auaritia immersi tres missas audiebant. Religiosissimi erāt & sunt sacerdotes & monachi, qui suas missas & orationes aliquot lachrymis perfundebant, qui à mane ad vesperam boatu quodam vocis aerem pulsabant. At num ista sunt quæ requirit Dominus? num ista est Liturgia aut sacrificium quod instituit? Vultis de Domini carnibus manducare, & Dominus non māducabit de vestris in suis pauperibus? Petitis vt panis vester fiat caro & corpus Christi quo alatur caro christiani, & non patiemini vt vester panis cedat in alimoniam pauperis? vultis vt vestra mendicitas placeat Deo, & non potestis ferre, multo minus subleuare mendicitatem in fratre? Quid mihi hic respondebunt quotquot sunt ecclesiastici ordinis, quotquot monachi, quotquot Episcopi? Sanè patrimonia pauperum facultates ecclesiarum sunt (inquit Bernardus) & sacrilega crudelitate eis surripitur, quicquid vltra victum & vestitum sacerdotes accipiunt. Est proinde eleemosyna, sunt externa omnia misericordiæ opera, & pietatis officia, quæ frustulum illud panis Domino oblatum prætendebat. Hoc est sacrificium externum, quod à nobis exigit Dominus exterius sibi offerri, & supra caput eleuari, vt lux nostra & bona opera luceant coram hominibus, non vt sint recondita sub modio, hoc est sub mysterio panis oblata tantum. Discite (inquit Dominus) ô mortales: Misericordiam volo & non sacrificium, rem ip

sam

Facultates ecclesiarum sunt patrimonia pauperum.



sam non vmbra, panem inquam in visceribus pauperum non in altaribus. Offerre mihi sordidas illas cullas, uel etiam pelli uestre adhærentes, prætendite (vt uultis) stramina & cilicium in quibus duriter decubistis, enumerate ieiunia, uigilias, squalorem uultus. Resonent tympana in uestris catibus, aut crepitent organa. Crebri licet sint in ecclesijs suffitus & boatus, assidue candelæ & gesticulationes, nihil tamē ista me mouebunt ut uobis peccata remittam. *Quare religione delectetur Deus.* Sola est misericordia, sola eleemosyna, sola denique charitas de corde puro spectante ad gloriam Dei, & utilitatem proximi, de conscientia bona, quæ pænitet de peccato & ab ipsdē abstinet, de quæ pertinaci fide & in finem usque durante per & propter filium meum ista faciente & offerente, cuius intuitu & flectar ad misericordiam, & ad alendi uestri curam conuertar. Dic mihi ingenuè ô Lindane & quisquis es de grege Pontificio, nōne uos conscientia redarguit, quoties priuatæ Missæ meministi? quæ certe instituta uideri poterat à Diabolo, non à Deo. Instituit quidem Leo primus ante mille annos ut bis in die fieret missa, sed in die festi solemnioris & cū ecclesia esset plena populo, non cū unus tantum adesset. Verba eius hæc sunt ad Dioscorum. Illud, inquit, uolumus, ut cū festiuius aliqua solemnior conuentum populi numerosioris indixerit, & ad eam tanta multitudo conuenerit, quam recipere Basilica non possit, sacrificij oblatio indubitanter iteretur. Necesse est enim ut quædam pars populi sua deuotione frustretur, si unius tantum missæ more (nota) seruato sacrificium offerre non possint, nisi qui prima diei parte conuenerint &c. Vi de nunc mi Lindane, an fuerint priuatæ aliquæ missæ (idquæ Romæ) quingentis annis à Christo Vide quoq; an non simul populus cum ministro offerebat sacrificiū?

*Tempore Leo. cœna Domini celebrabatur in quibusdā locis mane & uespere propter multitudinem populi frequentiam.*

*Quingentis annis post Christū primū est captū celebrari duas missas in die.*



Quamquam & Augustinus narrat suo tempore etiam in die bis manē & vesperi in quibusdam locis oblatum sacrificium, sed semper posita cōditione, quōd ecclesia plena christianis id requireret accurrente nimirum populo & rusticis ē vicinis pagis. Sed quid hisce immoror? ipsa Domini verba id satis indicant. Comedite, bibite, frangite, in plurali numero. Quinimo lege Liturgias Patrum omnes omnium nationū & nullas inuenies priuatas, non vnā ignota populo, & peregrina lingua celebra-

*Cūr Deus missa tam, quæ non minus ad populum, quā ad ministrū persue cōnā suā tinnit, & quid mirum? Voluit Deus iniri societates, seruoluit esse cō-* uari fraternitates cōmunes, & conuentus celebrari institutum, vt vno ore, vna voce, vna concordia, vno charitatis

vinculo oēs coniuncti & conformes consoniq; inter se, dū alter alteri subuenit, diues cōmodat pauperi & pauper se accōmodat diuiti, dum doctior instruit imperitiorem, dum alter alteri recōciliatur, dum inquam hæc omnia foris in vna ecclesia tū mansuetudinis, tū humanitatis sacrificia obimus, & mutua prece fidei Deū pro remissione peccatorū & rebus necessarijs sollicitamus, ipse nos exaudiat & temporalia bona, cōcessis prius spiritualibus, sua benedictione multiplicet. Hæc erat olim quæ & nunc esse debet (prostrata cleri superbia) ecclesię oblatio, quæ hodie solis ceremōijs testā & adūbrata est.

*Superbia disceruit populū a sacerdotibus*

Quoniā & tæduit & puduit reuerendissimos illos patres miscere suā purpurā cum sordidis pauperū christia norū vestib. & ad infima illa sese cū populo demittere. Cæterū (vt reuertar) cū ecclesia non solo externo corpore cōstet, sed etiā spiritu siue aīa, nō postulat solū sibi tēporalia erogatis in pauperes tēporalib. sed multo magis spiritualia effusis corā altari Domini pœnitētiæ, desideriorū suorū tum votis tū lachrymis spiritualib. Neq; n. solū cupit iungi ecclesia Christo per carnē, sed magis ipsius spiritui per spiritum, quoniā is est, qui viuificat, is est



est qui incorporat, & qui inter se membra solidiora facit, & capiti Christo firmitus coherentia reddit. Ipse enim spiritus mysticæ ecclesiæ veluti quoddam est corpus inuisibile, cuius caput Christus. Vnde sicuti referentibus medicis, corpus hoc nostrum visibile quatuor principibus constat partibus siue membris, Cerebro, i. e. core, corde, & testibus: ita corpus mysticum quatuor etiam pulcherrimis elucescit virtutibus veluti membris, teste August. pietate, vnitatem, veritate, charitatē. Id quod etiam per panis analogiā designatur ex multis granis constantis, quæ sicuti in mola prius fuerunt cōminuta, deinde per ignem & aquam in formam & soliditatem panis redacta. Sic (vt ait ibidem Augustin.) & nos quando exorcizabamur, quasi molebamur: quando baptizati sumus, & spiritus sanctificationem accepimus, quasi cocti fuimus, & in mysticum panem redacti, in vnitatem fidei firmati, pietate in parentes facti rotundi, charitate Deo & proximo sapidi, deniq; veritate fidei & vitæ purioris tum odori, tum fragrantes. Hic igitur est panis qui offertur, & à Domino offerri præcipitur sine ataritiæ, dissidiorum, odij, & malitiæ fermento. De quo Paulus, Offerte corpora vestra, inquit, hostiam viuentem, placentē Deo. Proinde, ô Christiane frater, es talis? quando vides panē sacramenti, te ipsum vides. Es talis, vel quando minister eum tibi prætendit, vel tu ipse tuis manibus contrectas, es, inquam, talis foris & intus, es taliter affectus erga Deum & proximum? in pane quoq; te offerri, teq; manducari à confratribus crede, quemadmodum tu desiderij & dilectionis dēte & Christum & reliquos fratres manducas, cum quibus & vna es caro per vnus panis sanctificati esum, & anima vna per vnus spiritus sancti participationem. Quocirca si quando astans altari siue mensæ Domini, Dominum loquentem audies voce pastoris & dicentē, Accipe, manduca, hoc est cor-

*Sicuti corpus  
dus nostrum  
4. principibus  
constat partib.  
ita corpus my-  
sticum 4. mem-  
bris, ueluti par-  
tibus siue vir-  
tutibus.*

*Aduerte hæc  
Christiane Le-  
ctor.*



pus meū: verba ista de te & dici puta, & ad te pertinere certissimè crede. Christus enim (ait Augustinus de Baptis.) nos significare vult, & nos ad se pertinere volens, mysteriū pacis, vnitatis, veritatis, charitatis in sua mensa consecrauit, at quòdnam hoc est mysterium? Panis nimirum, vti diximus. Si igitur accipis hoc mysterium & sacramentum vnitatis, & sceleratus proditor in odio perseueras, dissidio aut schismate. Si mandis sacramentum pietatis, & curam non geris parentis ipse irreligiosus & ingratus. Si symbolum charitatis dentibus premis, & viscera misericordiæ aueris à pauperibus. Si denique veritatis tesseram intromittis veluti Christianus, & mendacijs detractionibusque gaudens plus quàm paganus inueniris. Si, inquam, corporis Christi imaginem & solo intellectu contemplabilē figuram admittis, & diaboli imaginē retines plenus peccatis. Non mysterium accipis pro te, sed testimoniū contra te. Non facis oblationē Deo, sed sacrificas dæmoni, non alimoniam tui sumis à Christo, sed æternæ damnationis, sed æternorum tormentorum, heu quā grauium, & iudicium & augmentū à diabolo. Ecōtrā aut si animæ nostræ dotatæ sunt aut reipsa, aut magno desiderio quasi delibutæ vnitatem, pietatem, veritatem, charitatem, audacter panē & vinum offeramus, h. e. corpus & animā nostrā æternò

offerimus pa- Abrahā & Patri nostro Deo. Verūm in quem finē dices?  
nem et vinum, Vt (respondet Hilar) nec ingrati simus, nec infructuosi.  
hoc est, corpus Ingrati enim profectò essemus, si de acceptis beneficijs  
et animā Deo, gratias nō ageremus, & digni qui eorū vlu priuaremur,  
corporalia & spiritus Ingrati certè, si cūm Dominus dedisset nobis panem ad  
spiritualia bona manducandū, & vestimentū ad vestiendum, hoc est, tot  
na proximo, corporalia & spiritualia dona, nō offerremus cū illo pio  
ne simus, & ha iacob illorū decimam pauperib. Dei nostri & Deo no-  
beamur ingra- stro. Vt igitur nec simus ingrati, nec etiam infructuosi,  
ticoram Deo. sed habentibus nobis adhuc amplius detur, quod est

Chri-



Christi beneficijs, & carne indies nutriri, offeramus panem obedientiæ scilicet, offeramus vinum fidei & charitatis nostræ, & suo tempore effundamus ea in proximum, emendicantes interim, quæ videbuntur nobis deesse ad remissionē vsq; peccatorū per & propter meritū acerbiss. passionis filij Dei & domini nostri Iesu Christi, sitq; hoc nostrum & appelletur precariū sacrificium vt propitiatorio seruemus suam & reuerentiā & dignitatem. Quod si iam in peccato extra fidē & charitatem, si, inquam, foetidum & fermētatum panem, si putre vinū illi agricolæ Deo nostro offerimus pro remissione peccatorum nostrorū, putasne impetrabimus? Si legatus aliquis stercore & sordibus intus & extra foetēs, presentaret se Regi alicui pro impetranda remissione sceleris, pro reconciliāda aliqua repub. læsæ maiestatis rea, putas qd ipse rex aut regij ministri possent eius præsentiam sustinere? minimè (dices.) Cur igitur, mi Lindane, dicitis, his mille annis ferè vos offerre corpus Christi, & facere quod Christus fecit, quasi oblatio simplicis panis aut vini demulceat Deum, & nō potius nostri requiratur, qui in pane designamur sacrificiū? Vetas ergo, inquires, offerre panem & vinum? At hoc est tantū ac si dicas, vetas celebrare cœnam? & cū videamus nos premi necessitatibus & ad iudicium trahi, vetas suscipere & emendicare patrociniū? Nō veto, nec vt omittatur consulo. Sed admoneo ne donum quod mittimus sit mutuum, sit regia maiestate indignum, sit larua, nos resipsa, sit & arbor folijs quidem vestita virentibus, sed sine fructu & sterilis. Hortor quoq; ne legatus in ipso suæ legationis præambulo, vel interioris vultus sui deformitate sit aspernabilis, vel sordibus & foetore horribilis, vel scelerum granitate damnabilis. Non igitur prohibeo, offerre signū, quod ne tanti quidem facit Deus, sed volo videre signatum. Meritò proinde Diuus Augustinus



veteris religionis verè thesaurus graphicè hanc panis & vini, qua offerentem respicit, analogiam depingens, & vos veluti simias quasdam egregiè (licet tacitè) reprehendens, sic ait lib. 5. de Ciuit. Dei. Sacrificium visibile panis & vini est sacramētum, id est sacrum signum sacrificij inuisibilis. Qui verò putant hæc visibilia sacrificia Dñs gentium potius congruere, Deo verò nostro, vtpote inuisibili, inuisibilia, & maiori maiora, melioriq; meliora, qualia sunt puræ mentis & bonæ voluntatis officia, profectò nesciunt panem & vinum altaris ita esse signa illorum, sicuti verba sonantia signa sunt rerum. Quocirca sicuti orantes atq; Deum laudantes dirigimus significantes voces ad Deum, cui res ipsas quas significamus in corde offerimus: ita sacrificantes nemini visibile sacrificium panis offerendum nouerimus quàm illi, cui in cordibus nostris nos ipsi inuisibile sacrificium esse debemus. Hactenus Augustin. Ex quo duo colligere & diligenter notare debemus. Vnū quòd tot iam seculis huius mysterij intellectus à sacerdotibus planè sublatus sit, vt apparet ex tua Panoplia mi Lindane, qui cæco quodam & intolerando in té errore, putas quòd panis qui offertur post consecrationem sit naturale corpus Christi & filius Dei, quem quoq; manibus premis, cùm potius, imò reuera sit corpus Christi mysticum. Alioqui an non habuisset Augustinus facilem ansam respondendi gentilibus dicentibus, Præstaret offerre panem Cereri, quàm omnium rerum Deo, aut æquius esset nos offerre cor nostrum, quàm vinum ei, qui nec comedit, nec visibili potu delectatur. Non habuisset, inquam, paratam hanc responsionem dicendo? Quid? putatis hæc, quæ nos videtis offerre, esse panem, esse vinum? erratis. Est ipsemet incarnatus filius Dei, quem hac quam videtis albedine tantum panis testum realiter suo Patri offerimus, & obsecro quid potest



test esse gratius Patri quàm proprius filius? Potuisset igitur hoc illis respondisse Augustin. & satisfecisset proculdubio. At longè abfuit ab ea opinione ( vt postea ostendemus ) & dicit, quòd iste panis sit signū nostri cordis, quo colimus Deum, & quod offerimus Deo. Iam quæ ne sub forma quidem siue specie panis vnquam Augustinus putauerit latere carnem formatam ( vt sic dicam ) alicuius hominis, tantū abest vt Iesu Christi, probauit & testatus est alibi contra Iudæos dicens, Nunc manibus non offerimus carnem, sed corde & ore offerimus laudem. Proinde, mi Lindane, si intelligeretis canonem vestrum, cūm dicitis, Suscipe sancte Pater hanc oblationem, &c. deinde, Iube eam perferri sursum per manus sancti Angeli tui: tantum est, ac sic diceretis. Suscipe Pater me & populum hunc, qui sumus corpus Filij tui facti in Baptismo per gratiam tui passionis ipsius, suscipe nos, inquam, qui in oblato hoc pane representamur.

Hæc igitur fuit cæcitas Ecclesiæ Romanæ, quæ si oculos aperire vellet, & ad verum redire sacrificij Christiani intellectum, idque peragere cum populo ( vt fit in reformatis Ecclesijs hodie ) vulgari & intelligibili lingua, ( vt bene meo iudicio instituerat Bonnenensis reformatio sub pio illo Archiepiscopo Coloniensi, adiuantibus & suam operam ei rei nauantibus Occolampadio, Buce-ro & Melanchthone ) non video cur tam abominabilis reputari debeat Canon ille Pontificiorum, quam clamant nonnulli magno boatu, æquè ignari antiquitatis & veritatis, ac Pontificij. Id quod bene intellexisse videtur hodie nunquam satis laudata ecclesia Anglicana, quæ ferè totum Canonem retinet, & in celebranda cœna Domini ipsam vetustatem quàm proximè æmulator præsertim in consecratione panis & vini, quæ etsi nihil faciunt ad consecrationem, explicant tamen consecrationis Christi vim : & quædam sunt veluti paraphrasıs,

*Nulla caro &  
Aualiter præ-  
sens offertur  
in pane, teste  
Augustino.*



cuius hæc sunt verba. Concede misericors pater, vt hæc creaturæ panis & vini per sanctum Spiritum & verbum sanctificata fiant nobis corpus & sanguis dilecti filij tui, qui pridie quàm pateretur, &cæt. Hæc est profectò vera & catholica consecrandi forma, & ad meum propositum, de quo hoc toto libro ago, accommodata, etiam si antea ego eam non viderim. Si igitur intelligunt aduentu verbi æterni & opera Spiritus sancti panem mutari in corpus Christi per gratiam, vt vult Epiphanius, aut in veritatem carnis Christi, vt Cyrillus, nihil potest dici aut credi verius: sed de hoc aliàs, redeo ad propositum. Alterum igitur, quod notandum dicebamus in Augustino est illud, vbi dicit, Nemini alteri offerendum visibile sacrificium quàm Deo: modò intelligamus nos debere esse Deo inuisibile sacrificium. Quasi diceret, frustra in altari proponitur panis & vinū Deo, frustra eleemosyna, ieiunium, oratio labiorum, & eiusmodi externa pietatis sanctitatisq; simulachra illi frustra offeruntur, nisi quod maximè & primùm requirit, & quo solo (vt omnia dicam) contentus est, & ea omnia ex charitate, ex vera fide, quam vera pœnitentia præcessit, offeramus. Nam nec cupit visibilia, nec affectat Deus temporalia, si desunt illa inuisibilia. Demùm frustra panis portio & vini pauxillum sursum in altari effertur, si non liberaliter & panis & vinum vitæque necessaria cum puritate cordis pauperibus erogentur.

*Præclara Cy-  
rilli sententia,  
& animo te-  
nenda.*

Hinc præclara illa vox beati Cyrilli in Iohan. lib. nono cap. 5. Cum omnis virtutis numerus in dilectione contineatur, inquit, nemo in ediam atque ieiunium, nemo quia se humi prosternat, nemo cæteris virtutum exercitationib. magnum secōsequi putet, nisi rectè fratrem diligat. Facies ergo atque imago Christi nobis insculpta, qua sui esse cognoscimur, charitas est. Hæc ille.

Audiant hæc Monachi, Canonici, & nobiles nostrę moniales



niales, in quibus vt castitatis studium magnoperè & admiror & laudo, ita parum profuturum prædico, nisi hoc totum illorum institutum charitatis seruo decoretur. At quæ charitas, relinquere suis fratribus opulentissimis alioqui sua patrimonialia, & inuadere pauperum hæreditatem? Quæ charitas offerre aut oblationi interesse vbi paucillū vini offertur Deo in altari & mendicitate effronti, aut iniqua hæreditate efferre, milles cados vini singulis annis è pauperum torculari? Hæc igitur cum sic fiunt (scalpat se qui sentit pruritus) irridetur Dominus, non illi sacrificatur. Et quid aliud, ô Pontificij præsules, quid aliud, mi Lindane, factum est à vobis plus quàm sexcentis annis (vel teste Bernardo) in priuatis vestris missis, qui diligenter quidem panem sursum extulistis, sed quis vnquam vestrū pauperem precio oblationum redemptum è carcere liberauit? Quæ lupanaria fuerunt vnquam destituta miserabilibus puellis, aut vestra priuata admonitione, aut liberalitate, ab eiusmodi sordibus ad matrimonium reuocatis? Quis cuius honestus (egens tamen) potuit à vobis accipere commodato aliquot aureos, vel proposito pignore etiam iam à sacrificio reuertentibus, & de calice Domini turgentibus? Alioqui quorsum damnabile collegium perditissimorum aut ludæorum, aut fœneratorum (vtinam non inter eos essent & Christiani) in vestris vrbibus viuere patimini, & Pontificio priuilegio munitos sepelitis, nisi vt aliquando vobiscum resurgētes, vos & à vobis excæcatum miserum populum iudicet ad æternas pœnas, & secum pertrahat. Verba me deficerent, si rem quæ hîc mihi sese offert, iusta oratione non depingēdam, sed deplorandam persequerer. Saltem audis, quòd visibile sacrificium fatetur Diuus Augustinus indignum quod offeratur maiestati Dei,

*Castitatis vortū  
laude dignum  
& admirandū,  
sed ut est diffi-  
cile, ita est uau-  
num, nisi et hu-  
militatis et cha-  
ritatis seruo de-  
coretur.*



*Magnus Pontificiorū abusus in offerendo pane.*

nisi designaret nota quadam certa cor, mentem, voluntatem, animam, & corpus offerentis Christiani, Deo scilicet vniti affectibus, & obsequijs addicti. Huc proinde aduertito mentem, hic ille est scopus erroris, hæc ignorantia est abyssus, in quam totum mundum detruistis. Voluistis simpliciter quod panis & vinum, quod insensibilis secundum potentiam creatura supra caput vestrum eleuata impetrarent, mererenturque vobis & alijs veniam peccatorum, ex ipso opere operato, & sine bono fidei motu vtentis, dixistisq; opus hoc esse propitiatorium. Nec hinc tibi subterfugij locus est, cum dicis, hoc fieri per præambulum in pane non consecrato, & respici ad mox consecrandum panem, qui erit naturale corpus Christi. Vnde magnum in hoc tuæ inscientia (parce verbis) prodis argumentum, aut Augustinus magnum protulit mendacium, qui panem & vinum in altari consecrata, signa esse dicit bonæ nostræ voluntatis & puritatis cordis, quæ Deo offeruntur: neque dicit signa esse præsentis carnis filij Dei, siue integri corporis eius & animati. Id quod certò collige, ex verbis Clementis Romani, cuius hæc sunt verba libro septimo cap. decimose p. Memores igitur eorum quæ Christus passus est pro nobis, gratias agimus & eius ordinatione implemus, qui dixit: hoc est corpus meum. Memores igitur passionis eius offerimus tibi regi & Deo, panem hunc & vinum hoc, rogamusque, vt benigne aspicere digneris super hæc dona proposita, tu qui nullo egres & complaceas tibi in ipsis in honorem Christi tui, & mittas spiritum sanctum tuum super hoc sacrificium, vt faciat hunc panem corpus Christi tui, & hunc calicem sanguinem Christi tui, vt qui eum percipiunt confirmentur in pietate & remissionem peccatorum consequantur. hæc Clemens. Et notasne lector, quod post verba consecrationis adhuc vocat panem, & cupit vt Deus eum susci-



fufcipiat etiam fi nullo egeat, in quem petit demitti fpiritum fanctum? quid ergo panis oblatus fignat nonne ecclefiam & fingulos fideles, quos orat fufcipi, vt accipiant fpiritum fanctum? Subfcribit illius fententiæ Diuus Bafilius initio Liturgiæ cum ait. Suscipe nos quaefumus Domine accedentes ad facrum tuum altare pro multitudine mifericordiæ tuæ, vt digni fimus tibi offerre hanc non carnis (nota lector) fed mentis atque fpiritus incruentam hoftiam pro noftris peccatis atque populi tui ignorantij, quam vbi ad facrum tuum atque fpirituale admiferis altare in odorem fuauitatis, in eius vicem nobis tuam fpiritus fancti gratiam mitte &c. Intelligis opinor (& mirum fi non pudore perfunderis) quod incruenta oblatio ecclefiae non fit praefens caro & realis animataque Iefu Chrifti, fed mentis cuiusque & fpiritus, cordisque contriti & humiliati, paffionem Iefu Chrifti flebiliter recolentis, & eam Deo Patri offerentis pro impetranda gratia fpiritus, & demum cum ea obtinuerit & comederit in facramento, gratias ex animo pro ea hilariter agentis? Quod fi Bafilius refpexiffet ad naturale corpus Chrifti & carnem eius, nunquam addidiffet: fufcipe hanc non carnis, fed mentis noftrae hoftiam. Deinde fi fuiffet vera caro Chrifti quam intendebat offerre, & quam manibus eleuabat, quaque à Patre fufcipi postulabat, non adieciffet, in eius vicem immitte nobis fpiritus fancti gratiam. Quam enim ridicula, aut potius blafphema fuiffet eiusmodi mutatio? fadè igitur & miferabiliter, & vtinam non dånabiliter hactenus vos ipfos & cæcum mundum feceliftis. Cum enim Chriftus feipfum, hoc eft corpus & animam obtuliffet Deo Patri in fpiritu, pane & vino repraefentatus, & iuffiffet vos potiffimum (alioqui pertinet ad omnes) facere in commemorationem fui, hoc eft memores, quod ipfe prior hoc feciffet, vos contra,

*Sacrificiũ incruentũ eccle. & uerũ quodnam fit.*

*Chriftus qui repraefentabatur per panẽ et uinum in ultima coena, obtulit fe Deo Patri ad mortẽ, & fufionẽ fanguis*



*nis obedientiq;  
sacrificio sui ip-  
sius nobis reli-  
quit exēplū ut  
in cœna Domi-  
ni sic spirituali-  
ter nos totos  
offeramus Deo  
ad omnē eius  
uoluntatē per-  
ficiendā, et hoc  
est sacrificium  
uerū & Chri-  
stianorum pro-  
priū.*

non vos ipsos, sed ipsum rursus offerre vultis? Veluti si quis pro te vapulasset, & iubet vt se imiteris, hoc est, vt vapules reciproco officio pietatis pro se, tu contra tantum abest vt non ipse vapules, vt eum qui pro te tot flagra sustinuit, ad flagra rursus pertrahas? Cur non & simili ratione Christum denuo è cœlo euocas lauaturum tibi pedes, quia cū Apostolis semel hoc fecisset, dixit: Exemplum dedi vobis vt quemadmodum ego feci, sic & vos faciatis? Egregia certè ratio, & subtiliter intellecta à vobis scriptura. Christus volens obedire voluntati Patris, implereq; eius iustitiam pro nostra salute, accepto pane & vino quibus ipse verus Melchisedech, verus sacerdos, & solus Pontifex designabatur, obtulit se patri quasi dicens, se paratum esse ad perferendam mortem atrocissimam, ad sanguinem quoque fundendum & ponendam animam, ne homo quem aliquando considerat, in æternum periret. Hoc te imprimis ô Pontificie Præsul iubet imitari, hoc est te ipsum sic exponere Deo ad eius voluntatem. Tu proinde iam factus Episcopus & pastor, & vocatus vt offeras, spiritualiter tamen (licet pane & vino representatus) & si res exposcet in veritate quoq; te ipsum pro tua cui præsidet ecclesia, pro iustitia, pro charitate, tu substitues Christum? Rursus delegit te pater cœlestis, vt mortem oppetas pro salute ouium tuarum, tu Tigride truculentior pro teipso substitues Christum bis ad mortem? quod quanquam horreo dicere, & nequeo præ lachrymis videre, non possum tamē non præ pietate redarguere. Iterum Christus pro toto populo orat cum lachrymis prostratus in faciem & iubet, vt se imiteris, tu eius vt dicis successor in sacerdotiū totum diem impendis, totam noctem in abominandis lasciujs? Christus exiit omnia quæ habet, & nudus multis flagris cæsus innocens humiliat se coram iudice, suscipit pondus crucis, vndique cruentato & spinis con-

*Forma & ratio offerendi sui ipsius Deo à Christo petenda*

con-



confosso capite pedes ascendit montem, extenditur tandem miris cruciatibus, & ad longitudinem crucis aptatur, tandem & moritur. Audi nunc eum clamantem, audiatur & eum per te vniuersus populus, quos etiam alloquitur. Hoc facite vos reges pro salute populi si opus est, facite hoc Magistratus pro commodo reipublicæ, si res & Deus exigit. Imitamini & hoc præ omnibus vos Episcopi mihi in terris in his & talibus successores, & similia patimini constanter pro gloria Dei, pro incolumitate gregis, quoties sese obtulerit vrgens occasio, idque in meam commemorationem, hoc est, memores, quod sic obedijs Deo Patri, sic ego prior Deus & homo pro vobis passus sum, vobis relinquens exemplum vt sequamini vestigia mea. Attende nunc mi Lindane cum tuis Cyprianum, quem tam libenter adducis dicentem : Quod ille demum uerè Christi uice fungitur, qui quod fecit imitatur. Tu igitur ipse es mi Lindane & quisquis ille est è populo, qui tecum sacrificat, qui hic quæreris imitator. Cur tot crucibus signas panem, cur eum in tot partes diffecas, cur ueluti in crucem supra caput eleuas, si tu qui his ceremonijs designaris, hæres in uoluptatum & deliciarum ualle miserabilis Episcopus? Si securus in amplis palatijs degis & integer saluis omnibus fortunæ bonis, quæ debebas pro populi salute exposuisse? si incedis caput mytra redimitus, quod omni moda rerum diuinarum cognitione perfusum ad erudiendum populum foràs diuinum liquorem stillare debebat? Si adornata & auro decorata mula sedēdo lassus obequitas, qui sollicitus de salute populi, per uicos, per plateas, per pagos, uel pedes discurrere debebas, quò errantem ouiculam ad Domini caulem retraheres? Quorsum obsecro insensibilem creaturam panis in calicem liquore uini obruendum demittis, si tu non in precioso Christi sanguine & corde contritus ueluti à mola, &



fide firmus veluti pistus, & charitate calens veluti coctus, omnes huius corporis tui voluptates, omnes prauas animi concupiscentias, auaritiam, ambitionem, superbiam, crudelitatem semel & in perpetuum coram populo ad imitationem demergas? Siquidem (inquit Augustinus lib. Sent. Prosp.) ipsa carnis immolatio, quæ per panem designatur, fitq; per manus sacerdotis, vocatur passio, mors, resurrectio, non in rei veritate, sed significante mysterio. Audis mysterium. Quódnam illud est obsecro? nonne tu, & quisquis tecum offert, qui idem debes esse offerens ipse, & oblatio, cum id antea fuerit Christus? Nam eius rei mysterium (ait Augustin. lib. de Ciuitate Dei) quotidianum voluit esse Ecclesiæ sacrificium, cum ipsius corporis ipse sit caput, & ipsius capit ecclesia sit corpus, tam ipse per ipsam, quam ipsa per ipsum suetus offerri. Audísne Augustinum? Et quódnam est mysterium siue sacramentum, quod voluit Dominus continuum esse ecclesiæ sacrificium, nonne panis & vini, quæ quotidie per verbum Dei sanctificata, à fidelibus in ecclesia & offeruntur & sumuntur? sed quæ designant illa sic oblata Deo Patri, nonne ecclesiam & quoslibet ecclesiæ fideles, qui in immolandis seipsis, in sacrificandis & mortificandis carnibus veteris Adami Christum imitantur, qui peccati gessit similitudinem, & quomodo illud mortificari deberet vita & moribus nobis ostendit? Cæterum quis est aut esse debet primus sanctissimus, & virtutum operumque Christi maximus æmulus, nonne Episcopus & quilibet pastor, qui ob hoc offert, hoc est orat pro populo per meritum Christi, & mortem eius propter quam audiat, quoniam multum valet deprecatio iusti assidua? Vnde Cyprianus tracta. de Coena. Sacerdos, inquit, pius & deuotus, quæ spiritus sanctus excitat, contritum & poenitentem reddit, eleuatione manuum suarum crucis mysterium re-

præsen-

*Christus nos  
offert in sua  
carne sursū in  
cælo, nos debe-  
mus hic deor-  
sū offerre Chri-  
stū Deo patri  
in nostro cor-  
pore.*

*Christianus o-  
mnis debet esse  
offerens simul  
et ipsa obla-  
tio.*



præsentans, confidenter orat pro sua & populi ignorantia. Vides ergo mi Lindane, quomodo debeas offerre teipsum cum populo, indutus nouum hominem virtutum, exutus veterem Adamum vitiorum? Non enim satis est quod corpus Christi offeras in signo, nisi sis & corpus Christi in signato. Sic igitur te decet offerre corpus & animam Deo, bona temporalia & spiritualia ad eius gloriam semper destinata & seruitura, quæ ex sola Dei liberalitate agnoscis te accepisse, vt vel ea repetat (si volet) collaturus in egenos, vel illa eadē tibi augeat & conseruet pro suo arbitratu, gratias illi semper agens & laudis sacrificio Deum honorificans, vt verē dicas cū eo quem tu te imitari fingis sed per signa tantum, Iesu Christo: Attamen Pater non sicut ego volo, sed sicut tu vis. Sic profecto fies & tu & populus, qui tecum sacrificat, verus offerens. At tunc eris demum & ipsa oblatio, si Dominus paupertate & inopia premat tuū gregem, tu venditis omnibus tuis bonis illi ex charitate succurras. Si videas eos arescentes ex defectu veri verbi Dei, tu noctes & dies hilari & paterno suscepto labore illos pascas & priuatim & publice, ipse Dei & tuarum legum seuerus custos. Si peccauit populus, tu oblato passionis Christi sacrificio indefessis lachrymis & tibi & illi poenitenti impetres veniam propter Christum, non propter teipsum. Si cæci sunt, si aberrant ducti falsa imagine veritatis, tu illis teipsum in Christo & vitæ & doctrinæ perpetuum exemplar exhibeas, vt cum Paulo aliqua saltem ex parte dicere queas: Imitatores mei estote, sicut & ego Iesu Christi. Denique (vt finem faciam) si Dominus te pro vtilitate gregis, pro eius salute uel exposcat ad mortem, uel ducat ad opprobrium, diccas constanter; Domine si ea est tua voluntas, si adhuc vel in uita, vel in morte possum prodesse gregi, uel tuū illi impetrare fauorem propter vnigenitum filium tuū

*offerunt quidē et debēt offerre sacrificiū hoc modo, sed tribuitur officiū potissimū ministro, quia is præit alios ut ministerij uirtute, ita et sanctitate.*



cuius hic (licet indignus) subeo vices, libens expono vitam. Pluris enim mihi est vnus ouiculæ meæ mihi abs te & meæ sollicitudini commissæ salus, quā quidquid illud est, quod vel mundus fallaciter offert, vel Diabolus latenter suggerit, vel caro suis blandimentis speciosa promittit. Scio non potero excōmunicare Regem, non ducem, non comitem, non ciuem hunc præpotentem ob fornicationem publicam, ob latrocinia, ob fœda alia scelera quibus vel scandalizant ouiculas meas, vel opprimunt importabili & iniquo iugo, scio inquam non potero illi tyrannidi aut scandalo occurrere, nec priuatis admonitionibus primū, nec tandem publicis censuris citra vitæ meæ periculum, sed quid? quia tu iubes, obtemperabo, & tibi volens immolabo mei ipsius hostiam ad mortem vsque. Scio alioqui (vt monet tuus ille Cyprianus lib. Epistola. 2.) actum esse de ecclesia, si pastores pertimescant incursum perditorum, inquit, & non repugnēt ad mortem. Hæc igitur est mi Lindane offerendi panis ratio, hoc reconditum est in pane mysterium. Hoc est inuolucrum ænigmatum (vt ait Iacob. in sua liturgia) quæ symbolicè hoc sacro sacrificio circundantur. A cuius tamen intellectu tam longè abes in tua Panoplia (vide quàm procul reliqui sacrificuli in taberna) quam cœlum abest à terra. Putas quippe quòd qui aufert à missa hanc externam eleuationem panis, hanc in vinum eiusdem submersionem, hanc trepidantem panis abimo ad summum nescio quam deductionem variamq; illius fractionem & eiusmodi, sit antichristus, quoniam tibi videtur iuge tollere sacrificium. At longè aberras. Audi Cyprianum lib. 2. episto. episto. 3. Vtique ille sacerdos (qualis est omnis populus licet de ministro tanquam præfecto potius dicatur, sic dicitur Cæsar vicisse cū tamen fuerint milites. Ita minister dicitur Deū pacasse, aut impetrasse, cū hoc

*Actū est de eccle. si pastores pertimescant incursum perditorū & non repugnēt ad mortē eos excōmunicando ubi opus est & cōuenit.*

*forſitan*



forſitan fecerint potius oblatio & preces religioſæ plebis) verè Chriſti vice fungitur, qui id quod fecit Chriſtus & dixit imitatur. Nota imitatur, in opere ſcilicet non in ſigno tantum, in veritate, non in ſola imagine. Deinde ſubiſcit. Et ſacrificium tum offert plenum Deo in eccleſia, ſi ſic incipiat offerre, ſecundum quod Chriſtum videt obtuliſſe. Hæc quidē Cypria. & vos viſi eſtis bene functi ſacerdotio, quando panē & vinum ſed aqua mixtū (quod non fieri neceſſario & Thomas veſter, & Beſſario, immò quod plus eſt ipſe Paulus qui id ſe accepiſſe à Domino affirmat, nobis perſuadet) ſurſū ſupra caput eleuātes (quod nulla græcorū liturgia facit, nec ſcriptura aperte docet) & Deo Patri offerentes dixiſtis. Suſcipe ſancte Pater hæc oblationē &c. At parū adnotaſtis quod in Cypriano mox ſequitur aureis profeſſo literis mandandū. Cæterū, inquit, omnis religionis & veritatis diſciplina ſubuertitur (nota lector) niſi id quod ſpiritualiter præcipitur, fideliter reſeruetur. Audi igitur mi Lindane, audiant qui à Deo reuocādi ſunt Pontificij ſacerdotes, & cant nunc, & extollant miſſam ſuā cæremonia lē, quæ certè in cauſa hætenus fuit, cur omnis & religionis & veritatis doctrina ſubuerſa ſit, cū cæremonijs quas nō inſtituit Deus totū tributū eſt, ſpirituali operi quod tam ſeueriter exigit, nihil. Non igitur aufert iuge ſacrificium qui lanceola nō pungit panē ad latera, designans loca, in quibus Chriſtus fuerit vulneratus, ut faciebāt pseudoliturgia Chryſoſtomi, non tamen Iacobi. Qui pani non imprimi imaginem crucifixi, quod Romani faciunt, non Græci. Deniq; cœnæ Dominicæ decorū nō cōtaminat, qui Chriſti ſola inſtitutione cōtentus, inſinitis laruis cæremoniarum populum ad ſtuporem non adducit, ſed qui populum arcet ab intellectu, à celebratione myſterij, ipſe eius ignarus. Qui Deum vult placare pane, qui deberet id facere fide. Et qui naturale

*Aurea Cypriani ſententia diligenter notanda.*



*Quæ animalia  
debent occidi  
in sacrificio  
Christianorū.*

corpus Christi dicit se offerre Deo Patri, ipse interim offert suū proprium corpus (Dei instituta aut innouando, aut omittendo) Diabolo. Internus est igitur lupus vestræ ambitionis & nostræ, quē Dominus vult occidi ad altare cordis, vt humilitatis agnus, qui è veræ pœnitentiæ vepribus erūpet, substituatur. Latens est luxuriæ hircus, quē vult perimi, vt castitatis colūba postmodū immoletur. Lasciui sunt vituli prauarū concupiscentiarū, deniq; mortiferi illi serpentes vitiorū, quib. ad Petram Christū allisis, & per verā charitatem interēptis, si filiolā tuā hoc est animā licet malē à Dæmonio vexatā Patri Deo per Saluatorem omniū Iesum Christū verecundus offeras. Si tibi, si populo peccati indulgentiam exposcas tremebundus, Si Leprā aut tuam, aut tui gregis etiā manus tecū ad Dominum extendentis cupis elui precioso sanguine Iesu Christi, si inquam sic te, si sic ecclesiam offers (cuius & panis est symbolū & tu personā repræsentas) pro militanti orans, pro triumphanti gratias agens, paucisque (si velis) fideles defunctos Deo commendans, parum refert si panem visibilem supra humeros & caput non effers. Si sic cordis circumcisionē celebras, prauas concupiscentias rescindens, nulla iactura est, si nouacula panem non refeces. Si sic te & Gedeonis lampades frangis, ipse intus fidei, & foris operum lumine fulgens, nihil iacturæ est si inter celebrandum candelam non accendis. Cæterū si vt Dominicæ institutioni satisfacias, si ut tum signo, pane scilicet & vino super altare positis & Deo oblati, tū re signata respōdeas tu cum populo diligenter in mysterij negotijs initiato & instructo, sic ad oblationē accingeris, implesti q̄ præcepit Dominus. Iam sacrificium plenum obtulisti Deo. At si in signo tantum hæres, si in ceremonijs qualicūq; sine ad hoc institutis persistis tantū, derisisti Dominū qui aliquādo in interitu tuo ridebit, cū is cui immolasti

Dia-

*In cœna Domini  
minister debet  
pro militā  
ti orare eccle-  
pro triūphātī  
gratias agere  
& paucis fide-  
les animas de-  
functorū Deo  
cōmendare.*



Diabolus, de tui sacrificij & corporis tui carnib. vescetur nunquam satiandus. Petes forsitan, Ergo reijcis omnes cæremonias Missæ? Quid me interrogas? audi Dominum. Veri, inquit, adoratores adorabunt Patrem in spiritu & veritate. Si spiritum requirit, cur illi proponis corporalia & visibilia? si veritatem, quorsum illi obtrudis umbras? Voluit quidem panem & vinum sibi offerri in usus pauperum & suorum ministrorum, pupillorum, & viduarum, sed in puritate cordis & conscientiæ, ut tibi in eodem pane ex mera sua liberalitate admirandum suæ diuinitatis recondere nutrimentum, quod fide manducares, & de plenitudine sanguinis, qui de latere suo quondam pro te effusus est, inuisibile suæ charitatis & ad peccatorum tuorum remissionem generosissimum Spiritus sancti merum in tuum sinum effunderet, quod animi gratitudine susciperes. Quod igitur præcipit, observa, quodque visibiliter tibi offert Dominus, singulari cum reuerentia & manu suscipe, & ori admoue. At quod secretius tibi recondit, purificatis intus cordis & conscientiæ tuæ vasculis rore fidei & igne charitatis humiliter excipe, sic spiritualis alimoniam & gustu frui, & præsentia lætare. Proinde non facile pluribus cæremoniis te oneres, ut tandem omni te scrupulositate liberes & vanitate. Discipulis Christi (inquit Origenes in Mat.) satis debet esse vnica tunica, & hæc interior, videlicet spiritualis sacrificij munus (quo intelligitur quicquid à Domino præceptum est, quod spiritu dilectionis impelente observamus) cur tu obsecro tot cæremoniarum superfluarum tunicas assumeres? Sed redeamus ad propositum. Sicuti panis ex multis granis in vnum coalescens, vnitatis figuram præ se fert, ita idem oblatus, ecclesiam Dei quæ vna est, repræsentat. Proinde cum illa sit corpus Christi mysticum, non naturale, illa offertur ut suscipiatur, non istud: pro illa oratur, non pro isto.

*Cæremonias non requirit Dominus.*

*Quicquid præcipit Deus, & quod spiritu dilectionis observamus, vocatur & est Deo sacrificium, siue cultus spiritualis.*



*Sancti & fide-  
les sunt qui of-  
feruntur in pa-  
ne & uino.*

*Notāda aurea  
sententia Na-  
zianzeni.*

Vnde Augustinus 22. de Ciuitat. Dei, cap 10. Ipsum, inquit, nostrum sacrificium, quod Deo offerimus singuli, corpus Christi est, quod non offertur sanctis, quoniam sancti hoc ipsum sunt. Animaduertis lector, quod corpora fidelium, hoc est fideles ipsi sunt sacrificium quod Deo singuli offerimus, & quod minister prætento pane iuxta citatam à nobis analogiam offert Deo, hoc est precibus suis commendat cum vniuersa plebe respondente Amen. Nónne hoc est quod Paulus tam sollicitè dicit, Offerte, fratres, corpora vestra hostiam viuentem, placentem Deo? Hoc est igitur sacrificium corporum nostrorum, cōtriti & humiliati cordis nostri, quod Deo offerimus & offerre debemus semper quidē & in omni loco, sed potissimū aut ante susceptionē Eucharistiæ cū appetimus verē poenitentiaē stomacho spiritū sanctificationis, aut cū post susceptionē sacramenti intus possidemus Spiritum Sanctum, & nos sanctificantem. Spiritu enim in nobis habitante, non fiunt quidē spiritus corpora nostra, sed fiunt spiritualia. Sic quando offerimus illa Deo omnipotenti ad perpetuæ obedientiæ sacrificium verē spirituales, sanctas, & rationales, Deoq; placentes hostias immolamus, quæ tū panis oblati ad altare, imago tantū est (si visibile spectes) à cuius oblatione si quando impedimur, quæ est irrationalis, creaturā tamen rationalē, h. e. nos ipsos offerentes semper & quocunq; loco exaudimur. Propter quod securus dicebat Sanctus ille Episcopus Gregor. Nazianz. Esto, inquit, pellant me ab altaribus. At ego noui aliud altare, cuius ea omnia quæ nunc videntur exemplaria tantū sunt & imagines, non ascia (nota, quod altaria tunc ascia construebantur & parabantur, & vult dicere quod fuerit mensa) elaboratum. Mentis opus est & contemplationis ascensus. Ibi astabo, & accepta offeram sacrificia & holocausta, quæ tanto præstātiora sunt, quàm



ea quæ nunc aguntur, quanto veritas porior est quam umbra. Hæc ille: in quo, amice lector, non notas quod dicit, panis oblationem esse umbram & mentis tuæ & corporis Christi, cuius mortem & passionis memoriam pro tui reconciliatione offers Deo patri. Iam ut reuertamur ad propositum, cum tota veri sacrificij vis consistat in oblatione humiliati & contriti cordis coram Deo, postulantis ut suscipiamur in gratiam propter unigenitum suum filium Iesum Christum, propterea ut nos ipsos excitemus ad poenitentiam & efficacius & salubrius, necesse est nos passionem Iesu Christi, causam item & finem spiritualiter & assidue veluti ungulam findentia pecora ruminare. Proinde hortor omnes, ut in passionis historiam diligenti meditatione incumbant, discantque; trahere literam ad spiritum. Ut, verbi gratia, dum horret ad Iudæ prodicionem, suas etiam fallacias, imposturas, detractionem, inuidiam, auaritiam detestentur, dum Christi admirantur humilitatem, qua se deijcit ante pedes Apostolorum, suam & agnoscant & damnent superbiam, suum fastum, aliorum contemptum, dum ad eius castitatem, sobrietatem, patientiam, charitatem, sapientiam obstupescunt, discant in seipsis damnare contraria, & à Christo expetere similia. Sic quippe oportet prius comedere spiritualiter Christum & Christi carnem, quæ est in cælo, quam possimus degustare eam ad salutem, quæ est in sacramento. Quicquid enim sursum Domini mensæ in spiritu assidentes desideramus, id in sacramento verè & realiter manducamus. At uti nemo est tam efferus, opinor, qui Christi carnem & corporis illius dotes spiritualiter suscipiens, vellet carnem illam in os, deinde in stomachum demittere, sed illi sufficeret in similem, & natura eandem carnem posse transformari, ita non arbitror quenquam in posterum tam immaniter requisiturum carnem illam Christi gloriosam in sacramento. Placet igitur (ut

*In meditanda  
passione Christi  
oportet trahere  
literam ad  
spiritum.*

*Prius comedenda caro Christi,  
quæ in cælo  
est quam possimus  
ad animæ  
salutem eam  
degustare, quæ  
est in sacramento.*



*Airū est quod  
Christiani pri-  
uatum non orāt  
frequenter in  
Ecclesia, imō  
quod serē apud  
Euangelicos  
Ecclesie per to-  
tum diem sunt  
elause.*

redeam) quorundam Euangelicorum vsitata orandi in celebranda Domini cœna & consuetudo, & forma, sed non ad modū placet (cum venia dico) quòd nullum ferè dant tempus priuatæ meditationi passionis, priuatis in Ecclesia orationibus. Deinde quòd non vultu magis demisso discāt procumbere in genua, quoties maiestatem diuinam precibus cōmunibus sollicitant, inuisibili, ineffabiliq; modo præsenti in Eucharistia. Cui quoniam nos agnoscimus in sanctificatis toties deliquisse, agnum illum Iesum Christū & eius passionem cum sacrificio nostri cōtriti cordis & humiliati per fidem offerimus, inquit Rabanus. Et hoc est spirituale siue mentale sacrificium, quod per panem designatur, qui aliquando ab Augustino visibile sacrificium & horrendum vocatur. De quo loquitur Paulus ad Romanos 15. Vt fiat, inquit, oblatio gentium sanctificata per Spiritum sanctum. Siue enim de gentibus intelligas, quæ post Baptismum susceptum sese quotidie offerūt per fidem Deo, in laudis & obedientiæ sacrificium, siue de pane Eucharistiæ accipias, qui & corporis Christi mystici, & passionis eius sacramentum est oblatione celebri in Ecclesia & participatione, idem innuit Paulus. Nam & panis in altari per mysticam benedictionem sanctificatus, fideles sanctificat, facitque eos hostiam sanctam & placentem Deo, quam non solum in altari oblato pane, sed vbiq; locorum eleuato ad Deum corde offerunt Deo. Offerunt ergo Christiani ante communionem corpus suum imbellē, languidum, semimortuum, & accipiunt viuificum & robustum. Offerunt & confitentur suam impietatem & iniusticiam pœnitentes per Christū pœnitentium aduocatū, & sanctitatis iusticiæq; impetrant gratiam propter Christū. Quando nimirum Dominus hostiam illorū pacatus suscipiens, & per angelos in sublime sui altaris efferens, benedicit & frangens cuique por-

*Eucharistia of-  
fertur & in  
templo et ubiq;  
locorum quo-  
modo.*



portionem iuxta fidei veluti appetitus, & modum, & mensuram, dicit, Manducate & bibite. Sic fit vt esurientes ante coenam Domini offerant precariū sacrificium, post coenā (saturati) Eucharisticā & gratiarum actionis immolent hostiam, seipsos nimirum. Et hoc totū nobis meretur Christi passio, quæ est iusticia nostra, sanctificatio nostra, propitiatorium pro nobis sacrificium, cuius propterea & in altari, & vbique offerimus memoriam Deo Patri, quæ vt non est in pane, ita per panis fractionem & eleuationem significante quodam mysterio designatur. Offerimus ergo panem, & offerimur in pane, sed frustra, nisi & hoc fiat in corde. Suscipimur quoque à Patre, non simpliciter nostri doloris, nostræ poenitentiae, nostrorum faccorum, & cineris, non nostræ iustitiæ merito, sed respectu Christi dilecti filij sui, quem illi humiles pro patrono humani generis vnico, fide & charitate prætendimus, intuitu passionis eius & acerbissimæ mortis, quam illi commemorando veluti reficamus, cui soli debemus ( si quod obtinemus ) reconciliationis beneficium, non nostro operi operato, vt damnabiliter hætenus docuerunt Pontificij. Nihil igitur hîc habemus in manibus ( si sacrificium spectes ) præter panem, aut ( si cum prædicto Nazianzeno audeo loqui ) præter ymbra, intus in anima & altare est, & vera oblatio, quin & ipse offerens. Est enim ibi cor poenitens & contritum, prætendens suam inopiam solo pane lacrymarum: & vt aspiciat, vt subueniat, vt morbo medeatur, ostendens Deo Patri filij sui passiones, preces, & effusas pro peccatoribus lacrymas, quas pro propitiatorio offert sacrificio, & quibus se posse reddere Deum sibi propitium indubitanter sperat poenitentis Oratio. Hinc Diuus Cyprianus libro secundo Epistola quinta. Et quia (inquit) passionis Christi in omnibus sacrificijs memoriam facimus, Passio Christi est sa-

*Ante manducationem sacramenti offertur sacrificium precarium, post eucharisticum*

*Panis fractio designat passionem Iesu Christi.*



*Propitiatoriū  
sacrificiū Chri-  
stianorum est  
passio Christi  
pœnitenti cor-  
deet fideli deo  
oblata.*

crificium quod offerimus in pane & vino. Idem dicit & Cyrillus in Epistola contra Nestorium. Annunciantes (inquit) eam, quæ secundum carnem, mortem unigeniti filij Dei Iesu Christi, & ex mortuis resurrectionem, inque cœlos ascensionem confitentes, in cruentum perficimus in Ecclesijs sacrificium. Hæc ille, ex quo percipis, quod non simpliciter ipse Christus, sed Christi passio, mors, resurrectio memoratur. Consentit huic sententiæ Euseb. quem Lindanus pro se, interim reuera contra se adducit, dicens. Mirabilem victimam Christus pro nostra salute obtulit, & eius rei memoriā vt Deo pro sacrificio offerremus instituit. Audis memoriam rei non rem? Vnde etiam Augustin. de Fide ad Pet. Christus, ait, sese obtulit hostiam Deo, cui sacrificiū panis & vini offerre non cessat, sed in hoc sacrificio cōmemoratio est carnis, quam pro nobis obtulit, & sanguinis quem pro nobis effudit, &c. Vides iterū, si nolis volens cæcutire, mi Lindane, q̄ nō offertur à nobis in coena siue missa (si voles) corpus illud Christi, quod in cœlo est gloriosū, vt à patre suscipiatur, sed vel memoriā passionis illius, vel corpus quod ascendens reliquit in terra, quod est Ecclesia nimirū & quilibet fidelis, qui eiusdem naturæ carnē obtinuit cū Christo in Bapt. & quā quotidie nutrit per sacramentum. Id totum quod dicimus pulcherrimè indicat Aug. sequentib. verbis in Psal. 49. Non potest, inquit, ritè offerri, nisi per sacerdotē iustum & sanctū. Item nisi ab eis accipiatur quod offertur pro quibus offertur. Hic paululum sistendum est Lector. Si non potest offerri nisi per sacerdotē iustum, & Bernardus dicit, q̄ sacrilega crudelitate surripitur pauperibus, quicquid sacerdotes præter victū & vestitum accipiunt, & certum est illos retinere ingentes diuitias, dominia, & terras, esurientibus egregiè pauperibus, ergo omnes abbates, episcopi, diaconi, archidiaconi, cardinales, canonici

*Nota Lector  
hæc sequentia  
August. uerba*



nonici sunt sacrilegi, aut mentitur Diuus Bernardus & Augustinus, & vtinam officiosè mentiantur (Deus ita me amet vel vnus mei brachij iactura.) Si igitur sunt sacrilegi, sunt infames, proinde non tantùm non possunt offerre, sed peccato contaminant etiam eos (vt diximus ex Cypriano) quicunque illorum oblationi assistunt, etiam si nihil esset amplius, quod in illis reprehendas. Pergamus in Augustino. Nisi, inquit, ab ijs accipiat quod offertur pro quibus offertur. Quibus verbis notat abusum, quem etiam ferre non poterat Chrysostomus, quod aliquis assistat offerenti ministro, hoc est pro vniuersa ecclesia oranti inter celebrandam coenam Domini, & non simul communicat. Quid, inquit Chrysostomus, ô proterue, es indignus qui communices nobiscum? indignus etiam es, qui nobiscum ores. Sed de hoc aliàs, audiamus Augustin. Nisi suscipiatur id quod offertur ab ijs pro quibus offertur. Vbi es nunc, mi Lindane cum tuis, peccat (ait Aug.) nisi accipiat id quod offertur, quid obsecro offertur? nõne panis & vinũ? Cur igitur non distribuitis panem & vinum? Cur tu, ô Christiane miles, pateris hoc tibi præripi? Sed dicis. Ducerent me ad patibulum, si hoc ego pertinacius ab ijs peterem. Verùm quid terreris petendo, quin potius sanguinem bibis moriendo, non tamen in pugna brachiorum (nisi gladium habes à Domino) sed in patientia animorũ. Quòd si imbecillior es quàm qui tale pondus crucis sustinere possis, præstat tibi leuiorem & à Domino concessam imponere sarcinam fugiendo, quàm angelis Dei propinantibus tibi calicem de latere Domini, facere scandalum aut recusando aut dissimulando. Cæterũ hinc excipio charitatem, quæ nihil agit perperã. Audiamus iterum Aug. Sed quid, inquit, tam congruenter ab hominibus sumeretur quod offerretur pro eis, quàm humana caro, & quid tam aptũ huic immolationi quàm caro morta-

*Qui astat communioni & nõ communicat, de contemptor est*

*Nulli privato pugnandum est pro religione, sed aut patienter moriendum aut cautè fugiendum, nisi charitas, quæ nihil agit perperam, aliud suadeat.*



lis:& quid tam mundum pro mundandis vitijs mortali-  
 um quam sine vlla contagione caro nata in vtero ex  
 vtero virginali. Et quid tam grate offerri & suscipi pos-  
 set, quam caro sacrificij nostri caro effecta sacerdotis  
 nostri. Hæc Augustinus. Huc igitur huc Pontificij, pro-  
 uocaris ad patres, audite hunc beatissimum Patrem.  
 Primum quodd in fine dicit, Quid tam grate offerri &  
 suscipi posset, quam caro Christiani, corpus effecta Chri-  
 sti? Hic detegitur infandus vester error, hic controuer-  
 siæ nodus est. Nam (vti diximus) offertur primum cor-  
 pus & caro singulorum Christianorum, hoc est, Eccle-  
 sia militans Deo in precibus communicantium com-  
 mendatur, quod etiam bene obseruant Euangelici, &  
 in pane id quadam analogia fieri non negant. Hoc igi-  
 tur (vt ad rem) est primum sacrificium à Paulo institu-  
 tum, & Deo initio nostræ Liturgiæ humiliter propo-  
 nendum omnibus Christianis & iuge & proprium in  
 hac vita continuis lacrymis frequentandum. Quem-  
 admodum enim corpora infantium, quæ ob continuam  
 diffilationem tendunt ad interitum, continuam à pa-  
 rentibus postulant reparationem per cibum. Sic no-  
 stra quoque anima, quia continuis defectibus & pecca-  
 tis leuioribus, interdum & grauioribus tendit alioqui  
 ad mortem, continua sui immolatione cupit instaura-  
 tionem sui, & peccatorum remissionem suspirijs iugi-  
 bus, & assiduis fletibus: vnde dicitur. Eleuatio manuum  
 mearum sacrificium vespertinum, quod scilicet in hac  
 mundi vespera continuum offero pro impetranda mi-  
 sericordia. Hæc igitur est caro nostra, & (vt Augustinus)  
 caro effecta Christi, quæ offertur, sed (quod notandum)  
 vt suscipiatur, vt mundetur, vt nutriatur, non vt per &  
 propter eam reconcilietur Deo homo ipse peccator,  
 quod à vobis dicitur, mi Lindane, quando illius super-  
 erogationis opera à vestris Minoritis magno precio  
 fa-

*Sacrificium ec-  
 clesie perpe-  
 tuum est caro  
 Christianorū,  
 facta caro Chri-  
 sti, quæ offer-  
 tur Deo, nō ut*



fatuis illis virginibus venalia exponuntur. Vt igitur hæc caro nostra effecta caro Christi sed peccati maculis interdum foedata & foetens aliqui, suscipiatur à Patre, adiungimus illi veluti preciosum lapidem in annulo plumbeo memoriam sacrificij filij sui, recordationem carnis Iesu Christi, sed (vt disertè August.) ad huc mortalis in cruce, adhuc palantis & distentæ & iam animæ agentis, iustitiæq; pro nobis miseris peccatorib. & omnnes obedientiæ numeros explentis. Quo spectaculo Pater Deus ad misericordiam conuersus nos suscipiat; & spirituali benedictione facundet; sollicitante etiam pro nobis Pontifice Iesu Christo Patri ad dexteram assidente, id est (teste August. de fid. & symb. cap. 7.) in summa beatitudine existente, & iudiciariam potestatem habente. Verùm dic obsecro mi Lindane, quid hic habet sacerdos amplius præ populo, quo præ illo sese magis effe-  
per eā Deus reconcilietur, sed ut emundetur ut nutriatur: sed quomodo hoc impetrent prædēdo carnē Christi in cruce pendētem pro se.

ferat nōne ambo mendicant? Nōne sicut hic dicit: Ora pro me Pater & Dei minister: ita ille ad populum conuersus precatur. Orate pro me fratres & sorores, ut meum pariter & uestrum sit Deo acceptū sacrificium, licet hodie nemo intelligat? Scio uter plus impetrat, nimirum sanctior, fide eminentior, charitate feruentior, bonorum operū mercimonia instructior, qua in re olim certè sacerdotes ferè populo præcellebant. Quando nimirum Deum reueriti ueri Episcopi tales tantum præsidere altaribus & sacramenta distribuere populo patiebantur, qui & à populo essent electi ob uitæ innocentiam & à clero approbati ob morum candorem, eruditionem, & rerum sacrarum peritiā, fidei constantiā ob continentiam, pietatem, sobrietatem. Id quod si in vsum renocaremus, iam nec talium sacerdotum copia noceret. Modò certis suis diebus sibi inuicem succederent altaribus oraturi cum populo, & illi sacramenta distribu-  
Quid sit sedere ad dexterā Patris contra vbi quitarios.  
Qui olim electi gebantur in sacerdotium.



re sacerdotes sibi per ordinem succedebant altaribus siue mensæ Domini (erat. n. tantum vna mensa siue vnū altare) oblationē facturi & oraturi pro populo, reliquis siue episcopis (si qui forte cōuenissēt) siue monachis, siue presbyteris de manu præsidentis Eucharistiā per ordinē accipientib. deinde eos sequente populo. Id quod sa-

*Olim tēpore Amb. & Nicæni Cōcilij vna tantū erat mensa siue altare in eccle. & unus qui inde sacramēta distribuebat reliquis Eucha. de manu eius per ordinem accipientibus.*

tis liquet ex 14. canone Concilij Nicæni vt primi, ita & antiquissimi & sanctissimi, habet autē sic. Peruenit ad sanctū concilium quod in locis quibuscūq; & ciuitatibus Diaconi sacramenta porrigant presbyteris. Hoc neq; regula, neq; cōsuetudo tradidit, vt hi qui offerendi sacrificij non habent potestatem, his qui offerunt, corp⁹ Christi porrigant. Sed & illud innotuit, quod quidam Diaconi etiā ante Episcopos (vide quanta humilitas in Episcopis illius tēporis) sacramēta sumunt. Hæc omnia amputentur, & accipiant secundū ordinē post presbyteros ab Episcopo vel presbytero sacrā cōmunionē. Hęc Canō. vnde collige an fuerit tunc tēporis Missarum pluralitas vno & eodē tēpore in vna & eadē ecclesia, cui libet subijcere & 20. Canonem, vt omnes videant an tunc Eucharistia habebatur pro Deo cui oportebat genua flectere. Quoniam, inquit, sunt in die Dominica quidā ad orationē genua flectentes & in diebus Pentecostes, propterea statutum est vt consona per omnes ecclesias consuetudo seruetur, vt stantes ad orationē Domino vota reddamus. Sed redeo ad institutū. Dico igitur quod si tales sacerdotes eligerentur vera pietate conspicui, & vulgari

*Olim stātes offerebant sacrificium.*

idiomate sic celebraretur mysterium Eucharistiæ, si sanctitas faceret monachos non impudens mendicitas, si doctrina non avaritia, si ieiuniū & labor manū nō otiiū aut culina, mox cerneremus pulcherrimā ecclesiæ faciē citra scandalosā (vt sic dicā) rerum innouationē. Alioqui vnū præstat in singulis esse pastorē ecclesijs cū pari & si dei & sanctitatis diacono ad Christi gloriā, quā tot sacri  
legos



legos sacerdotes ad horrendā illius cōtumeliā. Sed rur-  
sus audiamus August. Quid, inquit, tam aptū huic im-  
molationi quā caro mortalis. En audis lector, quod cū  
carne nostra, quæ offertur vt suscipiatur, offertur caro Chri-  
sti mortalis, id est non secus commemoratur & præsen-  
tat deo Christus ac si hodie pateretur & esset in cruce.  
Sic orat & offert Ambrosius in quadam oratione ad al-  
tare dicens. Respice ergo sancte Pater de sanctuario tuo  
& de excelsō coelōrū habitaculo, & intuere hanc sacro-  
sanctam hostiā, quā tibi offert summus Pontifex Iesus  
Christus pro peccatis fratrū suorū, & esto placabilis su-  
per multitudine malitiæ nostræ, quia vox sanguinis filij  
tui clamat ad te de cruce. Respice in faciē Christi tui  
tibi obediens vsq; ad mortē fuit. Intuere hunc natū tuū  
toto corpore extensum, cerne manus innoxias pio ma-  
dentes sanguine, vt memor sis, quantā satisfaciōnē su-  
sceperis ab eo pro nobis, remittas nobis placatus sceler-  
a quæ perpetraverunt manus nostræ. Considera iner-  
me latus crudeli perfoßum cuspide, & renoua nos sa-  
cro sancto fonte, quem inde credimus fluxisse. Aspice  
carnis filij tui in cruce pendētis sacramentum, & re-  
mitte carnis nostræ peccatricis delictum &c. Memo-  
ria est igitur (vt audis lector) oblationis factæ non ve-  
ra oblatio, memoria est carnis, non vera & ipsissima  
caro Christi, quam sub specie panis repræsentas, est  
que vt (ait Augustinus) significans mysterium non veri-  
tas carnis realiter siue actu (non nego quin virtute) præ-  
sentis. Eius rei vt tibi indubitatā fidem faciā, audi Aug.  
contra Iudæ. cap. 1. Nunc, inquit, manibus non offerim⁹  
carnem sed corde & ore offerimus laudem. Audis mi  
Lindane? & adhuc non tibi persuadebimus? Sed persua-  
debit opinor sequens Aug. dictum cōtra Faustū lib. 20.  
cap. 21. Caro, inquit, & sanguis nostri sacrificij (de mēta-  
li sacrificio intelligit) in veteri lege per victimas polli-

*Caro Christi  
offertur in cœ-  
na sed adhuc  
mortalis. i. non  
secus presenta-  
tur patri ac si  
iā moreretur  
et esset in cruce*

*Oratio Ambr.  
ad altare di-  
gna quæ reci-  
tetur populo à  
ministris.*

*Nota hunc Au-  
gustini locum  
lector.*



cebatur, in passione Christi per ueritatem reddebatur, hodie in nostro altari per sacramentum memoriae celebratur: Et quid nunc habes quod tergiuerferis mi Lindane? en claris uerbis quod in sacramento celebretur memoria carnis Christi, in cruce autem ueritas. Cur igitur proponis memoriae sacramentum adorandum tam sacrae theologiae magister? Cur suades populo ut ipsum Christum siue carnem eius cum anima ore & dentibus premant, in stomachumque demittant ad sui nutritionem, horrendi facinoris author? Es magister in Israel (parce uerbis & zelo) & haec ignoras? Es homo & ad eiusmodi facinora non exhorrescis? Audio quid dices. Dominus tamen praecipit dicens, Accipite, manducate, hoc est corpus meum. At cur non audis Cyprianum qui monet Lib. de unctione, ut inquiramus quomodo panis ille dicatur Corpus Christi? tunc respondebit tibi Tertullianus, quod sit figura corporis licet non inanis. Clemens Alexandr. quod sit Temperatura vini & uerbi. Origenes, quod sit uerbum de deo uerbo. Theo-

*Mirum est quod oēs isti patres quærunter fugia, et non simpliciter dicunt quod sub accidentibus panis latet inuisibiliter totus Christus, si uerum est quod dicunt Pōtifficij.*

do. quod ideo dicitur corpus, quia panis addiderit suam gratiam dominus. Idem Epiphanius, idem August. uidebitis, inquit, quod gratia eius non consumitur morsibus. Audies à Neocoesariensi quod sit imago carnis Christi impleta spiritu sancto. A Chrysostomo quod sit aliquid intelligibile, inuisibile & impalpabile. A Theophylacto, quod sit uirtus carnis Christi. A Gelasio quod sit panis diuinus. A Nysseno quod sit panis cui unitum sit uerbum. A Damasceno, quod illi coniuncta sit diuinitas. A Cyrillo in catech. quod sit panis quidem, sed non nudus aut simplex, sed cum eo diuinitas. Ab eodem ad Calosyr. quod Deus infuderit in eum vim uitæ. A Cypriano quia in illum infusa est diuinitas mirabili modo. Ab Ambrosio quia est similitudo carnis, aut quia est cum eo diuinus spiritus. Ab Emisseno, quia est panis cuius substantia



substantia propter presentiam maiestatis diuinæ sit mutata in melius. A Rabano quoniā est character siue figura carnis. A Nazianzeno quia est figura figuræ & magni figmentū Dei. Ab Ambrosio quia creatura solemnis. Deniq; ab omnib. quia sub figura panis, occulter (tantū habebis ex me) figurā siue sacramentū carnis Christi, vt diximus ex Beda. Demū quod in pane adsit veritas carnis Christi non tamen vera caro & formata, vis illius nō caro ipsissima, & substantia etiā eadē natura cum carne Christi, non eadē numero. Proinde quando probaueris quod sit panis, in quo habitat omnis plenitudo diuinitatis corporaliter, quodq; à Deo assumptus sit in vnitate personæ, agnosca eū pro Christo. Interea tu digito ostēde alijs Deū tuum, nos cū Hieronymo Deum in corde nostro reconditū adorabimus. Nunc vt finē dicendi de missa aut sacrificio faciam, licet non velim reiſci neque reiſciā oblationem visibilis sacrificij, veritatis & vniuersalis antiquitatis cultor, nec superstitiosus exigam (quādo à charitate poterit extorqueri) vt inani, periculoso, & non intellecto ritu panis sursum supra ministri caput eleuetur. Cuperem tamen vt & minister, & populus ante bene ex suis catechismis edoctus, pro precarij sacrificij sui oblatione, deorsum primò ad humilitatis & se-

*Adiaphorū est  
eleuare vel nō  
eleuare Euch.  
supra caput,  
modo populus  
sit bene instru-  
tus de sacrificio.*



manifestum Dei voluntatisq; diuinæ contēptū. Intueatur in illius effuso sanguine amorē in nos & charitatem incredibilem & discat re, non uerbis diligere & Deum & proximum. Deniq; ubi cō peruenierit ut meditetur, q̄ innocens Iesus atrocissimo mortis genere fractus uitā cum sanguine profudit pro delēdis mundi peccatis: hic ueluti extra sese raptus, admiretur immensā Dei misericordiā, & profusis poenitētiæ lachrymis quib. omne peccatum, quod sibi meditati occurreret in hoc sanguine demergat, & sic mortu⁹ sepultusq; peccato cū Christo, rursus fide & dilectione in uitæ nouitatem cū ipso resurgens, & mēte sursum in cōlo cōscendens, illinc sibi in hoc uisibili sacramento apparatū ueluti ē Iesu mammillis diffluentē Angelorū panē & corde fideli & ore suscipiat, deinde dilectione & calicē Spiritus S. & poculū bibat charitatis, vnde recuperata ueluti iuuentute, nouū corpus indutus, noua veste decoratus & annulo, in gratiarum actionis Eucharisticūq; sacrificiū iugiter erūpat. Aequum est. n. ut qui imaginē agni celestis in hoc sacramento suscepimus, facti nunc per eam imago Dei, eādem imaginē Deo Patri & conspectu gratissimā, & munere iocūdisimā, in nobis semper offeramus beneficij memores, ut cūm uenerit mane illud quod uesperū nō habebit, non amplius offeramus imaginis Agni sacrificium, sed ipsum Agnum. De quo etiam Ambr. lib. 4. officiorum cap. 48. sic ait. Olim agnus offerebatur, sed nūc Iesus offertur ut homo & sicut recipiens passionem, & offertur per seipsum: nam est sacerdos ut tollat peccata. Hic in imagine, illic (scilicet in cōlo) in ueritate, ubi ipse est ordinatus pro nobis intercessor apud Patrem. Percipit hinc christianus (opinor) quod nec in pane nec sub pane realiter offertur Christus, aut offerri præcipitur. Quomodo ergo dices? in imagine respondeo, non intelligibili tantū ut est in pane, sed magis in uisibili, hoc est,

*Christus offert  
se in cōlo pro  
nobis in ueritate  
& realiter,  
nos hic eū offerimus in imagine uel in pane  
Eucha. qui*



in te. Nam si sumis ea fide qua debes Eucharistiam, obtinebis id quod est ad imaginem Dei, licet non secundū æqualitatem sed per gratiam pro portione tuæ fidei & dilectionis. Sic factus iam quædam imago Dei & veluti Christus alter, post tam sacram cœnam hymno dicto, iubemur à Paulo ad gloriā Dei cuius beneficio sumus id quod sumus, offerre Deo Patri corpora nostra hostiam viuam, quæ nimirum viuificantis verbi alimoniam susceperunt, mundam & sanctam per Christi sanguinē & Spiritum S. Propterea dixit Christus. Accipite, manducate, & postea facite. Nota lector ordinem, quem nescio an bono zelo inuerterit antiquitas, quæ facit panē, hoc est (vt ipsi accipiunt) offert priusquam comedant. At si ordinem verborum sequaris, prius comedendum esset sacramentum, deinde offerendum, sic foris nullum esset visibile sacrificium sed totum in nobis, iuxta Paulū: Offerre corpora uestra Deo hostiā sanctam. Sic Petrus iubet nos offerre spirituales hostias. De panis & vini hostia nusquam leges in scripturis, immò neq; in patribus nisi ea ratione offeramus panem & eiusmodi uisibilia, quæ Irenæus uocat creaturas, ut non appareamus in cōspectu Dei aut uacui aut ingrati. Hæc cū oblata cedant in alimoniā pauperum, & admoneāt populū sui officij, suq; mentalis sacrificij pulchrum esset, & morib. antiquorū consonū, ut ab Euāgelicis reuocaretur in usū. Id q̄ fit (ut apparet) quando post aut ante concionē colligitur eleemosyna, à singulis pro suo arbitrato & facultatibus oblata. Nunc siue animi tui gratitudinem testeris corā Deo immissa in ærariū ecclesiæ pecunia, siue pane fructib. horarijs, panno, aut tritico quod ueteres passim obseruabant, nōne idem est? Proinde modò omnia bene inculcentur populo, ne cui in posterum aliqua scrupulositas animo hæreat. En subiūcio morem sacrificiadi usitatū tēpore Apost. ut sciat lector, non displicere Deo

*est eius im-  
gel in nobis,  
qui etiam su-  
mus eius ima-  
go.*

*Euangelici cœ  
nam celebratu  
ri dani singuli  
suam eleemosy  
nam in ærariū  
pauperū quæ  
est illorum ob  
latio sed oportet  
eos eius  
rei sæpius mo-  
nere, quidnam  
illa oblatio in-  
dicet.*



*Iustini missa  
obseruata ab  
Apostolis ut est  
uerisimile, con  
sona cū ea quā  
hodie celebrāt  
Euangelici mo  
do ad spiritua  
lē liturgiā di  
scāt assurgere.*

cum qui hodie ab Euangelicis obseruatur, utpote qui ad illum accedat quā proxime, de interiorib. iudicabit Deus. Audiamus ergo Iustini Martyris sanctissimi verba quæ extra omnem controuersiam sunt eius. Die solis, inquit, omnes conuenimus cū ihs qui in agris sunt in vnū locū, commentariaq; Apostolorū vel prophetarum leguntur quāmdiu res patitur. Deinde vbi is qui legit destitit, is qui præest (pastorē siue ministrum intelligit) fratribus (vbi obsecro tunc erant laici, vbi canonici, vbi patriarchæ?) admonet & hortatur (ecce concionem) ut ea quæ lecta sunt bona imitemur. Tū surgimus omnes ac simul (ecce cōmunes preces) precamur. Sub finē precū nos osculo salutamus (nō exhibet lignēā imaginē osculandā) deinde ei qui præest offertur panis & vinū tēperatum (non vides hic altaria?) accepit, laudē & gloriā omniū parenti, filij, spiritusq; sancti nomine tribuit, gratiasq; ei diu agit, q̄ ab eo his dignus sit habitus. Quibus rectē peractis precib. & gratiarū actione populus omnis qui adest acclamat Amē. (siebat ergo totum nota omnib. lingua) Postquā autem is qui præest gratias egit & populus omnis cōprobauit, ij qui apud nos diaconi dicuntur, nota hoc in diaconis, dant vnicuiq; qui adsūt percipiendū panem & vinum (vide an communicabant sub vna specie) quæ cum gratiarum actione consecrata sunt, & ad eos qui absunt perferunt. Atque cibus hic apud nos Eucharistia nuncupatur, qua nemini participare licet, nisi ei qui & vera esse credit, quæ nos docem⁹, & ita uiuit ut Christ⁹ tradidit (istud hodie pro dolor vix obseruatur). Et hūc panē (nota cōtra eos qui panē Euch. pro signo aut nuda figura habēt tātū) nō ut cōmunem cibū accipimus: sed quēadmodū per Dei uerbū homo factus Iesus Christus carnē pro nostra salute habuit, sic hūc cibū qui cōsecrat⁹ est p̄ preces sermonis (orationē Dominicam intelligit teste Grego. Magno) quem ab eo  
accepi-

*Diaconi tēpo  
re Iustini da  
bant Euch. qui  
tamen nō erāt  
sacerdotes.*



accepimus, & ex quo carnes nostræ commutatione a-  
 luntur, carnem Iesu Christi esse accepimus. Postea con-  
 cludit dicens, Quibus copiæ suppetunt, si volunt, suo  
 quisque arbitrato quod vult largitur, id autem totum  
 apud eum qui præest reponitur. Isque pupillis & viduis  
 & quos morbus aliæque causa inopes facit, & ijs qui in  
 vinculis sunt, & hospitibus, omninoque omnibus, qui  
 aliqua necessitate premuntur, subuenit. Hæc, Lector,  
 ideo proposui, vt videres quæ fuerit facies primiti-  
 uæ Ecclesiæ, & conferas cum ea quam vides apud Pontifi-  
 cios, licet nō statim sit malum, quicquid in Iustino non  
 inuenitur. Saltem discis hîc, quod in primitiua Ecclesia  
 populus in templo legebat & audiebat voce nota ipsas  
 scripturas, etiam ipsi rustici & agricolæ. Vides, quod pa-  
 nis & vinum consecrata illis dabantur in manus, quod  
 habebatur concio in omnibus conuentibus, quod om-  
 nes excludebant à communione hæreticos, & scele-  
 ratæ vitæ homines, & quicumque non vixissent vt Chri-  
 stus docuit, denique quod obtulerint eleemosynam ve-  
 luti pro externo sacrificio, fidei propriæ & charitatis te-  
 ste. Nūc iudica Lector, an admissuri fuissent, Papas cum  
 sua pompa, Cardinales, Abbates, Patriarchas, Archiepi-  
 scopos, Archidiaconos, & eiusmodi (vt hodie sunt) lar-  
 uas nominum. Interim vides, quod boni viri qui adni-  
 tuntur suis scriptis & concionibus homines trahere ad  
 talem vitæ sanctitatem, talem religionis simplicitatem  
 ad vnius parentis omnium Dei cultum, quomodo, in-  
 quam, tales homines trahuntur ad immaniissima sup-  
 plicia. Sed dices, meritò hoc illis fit, quia hoc quod hîc  
 affirmat Iustinus, Calvinistæ negant, nimirum quod pa-  
 nis Eucharistiæ sit caro Christi. At modestius loquere  
 obsecro, & adsis mi Lindane, & siste mihi hîc doctum a-  
 liquem Calvinistam (sic enim eos honoris gratia audeo  
 nominare) siste hîc mihi, inquā, coram te vel ipsum

*Sola prece Do-  
 minica conten-  
 ti erant Apost.  
 in consecratio-  
 ne Euchar. nā  
 Canonē Missæ  
 cōposuit scho-  
 lasticus quidā.  
 Greg. Magnus  
 Epist. lib. 7.*

*Calumnias ini-  
 quas contra  
 Calvinistas.*



*Quilibet Chri-  
stianus est cor-  
pus Christi.*

*Eucharistia est  
nutrimentum  
fidelium.*

*Propter chari-  
tatem multa to-  
leranda sunt.*

Petrum Martyrem Italum illum, piæ memoriæ. Roga ab eo, an non credat, quòd puer iam baptizatus sit, & repentè factus sit caro de carne Christi, & os de ossibus eius, deniq; an non sit corpus Christi? Respondebit, sat scio, quòd credat. Pete rursus ab eo, an non ista mutatio cõtigerit in hoc puero ex eo quòd iam sit in eo S. S. siue Deus, non per generalẽ præsentiam diuinitatis, sed per specialem habitationis gratiam, dicet opinor, quòd sic. Perge rursus, & dic, Ergo puer hic cõstat ex terrena materia & cœlesti? Verum est, dicet. Agè ergo, dices, si hic puer debet nutriri conuenienti cibo naturæ suæ, quis nam erit ille? Eucharistia respondebit, nam teste Ireneo tuo constat ex materia terrena & cœlesti, apta ( vt etiam hic dicit Iustinus ) ad nutriendum eum, qui est caro Christi. Ergo diceres, Caro sacramenti est eiUSDẽ generis siue naturæ cū carne pueri? Maximè, respondebit Martyr. Ergo, adijcis, cū nutrimentũ idem sit potētia cum suo nutrito, sequeretur, quòd iuxta nostrũ dogma Eucharistia, quę nutrit puerum, esset caro pueri. Sic est dicit. At Eucharistiam dicimus esse Christũ, ergo puer esset Christus? Ita est, ait Martyr. Sed puer non est caro Christi, nisi per gratiam siue per participationem, ergo nec Eucharistia. Reuera sic est, ait. Sic sequeretur, quòd quia puer non est Christus siue corpus Christi, nisi veluti per adoptionem, & proinde non adorandus, sic nec Eucharistia. Rectè infer, Proinde sumus omnes damnati, qui hætenus aliter docuimus? Nescio, mi Lind. quid ad hanc conclusionem respondeat Petr. Mar. ita deplorat vestrã cecitatem. Desine saltẽ iacere in posterũ conuicia. Redeamus ad oblationẽ panis & vini, quã vt non omnino improbamus, ita dico, qđ si Euangelici ordine à Christo præscripto incedunt, & prius comedunt panẽ Domini vt iubet Dominus, deinde vno ore, vno animo & cantu gratias agunt, seseque offerunt in posterũ Deo  
ad



ad omne obedientiæ sacrificium, deinde suam animi in Deum gratitudinem, & in proximum amorem eleemosyna pro portione facultatum in pauperes erogata testantur, non video cur aut quare reprehendantur. Non dixit igitur Christus (forſitan) Facite ante Comedite, vt ſciamus nos non placere Deo antequam ſimus reconciliati, & nulla noſtra opera valere ad ſalutem ante iuſtificationem. Dixit proinde Comedite ante Facite, vt ſcias te debere eſſe corpus Chriſti, priuſquam illi offeras tuum corpus, vt noris (cum Auguſtino) te debere eſſe ſanctum & iuſtum, priuſquam ſanctitatis & iuſticiæ offeras ſacramentum. Alioqui quàm ridicula eſſet eleuatio panis, niſi ſimul eleuetur in Deum fide & charitate fulgens cor hominis? Expectent proinde certum, ſi non repentinum, exitium & damnationem ſacerdotes ſiue miniſtri ſacræ Domini menſæ præſidentes, ſi audebunt ſe ſiſtere Domino ad altare, fidei verè precibus oblaturi Deo, diſtributuri populo, & ſumpturi illius ſanctiſſimum corpus, niſi fuerint antea Chriſti corpus. Horreſcant (niſi omnem ſenſum perdiderunt) caſtita- tis, ſobrietatis, charitatis, vnitatis, offerre Deo Abraham & eius filijs Chriſtiano populo ſacramentum, niſi in ſe ipsis exprimant ſacramenti veritatem. Comedamus igitur prius Chriſtum fide, excitati per verbum ad recodationem beneficiorum eius, ad paſſionis memoriam, quam Deo patri deinde offeramus ad recodilationem Poſtremò vitam & ſpiritu in ſacramento viſibili ſuſcipiamus ad nutritionem noſtri & gratiarum actionem. Aequiſſimū enim eſt, vt cum comederimus mel de petra Chriſto, ſic quoq; facti pingues ab vnctione S. ſancti, offeramus nos (memores beneficij) indefinēter Deo, in ſempiternū gratiarū actionis & obedientię ſacrificium. Hinc verè dixit Aug. de Ciu. dei, l. 10. Verus ille mediator Dei & hominū, in quantū formā dei accipiens ſacrificiū

*Adhortatio ad  
omnes eccleſiæ  
miniſtros pia,  
ſed horrenda  
aliàs.*



*Christus nunc  
in cælo mauult  
accipere sacri-  
ficium quæsse,  
ergo Euchari-  
stia oblata non  
est Christus,  
sed est corpus  
Christi mysticu*

maluit esse quàm sumere, nunc in forma Dei mauult sumere quàm esse? Quid ad hæc dicis mi Lindane? Audisne quòd Christus mauult sumere sacrificium quàm esse? Effet autem, si Eucharistia quam offertis esset ipse Christus. Vult igitur à nobis accipere sacrificium, non ipsemet (quod semel fuit) esse sacrificium, hoc est, mauult nos mūdo crucifixos & mortificatos videre quàm seipsum. Mauult iusticiam, quam acquisiuit fidelibus per crucem, in nobis videre quàm extra nos. Est quidem panis altaris corpus & caro Christi virtute & per gratiam, & proinde intelligibilis admirabilisque Christi imago. At tu, & quisquis es, qui panem dignè sumis, sis corpus Christi visibile, sensu & ratione præditum. Hoc igitur & simile sacrificiū, tum ante aram dum cœnam Domini celebramus, & vbique locorum, vult potissimum sibi offerri Dominus. Quoniam sicuti homini pio deliciæ sunt esse cū Domino, ita Domino est summa voluptas esse, non cum pane, sed cum homine iusto & humili, vnde est quod tam seriò dicit, Manducate, & Qui diligit me, ego & Pater ad eum veniemus, & mansionem apud eum faciemus. Christianus est, itaque qui Christum in Baptismo indutus quotidie poenitens, & salutaris poenitentię per fidem fructum apprehendens, aut in sacramento, aut sine sacramento occulto illapsu è cœlo, puris sursum leuatis manibus, rerum omnium conditori Deo gratias agit indefinentes pro sua redemptione per Iesum Christum. Hoc illud est iuge sacrificium Prophetæ, quod à Solis ortu vsque ad occasum offertur Deo in omni loco, non solùm in templo, pane & vino designatum. Hinc beatus Martialis ad Burdegalenses. Sacrificium, inquit, Deo creatori offertur in ara, nec solùm in ara sanctificata, sed vbique gentium offertur oblatio munda. Eius nimirum corpus & sanguinem offerimus, quia Deus spiritus est, & eos qui adorant, oportet

*iuge sacri-  
ficium quale sit.*



portet in spiritu & veritate adorare. Audis mi Linda-  
ne? Siue enim in templo, siue in campo Christianus se-  
se offerat Deo, Christum offert, quoniã adoptione Chri-  
stus est, de quo dicitur, Nolite tangere Christos meos.  
Offert quidem Christianus Christum in pane, sed gra-  
tia, potentia, & virtute præsentem tantum, non forma-  
liter, neque enim habet Eucharistia formam hominis,  
sed cum seipsum offert Deo ad obedientiæ sacrificium,  
& gratiarum actionis, siue id faciat in templo, siue in cam-  
po, offert Christum reipsa, nimirum seipsum, licet in i-  
magine, non in veritate, quia ipse reuera Christus non  
est, nec filius Dei per naturam. Interim semper in se of-  
fert fide Christum ipsissimum: at sese offert vt suscipia-  
tur, Christum verò, vt propter ipsum suscipiatur. Quam  
distinctionem, quia excæcati ob ambitionem & infan-  
da scelera Pontificij non animaduerterunt in Patribus,  
factum est vt signa pro rebus à tot seculis adorauerint,  
& coluerint imaginem (quæ interdum, vt ait Augustin.  
& Cyprian. de Vnctione, nomē accipit eius rei, cuius est  
imago) pro veritate. Quocirca vt finem imponam, non  
solum sanctificatus panis & vinum ad altare, sed & ora-  
tio est, cor & spiritus fidelium cum eleemosyna, verum  
illud sacrificium & iuge, de quo locutus est Malachias.  
Sic intellexit Hieronymus, sic Tertullianus, venturū ni-  
mirum tempus, quo Christiani non in Palestina, sed in  
toto orbe, non cruentas, sed spirituales immolaturi es-  
sent hostias. Et hoc pulchrè innuit Chrysost. in Matth.  
Hom. 40. operis imperfecti, inquit. Christus per suam  
doctrinam tulit de medio iuge sacrificium Iudæorum.  
Nam dicitur tribus annis & sex mensibus docuisse, qui  
numerus facit dimidium septem annorum, vt illud sa-  
crificium, quod iugiter fuerat in vsu, tolleretur de me-  
dio, & offerretur sacrificium laudis in voce, sacrificium  
iusticiæ in operibus, & sacrificium pacis per Eucharis-

*Christus offer-  
tur in pane es-  
Christianus,  
hic ut suscipia-  
tur, ille ut pro-  
pter eum susci-  
piatur.*

*Sæpe in scri-  
pturis imagi-  
nes accipiunt  
nomina rerum  
quarum sunt i-  
magines.*

*Christus abstu-  
lit iuge sacrifi-  
cium Iudæorum.*



stiam. Hæc ille. Et vbi nunc est sacrificium illud reale corporis Christi, quod nobis obtrudis, mi Lindane? Esto, offertur sacrificium pacis per Eucharistiam, ergo Christus totus est in Eucharistia? Quin potius dic, Deus propter Christum, cui per fidem adhæremus, sese nobis coniungit, & quasi pace inita nobiscum verè habitat per præsentia Spiritus Sancti: Ergo cum nos offerimus Deo, siue cum Eucharistia, & in ea & in nobis pacis symbolum offerimus. Quapropter (modò populus bene instituatur, & sciat, quòd oblato pane ipse est qui offertur & offerre se debeat Deo, idque vt suscipiatur propter meritum passionis Christi pro se in cruce pendentis, & pro remissione peccatorum suorum sanguinem fundentis,) agè (cum venia dico) Esto (vt inquit Chrysostomus in Matth. Homil. 4.) hostia Christianorum per solos sacerdotes quotidie visibiliter offerenda in Ecclesia, si, eaque pura, de qua loquitur Malachias. Prima quidem, Eucharistia, quæ non in se sed in mente offerentis tam populi quàm ministri, passionem Christi & Christum in cruce pendentem repræsentat: quæ in fide & charitate offerenda est Deo, vt inde reddamus eum nobis pacatum, vnde sacrificium propitiatorium dici potest. Secunda est illa in hac quoque designata, de qua Paulus, Offerte corpora vestra hostiam viuentem Deo: & sunt omnes sancti & fideles, tam defuncti pro quibus gratias agimus Deo, quàm viuētes, quibus bona & corporis & animæ necessaria precamur. Tertia hostia est precum & orationis. Quarta laudis. Quinta iustitiæ. Sexta eleemosynæ. Septima in iubilo. Octaua in spiritu contrito. Nona in Euangelij prædicatione. Decima in fructificatione. Hæc Chrysostomus. Quæ sacrificia paucis comprehendes in Precario & Eucharistico. Hoc enim aguntur gratiæ, illo petuntur indulgentiæ. In vno pane offertur Christianus & Christus. Ille vt suscipia-

Quo intellectu  
Eucharistia sit  
iuge sacrificiū.

Quot sacrificia  
Christianorum.



cipiatur in gratiam. Iste vt Christianus propter ipsum  
 suscipiatur. Ille se offert in pane humilitate qua po-  
 test fide & charitate, Iste reddit se illi in pane adfe-  
 rens augmentum nutrimentumque fidei, humilitatis,  
 charitatis, sanctitatis & iustitiæ, quibus ille satiatus eru-  
 stat in actionē siue sacrificium laudis & obedientiæ  
 studium: Id quod cū desinent homines facere vide-  
 rint qui alterutrum omittunt, tunc & cessabit (opinor)  
 iuge sacrificium, & instabit magnus ille dies domini.  
 Quum desinent inquam offerre sacrificium non in si-  
 gno tantum, sed magis in signato. Quando scilicet, de-  
 sinent homines obedire deo quod est verè manducare  
 carnem Christi spiritualiter. Christo quoque credere  
 & ecclesiæ quæ in scripturis requirenda est (inquit Au-  
 gustinus) tum eum diligere in proximo, quod est calicē  
 bibere. Tunc igitur veniet Christus ad iudicandū Anti-  
 christum, non cū desinent homines imitari Christū  
 in celebrāda foris cœna Domini, sed cū desinent quē-  
 admodum ipse ambulauit, ita & ipsi ambulare. Quādo  
 mortificationē quidē carnis bene annuntiabūt, sed in-  
 terim se non mortificabunt. Quando virtutes Christi  
 diligenter enumerabunt, liberalitatem, sobrietatem, ca-  
 stitatem, iusticiam, patientiam, obedientiam. Ipsi inte-  
 rim permānebunt in sua ebrietate, auaritia, luxuria, fa-  
 stu, superbia, garrulitate, odio, maledicentia, Annun-  
 tiabunt quoque, inuocabunt & forsitan suo modo ado-  
 rabunt crucifixum Iesum, sed qui ipsi nunquā suos pra-  
 uos affectus crucifigent aut crucifigere saltem imposi-  
 to sibi silentio, ieiunio, aut sacco, intenti orationibus &  
 eleemosynis, non magnopere attentabunt. Deniq; quā-  
 do omnes bene audient (vt hodie ferè fit) bibite, come-  
 dite, hoc est corpus, hic est sanguis meus qui effunditur  
 pro vobis, hæc habete ex mea liberalitate corporalia &  
 spiritualia dona, sed negligent ferè, omnes quod sequi

Quando iuge  
 cessabit sacrifi-  
 cium.

Eccle. in solis  
 scripturis re-  
 quirenda.

Ferè sic hodie  
 viuūt homines



tur, facite hoc in meam commemorationem. Id est of-  
ferte vos similiter Deo Patri ad omnem eius voluntatē  
implendam ex beneuolo & propenso corde. Effundite  
vestram charitatem in alios, distribuite bona vestra in  
egenos. Tunc denique veniet Dominus, quando per  
vniuersum pene orbē extincto igne charitatis, flagra-  
bit incendium odiū, dissidiorum, & impietatis. Haftenus  
& de Eucharistia & de sacrificio quantum & rei  
passa est difficultas & tenuitatis meae facul-  
tas. Omnipotenti deo soli honor & gloria  
per Iesum Christum vnicum mun-  
di redemptorem Pontifi-  
cem & mediatorem.

Amen.



Ob. 6. II. 3065



Об. 6, II, 3065 - 3071



